

Angular: Bible for 1 Corinthians, 1 John, 1 Peter, 1 Thessalonians, 1 Timothy, 2 Corinthians, 2 John, 2 Peter, 2 Thessalonians, 2 Timothy, 3 John, Acts, Colossians, Ephesians, Galatians, Hebrews, James, John, Jude, Luke, Mark, Matthew, Philemon, Philippians, Revelation, Romans, Titus
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matthew

Chapter 1

¹ Livu ri lasa ri Jezu Kistu, na ri Davi, na ri Ablon. ² Ablon zi Izaki ,Izaki , zi Jako, Jako zi Jura naamo ane re. ³ So Jura zi Tama zi Pere so zi Zera, so Perezi , so Esrom zi Aron. ⁴ Sô Arôn zi Aminadabi; sô Aminadabi zi Naasson; so Naasson; so Naasson zi Salmom. ⁵ So Salomô zi Rabe ra Boaz; sô Boaz zi ra Rute ra Obedi; sô Obedi ra Jesse. ⁶ Sô Jesse zi ale Davi; sô Davi zi Salomô ku mengai ixi ku tava ku Uria. ⁷ So Salomo zi Roboão; sô Roboão zi Abias; sô Abias zi Asa. ⁸ Sô Asa zi Josafa; sô Josafa zi Joroao; sô Jorao zi Uzias. ⁹ Sô Uzias zi Jotão; sô Jotão zi Akaz; sô Akaz zi Izekia. ¹⁰ Sô Izekia zi Manasses; sô Manasses zi Amom; sô Amom zi Josias. ¹¹ Sô Josias zi Jekonias, sô ane naamo re ni tempu kavu babilôniko. ¹² So depozi ri kavu babiloniko Jekonias zi Salatieli; so Salatieli zi Zorobabeli. ¹³ Zo Zorobabeli zi Abiude; zo Abiudezi Eliakim; so Eliakimzi Azor. ¹⁴ Zo Azor zi Sadoki; so Sadoki zi Akim; so Akim zi Eliude. ¹⁵ Zo Eliude zi Eliazar, so Eliazar zi Matã, so Matã zi Jako. ¹⁶ Zo Jako zi Zoze, ixi ome Maia, ixi ku nase Jizu, Samaru Kistu. ¹⁷ Ra moru ma turu ane lasà gina Ablon ate Davi kuin kuana lasa; so gina Davi ate kavu babiloniko kuin kuana lasà; so gina kavu babiloniko ate Kistu kuin kuana lasà ¹⁸ Zo naximetu ri Jizu Kistu sa xi: tava main rê Maia pa kasa ku Zoze, antiji pa ane sa zuntaru ê foi beru ku beba Supitu Santu. ¹⁹ Antô Zuze, ome rê, ku sa zustu, na ta meseê fa whangé wa, pensa di dêsê kondêru. ²⁰ So ê, ta ka pensa kua é, Zo ma wha anzudi Sun so plase ni sonho, to fa: Zozé, na ri Davi, na mendu tua Maia, mengai ô wha, punda kua ma é sa kue sa di Supitu Santu. ²¹ So é ka ba pari wha mosô, só bô ka sama nomi rê Jizu, punda é ka sava povo rê ni pekaru ane. ²² So turu kuê ka dá pà sa kumpiru kua ku foi faru ra Sunni katxi ane pofeta, ma fa: ²³ Zo ma wha vizi ka te bega, ka pari wha moso, so ma ka sama nomi re Emanueli, ma ka lè: Dêsu sa ku non. ²⁴ Zo ma Zoze kora sonho, zi mora anzu di Sum ta mandé, so é tua mengai rê. ²⁵ Ê na dume kue pê konsewha, ate ria ma neê pari wha mosô, so é pê nome Jizu.

Chapter 2

¹ Ala ma Jisu ta nansê ni Belem de Judeia ni tempo Alê Herode, E ni seberô de oriente de Jeruzalem, ² Fa: Andji ku Alê ku nansê de zudê sa né? Punda non bê estrela rê ni oriente, non bi gôgô kuê. ³ Ala ma alê Herode ndê kuê é tapaia, ku ane jeruzalem. ⁴ Herode zunta ane sacerdote ku mese ku povo: Punta nga ma kisto ka ba nansê né. ⁵ Sô ane fa: Ni Belem de judeia, punda é sa screveru ni profeta: ⁶ E bô Belem, tia de zuda, sê sa chonoro ni ome de poson de zuda, punda sê kabi ta nguê ni katxi sê ni Israel. ⁷ ⁸ Sô Erode, sama ane mago sê pa newã nguê ta, puté fa kuê ni ola ma tslela plasê. Ane ba Belem, Fa: Bé gôlô ku kuidado mosu xi ku nansê. Ala ma sê ka bê békue da un pa ngôgô kuê. ⁹ Má ané dé kua rei, estrela ixi má se bé ni oriente abe ate nga ma ina sa pé. ¹⁰ Olá má ané be estrela, ani tinha kua ku gosto. ¹¹ Ane letxa kai, ané bé ajuro é ku maior mamá re, ane kúku na gogô kuê ,ané bire tesouro ató de kua plezente oló, senso e minna . ¹² Deso lobua ni sonho pá na junto henodia wa ane bé nitia ane n oto moxa. ¹³ Ane tobe, unwá anjo sumó plase nizozé nisonho fam lata, fé mosso é kú mamane, bebé ni Egipto. wanonha ate nja fam herode sângolo nosso é pé kabakue. ¹⁴ Dia é me,jose lata, tua nossoé kú mamaré bekue ni egito. ¹⁵ Ané janha até noche da herode. kué mamá sumo fám n ome profeta. ni egito é sa ina rá. ¹⁶ Antô Herode, ala mê pia ma ane seberô ta ka ngnê, é tua leva. Ê manda mata turu na pikina belem de dosu anu, ane ixi, ni tempo mê ta puntaru ane magu. ¹⁷ Anto turu kua ma pofeta Jeremia fa kumpli loké, ku fa: ¹⁸ wã fa ma ndê ni Rama, suá fogaua; Rakel suá da ná rê, nêwã na jie ka boka wa, punda ane na tô sen wa. ¹⁹ Ala ma Herode muê, wã anzu Desu fa ku Zon ni sonhu;. ²⁰ Lata tua anzu é ku mama rê ba Israeli, punda nguê ta ka ngôlô motxi ná é muê bêrê za. ²¹ Sô é lata tuá mosu é ku mama rê bi tía Israeli. ²² Sô sô sô ala ma ê ndê ma Arkêlêu ta ka léna ni Judeia, ni ligué tata rê Herode, é ta tê mendu de banha; ma Dêsu ta fé ni sonhu é ba galileia, ²³ Ê ba vevia ni wã region Nazaré. Kumpli kua ma profeta ta faru, mê ka ba sa samaru Nazarênu.

Chapter 3

¹ Ni ane riaê, ta plase Zon Batista ka pega ni nga kutaru ri Zureia, ka fa: " ² Lependê sê, punda Lenu Osé sà pétu". ³ Punda ixi é sà nkeni ma ku pofeta Isaia ta ta fa: "So vozi sê ka ngta ni nga kutaru: 'Pepara mondja ra Sum, zi fimi ane mondja Rê'". ⁴ Zon ta ka bisi peli kamelu, so whã sintu manharu katxi rê, so mé rê foi satasata ku mèle sivesti. ⁵ Antô Zerusalem, ku turu Zureia ku turu kiba ôyô Zurdon ba lelê. ⁶ Ane ba butza ku Zon ni ôyô Zurdon , ka kofesa pekaru ané. ⁷ Ola ma é bê yô ane fariseu ku ane saduseu, bi lélê pa ane butiza, é fa an è: lasà kiôngô, ngei manda sê ngoló fuzi di leva ku sê ka kabi? ⁸ Ka zi kua kubuá ra lependimentu. ⁹ Na ka pensa ni fa ni katxi sé: Non tê Ablon mora tata non. Punda nga fa sê ma Dêsu ka poi zi na ra Ablon ate mesmo ku ane buru sie. ¹⁰ Zo masaru sa pêru ni lezi pó za. Turu pò ku na ka ra mê buaru wha é ka sa kotaru lansaru ni fogô. ¹¹ Nga butiza se ku aua ra lependidimentu, mazi Nge ku ka bi Zo aun sa maxi poderosu doke aun so aun na sa buaru ri kega sandalha Rê wha. Ê ka butiza se ku Supitu Santu só ku fogô. ¹² So apa sa ni mon Rê pa dipa turu iku Rê so pa zunta tigu ni amazem Rê , mazi é ka kema paia ku fogô ku na ka poi sa pagaru wha". ¹³ So Jizu bi fo Galileia ra ôyô Zurdon pa sa butizaru ni Zon, ¹⁴ ku turu mora Zon tenta pê nja, so fa:" Pan um sa butizaro ra Ô, sô Bô ka bi ra um?" ¹⁵ Jizu kudjiê só fa ré:" Zi kuê aiê, punda é sa buaru ra non kumpi turu ane zustisa". Antô Zon zi-Ê. ¹⁶ So ola é butiza, Jizu siê djandja ni aua sô má osé foi biriru diba Rê, so bê Supitu Dêsu ka dêsê mora wha pombo ndja diba Rê. So wha vozi bi fô osé fá:" ¹⁷ Yê sa Mosu Um amaru. Dê nga gôgô ku Rê fogawha."

Chapter 4

¹ Só Supitu bé ku Jizu wanga sê netxu ku ané só demonó povégué. ² Olá ê ta jisun ria kuarenta nsu ku ê sintxi fomi. ³ Demonó bi só faré. Si bô sa na Dêsu mandá buru ê bila npón. ⁴ Magi Jizu, kundji, faré Ê sá sisi kuaru; má na sá di npón só ka viviá homé wa magi di turu lumba ku ka siê boka Dêsu. ⁵ Só demonó bi kuê wa, poson santa pê wanga magi sangaru Nguêza. ⁶ Sô ê fé: "Si bô na Dêsu ulukua nguê bá kosi punda ê sá sisi karu: Ê rá ansu ré ô djê pa ê tua conta ô. Sô ê ka tê ô mó ré pa ôpé ô na rá pê buru wa. ⁷ Jizu fé: Ê te sa sisikaru. bô na pôi ngôlô ta kua ma Dêsu ô sá wa. ⁸ Ê tô bête kuê wa nga sagaru só mu sê turu govenu tia ê ku turu ngavé rê. ⁹ Ê fá Jizu: nga rá ô turu kua ê si bô pê npuna Sun basa hun tê rá uã. ¹⁰ Só Jizu fé: fô nguê demonó? Punda ô sá sisikaru: basa hun tê rá Sun Dêsu, ô Êle só bô ka gôgô kuê. ¹¹ Só demonó dêsé, só ané ansu bi siriô. ¹² Ola Jizu bi ma Zon sá pêsú, ê siê bá galileia. ¹³ Ê sie fô Nazaré ba ta ni Cafarnaum ku ka ta kota mionga Galileia, ni tia Zebulon ku Nafitali. ¹⁴ Kua ê rá disê kua ma ná lekaru má ka sama Isaia fa: ¹⁵ "Si tia Zebulon tia Nafitali, modja mionga ki basuru Galileia ané sintxi! ¹⁶ Pôvô ku ta kossi kulu bête wa kandja gairu, i ané nkenu si ku tá kosi, sombla motxi kandja i rê ¹⁷ Na diê, Jizu Komesa ka plega ka fá! lependê punda govenu ocê ka ê ka bi. ¹⁸ Sô ê ka ta ndá mionga Galileia, Ê bête dôssu namó Simon ma ka sama Peru, kua André ku ta lega lêlê ni mionga punda ané ta piscaró. ¹⁹ Jizu fará ané: Bi lêlê hun ngá ji sê pescaró homé. ²⁰ Ku seru ané desa vapó tata só siguiê. ²¹ Olá Jizu ta ka ndá ê bête otô dôssu namó Txiagu, na Zebedeu ku Zon. ²² Ané ta letu a vapó ku Zebulon tata rê só lêlê. ²³ Jizu lá turu Galileia tá ka xina sinagoga ané, ka plega kua novo di govenu ta ku kula turu mora molesta ku duetxi katxi pôvô. ²⁴ A fá kuari ê ni turu Siria, i ané nguê liku turu nkenu xiku ta ka duetxi ku turu molesta ku ta ka tometa ané: ku yô demonó lezaru palarizaru. Jizu kula ané. ²⁵ Yô nkenu ka tá lêlê fô Galileia, Decapoli, Jerusalem, Judeia e kibasu Ron

Chapter 5

¹ Ola Jizu bête yô nguê, banda mundu, tassó Rê, i ané maelu rê bi atê Êlê. ² Antó Ê biri boka rê i xina ané, tô fá: ³ Ku gosto sá poblí di Supitu, punda ané sa Lenu onsé. ⁴ Buaru sa ané nguê xatiaru punda ané ka ba sá animaru. ⁵ Buaru sa ané nguê mansu, punda ané ka ba leda tia. ⁶ Buaru sa nguê xi ku tê fomi i sêri de zustisa punda ané ka bi sa sasiaru. ⁷ Buaru sa nguê ku mizerikordiozo punda ané ka ba tê mizerikordia. ⁸ Buaru sa nguê ku tê kosón limpu punda ané ka bête Dêssu. ⁹ Buaru sa nguê ku tê paxensa punda ané ka ba sa samaru ná Dêssu. ¹⁰ Buaru sa nkênu ku sa pisiguiru punda zustisa, punda dy ané sa leno onsé. ¹¹ Buaru sa sê ola má nguê ka ofendê i pisigui, ô fá turu tipu di mali i fasidadi kontla sê punda sê ka sigui Un. ¹² Ta ku gostô i alegria, punda mémé sa rekompensa sê ni onsé. Punda mora é nkênu ka pisigui plofeta ku ka antigí sê. ¹³ Sê sa salu tia é, mazi si salu pendê gosto, má a ka sivi kuê dingui! Sô ê na ka sivi dô-ôto kua dingui wa, sô pa sê zugaru ta i sá du-mundu dá nkênu. ¹⁴ Sê sa kandja dy tia é, un-wa posón giru diba kolima na ka pô sa méma konderu wa. ¹⁵ Ny-wa nguê ka iêrê whã kandja i ka pê kosi di un-wa zonguê, mazi, ola ê, ka pê kandja é ierê ra turu ni kai. ¹⁶ Ky kandja sê ka iêrê wê nkênu, di taly mora ma ka bête kua buaru ka lova Tata nón ku sa ny onsé. ¹⁷ Na pensa ma An bi pa lokê ku Alê ô Plofeta ua, na bi pa lokê ku sê wa, mazi pa kumpli. ¹⁸ Sô ixi-é, verémé, nga fa sê, atê ma onsé i tia ka psa ny-wan pontu ô tili ka ba sá, di ny-wan mora, ka ba sa muraru ny Alê atê ku turu kua ka kumpli. ¹⁹ Sô kua kualí un-wa nguê ku ka kebia txoodódó di mandamentu i xina otô gi kuê é mé ka sa samaru txoodódó ny Lenu onsé. Mazi kua kualí un-wa ku ka lokê mandamentu rê i xina ka sa samaru mémé ny Lenu onsé. ²⁰ Kuê sô manda nga fa sê, si zustisa sê na exeder zustisa di eskriba i farizeu, di mora na ka letxa ny Lenu onsé. ²¹ Bo ndê ma fá ny djina-kulu: Ná mata-wa, i kua kualí un ku mata ka sa sujeitu a zugamentu, ²² Mazi nga fa sê ku kua kualí un sê ku ka sa ku leva kontla namó rê ka by sa sujeitu a zugamentu, i kua kualí ku ka fa namo: Bô sa un-wa maloko! Ka ba sa sujeitu i sê zugara ny tribula-ny kua kualí ku fa: Blutu-é! Ka bi sa sujeitu a fogô ra fénu. ²³ Sô si bó bête ku plezenti pa altar ni nha bô ka lembla ky namô ô kua kontla bô, ²⁴ dessa oferta ô nha, ni wê altar i bête pimbêlu gi pagi ku namo ô, sô bi mussa plezenti ô. ²⁵ Letxa ni akordu ku nguê ku akuza séru, sô bô sa kuê ni mondja pa tribunali, pa akuzarô rê na ra tanga ô da zuxi, i zuxi ka tangô ra ofisial, i ka zugô pezo. ²⁶ Veré mé nga fa ô na xiê nha antê bô ka paga ultimu xintosó ô. ²⁷ Bô ndê kua má fa: na zunta doussu mengai wa! ²⁸ Mazi nga fa sê kua kualí un wa ku ka bête pa un-wa mengai ku inteson mali sa ê gi adulterio kuê ni kloson rê. ²⁹ I, si wê dileto ka bête ku ô ka gi ku mali, txiê ta zuguê ta, punda sa maxi buaru un-wa nga ônguê ô muê dy ky turu nguê ô sa zugaru ni fenu. ³⁰ I si món ô dleitu ka bête ku ô gi kua mali, kotê zuguê ta, punda sa maxi buaru un-wa luguê onguê muê ki turu nguê sa zugaru ni fenu. ³¹ Sô a fa: kua kualí un-wa ku manda mengairê bête de un-wa kata di divorsio. ³² Mazi nga fa sê ky turu nguê ku ka бага ku mengairê, pê na sa punda imoralidadi sexual wa, ê ka zé un-wa bandira, y kua kualí ki kaza kuê, sô pê бага ka kometê adultero. ³³ Bô ndê kua ma fa ané nguê nakulu: Na zula fassu wa, mazi kumpli zuramentu sê da Sun. ³⁴ Aun nga fa sê ma Un na ka zula di né-wa kua wa: né da onsé, punda é sa tronu Dêsu. ³⁵ Né da tia, punda ô sa fimi di opé ô, né da Jeruzalem, punda é sa possó di mémé Alê. ³⁶ Na zula da ntê-ô wa, punda é na pô bila un-wa fita ntê pétu ô ziaru. ³⁷ Mazi lumba ô sa veré-veré ô inó-inó. Kua kualí kuê dô kê ié ka bi di malignu. ³⁸ Sê ndê kua ma fa sê: wê ku wê y detxi ku detxi. ³⁹ Mazi nga fa sê: na vugu ku nkênu mau wa, otô mora, kuakualí nkênu ku ka da ô un-wa suru pólo, tô dé otô kiba pólo també. ⁴⁰ Si nguê mêtê bête ki ô tribunali y tua tunika ô, dessa nguê i tua també kapa ô. ⁴¹ I si nguê obliga-ô nda un-wa milha, bête kuê dossú. ⁴² Da kua kualí ki pindji ô, y na bila mema ô da kua kualí nguê ki mêtê pindji ô kua pesaru-wa. ⁴³ Bô ndê kua ma fa: ngôgô ki nguê ô, i na ngôgô ku numigu ô wa. ⁴⁴ Ku turu kua nga fa sê: ngôgô ku numigo sê, i fa lasón da nguê ki ka vugu ku sê, dá bensón da bguê ki na ka ngôgô ki sê wa, ⁴⁵ Pa sê sa ná de Tata sê ki sa ni onsé, punda é ka gi soló bête nnê da nguê buaru y da nguê mali y ka manda suba da zustu y inzustu. ⁴⁶ Punda si sê ngôgô ku nguê, ka ngôgô ku sê sê kualí

Chapter 6

rekompensa nganha ku kué! Ê sa veré atê kobarô dy impostu ka zi kué mé! ⁴⁷ I, si sê fa mantxa da námó sê sô, kua sê ka zi ôtô! Ê na sa veré atê zintxi ka zi kué mé! ⁴⁸ Anto sa setu, mora setu de Tata sê Selestial.

Chapter 6

¹ Nó té ku ló ké vira nó, pa no na gi kua, pangué na boia no wá punda no na kua tua likéza ma, Deço te pé ra nó wa. ² Antó, ola no ka gimola nó na ka pó toka bozina mora outó ngué kaji le to nguéza ou ne mondja, pa turo ngué nguabé, magi a um ugafá cé éné tua recompensa éné za .

³ Magi ola mó kada gimola, na lega mó chi kero ta kua má mom deto so ka giwa.. ⁴ Pa gimola nó sa daro séguéro anto papa nó, ka bé séguéro, ka recompensa ⁵ Ola no ca fá ku deço no na ka pó sá mora ngué fingiro wa .punda éné ka disfarsa mora ngué so ca fa ku Deço ne leto ngueza e ne mondja kuçu, pa turu ngue be kua ma éné tua recompensa zo. ⁶ Magi ola nó ka fa ku Deço, no ka letcha ne karto, fissa potô fa ku tata no ku sa seguero, anto tata no ku ca be seguero, ka recompensa no. ⁷ Ola, nó ka sa fa ku deço nó na ca po sa pinagi Deço kua mé na mecéua, mora má éné gintxi ka gi ua punda éné ka kunda ma só ka ba ndé éne, punda kua e you fa ma éné só cafa. ⁸ Antó no na ka pó sa mora ané wa, punda tata nó ta wa ma nó mese antiji pa no pinj ele. ⁹ Antó fá lasó aci, tátá no wa sá oncé nome ó sa santo. ¹⁰ Bi wu reinu ó da no.ku vonté ka sa jiro ni tia, mora mó ji ni oncé. ¹¹ Dano hozé mpó nó kara ria. ¹² Pora nó divida, achi mora nó pora ngué ka devé nó. ¹³ Na lega no kié ne tentasó wa, magi livia nó né wé nimigo. ¹⁴ Chi no pora male ngue, tata no ku sa oncé té ka pora nó. ¹⁵ Magi chi no na pora malimgué wa, tata nó na ka pora no wa. ¹⁶ Kua nga fa, ola sê ma ji lejum, na ji mó nguê sa triste ni onguê, mora nguê fingiro ka ji wa, punda éné ka ji onguê éné pa ta ma éné sô ka jejua. Vêrê vêrê nga fa sê ma enê tê rekompensa za. ¹⁷ Antó, ola sê ka ji jajum un ji ntê ka, laba onguê sê, ¹⁸ Pa na mosa nguê mó sa, ji jejum wa, ma ji Tata ô sô ka pô ta. ¹⁹ Na zunta da nó likéza ni tia wa, andji trasa ki fêluza ka dané wa, andji ladlon ka invadié futé wa. ²⁰ Kua nga fa sê, luma likéza sê ni onsê, andji ma trasa né feluza na ka dané wa, andji ladro na ka invadié wa nê futé wa. ²¹ Andji ma likeza sê ka sa, sa ingué ka té côsô .ô ²² Wê sa kandja de ônguê non. Punda xi wê sa buaru, turu onguê non ka sa siaru de kandja. ²³ Maji, xi wê non sa mali, yuru onguê non ka sa xia de kulu. axi, xi kandja ku sa ni sê sa vêrê kulu, ngai fogawa kulu é. ²⁴ Nêwã nguê na ka pô xive dosu mészé wa, ô é ka sa mali ku wã gôgô ku ôtô. Ô é ka sa ku wã zeta ôtô. Non na ka pô xive Desu ku likéza wa. ²⁵ Aié awn ga fa sê: Na vugu ku vira sê wa, kua mé, kua bêbê, di turu kua ônguê ô kua ma non ka bixi. Punda vira na sa maxi ku mé wa, onguê non sa maxi ku ka bixi?. ²⁶ Pia bisu ni onsé: é na ka ximia wa ; é na ka kôîê wa, é na ka zunta wa, maji Tata sê ku sa Onsé ka da ané mé! Sê na sa maxi dô kê ané wa? ²⁷ Kualî sê ku, sa preokuparu, ka pô pê wã mindjira ni tempo de vira sê? ²⁸ Punda kua mô sa preokuparu u kabixi da? Pia éné xitu ku sa kampu, môra éné ka klêsê: Éné na ka tabawa, na ka têsê kabixi wa. ²⁹ Ma axi nga fa sê atê plopi Salomon turu likéza mê ta kué é na bixi mora wã éné wa. ³⁰ Desu bixi iku de kampu, ma non ka bê ozé, mungu a ka zuguéne ni fono, Desu ka bixi non, home de afé txo? ³¹ Só, non ka pô sa preokuparu de kua mé wa? De kua bêbê wa? Kua de kua ma non ka bixi wa? ³² Punda, éné zintxi ka ngôlô ané kua é Tata non ku sa Onsé ta ma mészé turu kua é. ³³ Maji ngôlô pimêlu Lenu de Dêsu ku justisa rê, turu kua é non ka bê. ³⁴ Maji non na ka pô sa preokuparu da kua mungu wa, punda mungu Desu tá. Punda kada dia tê mali rê.

Chapter 7

¹ Na zi zugameto pa a na zuga se wha. ² punda ku zugamento ma se ka zuga nkenu a ka zuga se mora e me, ku mora ma se ka mindji nkenu a ka mindji se. ³ Ra kuay ma bo ka ngolo txia yku ku sa whe, na amo-o, ma bo na ka ta ndjigi po ku sa plopi whe o wha! ⁴ Ma bo ka fa na amo-o: Dessa un txia iku ku sa whe-o so ma bo plopi sa ku ndjigi po plopi whe-o! ⁵ Fassu! txia ndjigi po ku sa whe-o so bo ka be klalu, pa bo txia kua ku sa whe na amon-otlebessaru. ⁶ Na ra kasso kua buaru wha ne na lukua me buaru ra poko, pa ane na piza ku ope so to bila ra se to me se wha. ⁷ Pindji a ka ra se ngolo, se ka be; bate a ka birie ra se. ⁸ Punda turu nkenu ku ka pindji ka tua; so nkenu ku ka ngolo ka be; Ra issi ku ka bate e ka biri. ⁹ So kualî ome, katxi se ma na pindji-e wha ndjigi mpo e ka re wha burru! ¹⁰ O si na pindji-e kike e ka re wha kiongo! ¹¹ So si se ku sa mafe, ta ra na se kua buaru, kuantu maxi, Tata se ku sa Onse, na ka ra nkenu ku pindjie kua buaru wha! ¹² So turu kua ma se ka messe pa nkenu zi se, se toka zie ra ane tambe; Punda ye so sa ale ku profeta. ¹³ Letxa potô petaru punda pota biriru, ngairu sa mondja ku ka dana-ngue loke, yo nkenu ku se ka la ne. ¹⁴ Mazi petaru sa potô so ku mondja ku mondja petaru ku ka be ku non vira so poko nkenu ku ka be. ¹⁵ Tua kuiraru ku fassu profeta, punda e ka bi ku kabissi ombo mazi vere vere e sa ukue ku fomi. ¹⁶ Punda kua ma e ka zi so se ka te. So a ka koie uva katxi pinha o figu lotxiga! ¹⁷ Mora e me, ma turu po buaru ka ra me buaru, mazi po poreru ka ra me poreru. ¹⁸ Po buaru na sai ku ka ra me poreru ne po poreru ra me buaru wha. ¹⁹ Turu po ku na ka ra me bueru wha a ka kote zuga pe fogo. ²⁰ So ny me re ma a ka te. ²¹ Ne turu nkenu ku ka fa Un: Sumu Sumu, ku ka letxa Govenô Onse, mazi ysi ku ka zi vonté Tata Un ku sa Ose. ²² Yo nkenu ka fa un die Sumu, Sumu, non na plofetiza ny nome Bo wha! Ni nome Bo non na kole ku demono non na zi yo milagli wha! ²³ So nga fa ane biriru: Na ta o wha! Fo kota Un, se ku ka zi pekaru! ²⁴ So turu nkenu ku ka nde lumba Un ku ka kundji ka sa mora ome ku ta kua to zi kai re diba buro. ²⁵ Suba sobe, aua matu tuka, sopua ventu ra pe kai e; mazi e na kie wha, punda e ta lemaru diba buru. ²⁶ Mazi turu nkenu ku ka nde lumba Un ku na ka kundji wha, ka sa mora ome dodo ku zi kai re diba nseke! ²⁷ Suba bi, aua matu tuka, ventu sopua ra pe kai-e so e kie; so baga loke. ²⁸ So e ra ma, ola Jizu loke lumba, ane nkenu ta biri bika ra kua ma E ta ka sina. ²⁹ Punda E ta sina mora nkenu ku ta turu kua e na sa mora fassu xefi wha.

Chapter 8

¹ Ola ma Jizu tuka fô monte, whã memé nguê Lêlê mema. ² Sô bi wã leproso pê puna uê Rê, fa: Sumuê, si Bô messê, bô pô kula wú. ³ Jizu sendê mó Rê sô tokê, fa: Aun messê, ta kularu. ndjandja ê foi kurado di lepra rê. ⁴ Jizu fa ndê: Pia na fa nkuwã nguê kuê wa. Lêlê mondja ô, ba mussa ané sarsedote sô da oferenda ki Meseji manda, mora wa testimonha da ané. ⁵ Ola Jizu letxa ni kafarnaum, wã soré bi Lêlê sô logué: ⁶ Sumuê, tabarou un sa pezu ni kai lesaru y mali fogawa. ⁷ Jizu fa ndê: Aun nga bé nga kulê. ⁸ Sô soré-é kundji: Sumu, aun na sa buaro pa ô letxa leto kai un wa, magi fa wa lumba sô tabarô un ka sa kularu, ⁹ punda an turu sa wã omé sujeito a sefi soré aun tê soré maxi bassu un. Nga, fa ixi bé, y ê ka bé, y ôto: Bi, y ê ka bi, y tabaro un: Dji kuê, ê ka djiê, ¹⁰ Ola Jizu ndê kuê, ta boka biriru é fa da ané nguê ta ka lêlê: Veré veremé Nga fa sê ki né ni Israiel aumbê nguê ki yô afê. ¹¹ Nga fa sê: Yô nguê ka bi ni Leste y també Oeste, ka tasso ni mesa ki Abron, Isaki ku Jako, ni Leno dy Onsé. ¹² Magi ané na di Leno ka sá zugaru ni kilembeka kiba lua, andji katê sua ku mé detxi. ¹³ Jizu fa da soré: Bé, axié mora ô kêlê, axié ka sá djiro ra-ô. Sô tabarô-é foi kularo ni horé-é mé. ¹⁴ Ola ma Jizu letxa ni kai di Perú, bê sogla ré detaru ku feble. ¹⁵ Jizu te mó ré febléé legue, so é lata komesa ka xive ané. ¹⁶ olá suku kubi, ané bi ku yo ngue ki demono tá ká kontrola da Jizu, só Elé txia ané supito ku wá lumba, só kula turo ané ki tá duetxi. ¹⁷ Di moréé, sé ta kua ki foi faro por Isaia, o profeta: Ê tua ni dibá Rê turu duéxi non só kega turo mali. ¹⁸ Sô Jizu bê yô nguê ni borô Rê, da ané intrussô pa né ba otô kiba ionga di galileia. ¹⁹ Sô wã eskriba bi tê kuê sô fa: Messe, aun nga lêlê-ô ba kualikere nga mô ka dé. ²⁰ Jizu fa dé: Ané lagaia tê vuvu, sô ané bisso di osé katê kama, magi Ná de Omé na tê andji pê ntê rê wa. ²¹ Otô ané maielo fa ré: Sumó uwara un pimelo be ba txia pai un. ²² Magi Jizu fa ré: Léle un, dessa ané mothi txia motxi rê plopi. ²³ só Jizu letxa ni wá vapô, Ané maielo Rê Lêlê. ²⁴ Antó bi wã memé ma tempo ni mionga, ni mora ki ané bossa ta ka kubi vapô, magi Jizu ta ka dumi. ²⁵ Ané maielo bi-lêlê sô ané koré-é, fa: Salvanon Sumu, non sa kuase muê. ²⁶ Jizu fa ané: Punda kuai sê sa ku mendu! Sê sa di pouko afê! Antó Elê sô lata, kêta ki ané vento ki mionga, sô plassê wã mema kamaia. ²⁷ Ané omé ta ku gosto fa: kali mora omé sa xié, ki atê mesmo mionga ku vento ka kundjiê! ²⁸ Sô Jizu ndu ni outô kiba, ni region di ané gadareno, douso omé ki ta kontrolaro por demono ta bê. Ané ta ka fô ni xinteli sô ané ta yô tomentaro, di morê ki neunwa nguê ka fô viagi na ka pa la ni mondjê wa. ²⁹ Antó ané ngueta sô fa: kuai non tê kiô, Ná di Dessu! Bô binguê di tomenta non antidji di tempo makaru. ³⁰ Na iô londji inguê, wa iô grupo poko ta ka mé. ³¹ Ané demono loga Jizu fa: Si tia non, manda non ba ané grupo poko-é. ³² Jizu fa ané: Bé! Ané demono xiê sô ba ané poko, sô antó turu ané grupo sata ni barrera boiario ni kiba mionga sô ané poko muê ni aua. ³³ Ané omé ki ta ka tua konta ané poko fuzi, sô letxa ni posso, tanga turu, kua ixi ku ta da kua ané omé, ku ta ku demono. ³⁴ Antó turu nguê posso bi pa taka ku Jizu. Sô ané Bê, logué-é pa êlê dessa zona ané.

Chapter 9

¹ Jizu letxa wha vapo, kluza mionga bi poson Re plopi. ² Anto a biku wha ome lezaru dumiru diba wha sela. ka pia afe ane Jizu fa ome lezaru e: Mosu-e, anima punda pekaru o foi poraru. ³ So wha dosu eskriba fa katxi ane: Ome e se ka fa mali. ⁴ Jizu ta ta koso ane e fa: Da kuai ma se seka pensa mali koso se ra! ⁵ Kuai ku sa maxi facile de fa: pekaru o sa poreru o fa lata nda! ⁶ Mazi pa se ta ma Na ome te pore ni tia de pora pekaru. So e fa lezaru - lata tua sela o ba kai o. ⁷ So ome-e lata bere kai re. ⁸ Ola yo nkenu be kua-e, ane ta gogo kue ka kanta ra Desu, ku ta ra yo pore e. ⁹ Ma Jizu fo nha e be wha ome ma a ka sama Mateju, ku ta tasoru wha nga ka kobla koleta so fa re. lele un : So e lata lele Jizu. ¹⁰ Jizu ta letu wha kai tasoru mesa ka me yo koblaro impostu ku pekaru bi janta kue ku melu re. ¹¹ Ola ane xefi ngueza be kua-e ane fa ane melu Re: Da kuai ma Mese se ka me ku koblaro impostu ku pekaru! ¹² Di nde kua e-e, Jizu fa: Nkenu ku sa dizu na ka mese dotolo wha, mazi duetxi so. ¹³ Se to ka ta kua ku sa ye: Un mese te pena mazi na ku vugu wha; Punda na bi sama ngue justo pa e mura wha mazi pekaru. ¹⁴ So ane melu Zon bi lele Jizu so fe: Ra kuai ma non fariseu ka ta yo ria se me ma ane melu o, na ta se me wha! ¹⁵ Jizu fa ane: wha kuviraru kasamentu ka po sa konvoru, ola ma ome kazaru ka sa kotare! Mazi e ka bi siga ria ma kazaru ka fo kotare so ingue e ka ta se me. ¹⁶ Ne wha ngue na ka buta ndjigui panu novu ku wha kua bisi poreru wha, punda nga ma a bute ne ka lele ma kua bisi-e ka fono masi piola ningui. ¹⁷ Ne wha ngue na ka pe vin novu ni buli ve wha: Si bo zi kua e-e, buli-e ka kebia ma vin ka lukua lloke, ma buli ka pende. Sa milho bo pe vin novu letu buli novu so ane ka sa lokeru. ¹⁸ So ola ma Jizu ta ka fa kue e, wha xefi sore bi pe mpuna son we Re, so fa: Na un mue bere, so bi pe mon o diba re pa e vivia. ¹⁹ So Jizu lata be ku melu re. ²⁰ So wha mengai, ku na kuine desu anu ta ka padise ka lukua yo sangui, e bi mema Jizu so e saia sinta kabisi Re; ²¹ so e fa letu re: Pelu menu si un saia kua bisi Re nga yoga. ²² Ku turu kua e-e Jizu bila so E be fa: Anima, na e a fe o so kula o. So mengai e yogo seru. ²³ Ola Jizu letxa kai xefi sore e, e be ma tokaro flauta ku yo nkenu ta ka zi kioio; ²⁴ So E fa: fo yngue, punda na e-e na mue wha, mazi e sa sono. So ane komesa ka rie ka zi-e tujan. ²⁵ So ola a koleku turu nkenu, E letxa kuantu so e te na-e mon y e lata. ²⁶ Kue-e wnga turu kiba tia. ²⁷ Ola Jizu ta ka lele mondja bere dosu ome segu ta ka lele ka ngueta ka fa: te pena non Na David! ²⁸ Ola Jizu letxa kai, ane ome segu bi Lele. Jizu fa ane: Se ka kele ma nga po zi kua-e! Ane kundji: e-e, Sumu. ²⁹ So Jizu pe mon whe ane fa. E sa ziru mora afe se. ³⁰ So whe ane biri. Jizu puvu ane: pa ne wha nkenu na ta kua-e wha. ³¹ Mazi dosu ome sie ba whanga kua-e turu tia. ³² Ma ane dosu ome bene, wha ome mumu siaru ku demono ma a bikue ra Jizu. ³³ Ola demono-e sie ome e fa. Yo nkenu ta pazumaru so fa: A na zi kua-e ni Israeli wha! ³⁴ Mazi sbi ngueza fa: E kole ku demono e ku xefi demono. ³⁵ Jizu ba turu pson ku fegueja, ba sina ni sinagoga ane, ba plega evangelio di goveno ka kula turu mora doetxi inflema. ³⁶ Ola e be yo nkenu e ta ku pena ane punda ane ta konvoru se ta kua e punda ane ta mora ombo se pastoru. ³⁷ E fa melu re: Mevia sa ngai, mazi tabaro sa poko. ³⁸ So logaDonu mevia, pa e manda tabaro ba mevia.

Chapter 10

¹ Jizu zunta ane kuiné dosu damo rê da ane pôrê pa txia turu demono tô kula turu duêtxi ku turu mali. ² Nome de kuiné dosu damorê sa: pimêlu, Simon ma ka sama Péru, ku manu rê André; Tiagu, mosu Zebedeu, ku manu rê Zon; ³ Filipe ku Batôlômeu; Tomé, ku Mateus nguê ka kobra impostu; Tiagu, mosu Alfêu; ku Tadeu; ⁴ Simon zelôzu, ku zura iskariote ku ka ba ngana Jizu. ⁵ Jizu manda ane kuiné dosu, é sama ane fa: Na ba newã nga, ma nguê na tê Dêsu ka vévia né wa, na letxa newã posó de samaritanu wa. ⁶ Magi, bé atê ovelha pendêru de kai Israel. ⁷ Ala ma sê ka bé sê ka fa; Alê onsê sa petu. ⁸ Kula duetxi, Kora motxi, kula lèplozu, Kôlê ku demônô; A dô afabalu, afabalu bô ka dé. ⁹ Na bé ku ôlô wa, nê plata, nê blônzi, ku xintu sê wa. ¹⁰ Né saku ni mondja, né dôsu kabixi, né sapatu, né kajadu, punda buaru sa tabarô de mé rê. ¹¹ Kale keru posó ô nga ma sê ka letxa né, ngolo nguê buaru ku ka ta nha atê sê ka bé sê.

¹² Ala ma sê ka letxa kai é fa ané mantxa. ¹³ Xi kai é sa buaru, sê ka desa paji né; Maji xi é na sa buaru wa, paji sê ka tô bé ku sê. ¹⁴ Da ane nguê ku na tua sê, ô ndê lumba sê wa, ala ma sê ka xiê fô kaié, ô posó, txia turu opó ku sa ope sê. ¹⁵ Veré mé nga fa sê: Nga ba pôpa tia de Sôdôma Gômôra de julgamentu dô kê posó é. ¹⁶ Nga manda sê mora ovelha pê katxi lobu, aié sê ka sa supetu mora kiôngô, sosegaru mora pombi. ¹⁷ Biri wê ku nguê, punda ane ka bé ku sê tribunali Sinagoga, ba beta sê, ba da sê pankara. ¹⁸ Punda a ka bé ku sê wê govenarô ku Alê, mora wã tetemunha de ane nguê sê Desu. ¹⁹ Ala ma ane ka bé ku sê, na sa ku mendu wa, ku mora ô, ku kua ma bô ka ba fa, punda a ka da sê kua pa sê fa. ²⁰ Punda é na sa sê ku fa wa, maji supitu de Tata sê ku ka ba fa da sê. ²¹ Manu ka ba tanga manu da motxi, tata da na rê; na ka lata contra tata rê, ba maté ta. ²² A ka ba odia sê punda nomi un; maji nguê ixi ku guenta atê é ka loké ka sa salvu. ²³ Ala ma ane ka ngôlô sê posó é, sê ka xiê ba ôtô posó, punda vere mé nga fa sê; Sê na ka ba turu posó de Israel wa atê na home ka bi. ²⁴ Ane damo rê na sa maxi txímaru dô kê mese ane wa, né mosu lekaru na sa diba de donu wa. ²⁵ Buaru da damo rê pa ane sa mora mesé ane, mosu lekaru mora xefi rê; Xi xefi kai a sama demonó, maxi mali é ka sa nomi ma ane ka da nguê de kai sê? ²⁶ Sô, na tê mendu wa; Punda é na tê kua kondêru ku na ka sa biriru wa, wã kua kondêru ku na ka ta sê pa ta wa. ²⁷ Kua nga fa sê kosi kulu, nga fa sê pomonha; ma sê ka ndê leveleve odia sê, fé aié diba kai. ²⁸ Na mendu wa, da nguê ku ka mata ônguê rê, maji ane na ka poi mata alima wa. Punda kué, tê mendu da nguê ku ka poi destrui alima ku ônguê ni fenu wa. ²⁹ É na sa dosu pôrê benderu ku wã lêlu sô wa? Axi é mé newã rê ka kiê sô sê lata sê tua. ³⁰ Maji antê kabêlu ntê sê, sa kontaru. ³¹ Na tê mendua wa. Sê ka valê maxi dô kê yô porê. ³² Sô sô sô, turu nguê ku ka kofesa da un wê home, An també ka kofesa wê Tata un ku sa Onse. ³³ Maji nguê ka zeta un wê home Aun turu ka zetê wê Tata un ku sa Onse. ³⁴ Pa sê na kunda ma aun bi ku paji pê tia; Na bi ku paji wa, maji supara. ³⁵ Punda Aun bi pa pê home kontla Tata rê, na kontla mama rê, noar kontla soga rê. ³⁶ Numigu di home sa ixi kai rê plopi. ³⁷ Nguê ku ka ama Tata ô mama rê maxi dô kê Aun na tê paji ku Aun wa. ³⁸ Nguê na tua kusu rê lêlê Un mema wa na tê patxi ku Aun wa. ³⁹ Nguê ku ka bê vira rê ka ba pëndê, maji ixi ku pëndê vira rê punda Un ka bê. ⁴⁰ Nguê ka tua sê, sê ka tua Un, nguê ka tua Un també tua nguê manda Un. ⁴¹ Nguê ku rêcebê profeta, é ka tua wã oferta de profeta, nguê ku rêcebê wã home justu, punda é sa wã home justu, é ka recebê oferta de home justu. ⁴² Kua kualu nguê ku ka da wã kopu de áwa fiô da wã nkênu txororo punda é konsê mora damo jizu vere mé nga fa sê: é na ka pëndê rekopensa de wa.

Chapter 11

¹ Ala ma jizu ndja de prepara kuiné dosu nguê rê, é xiê nha pa ba xina é fa de Desu ni poso ane. ² Sô Zon ndê ni pezu de kua de jizu dji, é manda wã lekaru katxi ane nguê rê. ³ É fa : " Bô sa nguê ku tava di bi, ô êtê ôtô nguê, ma non ka pô wara"? ⁴ Jizu kundji ane: Bé fa Zon kua ma bô bê tô ndê; ⁵ Segu ka bê, nguê na tia ka nda wa bila kanda, nguê tia lepra tô kula, suru bila ka ndê, nguê mueru tô kora, nguê na tê lêlu wa ndê vanjeli. ⁶ Buaru sa nguê ku na desa de kêlê ni aun wa. ⁷ Ala ma ane tia ka bê mondja, jizu komesa ka fa yô nguê de Zon: kua ma ô ba pia ni dezertu? Wã kana sa djingaru punda ventu? ⁸ Kua ma bô ba pia? Wã home bixiru ku kabixi fina? Vere, nguê ka bixi kabixi fina na vévia kai Alê wa. ⁹ Maji, kua ma bô ba pia? Wa profeta? Aie, An ga fa sê: maxi motxi dô kê profeta. ¹⁰ Sê nguê ku sa skêveru: Pia, Aun sê ka manda na lekaru wê ô ku ka prepara mondja ni wê ô. ¹¹ Vere nga fa sê ma, ni nguê kua nansê de mengai, na tô lata ôtô maxi tximaru dô kê Zon Batista wa; Sô sô sô maxi txô ni lênu de onsê sa maxi tximaru dô kê. ¹² Gina ria de Zon Batista atê aié, lênu onsê sa fosaru, turu nguê ka ji kua ku fôsa ka tua. ¹³ Punda turu Pofeta ku alê profetiza atê Zon. ¹⁴ Xi sê kundji kué, ixié sa Elias ku ta de bi. ¹⁵ Nguê tê oria ka ndê. ¹⁶ Kua ma ga pô kompara ku gerason é? Sa mora na pikina ku ka foga ni prasa ku ta taso ka sama ôtô, ¹⁷ ka fa. "Non toka flauta da sê, sê na foga wa. Non gôô sê na suá wa". ¹⁸ Punda Zon bi, na ka mé wa, né bêbê wa, ane fa: "Ê tê demono". ¹⁹ Mosu de home bi mé ku bêbê, ane fa: Dia, é sa wã home ku ka mé fogawa, ku ka bêbê fogawa, wã migo kobradô impostu de pekaru! Magi sabedoria sa justifikado ku obla. ²⁰ Antô jizu komesa ka kuza poson luguê mê ji yô milagre, punda ane na mura wa. ²¹ Ai de ô, korazin! Ai de ô, Betsaida! Xi milagre ku ma ji da sê ka sa ziru ni Tiru ku Sidon, ane ka mura nanana ku kabixi saku ku xinja. ²² Maji nga ba popa Tiru ku Sidon ni dia de zugamentu dô kê sê. ²³ Bô kafarnaum, ka sa exaltado ni Onse? Inga? Sa zugaru pê kosi, ni fênu; punda ni Sodoma ka ji milagre ma azi dôô, é sa ka sa atê oze. ²⁴ Maji nga fa ô ku sa kua maxi facili pa tia Sodoma, ni dia de zuizu, dô kê da ô. ²⁵ Nanana Jizu fa: Nga gôgô ku Tata, Sun de Onse ku Tia, punda ane kué bô kondê da sêberô ane ku tê ntê, biri é da na pikina. ²⁶ Êê, Papa punda é sa buaru da ô. ²⁷ Turu kua sa daru da Un punda Tata, né wã nguê na konsê Na xi é na sa tata wa, né wa nguê na konsê Tata, xi é na sa nã nguê ma nã mêsê musa. ²⁸ Bi lêlê Un turu nguê ku sa fogaru ku yô kua ntê, nga da sê sosêgu. ²⁹ Tua jugu Un da sê, xina kua un, punda un sa mansu humilde koson

sê ka bê luguê da alima sê deskansa né.³⁰ Punda jugu un sa buaru, kega un sa leve.

Chapter 12

¹ Tempu xiza Jizopassa ni kampu loso, ni sabaru. Ane maelu re tava ku fome ane tava ka kono feso kame. ² Mazi, ola ane fariseu be kue, ane fa Jizu: "Pi, ane maelo Õ ka zi kua ma a na poe zi ni sabaru wha. ³ Turu kua ê Jizu fa ane." Nase sê lê kua ma Davi zi ola êle ku ane maelu rê tava ku fomi wha? ⁴ Ê letxa ni kai Dêsu mé mpo konsagaru puviaru ra éle, ku turu nkenu re mazi kua pimitiru ra ane saseroty sô. ⁵ Sê na lê ni livu ra ale, ni sabaru, ane saserotyna ka lispeta ria ni ngeza wha, Axeme ane fika sê? ⁶ Turu kua nga fa sê: Inge te nkenu ku sa maxi ngairu ku ngeza. ⁷ Xi sê ka ta kua ku sa: "An mese mixikodgi na mese sakifisu wha, na kupa nosentxi wha, ⁸ Punda Na Ome sa Sum ry sabadu. ⁹ Anto Jizu tuka fo nha so letxa ngesa. ¹⁰ Nha tava ku ome ku mon lezaru. Ane fariseu punta Jizu: "Ê sa pimitiru kula ni sabaru?" ane tava ka ngolo zi Ê mali. ¹¹ Jizu fa ane: "Kuali ome katxi sê, ku te wha ombo sô,so ,xi ombo ê kie ni vuvu ngirub, ni sabaru xi ê na ka ngolê moru so pê txiê ni nha wha? ¹² Kwantu maxi valoru, tê wha ome do ki wha ombo | Sô, ê pimity zi kua buaru ni sabaru". ¹³ Sô Jizu fa ome ê: "Sendê mô ô". Ê sende so ê bila buaru,mon re bila mora otô. ¹⁴ Mazi ane fariseu xiê ngolo malçi kontla Êlê, ma ane kapo txia viva rê. ¹⁵ Jizu, ndê kuê, ê xiê fô nha. Yô nge lele mema, so ê kula turu ane. ¹⁶ So Ê pa na fa kue ra oto nge wha, ¹⁷ Pa ê sa verê turu kua ma Isaia ta fa: ¹⁸ "Pia siviro Um man koiê,Sô amaru UM, nkenu ma alima Um gogo kuê. An nga pe Supitu un diba Rê,so Ê ka ba lumba zistisa ra ane zintxi. ¹⁹ Ê na ka pufia wha, nê ngita wha newha, nge na ka nde boka re ny lua wha. ²⁰ Ê na ka kebia kana bilaru wha, Ê na ka pagà newha kapina mango ku ka yerewha, antê ma Êle ka bê ku zustisa ku vitoia, ²¹ so ane zintxi ka kele ni nome Rê." ²² So a be ku ome segu ku mudu, ku te wha demono, so Jizu kule. Sô soluson foi ma ome muru passa ka be so to fa. ²³ Turu ane povo ta arimiraru to fa: "Ome ka pô sa Na Davi? ²⁴ Mazi, ola ene fariseu nde milagri ê ane fa: Ome ê na ka tia demonoxie na sa ku Bezebu, sefi demono". ²⁵ Jizu konse pesamentu ane , fa ane: "Turu leno whangaru konta ê mê ka sa distruiru, so turu poso ou kai whangaru konta ê mê na ka fika atê atê wha. ²⁶ Xi Satanaji ka txia Satanaji , ê sa whangaru konta ê ma leno re ka sa atê atê? ²⁷ So xi An ka txia demono ku Bezebu ngei moso se ka txia demono kuê? Punda êne kuê, ane ka sa zuxi sê ²⁸ Mazi xi An nga txia ane demono ê ku Supitu ri Desu, anto Leno ri Dusu xiga ra sê. ²⁹ Ma mora nkenu ka po letxa kai re ome ku vutu to futa ane likeza re se manhê pimelo? Anto, ê ka po futa turu likezaa rê. ³⁰ Nkenu ku na ka ku An wha sa konta Un, nkenu ku na ka zunta ku An wha ka whanga. ³¹ Punda kuê, nga fa sê: turu pekaru ku fa mali ka sa poraru ra ome, mazi fa mali konta Supitu na ka sa poraru wha. ³² Nkenu xi ku ka fa kuaker lumba konta Na ri Ome, ixi ê ka sa poraru; mazi nkenu ku ka fa mali konta Supitu Santu, kuê na ka tê perô wha, nê ni munduê, nê ni munda ku sê ka bi ³³ Xi wha po sa buaru, mê rê ka sa bua, xi wha po ka sa mali, mê rê ka mau, punda wha po ka konseru ra mê rê. ³⁴ Lasa kiôngo, xi sê sa mafê, ma se ka po fa kua buaru? Punda ni boka ka kua ma kosso sa xiaru. ³⁵ Zo ome buaru, ni likeza re buaru, ka txia ku ku sa buaru,ixi ku sa ome mafe, ni likezamafe re, e ka txia kua mafe. ³⁶ An nga fa se ma, ni ria zuizu, ane nge kara kontara kara lumba poreru ma ane ka fa. ³⁷ Zo, punda ni lumba ô ka zustifikaô, so ni lumba o ka kondena ô". ³⁸ Antô setu eskriba to fa ra Jizu: "Messê non mese bê wha xinali Ô". ³⁹ Mazi Jizu kudgi ane: "wha ma lasa aduteru ka nglo xinali, magi newha xinali ka sa daru ra ane, xi ê na sinali Jona, ixi pofeta. ⁴⁰ Punda axe ma Jona tava tesse ria ku tesse nsukuni bega wha kike ngiru, axie te Na ri Ome tesse ria ku tesse nsuku ni kosso ri mavu. ⁴¹ Zo ane ome Ninivi ka to lata, ni zuizu, konta ane lasari nkenuso kondena ane, punda ane lepende ku pregason ri Jona, se pia: sa inge nge sa maxi ngairu ku Jona. ⁴² Zo lainha ri sul ka to lata, ni zuizu, ku ane ome di lasa xiê so ka kondena ane punda ê bi na tia lonje pa nde sebê Salumon, so pia: sa inge nge maxi ngairu ku Salumon. ⁴³ Ola wha supito suzu ka sie ni ome, kanda ni luge kutaru ka ngolo nga kansa, mazi na ka bewha. ⁴⁴ Antô ka fa: "An nga to bila ba kai um, ni andgi um fo". Ola ê bi, bê kai se newha kua, so buaru. ⁴⁵ Antô ê bê so ba tua sambari supitu piôlo ku êle mê, so turu ane ka letxa nê pa vivê nha. Antô kondisoxi finali di ome siê ka piôlo ku pumelu. Axe ka sa ku lasa ixi mâ fê". ⁴⁶ Ola Jizu ta ka anda ra povo, sô mama rê ku ane naamo rê ta kiba lua ka ngolo lumba kuê. So wha nkenu ba fa rê: ⁴⁷ "Pia, mama Ô ane naamo Ô sa lua nha ka ngolo lumba ki Ô". ⁴⁸ Mazi Jizu fa ra nkenu ku fa Rê: ngei sa mama Um? Zo ngei sa ane naamo Um? ⁴⁹ Antô Ê sendê mon ra ene maelu Rê, so fa: " Pia, inge sa mama um ku ane naamo um; ⁵⁰ Punda nkenuku ka zi vontê Tata Um, ku sa ni onse, nkenu siêsa naamo um , mana ku mama".

Chapter 13

¹ Dia ê Jizu xie fo kai sô taso ni boro mionga. ² Yo nkenu zunta pê katxi Rê. Sô Ê letxa wha vapo ê taso; E turunkenu ta ndjaru ni paia. ³ Sô Jizu fa ku ane ni kua ni vesu: Ê fa: " wha tabaro xie ks kuna kua. ⁴ Ola mê ka kuna; txo unkue kie ni boro mondja, bisu bi so mê. ⁵ Ôto inkue kie ni tia ku te buru, nga ku na te mavu motxi wa, so weleme ê da flolipunda na ta fundu wha. ⁶ Mazi, ola solo nase, kema ene loke punda ê na tava ku lezi wa, sô kuta bere. ⁷ Ôto inkue kie ni katxi pô ku pinha, ê sufoka bere. ⁸ Ô to inkue kie ni tia buaru ê ra mê, sem vê maxi, oto sesent, oto trinta. ⁹ Nkenu ixi ku têt oria, ndê. ¹⁰ Ane maelu bi so fa Jizu: " Punda kuai mo se ka fa ku povo ni vesu?" ¹¹ Jizu kundji, so ê fa ane: Sê te gasa pan fa se turu kua konderu ri Govenu ri onsé,, magi ané wa. ¹² Punda nkenu ku té , a ka to dé só nkenu ku na te wa ate kua me té a ka tué. ¹³ Só, aun fa ane ni vesu, punda, ane pó bé, na ka pia m,e wa, ane pó ndé, ane na ndé wa né ta wa- ¹⁴ Pa ane pofesia ri Isaías kumpri, e ê fa: Sé po ndé mazi di turo mora na ka ta wa; se po be, mazi di turo mora na ka ta wa. ¹⁵ Punda kosó povo ê bila dizu, só ane ndé ku ma vonté, só fisa we ane;, xi axe na ka sa wa, ane ka ta ku wé ane, ka ndé ku oria ane , ka ndé ku koso ane, só ane ka lepende, só ngá kula ane. ¹⁶ Magi beson sa wé se, pundase ka be; oria se, punda ê ka ndé. ¹⁷ Vere me aun nga fa s^ma yó pofeta ome zusto ngolo pe pia kua ma sê bê, ane na bêua só ndê kua ma sê ndê ane na ndé wa ¹⁸ So ta vesu

simiario.¹⁹ Ola nkenu ka nde lumba Desu, magi na ka ta wa só demono ka bê futa turu kua ma simia ni koso ré. I sa kunaru ni moro mondja-²⁰ Ixe ma kuna nga buru, sa nkenu ku ka ndê lumba , ta só ka tué ku goso;²¹ Sô ê na tê ledgi wa ê ka ta txô só, ola tubulasô ô pisigison ka lata punda lumba ê ka kie seru.²² Isi ma kuna katxi pinha sa isi ku ka ndê lumba, magi ka kupa ku kua tia é ô ku gana likeza ka foga lumba sô ê na ka ra newa kua wa.²³ Isi ma kuna mavu buaru sa isi ku ka ndê lumba só ta;ié sa isi ku ka ra mé motxi; un wa doso sentu ôto un wa sentu un wa ôto makeri vè masi.²⁴ Jizu tô tanga ane ôto vesu fa: Goveni ose sa mora un wa ome ku kuna inkue buaru ni mevia ré.²⁵ Sô ola ane nkenu ta ka domi , numigu bi sô kuna inkue poreru katxi tigu sô bere.²⁶ Ola ma inkue tigu da só ra mé inkue poreru turu nace.²⁷ Ane na kia dono mevia bi só fa re: Sun , bo na ku na inkue buaru é mevia ô wa? Ma aié é te i nkué poreru né?²⁸ E fa ane un wa numigo só zi kué. Ane na Kia fare: Anto bó mese pa nón ba tukué?²⁹ Donu mevia fa: ' ynga! Punda ola sê ka saia iku poreru, sê ka po saia tigu kue turu.³⁰ Desa ane dosu kula kota oto ate a kwoiê. Ria ma ka kwoe, nga fa tabarô: ' Saia iku danaru pumelu manhe ni fesi pa kemê, so zunta tigu pè alimaze um".³¹ So Jizu tanga ane oto vesu, ka fa: " Lenu osê sa mora wha inkue mosara ma ome tua ba kuna pè mevia rê.³² Inkue è, sa ma txo turu inkue. Mazi ola é ka kula, é sa maxi ngiru turu pó mevia sô é ka bila wha po ngairu ma ané situ ri ose kazi tombe tango ne".³³ Sô Jizu tanga anê ôto vesu: Lenu osê sa morafumetu ma wha mengai tua zolô ku tési kilu fanha ate masa fometa.³⁴ Turu kwue Jizu fa povo ni vésu, sô, sê vesu, Ê na ka fa newha kua wa.³⁵ Kwuê sa pa kua ma ane pofeta ta fape ka sa verê ola é fa: Nga biri boka um ku vesu; nga fa kua ku ta konderuna ola Désu zi tia.³⁶ Sô Jizu legaturu povo sô letxa kai. Anê mailo rê bi sô fé: Fa non vesu ri kapina ni mevia: " ³⁷ Jizu kundji ane: Nkenu ixi ki kuna inkue sa na Ome: ³⁸ Meviâ sa mundu, inkue buaru sa ane na alê so kapina mali sa na demono, ³⁹ so numigo ku kune sa demono. Ria koie é sa fim mundu, sô ane seviru pa koie sa ane anzu. ⁴⁰ Ma kapina mali sa koierue kemaru ni fogô , fim mundu sa axe mé. ⁴¹ Na Ome ka manda ane anzu Re ane ka zunta ni lenure turu kua ma aka zi ku sa pekaru. ku ane nkenuki zi mali, ⁴² So zuga ene letu fogo fenu, nga ki tê deza sô ku mé detxi". ⁴³ Sô ane zustu ka luzi mora sólo ni Lenu ri Tata ré. Nkenu xi ku te oria, ndê. ⁴⁴ So Lenu ri Osê sa mora wha likeza konderu ni wha mevia ma wha ome koê sô kondê. Goso ma é sa kuê, ka é bè, bendê turu kua mè tê so kopua meviaê. ⁴⁵ Oto vê, Lenu Osê sa mora wha ome benderô ki ka ngolo buru ngêne ngêne ku tê valoru. ⁴⁶ Ola ma é ka bê wha buru é ri pesû ngairu é ka bè sô bendê turu kua ta sô kopuê. ⁴⁷ Oto vê, Lenu Osê sa mora wha lélê ma zuga pè mionga sô tê kikê turu mora. ⁴⁸ Ola é xia, ane pixikarô saîê pè paia. Zo tasô zunta kikê buaru pè zonge, mazi, ane turu kua poreru ane zugê ta. ⁴⁹ Axê fim mundu ka sa mora é mè: ane anzu ka bi sô tia ane nkenu ma fê katxi zustu, ⁵⁰ sô zuga ane lutu fogo fenu, nga ki ka ba tê deza sô ku mè detxi". ⁵¹ Se nde turu ku ri e? Ane siviro fê: "Ê". ⁵² So Jizu fa anê: " Turu mêsê ri alê ka bila sigirôni lenu ri Osê mora wha ome ku sa dono ri wha kai, ku txia turu nkua vê turu kua novo ni likeza rê"! ⁵³ Ola ma Jizu loke fa turu kua ni vesu, Ê xiê fô nhâ. ⁵⁴ Sô Jizu letxa ni tia rê, sô é xina ane nkenu ni letu ngêza, so ane ta fika admiraru ka: " Andji ome é ta yo kuê nè, so ku milagi é nè? ⁵⁵ Iê na sa omê mosô Kapintelu wa? Maia na sa mama re wha? So Tiago, Zozé, Simon, ku jura naamo rê wha? ⁵⁶ Ane mana rê na sa katxi no wha ? So andji ma omê ka tia turu kua nè?" ⁵⁷ Ane leva ku Jizu: Mazi" Ê fa ane: Pofeta ka tê honra , menu ni tia rê sô ku familia rê mé.". ⁵⁸ Sô Ê na zi yô milaginha wha punda ane ka kêkê nè wha.

Chapter 14

¹ Tempo xi za, Helode, tetraka, ndê fa Jizu. ² Ê fa kiaru rê: Ié sa Zon, Batista: Ê lata motxi, é manda má puré sa jiru né. ³ Sô Helode tê, manhé pè pézu, povia Herodia, mengai di nani-mó rê Filipe, ⁴ Sô Zon fa: Ê na sa bua pa bô tê mora mengai ô wha. ⁵ Helode ka manda maté mazi é mendu povo, punda ané pia mé sa whâ na lekadu. ⁶ Mazi olá dia ano Helode, ná Helodia foga kaxi kuviraru só é yê Helode. ⁷ Kua mé kundji, é plometê zula. Ma é karé kuakuali-kua mé ka pindji. ⁸ Sô olá má mamá rê siné é fs: Dăn ntê Zon Batista leto whâ pato inguê. ⁹ Sô alê ta kumoveru fogawha ku kua ma né-é pindji, mazi punda kua mé zula ku turu nkênu ku ta kotarê, é manda pa kazi kué. ¹⁰ Ê manda soré pa ané kota ntê Zon pè pezu. ¹¹ Sô a bi ku ntê rê létu wúa patu ra né-é, é bekuê ra mama rê. ¹² Sô ané damo-rê bi, tua onguêrê ba tia. Êta sô ané ba tanga Jizu kué. ¹³ Olá Jizu ndê kua ku ra é siê fonha letu whâ vapô bá whâ nga pataru. Ola ané ndê kuaé e yô nkênu lélê ô pê, bi fô possu. ¹⁴ Sô Jizu dêsê vapô é bê yô nkênu. Sô ta ku pena ané ye kula doetxi ané. ¹⁵ Olá é ndu ngonsi ané melu rê bilelê sô fé: Ynguê sa whâ sê newhâ kua né y é sa nsuku zá. Manda ané nkênu é bené vila ba kopa mé dá ané. ¹⁶ Mazi Jizu fa ané: ané na toka benéwhâ da ané kua mé. ¹⁷ Ané fé: non tê tanô mpó ku dosu kikê. ¹⁸ Jizu fé: bikuê damu. ¹⁹ Sô Jizu manda ane nkênu-é tasô patxiru. Ê tua tanon mpó ku dosu kikê bila wê da osé, dé bensa sô patxié ra ané melu rê sô ané melu-é ra ané nkênu-é. ²⁰ Turu ané mé fika ku ngôsu. Sô ané koiê ndjigui ku sobla de mé: Kuine dosú zonguê siaru. ²¹ Nkênu ku mé sa kuazi xinku mili omé menu mengai ku na pikina. ²² Ta sô Ê zi ané melu rê letxa vapô békuê ôto kiba sô Ê dispidji ané nkênu-é. ²³ Sô ola Ê manda ané nkênu-é bené, Ê subi whâ nga zangaru Elê sô ba fa lasón. Ola é bila kulu, Ê ta nha sô. ²⁴ Mazi vapô ta londji ku taiâ kaji fora kotroli punda basa, punda ventu ta ka sopua kontra ané. ²⁵ Sô ni kuana vigia nsuku, Jizu possima ané, ka nda diba mionga. ²⁶ Ola ané melu rê Bê kanda diba mionga, ané ta ku mendú. ²⁷ Mazi Jizu fa ané ola é mé: ta ku koso! Ê sa un, na mendu wha. ²⁸ Sô Peru kundji: Sumun, xi é sa Ô, manda un bá lélê ô diba aua. ²⁹ Jizu fé: Bi! Sô Peru siê fô vapô nda diba aua até kota Jizu. ³⁰ Mazi ola Peru bê vento, é ta ku mendu: sô komesa ka funda é nguíta: Sum savamu! ³¹ Tá sô Jizu sendê món, tê Peru sô fé: Bô ku tê poko afé, punda kuai bô duvida! ³² Sô ola Jizu ku Peru letxia vapô, Ventu ndja de sopua. ³³ Ané melu-rê letu vapô gôgô ku Jizu sô fé: Bô sa Ná Desu de veré. ³⁴ Sô olá ané tô passa, ané vitxa tia Genesaré. ³⁵ Olá ané omé nga-é bi ta Jizu, ané manda ná lekaru ba turu nga turu kiba sô bi ku turu doetxi dé. ³⁶ Ané pindji xi ané ka pô tê xinta mánta Rê, sô turu nkênu ku ka tê ka kula.

Chapter 15

¹ So wha dosu sefi ngeza na kulu bi Jeruzalem lele Jizu so fa: ² Ra Kuai ma ané melu e ka mura kua ma ané nkenu masi tame na kulu manda non ra. Punda ané na ka laba mon so me wha. ³ Jizu kundji fara ane: y se ra kuai ma se ka mura kua ma Desu ka manda punda kua ma se biri whe toka. ⁴ Puda Desu ka fa: Ra tata o ku mama o lixipetu: Nkenu si ka keta ku ta o mama re, ka mue so. ⁵ Masi se ka fá: nkenu ku ka fa tata o mama re, kua kualu zura ma se ka tua mon un aye sa pezenti ra Desu. ⁶ sa nkenu é na te ki lixipeta tata re wha, Di mora é é se seka mura lumba Desu punda kua ma se biri we taka. ⁷ Pufia so, Izaia fa di se buaru ola ma e fá: ⁸ Ané nkenu é ka lixipeta un ku boka mazi koson ane sa londji un. ⁹ Ane ka gogo ku amu fasu punda ane ka sina kua ma omé ka manda. ¹⁰ So e sama turu ane nkenu di bi lele so fa ané: Nde to ta ; ¹¹ ne wha kua ku ka letxa boka na sa suzu wha. Di oto mora, ku ka sie ye so ka bila nkenu suzu. ¹² So ané melú re bi faré: Bo ta ma ane sefi ngeza é fika firiru ola ma ane nde kua ma bo fa . ¹³ Jizu kundji fa: Turu po ma Tata um ku sa Onsé na kuna wha a ka lanké: ¹⁴ Desa ane so, Ane sa xoferu segu. Si wha segú ka guia oto segu dodosu ane ka kie vuvu. ¹⁵ So Peru kundji fá Jizu: Sina non vesu é. ¹⁶ Jizu fá: Se nasi ta ne wha kua wha. ¹⁷ Se na be ma turu kua ku ka letxa boka ka pasa ba estomagu so e loké sie lua. ¹⁸ Mazi kua ku ka sie boka ka fo koson ye so ka bila nkenu suzu. ¹⁹ Punda Koson Koson ka pensa mali mata nkenu, mengai o omé motxi, omé ku omé ka tua oto futa siriga konvesa suzu. ²⁰ kua é so ka suza nkenu. Me ku mon suzu na ka suza nkenu wha. ²¹ So Jizu sie fo nha Bere wha kiba poson tiru ku Sidon. ²² Wha mengai kananea bi fo nha ku nguita: Te pena un sun mosu David, Nan sa tometa ru ku demóno foga wha. ²³ Mazi Jizu na kundji ne wha kua wha. Ané melu re so bi pindji e fa. Mandé bere punda e se ka nguita mema non. ²⁴ Mazi Jizu kundji fá. A manda un bi ra ombo penderu di kai Israeli. ²⁵ Sô é bi pe mpuna son whe re fa. Sun zura un, ²⁶ Ê kundji fa . Ê na sa buaru Txia mpo mosu lukua ra na katso wha. ²⁷ So e fá: é é sumum mazi ate na kaso ka me fu fu mé ku ka kie fo mesa donu re. ²⁸ So Jizu kundji faré. Mengai é afé o sa ngairu foga wha. zi mora é me ma bo mese. So naré yogo ola é me. ²⁹ So Jizu fo nga é é poze mionga Galileia. So e banda wha mundu so tasonha. ³⁰ Yo nkenu bi lele, ané biku nkenu mankelé, segu, mumu lezaru, ku yo oto duetxi. Turu ané bi opé Jizu so e kula ané. ³¹ So yo nkenu babaka ola ané be mumu ka fá, lezaru ka yogo. mankele ka nda ku segu ka be. Turu ane ta ka kanta da Desu Israeli. ³² Jizu sama ané melu re ré fo fá: An te pena ane nkenu e punda ane to sa ku an tesi ria ma na te netxo kua me wha . Na mese manda ane bene se me wha pa ane na fakese mondxa wha. ³³ Ané melu re fare: Andxi non ka be mpo motxi ma ane nkenu e ka me to sobla, letu matu é. ³⁴ Jizu fara ané: kuantu mpo se te. Ane fa: sambari ku wha na kiké. ³⁵ So Jizu fara ané nkenu é pa ane tason son. ³⁶ Ê tua ambari mpó ku kiké sô ra gasa, patxi mpó-é sô ra ané mēlu rê sô ané patxié ra ane nkēnu-é. ³⁷ Turu nkēnu é mé ta ku ngosó. Sô ane tō koiē sambari zóngē siaru ku ndjigi ku sobla ma ane mé. ³⁸ nkenu ku mé sa kuana mili omé, menu mengai ku ná-pikina. ³⁹ Sô Jizu disipidji ane letxa vapó beré tia Magada.

Chapter 16

¹ Ané farizeu ki sadusseu bi pê Jizu ni plova, pindji pê mussa un-ua sinale de onsê. ² Magi Ê kundji ané: Ola ngossi ka bi, Sê ka fa: Ê ka tê bom tempo, punda onsê sa buaru. ³ E pomonha sê ka fa: tempo ozé sa mali, nuvé sa boru e kulu. Sê ta interprta kua de onsê, magi na interpreta sinali de tempo wha! ⁴ Un-ua gerassó mali e adultera ka pindji un-ua sinali, magi né-un-ua sinali na ka da sê wha, se é na sa de Jona. E Jizu, dessa ané xiê bêrê. ⁵ Ane maelu rê vitha ôto kiba, magi ané kessê de bé ki mpô. ⁶ Jizu fa ané: tua atensó e sa ki kuidadu ku fermento de farizeu e sadusseu. ⁷ Ané maelu rê keta ki ôto fa: Sa punda nó na biki mpó wha. ⁸ E Jizu ndê kuê fa: Omé de fé txododo, punda kuai sê ka keta ki ôto fa punda kuai sê na bi ki mpó! ⁹ Sê ndê e né lembua de tanón mpó da tanón mili omé e de kuantu zongué ma sê koiê. ¹⁰ E de naké mpó da kuana mili omé e de kuantu zongué ma sê koiê. ¹¹ Ma sê na ndê ma na fa sê de mpô! tua atensó e sa ku kuidado ki fermento de farizeu e saduseu. ¹² Antó ané ndê Mê na tia ka fa de ané sê kuidadu ki fermento de mpô, magi de ané sê kuidadu ki sinamento de farizeu e sadusêu. ¹³ Oló ma Jizu bi lugué setu de Sesareia de Filipe, Ê puta ané maelu-rê: Nguê ma povo ka fa é sa Ná de Onsê!

¹⁴ Ané fa: Ané ka fa: Zon Batista: ôto ka fa: Elia: ôto ka fa: Jeremia ôto un-ua de ané profeta. ¹⁵ Ê puta ané, Magi sê ka fa Un sa nguêi! ¹⁶ Limo Peru kundji fa: Bô sa Kristo, Ná de Dessu vivo. ¹⁷ Juzu kundjê: Bô sá bensusaru, Simó Barjona, punda é na sa kani e sangue ki revela-ô kuê wa, magi Táta Un ki sa onsê. ¹⁸ E també An nga fa-ô ma ô sa Peru, e diba londé nga zi guêza Un e poto de fenu na ka nguêté wa. ¹⁹ An nga da ô sabe de Alê de Onsê. Kua ma ô ka liga ni tié ka sa ligaru ni onsê e ma ô ka disliga ni tié ka sa disligaro ni onsê. ²⁰ Antó Jizu manda maelu rê pa ané na fa né-un-ua nguê Mê sa klisto wha. ²¹ Ndjina dia ixi za Jizu komessa ka fa ané maelu rê ku é sa pa ané ba Jerusalem pê ba sofe yô kua ni món de ansiô, xefi sasserdote e skriba, sa motxi e tó lata ni kuana dia. ²² Antó Peru sama Jizu pê bóro e xumbé, fa: Londji de Un, Sun, kué na ka ba da kiô wa. ²³ Magi, Jizu bila, fa: Siê ba mema Un, demono, bo sa da Un buru de tope, punda bô na ka kuidu kua Dessu, magi kua de omé. ²⁴ Antó Jizu fa ané maelu-rê : Si nguê mêxê lêlê Un, zeta êle mé, tua kussú rê e lêlê-Un. ²⁵ Magi nguê mêxê salva vira rê ka pendê. E nguê pendê punda Un ka bê. ²⁶ Punda kuai un-ua nguê ka poveta nganha tia loké e pendê vira rê! Kuai un-ua nguê dá ni toka de vira rê! ²⁷ Punda Ná de Omé ka bi ni glória de Táta Rê ki anju Rê. Antó Ê ka dá kada un-ua kua ki toka de kua ma ané zi. ²⁸ Véremé ãn nga fa sê ma un-ua sê ki sa ingué na ka ximenta motxi atê é ka bê Ná de Omé ka bi ni Alê rê.

Chapter 17

¹ Sa ma nó ria sô Jizu bé ku peru Tiago ku manó ré Zon, wanga pa taru ba ndá ku ané uã nga zangaru. ² Ê ané mura polu né wê ané: nguê rê tá ka luji mora sôló, ka bixi ané bila lijiru wa kandja. ³ Só Ku Moizezi ku Elia vitxa ta fá kuê. ⁴ Peru fá dá Jizu: Sun é sá buaru pa non ta ingué. si bô mesê nó ka dji tesê kilalu uã rá Sun, uã rá Moizezi i uã ra Elias ⁵ Ê ta ka fá Ndá ⁶ Olá uã omboxi ku bi ané ndê uã voji bi ni ombixi ka fá : Ixi é sá na hun ma nga gôgô ê, di ka mi ka fá. Olá ané maêlu di ku é iné kie nguê ané bassu ané ta ku yô mendu. ⁷ Só Jizu bi tē ané fa: sá ta sê na tē mendu wa. ⁸ Só ané bila wê na bê niuã nguê wa Jizu. ⁹ Sô ola ma ané ta ka tuku ané ne mundu, Jizu da ordé fa: Na fá niuã nguê ku wê wa, atê ma homé ka kora ni motxi. ¹⁰ Só ané maiêlu putê fa: Ma ané escriba ka fa ma Elias ka bi punbê ? ¹¹ Jizu ku ndi é fá: Elias ka bi punbê verê bo koseta turu kua. ¹² Ni turu kuê ngá fá sê: Elias bi sá, magi ané na ligué wa: Dá kue iné gi kua ma ané mesê kuê. Ni mora é mé na homé ka bá parisê ni mora é mé ni mó ané. ¹³ Antó siguiorê tendé mé ka fa dē Zon Batista. ¹⁴ Olá iné hun du suntu yô nguê, uã homé bi pê puna sô suntu Jizu, só fá: ¹⁵ Sumuê tē perô na hun; é sá duetxi supitu lendê motxi fogawa. Yô vê é ka kiô ni fogô yô vê ka kê ni auwa. ¹⁶ A hun bi kuê da iné maiêlu ô, magi iné ná poi kuelewa. ¹⁷ Jizu kudji só fá: gerason mau ixi ku na ka kêlê wa, atê kê ria ngá sá ku sê i atê kê ria ngá kenta sê? Bi ku mosu é rá hun. ¹⁸ Jizu kolê mé ma demonó é xê na mosu, é fika kuralu olá é mé. ¹⁹ Antó iné maiêlu bi lêlê Jizu sê pa otô nguê ta só fa: Punda kui nó na pô xiê wa. ²⁰ Jizu fa iné sá punda afê sê sá txiororo, só hun ngá fá sê. Xê sê tē afê mora uã gran di mostarda sê ka pô fará mundu é xiê nguê han. Ê ka xiê. Ni wa kua ka impiri sê wa. ²¹ Magi maru demonó é na ka xê iná sá ku olason ku dijjun. ²² Olá iné tia di Galileia Jizu fá iné maiêlu ré: na homé só ka ba sá tregaru né mó di homé. ²³ Iné ka bá motxi magi, tesi ria, é kató lata. Iné maiêlu fika tlisti fogawa. ²⁴ Olá iné xiga Cafarnaum iné ba lêlê Peru ku iné maiêlu rê, iné punta: Masé sê na ka paga impotua? ²⁵ Ê kundji é, é ka pagué. magi ola Peru leta kai Jizu gê seru punté: kuai nó ka pô fa di uã Simon? Di nkenu má ale di tia ka recebê taxa ô tributu? di iné ma ré ô yô nkenu? ²⁶ Olá Peru fá: Di otô nkenu, Jizu fá iné. Antó ané na rê na pagawa. ²⁷ Magi pa iné nagi demandawa, ba mionga zuga zoló, pimelu ki kê mó ka tē, bili boka rê. Bô ka bê lélú tu é da ki ku ká kobra impostu ra hun, ra.

Chapter 18

¹ Ni tempo é mé, ane melu Jizu bi lêlê sô putê: Nguêi sa masi ngai ni Govénu osé! ² Jizu sama wha ná pikina, sô pê katxi ané sô fa: ³ kua nga fa sê verê ma pelu menu si sê na mura sô bila mora ná pikina wha, dy ne wha mora sê na ka letxa Govenu osê wha. ⁴ Sô nkenu si ku ka baza ntê mora ná pikina é sa masi ngai ny Govenu osê. ⁵ Sô nkenu si ku tua wha ná pikina-é ny nomi un, ka tua un. ⁶ Mazi nkenu si ku ka béku wha ná pikina si ku ka kêlê ny amu pa é zi mali, sa milhó pa é tua wha buru ngairu manha pê singô rê zuga pê fundu mionga. ⁷ Á dy mundu ku ka zi ane ra tópi! Punda mali ka bi mazi a dy nkenu ku ka zi mali bi! ⁸ Si món ô opé ô ka zi ô zi mali, koté zuguê ba londji ô. Ê sa milhó pa ô letxa ny vira mankêlê ô lezaru, dôkê pa a zuga ô pê fogô ku na ka paga wha ku dosú mon ô dosú opé. ⁹ Si wê ô ka sa zi mali, tukuê zuguê ba londji ô. Ê sa milhó pa bo letxa ny vira ku wha wê dolê pa zuga ô pê fogô ku na ka paga wha ku dosú wê. ¹⁰ Kuiraru pa bô na dispreza ne wha kua txô-oróro é wha. Punda nga fa sê ma anzu-rê ku sa onsê ka bê pólo Táta ku sa osé turu ria. ¹¹ Punda Ná Ome bi sava nkenu ku ta pendêru. ¹² Kuai bô ka kunda! Si nkenu sa ku desú-sentu ombó, sô wha rê pendê, é na ka desa wha sentu ku mé tatu wha nga, pa é ba ngolo ku pendê wha. ¹³ Kua nga fa ô verê ma si é bê é ka sa ku ngôso masi dokê wha sentu ku mé tatu ku na pendê wha. ¹⁴ Mora é mé ma Tata sê ku sa osé ka mészê ra wha txóororo-é wha. ¹⁵ Si na amon ô zi ô mali, bafé dy mali ma é zi, bô kuê sô. Si é ndê ô sa bô nganha na amon ô. ¹⁶ Mazi si é na ndê ô wha, bô ka bi ku dosú ô tesí sesteminha turu lumba ka sa verê. ¹⁷ Si é na ndê wha, bô ka ba fé nguêza. si é na ndê nguêza wha, bô ka pié mora jintxi ô koblarô impostu. ¹⁸ Kua nga fa sê verê: ma turu kua ku ka liga ny tia ka sa ligaru ny osé: y turu kua ku sa disligaru ny tia ka sa disligaru ni osê. ¹⁹ Antizi kua é, nga fa sê ma si dosú kusitxi ny tia ra kua kuali kua ma sê ka pindji é ka sa ziru ny favolô ane ra Tata, ku sa osé. ²⁰ Punda nga ku tē dosú ô tesí zuntaru ny nomi un ingué é un sá katxi ané. ²¹ Sô Peru bi sô fa Jizu: Sun, kuantu vê ma na amon Un ka zi un mali ma nga poré! Atê sambari vê! ²² Jizu kundji: wha sentu ku kuiné kin vê. ²³ Punda Govenu Osé sa mora wha alê ku ta mesê zi konta ku wha ná kia. ²⁴ Ola é komesa ka seta konta a bi ku wha ná kia ki ta devê kuine mili lélú. ²⁵ Mazi ma é na ta ku mora pagué wha, mészê rê mandê bendê ku mengai rê ku turu kua ma é ta kuê pa é paga lélú-é. ²⁶ Sô na kia kiê ku mpuna son whê rê sô fa: Mészê tē paxensa ku an nga paga ô turê. ²⁷ Sô mészê na kia é, ku pena rê, liblé poré divida. ²⁸ Masi ná kia é siê bê wha na kia rê ku ta devê dosú sentú. Ê tē pemê ngono-ngono rê, sô fé: Paga kua ma bô devê un. ²⁹ Masi na kia-é kiê pindjê fa: tē paxensa ku an nga paga ô. ³⁰ Mazi punbê na kia-é na poré wha. Ra kua é-é, é zuguê pê pezu, atê é ka paga turu lélú é. ³¹ Ola otô na kia bê turu kua ku ra, ane satia, ba tanga mészê turu kua ku ta ra. ³² Sô mészê na kia-é samé fé: Na kia máfé un pora ô ku turu divira punda bô pindji un. ³³ bô na pô ka tē pena na kia ô mora ma un ta ku pena ô wha. ³⁴ Mészê rê satia foga wha tué ba ra ane nkenu pa beté atê é ka maia pa é paga turu lél ma é devê. ³⁵ Mora é mé ma Tata un ku sa osé ka zi sê si kara wha sê na pora ná-amon sê dy turu kosó wha.

Chapter 19

¹ Sô ma, olá Jizu ndja ane lumba, é ba Galileia é ba regiô judeia otô nga oyô jordôn. ² Yô nguê lelê mêmá, Ê kula ane. ³ Fariseu bi lêlê, pê plova: ene fa: Ê sa bua un wa home lega mengairê da kua kuali-kua! ⁴ Jizu kundji é fa bó na tia lê ma ixé kugi zina ná kulo gi homé ku mengai! ⁵ Êlê mé ta fa: kué só manda, homé ka léga tata rê ku mamarê ba zunta ku mengairê. Ené doussu ka bila un wa kane sô! ⁶ Só ane na sa doussu dingui wá, magi wá kani só. Só, kua ku Dessu zunta neunwa nguê na ka baguê wa. ⁷ Ê fa ane: Punda kua manda Mojezi manda nó da un sertidô de baguaa é repudia! ⁸ Êlê to

fa ane: Punda dureza kosso sê, Mojezi kunsitxi ki ane бага ku mengai ane, magi, na kulo, na tia mora é wa. ⁹ Nga fa sê ku turo ixe ku ka repudia mangairê, anasê nguê ka landja outô homé ô mengai, sô zunta ku otô, ka kometê adulterio, homé ku ka zunta ku unwa mengai repudiada ka kometê adulterio. ¹⁰ Êne nkenu fa ku Jizu: xi êssa mora é unwa home ni mora ku mengairê, na sa buaro zunta wa. ¹¹ Magi Jizu fa ané: Na turo nguê ku ka kunsitxi ku xina wa, magi, nguê ixi zo ku ka kunsitxi kuelê. ¹² Sô êtê enuku ku ka nansê axé ni uti di mama ané: Ê tê enuku ku sa giro enuku punda homé. Ê tê enuku ku gi elê mora é mé enuku punda leno onsê. Nguê ixi ki sa buaru di tua ensino é tué. ¹³ Sô ane bi ku txó nápikina pa Ê sendê mó da ane dji lason, magi ane nkenu ketá ku ané, ¹⁴ só Jizu fa: Dessa ané nápikina, na publi ané di bilêlê Un wa, punda ané so sa leno onsê, ¹⁵ Ê pê mó diba ané sô Ê fô nha. ¹⁶ Sô unwa homé bi tê ku Jizu é fa: Messé, kua má nga po zi ku ka bua pan tê vira longo! Jizu fa, ndê. ¹⁷ Da kuai ma bó sa punta Un di kua ku sa buarro! Sô wã sa buarro, magi xi bó messê letxa ni vira, kumpri ané mandamento. ¹⁸ Homé puntê: kuali mandamento! Jizu kundji: Na matawa, na kometê adulterio, na futa wa, na fa fassu testemunho wa, ¹⁹ Honra tátá ô ku mama ô, amá nguê ku sa zunto ô mora ô mé. ²⁰ Sô maxivi fa: Ni turu kuê ta djiê: kua nga pó dji anda! ²¹ Jizu kundji: xi bó messe sa buarro, bé bendê kua ku bó tê, da ané publi, bó ka ba tê tisoro ni onsê, antó bi lêlê un. ²² Magi ola ma maxiviê ndê kua ku Jizu fa, é berê ku disgosto, punda é ta ku yô likeza. ²³ Jizu fá ane maielo rê, Verémé Un nga fá sê é ka kusta da wa omé liku letxa ni leno onsê. ²⁴ Nga tô fa sê dingui: Ê sa maxi faxili pa wã kamelo lá ni leto vuvu di wã guia, dô kê wã home liko letxá ni leno di Dessu. ²⁵ Ôla ané maielo ndê kua é, ênê ta fika admirado to fa: Nguei antó ka to sa salvo! ²⁶ Jizu bê ane fa: Da ane homé-é kuê-é sa impossivel, masi pa Dessú turu kuê sa possivel. ²⁷ Anton Pérru kundji tô fa ane: Pia, nó lega turu kua so pa xigui-ô: Antó kua non ka resêbê. ²⁸ Jizu fá ane: Verémé Nga fá sê ma, ni vira novu, ola ma Ná di Omé ka tassó ni trono de gloria Rê, Sê ku ta lele Un també ka tassó diba kui-douso trono pa zuga ane kui-douso tribo de Israel. ²⁹ Turu nguê ku lega kái, mano, mana, tata, mama, ná, ô likeza, punda nome Un, ka tua douso sentu dingui e ka leda vira atê atê. ³⁰ Magi yô nguê pimbelo ka sa ultimo, e yô nguê ultimo ka sa pimbêlo.

Chapter 20

¹ Punda Alé Osé sa mora wha Donu losa ku siê pomonha seru ba ngoló tabarô ra mevia rê. ² Olá é luma ku tabarô wha lélú kara ria, é mandê ba meviá. ³ Ola é ta siê dy tesi olá é bê otô tabarô ku ta ku vonté plasa. ⁴ sô é fa ane: ba taba mevia un nga paga sê. Sô ane ba taba. ⁵ Ê tô siê vota dy samanó olá, é tô bé Uvua ola é zi kua-é mé. ⁶ Ê tô bé vota dy kuine wha ola, sô é tô siê é bê otô ku ta ku vonté. Sô é puta ane: ra kuai ma sê sa inguê ku vonté turu ria! ⁷ Ané kundji: Punda né wha nkenu na mesê kuvira non wha. Ê fa ane: sê turu ba mevia un. ⁸ Ola é vitxa ngosi donu meviá fa nkenu ma é pê konta mevia: Sama tabarô paga ane lélú, komesa fô utimu atê pumbê. ⁹ Ola ane tabarô ma a luma ku ane kuine wha ola vitxa a paga ane wha lélú. ¹⁰ Ola ma pumbê tabarô vitxa ane ta ka kunda ma ane ka nganha masi, mazi turu ane tua wha lélú. ¹¹ Ola ane tua pagaentu, ane ba kexa donu losa. ¹² Ane fé: ane tabarô ku bi mema taba wha ola sô, mazi bó zi ane mora non ku taba turu kansaru ku yô kalolô. ¹³ Mazi donu kundji wha ane fa. Migu na ka zi ô inzustisa wha, na luma ku bó wha lélú wha! ¹⁴ tua ki sa riô beô: Un tua disizon dy ra ane tabarô kontrataru memá mora bó mé. ¹⁵ Na tê diretu zi kua ma un mesê ku posi un wha! Ô bó tê ma whê punda un sa buaru! ¹⁶ Asiê dy mema ka sa whê ku sa whê ka ba mema. A ka sama yô mazi koiê pokô. ¹⁷ Ola Jizu ta ka banda ba Jeruzalé, Ê sama kuine dosú melu pataru ny mondja Ê fa ane: ¹⁸ ka pia: Non se ka subi ba jeruzalé, a ka ra ane xefi nguêza na kulú ku fasu xefi Ná Ome, sô a ka kondené maté. ¹⁹ Sô a ka ra ane zintxi pa ane zié tusan, ré sikotxi, pê kusú. Mazi ny tesí ria Ê ka tô kora. ²⁰ Sô mama na Zebereu bi lêlê Jizu ku ane na rê. Ê pê mpuna son kota Jizu pindjê wha kua. ²¹ Jizu putê: Kuai bó mesê! é kundji: Manda pa govenu Ô, ane dosú mosu un ka pô tason wha mon dileto otô mon sikeru. ²² Mazi Jizu Kundji fa: bó na ta kua ma bó seka pindji wha. Sê ka poi bebê kalsi ma Un sa kuaji bebê! Ane kundji: Non ka poi. ²³ Ê fa ane: kalsi un sê ka poi bebê. Mazi tason mon deletô ô tason mon sikeru na sa Un ku ka kusintxi wha mazi yé sa ra nkenu si ma Tata Un ka plepala. ²⁴ Ola otô kuine melu ndê kua-é ane ta ku leva foga wha ku dosú na amon-é. ²⁵ Mazi Jizu sama ane bi lelê sô fa ane: Sê ta ma Govenarô zintxi ka zi zugamentu ome masi buaru sô ka sa ku odji diba ane. ²⁶ Masi é na sa mora é katxi sê wha. Dy otô mora, ma kuakuali nkenu katxi sê ku ka mesê sa ngai ka sa na kiá sê. ²⁷ Kuakuali nkenu ku ka mesê sa pumbê katxi sê ka sa na kia: ²⁸ Asié ma Ná Ome na bi pa a sivié wha mazi pa Ê sivi, tô ra vira mora resgati yô nkênu. ²⁹ Ola ane siê fô Jerikó, yô nkênu lêlê. ³⁰ Sô dosú ome ségu ta tasaru bóro mondja: Ola ane ndê ma Jizu ta ka pasa petu, ane nguita fa: Sumu Na David, tê pena non. ³¹ Mazi yô nkênu ta ka manda ane kaboka ka fa ane sosegá. Ku turu kua é-é ane ta ka nguinta masi anda ka fa: Sumu Ná David tê pena non. ³² Sô Jizu ndja, sama ane sô fa: kuai ma sê mesê ma nga zi! ³³ Ane fé: Sumu, pa whê non biri. ³⁴ Sô Jizu tê pena ane, pê mon whê ane sô ane bila ka bê, e lêlê.

Chapter 21

¹ Ola ma Jizu ki maelu-re tia ka ndu Jerusalem ane ndu Betfage, ni Monte de Oliveira. Di nha Jizu manda douso maelu re, ² fa ane: letxa oto vila e ceru bo ka be nha un-ua jumenta manharu e un-ua jumentinho kue tue e bi kue da Un. ³ si kenu fa se kale kero kua de kue, fa: Sun presiza ane e to da ane dingue. ⁴ Kue da pa kumpri kua ma profeta ta fa, ki fa: ⁵ Fa na de Siao: Pia, Ale O sa bi da O, mansu montaru ki un-ua jumento, ki jumentinho, kiasso de un.ua situ de kega. ⁶ So ane maelu-re be e zi mora ma Jizu fa ane. ⁷ Ane bi ki jumento e jumentinho e pe kabisse de situ e Jizu monte. ⁸ Yo ngue wanga kabissi ane pe mondja, e oto kota tango po e wanga pe mondja. ⁹ Yo ngue ki la we Jizu e ane síguiru Re, guita fa: Hosana da na Davi! Louvaru sa ixi ki ka bi ni nome Sun! Hossana ni londe! ¹⁰ Ola Jizu letxa Jerusalem, turu posso tia pekuparu, ka fa:

Ngue sa ie! ¹¹ Yo gue kundji: Ie sa Jizu, profeta de Nazarede Galileia. ¹² Magi Jizu lethia ni gueza e kole ki turu gue ki tinha nha ka kopa e ka bende. E бага meza de lelu de kambista e banco de ane gue ki tinha ka bende pombo. ¹³ E fa ane: E sa sissikaru kai Un ka sa samaru kai de orasso, magi se ze un.ua lugue ladro. ¹⁴ E sego e makele bi lele gueza, e e kula ane. ¹⁵ Magi ola ma ane xefi de Sacerdote e eskriba be milagre ma E zi e ola ma ane nde napikina ka nguia gueza e fa: Hossana na de Davi, ane ta ku leva. ¹⁶ Ane fa de: Bo sa nde kua ma ane gue-e sa fa! Jizu kundji ane: Aie! Magi se nunka na le-wa: De boka de gue txododo e de anzu ki ka mama e ka sie louvoru buaru! ¹⁷ Magi Jizu dessa ane e sie fo posso ba Betania e passa suku nha. ¹⁸ Pomonha, ola ma E to bila bi posso E tia ki fome. ¹⁹ E be un-ua figueira bega mondja; E be ate juntu re, magi E na be ne un-ua kua ne wa, si e na sa fiawa. E fa poe: Bo na ka to ba da mewa. Ola eme figueira e kuta. ²⁰ Ola ma ane maielu Re be kue, te gosto e fa: punda kuai figueira-e kuta ola-e me! ²¹ Jizu kundji ane e fa: Vereme nga fa se: si se te afe e na duvidawa, an na ka zi so kua ma un zi figueira-e, magi nga fa londe-e: kuta e kie mionga, kue ka zi. ²² turu kua ma o ka pindji ni orasso, kele, bo ka tue. ²³ Ola ma Jizu letxa leto gueza, xefe sasserdote e ansion de povo bi lele, ola me tia ka sina, e ane fa: Ngue manda O zi ane kue! E gue da o puderi-e! ²⁴ Jizu kundji ane e fa: An tambe ka puta se un-ua kua; si se kundji un, mora e-me An nga fa se punda kuai ma nga zi ane kue. ²⁵ Butismo de Zon bi fo andji! De onse o de home! Ane diskute ki ane me, fa: si no fe: de once, E ka fe da no: punda kuai bo na kele ne wa! ²⁶ Magi, si no fe: de home; no mendu yo gue, punda turu ane ka be Zon mora un-ua profeta. ²⁷ So ane kundji Jizu e fa: no na taua. E fa ane tambe: Ne An nga fa se ki pure ma An ka zi ane kue kue. ²⁸ Magi kua se pensa! Un-ua home tia dossu na e ba lele issi pumbelo e fa: Mossu un, bo ka ba taba oze ni kampo! ²⁹ Na kundji e fa: An na se ka bewa! Magi so E muda fala re e be. ³⁰ E home ba lele segundo mossu e fa kue-me. Mossue-e kundji e fa: An nga be, sun; magi e na bewa. ³¹ Kuali ane dossu mossu zi vonte tata ane! Ane fa: pimelu. Jizu fa ane: Vereme An nga fa se: kobarro de imposto e prostituta ka letxa ni ale de Desso pimelo do ke se. ³² Punda Zon bi da se ni mondja de justissa, magi se na kele ne wa; magi kobarro de imposto e prostituta kele. Se plope, beru turu kue, se na mudawa e na kele newa. ³³ Nde oto vessu: E tia un-ua home, un.ua dono de tia ki kuna vinha, e serke loke, zi un-ua kua pa mua uva, zi un-ua nga zangaru de zongo e lenda tereno da lavrador de vinha. So e ba oto tia. ³⁴ Ola ma e xiga dia de kolheta de uva, e manda ane na kia re da xefe de vinha pa tua uva re. ³⁵ Magi lavraro de vinha te ane na kia de dono, beta ane, mata oto e da oto ki burru. ³⁶ Dono e to manda ane na kia dingui, maxi do ke pimbelo ve. Magi lavrador de vinha to zi ane kue me. ³⁷ So kue, dono manda na-re pope, fa: Ane ka rispato-o mossu un. ³⁸ Magi, ola ma lavrado de vinha be na, ane fa ane me: Ie sa dono. Bi, ban mate e tua likeza re. ³⁹ So ane te, kolekue ba lua de vinha e mate. ⁴⁰ Aie, ma dono da vinha ka bi, kua ane ka zi da ane lavrado de vinha! ⁴¹ Ane fe ele: E ka dana ane home mau de mora maxi male e lenda vinha e da oto lavrado, ki ka da o patxi-o dia de kolheta. Jizu fa ane: Se na le kua ki sa sissikaru-wa: Burru ma kontrutor zetz e bila burru ngola. Kue bi de Sun e buaru da we no! ⁴² So nga fa se: Ale de Dessu ka ba sa txizouru de se e e ka ba sa daru da un-ua tia ki ka da me. ⁴³ Ngue ka kie diba burru-e e ka sa kebiaru ndjigui. Magi gue e ka kie diba re e ka bila ompo. ⁴⁴ Ola ma ane xefe de sasserdote e farizeu nde vessu Re, nde ma E sa fa de ane. ⁴⁵ Ba tue mora de Te, tia ki mendo yo gue punda gue konsidere de un-ua profeta.

Chapter 22

¹ izu to kundji-é ku vesu fa: ² Goveni asé sa mora whân, Alê ku zi fesa, kasamentu ra ná rê. ³ Ê manda ane ná kia rê bá sama ané nkenu má ê kuvira ra fesa kasamentu, mazi ané na mesê bi wha. ⁴ Alê tô manda ôtô ná kia, fa: Fa ané kuviraru é: bi punda un zi wha janta: Un mata buê ku sevaru za turu kua sa ziru za. Bi fesa kazamentu. ⁵ Mazi ané na tua kuraru wha bé ané: whã bêrê meviã ôtô bêrê nogóxo rê. ⁶ Sô ôtô tê na kiã alê, zi ané vegonha foga wha sô mata ané. ⁷ Sô alê fika ku furia, sô manda soré rê ba mata ané, kliminozu-é tô kema poson ané. ⁸ Sô ê fa ané ná kia rê: Fesa kasamentu sa né zá, mazi ané nkênu ma kuvirá na sa bi veré wha. ⁹ Antó ba lua létu mondja, turu nkênu ma bô ka bê kuvira ané ra fesa kasamentu. ¹⁰ Ané ná kia siê mondja zunta turu nkênu ma ané bê é pô sa mafé ô buaru. Sô sala sia ku kuviraru. ¹¹ Mazi olá alê letxa pá é pia kuviraru, ê bê whã omé ku na tá ku kabisi kasamentu wha. ¹² Sô é fé: Migu má bô letxa inguê sê kabisi kasamentu! Sô omé-é kaboka. ¹³ Sô alê é fá ná kia rê: Manha món ku opé omé-é zugué pê kosi kulu nga ku tê suá ku mé detxi. ¹⁴ Punda a ka sama yô nkênu mazi pôkô ma ka koiê. ¹⁵ Sô ané xefi nguêza bá ngoló mora de tê Jizu ni kua ma é ka fa. ¹⁶ Sô ané manda ané maelu rê ku eródianu e ané fa Jizu: Mése nón tá má bô sa veré ma bô ka sina mondja Desu veré sô bô na ka pota ku konsê ne whã nkênu wha y bô na ka musa paxénsa katxi nkênu wha. ¹⁷ Antó fa nón kuai má bô ka kunda. Non pô paga impostu ô inó! ¹⁸ Ma é bi ta mali ané: Jizu fa ané: Ra kuai ma sê sêka pova Un ku fassué. ¹⁹ Musa un lélú impostu. Sô a biku whã lélú Ré. ²⁰ Jizu fá ané: Nguêi tê fegula é ku nome-é! ²¹ Ané faré: De Sêzalu. Sô Jizu fa ané: Da Sêzalu kua di Sêzalu, y Dêsu ku sa di Dêsu. ²² Olá ané ndê kua-é, ané babaka desa non bënë. ²³ Dié, Sadusêu ba lêlê fá ma a, na ka tô kora wha sô puté, ²⁴ fa: Mése, Muzeji fá: Si whã omé muê, na tê ná wha, si ná amon rê kapô kaza ku mengai rê tê whã ná ra ná amon rê. ²⁵ Ta ku sambari ná amon. Pumbêlu kaza sô muê. Na tê ná wha, desa mengai da ná amon rê, ²⁶ Mora é mé segundu ku, tisêru até sambari. ²⁷ Sô ku turu ané mengai muê. ²⁸ Aié ola ané ka tô kora, kuali ané sambari ná amon é ma mengai-é ka tua! Punda turu ané ta kuê. ²⁹ Sô Jizu, kundji ané: Sê erá, punda sê na ta kua ku sa sisikaru né porê Desu wha. ³⁰ Punda ola a ka kora motxi, ané na ka tô kasa wha, alê kuê-é, ané sa mora anju de osê. ³¹ Mazi kua de lata motxi, sê na lê kua ma Dêssu fa wha. ³² Un sa Dêsu Abbron, Dêsu Izaki, Dêsu Jako! Dêsu na sa Dêsu motxi wha mazi Dêsu vivu. ³³ Ola yô nguê ndê kua-é ane babaka ku kua ma Ê sêka sina. ³⁴ Mazi ola ané xefi nguêza nakulu ndê ma Jizu zi ané Saduseu kaboka, ané zunta. ³⁵ Whã ané, wha dotôlô alê ngoló pové-É. ³⁶ Mése, mandamentu alê sa kuali! ³⁷ Jizu fa ané: Ngogô ku Dêsu ô ku turu kosó ô, ku turu alima ô, ku turu kua ma bô ka pensa. ³⁸ Yé sa pumbê mandamentu masi ngái. ³⁹ Segundu

mandamentu mora é sa: ngogô ku nkênu ku sa bóro ô mora ô mé.⁴⁰ De dosú mandamentu é ka dependê di turu alê ku pofeta.⁴¹ Sô ola ane xefi nguêza nakulu ta zuntaru anda, Jizu puta ane fa:⁴² Kua ma sê ka pensa di Klistu! Nguei Ê sa ná Rê! Ane faré: Ná David.⁴³ Jizu fa ane: Má David ni Supitu, ka samé Sun, sô fa.⁴⁴ Sun fa Sumu: Tason mon detu Un, atê ma nga pê numigu ô kosi opé ô!⁴⁵ Sô ni David sama Klistu, Sun, Ma Ê sa ná David!⁴⁶ Né whã nkênu na pô kundji-é whã lumba sô wha, sô né whã omé na abuza pufia kuê na dié wha.

Chapter 23

¹ Sô Jizu fa yô nkênu ku mêlu rê, ² fa: Eskriba ku farizeu taso ny banku Muzé. ³ Sô kua ma ané mēsê ku ka manda sê, zé y lokê. Mazi na zi mora ma ané ka zi wha, punda ané ka fa mazi na ka zé wha. ⁴ Êê, ané ka pê pon sosi omé. Mazi ané ané mé na ka pô kēgê ku mó ané mé wha. ⁵ Ané gi turu kua ané pa sa bēru ra omé, sô aumenta filatério ané ka lega ntê diba kabixi. ⁶ Ané ngogo pimêlu nga ny bankêti ku pimelu banku ngêza nakulu ⁷ mantxa buaru ny lua sa samaru" Mésé" ra povô. ⁸ Mazi na sa buaru pa sama " Rabi", sô punda ê tē whã mesé sô, turu sê sa ná nimo. ⁹ Na sama ni whã omé tia tata s ê wha, punda pa sê ê tē whã tata sô, Ê sa onsé. ¹⁰ Né samaru mesé, punda pa sê ê tē whã mesé sô, Kistu. ¹¹ Mazi nkênu ku sa maxi ngairu katxi sê ka bi sa na kia. ¹² Nkênu ki ka da dy ngairu ka bi zi é vegonha nkênu ma ka umilha ka bi sa ngairu. ¹³ Mazi ai dy sê, eskriba, fingiru! Sê ku fisa Lênu Onsê ra omé. Sô na letxa wha na desa otô letxa wha. ¹⁴ Aidy sê, eskriba ku farizeu, fingiru! Sô lokê ku kay dy mengai ku pendê omé ka fa lason motxi. Sê ka tua kondenasón motxi. ¹⁵ Aidy sê eskriba ku farizeu fingiru! Punda sê ka nda turu mionga ku tia zi whã prozelitu. Ola é ka tē bilaru whã, bogi é dôsu vê maxi na fenu dôkê sê. ¹⁶ Ai dy sê, kondutôru segu, ku fa: Nkênu ku zula ra Santuaru, na ka valê wha, mazi nkênu ku zula da ôlô santuaru sa obrigadu punda zugamentu rê. ¹⁷ Ségu malaboia! Quali ku sa ngairu, olô ô santuaru ku ka santifika ôlô. ¹⁸ Nkênu kutxi ku ka zula ra atali, ná valê né whã kua wha. Mazi nkênu ku zula ra pezentxi ku sa diba êlê, sa obrigaru da zula rê! ¹⁹ Ségu! Quali sa ngairu, pezentxi ô atali ku ka konsagra pezentxi. ²⁰ Sô nkênu ku zula ra atali, zula rê ra turu kua diba rê. ²¹ Nkênu zula ra santuario, zula ra é ra nkênu ku ka vivê né. ²² Nkênu zula ra onsé, zula ra tlonu Dêsu da nkênu ku sa tasoru né. ²³ Ai dy sê, eskriba ku farizeu, fingiru! Sô ka da dizimu, hortelã, ku endro ku modja, mazi sê desa lumba masi buaru ra alê zustisa, mixikodji ku afê. Mazi sê tē ky zi kuê sê kondê otô. ²⁴ Kondutôru ségu, ku kua whã muskitu, mazi nguri kamêlu! ²⁵ Ai dy sê, eskriba ku farizeu, fingiru! Sô dipa lua kopu ku patu, mazi lētu sa siaru kua mali sê paxensa. ²⁶ Farizeu ségu! Dipa pumê lētu kopu ku patu, pa lua turu ka sa limpu. ²⁷ Ai dy sê, eskriba ku farizeu, fingiru! Sô sê sa mora tumba ku kiê, lua ka kô glavi, mazi lētu sa siaru osó motxi suzu. ²⁸ Moré é mé, lua turu té ka kô zustu ra omé, mazi lētu sa siaru dy xidiga ku mali. ²⁹ Ai dy sê, eskriba ku farizeu, fingiru! Punda sê zi tumba pofeta glavi ku mbila zustu. ³⁰ Sê fa: Si sê ka vevia ny ria tata nó, non na zunta ku ané ulukua sangi pofeta. ³¹ Sô, sê sa na dy ané ku mata pofeta. ³² Zi mindjira ta sê turu. ³³ Kiongo lasa kiongo mbaga, ma sê ka fuzi zuizu ku fenu! ³⁴ Sô bē, ãn nga manda pofeta, ku ta ku eskriba. Un Un ané sê ka mata é tô pê kusu, Un Un sê ka da xikotxi ny sinagoga sê ka puxigui dy posó a posó, ³⁵ pa kiê diba sê turu sangi dy zustu zugaru ny tia, djina Abéli, zustu, atê Zakaria, na dy barakia, nkênu si sê mata ny santuaru ku atali. ³⁶ Véré mé ãn nga fa sê turu kua é ka bi diba gelason é. ³⁷ Jeruzalê, Jeruzalê, ku mata pofeta ku da ku buru nkênu ma ka manda sê! Kuantu vê ãn tenta zunta na sê, mora nganha zuntu ná rê koxi aza rê, mazi sê na mēsê wha! ³⁸ Bê kay sê sa desaru seku. ³⁹ ãn nga fa sê, sê na ka bē un wha atê ku fa: Benditu nkênu ku bi ni nomi Sun.

Chapter 24

¹ Jizu xiê ngueza, bêrê. Sô ane damorê bi lêlê pa misê mora ngueza. ² Sô kundji ane fa; Sê bē turu kuê? Ni vêrê nga fa sê né wã buru na ka tô fika diba otô ku na baga wa. ³ Jizu ta tasoru ni londe olivera, sô ane danso re bi zuntu rê pataru, sô ane fa: Fa non kédia ane kuê ka bi sa, kuali xinali ka sa ola bô ka bi. ⁴ Jizu kundji ane fa :kuraru pa newã nguê ngana sê. ⁵ Punda yô nguê ka bi ni nomi un ka fa: Aun sô sa kristu, ka ngana sê ta. ⁶ Se ka nde fa guela rumore de guela, tia, na té sustuwa punda é toca turu kuê acontecé, magi é naxi lokuea. ⁷ Punda naçon ka lata kontra naçon, leno kontla leno, kate fome tenamorto ni iyo nga. ⁸ Magi ané kuê sa so komeçu de dolo pari. ⁹ Antó ane kua da sé kua doló e matacé, se kaça odiaru ni turu nguê punda nome unw. ¹⁰ E só nguê ka sofré, e ka ngama otó, e leva ki otó. ¹¹ Ió fasso profeta ka lata e ngana yó nguê. ¹² Ola mali ka motxi, amolé de yó nguê ka fia. ¹³ Magi ixi ki guenta até é loké, vira. ¹⁴ Evangelho de leno ka sa faró ni turu nga mora testemunho de turu povo só fim kabi. ¹⁵ Axié, ola sê ka bé abobinason kua kuin ki Daniel ta fa ma profeta sa ni nga sagiado(nguê ka lê ra intendê), ¹⁶ Ixi ku sa judeia fuji banda ba montxi, ¹⁷ Ixi ku sa ni teraso na tuka pa tua néwa kua ku sa ni kai, ¹⁸ Ixi ku sa ni mevia na tô bi pa tua kapa rê wa. ¹⁹ Maji ai de mengai ku sa ku bega, ixi ku sê ka mama ni diéé. ²⁰ Ji lason pa sê ki ka fuji na ka sa ni invernu ô ni sabaru. ²¹ Punda é ka bi tē mémé aflison, mora kua ku nansê ixistiwa jina komesu di mundo atê aié, é na tô tē wa. ²² Xi ane dia é na ka sa vizaru wa newã nguê na ka sava wa, punda ane ta koiêru, dia é é sa vizaru wa. ²³ Aié, xi kuali keru nguê fa sê: Ia klistu ingué! Ô, é sa klistu! Na kêlê wa. ²⁴ Pundafasu klistu ku fasu pofeta kabi plezenta meme xinali ku maravilha pa ngana, xi é da atê ane koêru. ²⁵ Aié aun fa sê antiji. ²⁶ Sô sô sô, Xi ane fa sê, aié é sa ni dezertu, na xiê wa, ô, é sa ni lētu kai, na kêlê wa. ²⁷ Punda axié mora miêmia ka xiê de oriente ka iêrê atê osidente, axié na home sê ka bi. ²⁸ Nga sa ki motxi, ingué ka bisu. ²⁹ E aie sô aflison dia xiza, solo ka kulu, têtêmbu na ka tô luzi wa, ketembu ka kiê ni onse, ane porê onse ka sa abalaru. ³⁰ Antó wã sinalé na di homé ka placé ni oncé turu la lassa tia ka gó e kabé na de homé kabi diba nuvem ni oncé ku puré e goia ngairu. ³¹ Ê ka manda ané anjo ré ku mémé barulho de trombeta, ené ka zunta ane koiéro ré ni kuana vento de tia di wã e otó kiba ³² Konsé veso de figueira axe mora oné tongó ka mura ka té fia sé ka ta ki véron sa peto , ³³ Axé mé, ola sé kabé turu kuê, sé ka tá ma elé sa

peto ni potó. ³⁴ Veremé nga fa sé ki gelason xié na ka la wa, sé ki turu kué sa darú. ³⁵ Onsé ku tia la, magi lumba un na ka lawá. ³⁶ Magi, ni respeito ni ria e hola é, newã ngue na katawa, né ené anzo oncé, ne magi pai só. ³⁷ Axé mora ria noé foi, axé te sa ma na homé ka bi. ³⁸ Punda ni ria é antigu dulúvio, ané ta ka mé, ka bebé kasa, tó kasa dingui, até ria má noé letxa ni arca, ³⁹ Ané na da konta wa, até ki diluvio bi e ki turu ané axé té sa ma na homé kabi. ⁴⁰ Antó dousu ome ka sa mevia; wha ka be; so oto ka ka sa desaru. ⁴¹ Dousu mengai kasa ka pisa ni makina, wha re ka sa tuaru, oto ka sa desaru. ⁴² Aiê zongo, punda non na ta ria ma Sum sê kabi wa. ⁴³ Sê ka ta kué: xi dono kai ka ta ola ladron ka bi, é ka zongo pa é na desa pa kai re sa bagaru wha. ⁴⁴ Aiê se toka te sa pepararu, punda Na Ome ka bi ni ola ma se na ka warawha. ⁴⁵ Aiê, nge sa sivorô fieli ku sebê, ma Sum dèssè sefi di ene na kia, ku sinturu ri ra ane mè ni ola setu? ⁴⁶ Feliji sa sivorô xi ma Sum rè ka bi bê zi kua buaru ola é ka bi. ⁴⁷ Vereme nga fa sê: Sum rè ka pê diba turu kua ku é tê. ⁴⁸ Maz xi sivorô ixi mau fa ni kosó rè: Su um sé ka langa! ⁴⁹ So komesa ka beta ni ane sivorô, ka mè ka bebé ku ane beberô; ⁵⁰ antó Sum ri sivorô ka bi ni ri ma é na ka whara so ni wha ola ma é na ka ta wha, ⁵¹ é kotê ndjigi só karê mora distino ku ane finziru, inge ka te sua ku mè detxi.

Chapter 25

¹ Sô Govenó Desu sa mora kuine na mosa ku, tua toxa rê siê ba lelê dadu rê. ² Tanó ané ta malokô tanó supetu. ³ Ola maloko tua toxa rê, é na bekuê wha. ⁴ Ma supetu biku doma mazi ku toxa. ⁵ Sô dadu é langa, turu ane ta ku sóno sô ne dumi. ⁶ Sô mea-notxi ane ndê Nguita: Ya dadu ô, bi lelê. ⁷ Sô turu ane lata yerê toxa. ⁸ Sô maloko fa supetu: Dano txo mazi sê punda toxa nón sêka paga bêrê. ⁹ Sô supetu kundji ane fa: non na tê mazi ku ka siga non tô siga sê wha, ba lelê nkenu ku ka bendê mazi ba kopé ra sê. ¹⁰ Sô ola ane ba kopé, dadu é vitxa, sô isi ku ta plontu békuê fesa kasamentu sô póto fisa. ¹¹ Ta sô ane vitxa sô fa: Sumbê, Sumbê biri póto ra non. ¹² Sô é kondji fá: Nga fa sê veré ma na ta sê wha: ¹³ sô ka zongó punda sê na ta ola wha. ¹⁴ Ê sa mora whã omé ku ta kuazi pê ba otô tia, Ê sama na kia rê pa ane tua konta likêza rê. ¹⁵ Whã é ra tanó kontu, otô é ra dosú, sô otô é ra whã kontu. Ê ra kara whã de mora ma é ka poy kuê, sô bère viaji. ¹⁶ Sô isi ku tua tanon kontu ba zi nogôxo é tó zi tanon kontu. ¹⁷ Mora é mé ma ku tua dosú tô zi dosú. ¹⁸ Mazi nkenu si ku tua whã bé ba biri kobo sôn kondê lelú ome-é. ¹⁹ Ê langa, xefi na kia é tóbi zi kontu ku ane. Na ²⁰ kia ku tua tanon kontu bi ku otô tanon kontú. ²¹ Mése rê faré: Sa bua, na kia buaru ku ka zi buaru! bô zi buaru ku pokô kua, nga tô ra ô masi. Letxa leguelá ku mése ô. ²² Sô isi ku tua dosú kontu fa: Mése é bô dan dosú kontu. tô, ya dosú kontu. ²³ Mése rê faré: buaru foga wha na-kia un sa buaru ku pokô bô zi buaru, nga tô ra ô masi. Letxa leguela ku mése ô. ²⁴ Sô ysi ku tua whã kontu fa: Mése é, un ta ma bô sa rizu foga wha: bô ka koyê ni nga ma bô na kuna wha. Ka zunta ni nga ma bô na whanga wha. ²⁵ Un, ta ku mendu sô mba kondê talentu ô kosi mavu. Ya ku sa di-ô ynguê. ²⁶ Mazi Sun rê kundji, fa: Ná kia mafé pliguisoro, bô ta ma nga koiê ni nga ma na simia wha, ma nga zunta ni nga na whanga wha. ²⁷ Milhó bô ka ra ane nkenu ku ka tloka lelu olá nga bi nga tué ku juru. ²⁸ Sô txia lelu mon rê da nkenu ku tê kuin. ²⁹ Punda turu nkenu ku tê masi a ka tô ré masi sô é ka sakuê motxi. Sô isi ku na tê netxó wha até ma é tê a ka txié. ³⁰ Kolê ku na kia máfe ba kulu nha ka tê sua ku detxi mé. ³¹ Sô ola Ná ome ka bi ku porê ku turu anzu kuê é ka tason ni tlonu rê. ³² Kota rê ka zunta turu nkenú tia, sô Ê ka бага nkenu wha ku otô. Mora pastoru ka бага ombô ku bodji. ³³ Ê ka pê ombô mon leton rê pê bodji mon sikeru. ³⁴ Sô Alê ka fa nkenu si ku sa mon leton bi, kuviraru Táta Un, lera Govenu ma a bá pepala na tia fô tia. ³⁵ Punda un ta ku fome bô ra un mé: Nta ku seri bô rân bebê, nsa nkênu ku bi bô pê un kai. ³⁶ Un ta unu bô rân kabisi, un ta ka doetxi bô ba kula un: Nta pezu bô bi pia un! ³⁷ Sô Zustu ka bi kundji fa. Mése é kêria ma mbê ô ku fome ma ma un ra ô mé! Ô ku seri ma nra ô aua! ³⁸ Y kêria ma mbê ô bi ma mpê ô kai! Ô unu ma mbisi ô! ³⁹ Kêria ma mbê ô ka duetxi ô pezu ma non ba pia ô! ⁴⁰ Sô alê ka kundji ane: kua veré ma nga fara sê ma, si sê zi whã ná mon masi txô kua é-é sa sê zié ra Un. ⁴¹ Sô é ka fa isi mon sikeru: Fô kota un, sê mafé, ba fogô ku na ka paga wha ziru ra demóno ku anzu rê. ⁴² Punda nta ku fome bô na ra mé wha: nta ku seri bô na ra aua wha, ⁴³ mbi, bô na pen kai wha, Nta unu bô na bisi un wha, nta ka doetxi pezu bô na puta nova un wha. ⁴⁴ Sô ane turu ka kundji, fa: Mése é, kêria ma nón bê Sun ku fome, ô ku sêri, ô ku bi ô unu, ô pezu ma non na sivi Sun wha! ⁴⁵ Sô Ê ka kundji ane: Kua Nga fa sê veré, ma sê na zi whã na pikina Un, sa a Un ma sê na zié ra wha. ⁴⁶ Yé ka ba kastigu até até mazi Zustu ka ba vira até até.

Chapter 26

¹ Só e da kua olá Jizu ndja turu ané lumba, E fá ane melo Re: ² Seta ma diingue ni dousso ria kabi sa Passicua, i na di Omé kussa daru pa pe kussa. ³ Antó ene chefi sacerdoti i ene ancion do povo zunta ni palaxu di sun sacerdote, kua a ka sama kaifas. ⁴ Konderu, ane ta pensa manha Jizu i mante E. ⁵ Magi ane fa: Na sa ola fessa wa, pa a na lata demanda ketxi de povo wa. ⁶ Jizu ta ni Betania, ni kai di Simon, ixi leproso. ⁷ Olá e ta tassoru ni mesa wa mengai bi Lele bi ku wa dona alabastro ku pufume karu fogawa, so bague ni diba ne Re: ⁸ Magi ola ma ene melu be kué so ane kita to fa: kualí lazón pa dana kue. ⁹ So pufumie toka sa benderu pa wa lelu buaru pa da ane plobli. ¹⁰ Magi Jizu, bi ta kuee fada ane: Punda kuai se ka traza mengai e. E zi wa kua buaru da un. ¹¹ Semple pobli sa ku sé, kagi semple se na te a unwa. ¹² Punda ola e lukua pufumie diba ongue un, e so zi kue pa mothi un. ¹³ Vereme aun nga fa se nga ma vangelho xie ka sa faru mi turu mundu, kua ixi ma mengaie zie ka sa tangaru ni leblança re. ¹⁴ Antó, wa ane kuin douso ma a ka sama Zura escarioti, ba ane xefe sacerdote. ¹⁵ Só fa ane: Kua ma se ka ma um se un da se ele. Ane pesa trinta muera di prata pa ele. ¹⁶ Ni aie ba ue, E ta ka ngolo wa moro pa da ané. ¹⁷ Ni pimelo ria di npo asmo, maielo bi kota Jizu so fá: Andgi bo mece ma a ka prepara me de Passicua Ra o: ¹⁸ Ê fa: Be ba posso ba setu ome i fa de: so Messe fá: ola un savitxa. aum sa kazi passikua ni kaio ku ane

maielo un.¹⁹ Ané maielo zi mora Jizu xina ane so zi me de Passikua.²⁰ Olá nsuku vitxa E tasso pa me ku ane kuin dousso maielo.²¹ So ola ene ta mé, fa ane: Veremé aun nga fa sé ma wa se kabi nganaun.²² Ané ta ki io dolo so kara wa ta punté; setu me e na sa uwa sun.²³ E kundji : nguéki ka pe ku aun mon ni patu ixié ka nganau.²⁴ Na di Omé ka mue mora e sa sichicarú sobre Ele. Magi aie dingue ku kazi na di Omé sa nganaru. ka sa buaru pa ele na toka nassewa.²⁵ Zura, kuka bi ngane fa: E sa un Messe. E kundji: Bo so fa.²⁶ Olá ta me, Jizu tua npo o da bensson o cote so patxie da mielo re. fa: tue, me Ixie sa ongue un.²⁷ Antó E tua so da glaça, da ane fa: Bebe Hue, turuce.²⁸ Punda ixie sa sangui un so sangui de Aliança ku sa lukuaru pa io ngue da peron de pekaru.²⁹ Magi Aun nga fa sé ma na ka tô bēbē dinguiwa unkē vidlirawa, ate ria ma un ka to bebe dingui ku se ni Lenu de Pai un wa.³⁰ So di ane canta unwa vungo, ane xie pa ba Monte di Oliveiras.³¹ Anto Jizu fa ane : sun ku é turu e ka sintxi mali punda kua un, punda e sá sixikaru: Aun ka firi pastoru i ane ombó de ubua kasa wanguaru.³² Magi so ola Aun ka mue kora, nga kīe ue di se pa ba galileia.³³ Peru fa de: Anda ma turu ane ka sintxi mali punda kua o, aun na ka sintxi maliwa.³⁴ Jisu fa de. Veremé nga fa o, ma nsuku xie, antiji ma galo ka kanta boka nega aun texi vē.³⁵ Peru fade: Mesmo si e sa muē kiô, na ka negaô wa. so mora é turu ané maielo fa.³⁶ So Jizu bé ku ané ni unwa nga samaru Getisemani so fa ane maielo: Tasso ingué na aun kaba ingue ora.³⁷ Ê be ku Peru i ane doussu na di Zebedou kue, komessa ka sintxi tristi so ku dolo.³⁸ So fa ané: Alima un sa xatiaru fogawa até motxi. ta ingué ku un so zongoku aun.³⁹ E to baue txo wa poco, Penpuna re ni son, i ora. E fa: Pai un si é sa possivel la di un kasi xie. Entrtanto ma na sa mora aun desejava, magi mora Bô deseja.⁴⁰ Ê bi ane maielo re so taka ane dumiru, so fa da Peru: Kuai, bo na poi zongo ku aun ni uwa hola.⁴¹ Zongo so ora pa o na letxa yentaçon. Sô supito de veré sa prepararu, magi kani e sa flacu.⁴² E afasta txo wa sengunda vêji pa ora e fa: Pai unsi e na ka dawa ki kasse xie lawa, se pan un bebewa. seja feta vonté ô.⁴³ Ê to bé machi wa veji so taka ane ka uni, punda ue ane ta demaru.⁴⁴ Antó e dessa ene dingui, saiatho so ora ni tessi veji, fa ana mora lumbae.⁴⁵ Sô Jizu biléé ané maielo so fa ene: sa dumi so dicança anda. Pia, so hola sa peto so na di Omé kasa daru ni mon de pekaru.⁴⁶ Lata se beno. La ma ngue ka ngua na sa peto.⁴⁷ So E ta fa anda, zura, wa ane kuin dousso zuntaru di wa meme multidon vitha ni kiba di ane xefi sacedoti i ancion de povo, vitx ku supara ki macete.⁴⁸ So Omé ki ta pa ngana Jisu ta da ene wa xinali fa: Ngue ma un beija sa ele. Manhe-é.⁴⁹ Welewelemé, e ndu ni Jisu só fa: kuma e, messe só de bejo.⁵⁰ Jisu fa de. Migu, zi kua ma o bi zi Antó ane to vutxa, sende mon ane diba Jisu i manhe-ê.⁵¹ Sô ma wa ene ku ta ki Jisu sende mon re saia katana, o firi a nakia di sumu sacedote kote oidia re ta.⁵² So Jisu fa de: Pe katana o digui ni nga re punda turu ngue ka te katana ka mue ni katana.⁵³ Na ka pensa ma un kapo nguita da Pai un, i E ka manda machi di kuin dousso legion de anzo.⁵⁴ Magi antó ma mora Blibia ka kumpri, ma ata fa setu ma kue kaliba.⁵⁵ Ni hola e, Jizu fa da multidon, sebi ku katana i manduku pa manha um mora wa ladron. Aun ta tassoru turu ria ni ngeza ka xina se na manha wa.⁵⁶ Magi turu kue da pa ki ane kua xiqueveru de profeta kassa kumpliru. So baue, turu ane maielo dessé só fuzi.⁵⁷ Ngueixi ki manha Jizu so bekue da Caifas, ni sumo sacedoti, nga ene escriba i ane ancion ta zuntaru.⁵⁸ Magi Peru Lelé E di lanjī oté salon di sumo sacedoti. Letxa i tasso ku ané nguara pa pia kua kara.⁵⁹ Ane sefi sasedoti y turu ane Sinedrio ngolo whã faso seseminha kontla Jizu, pa pô kodené Ê da mothi.⁶⁰ Ane na bē né whã wha, mesmu ku yô fasu seseminha ta pezenta. Sô masi ngosi, dousu bi ni whê.⁶¹ sô fa: Omé é fa: Mpoi бага ngêza di Dêsu so lume ni tési ria.⁶² So sumu sacedote lata so fa Dé : Bo na te resposta wa; kua ixi ma se ka sectemunha kontla o.⁶³ Magi Jizu ta fessa kaboka pipipi. o sumu sacedote fa De: Aun ga manda punda Dessu vivu fa no se bo sa Clisto, Na di Dessu.⁶⁴ Jizu kundji ene. Bo fa pa o me. Magi aun nga fa o di aie ba ue bo kabe na di Omé tassoru ni kiba glecto de todo Poderoso, kabi ni diba nuvé di once.⁶⁵ Antó so sumu sacedote taia cabissiré ta i fá: E te fa mali, Punda kuai non sa precisa sestemunha anda. Se nde mali.⁶⁶ So ma pensa; Ane kundji so fa: E sa mercedor de mothi.⁶⁷ Ane kupi ni polo Re De ki kua De suru,⁶⁸ ene fa: fadanon, Clisto. Ngei ki firio.⁶⁹ So Peru ta tassoro ni borro di lua ni salon wa na kia bé ate ele so fa: Bo també tava ku Jizu di Galilei.⁷⁰ Magi e nega ni ue turu ane, fa: Aun na ta kua ma o sa fa wa.⁷¹ Olá é xie ba ponton, oto na kia so bé fa ene ku tava ingué: Omeé te també tava ku Jizu di Nazaré.⁷² Sô e nega dingi ku wa zula: Aun na konse Omeé wa.⁷³ Te pouko so, nge ki tava nhabi so fa da Peru: sa seto, bo tambe sa wa diane, punda mora de fao ka kuza o:⁷⁴ Anto é komessa ka maldisoa so te zula: Aun na konse Omé wa i welewelemw wa galo kanta.⁷⁵ Pedru lembra de lumba ma Jizu ta fé: Antiji di galo kanta, bó ka nega un tessi veji. Anto e ba boro so sua ki io dolo.

Chapter 27

¹ Olá pómonha xiza turu sefi kia Desu i ancíó di pôvô zunta fa malijizu, 'pa mata Jizu. ² Ané manha Jizu, bē kuê bá vega dá Pilatu, Govenadoró. ³ Antó Zudá kua tava pensa mali ré bé mora ma fé Jizu, é xintxi xaru di remosu, é tlega tlinta moleda di pata ra ene sefi kia Desu ku asió. ⁴ Sô é fá ané hun peka angana sangui nosentxi. Mas ané fá: Kua má nó tê ku kua é? I sá ku bô. ⁵ Sô é zuga jimola di plata ni kia Desu, xiê só bá foga virá rê. ⁶ Ané sefi kia Desu té muera di plata: é na sá buaru pê muera zuntu feta, punda é sa pesu di sangui. ⁷ Ané pensa zuntu kua é ka fé ku lêlu, ané tua lelu é kopa uã mevia di olelo pa ané tia otô nkenu. ⁸ Punda kua xi ê, até ozé mevia é a ka samé mevia di sangui. ⁹ Antó kumpli kua ma pofleta Jeremias ta fa: "ané tê tlinta muera di pata, pesu má ané pôvô israel pia da Jizu. ¹⁰ Ane ra ku é mevia ré olelo, mora ma Sun fa. ¹¹ Antó Jizu tá wê govenaró só govenaró punta Jizu: Bô sá Alé ri Zurê? Sô Jizu kundji: Bô fé sá. ¹² Magi ola é bé akusaru di sefi kia Desu ku ansió ni uã kua êna kundji wa. ¹³ Anto Pilatu fá Jizu: Na ndé turu kua ma fára ô? ¹⁴ Magi é na kundji niuã kua wa, i axi govenaró fika dimiraru. ¹⁵ Ni fesa ané, govenaró sá kustumaru ka txia né plésu uã nkenu koiê eró di yô nkenu. ¹⁶ Ria xiza ané tia uã nkenu ni plesu ma yô nkenu konsê, a ka samé Barrabás. ¹⁷ Antó ané ta zunta, Pilatu

fa ané: kuali nkenu nasé mesé pa hun txia? Barrabas ô Jizu ma sé ka sama Klistu? ¹⁸ Punda ané tá tá ma ané tlega Jizu punda wê xá. ¹⁹ Olá ma ané ta tasoru né tribunali, mengai Pilatu manda fé uã kua: Na leta nê kua da Zustu é wa; punda óze, a ma sonha a hun padesê punda respetu homé sé? ²⁰ Ané sefi kia Desu fá ku ansió kovensé yô nkenu pa pindji Barrabas, pa mata Jizu. ²¹ Só govenadó punta ané: "kuali ané dôsu é ma sê mé sê pan pô txia? Ané fá: "Barrabas". ²² Pilatu fá ané: kuali ma nga a hun ka pê dji ku Jizu, ma ka Sama Klistu? Turu ané kudji: "Pê Jizu ni kussu". ²³ Ê fá ané: "Wa mali é fé? Magi ané glitá maxi fotxi: "Pê ni kussu". ²⁴ Antó ola Pilatu be mé na wa poi ji ne wa punda é sa komesa tumultu mó é tua ama laba more mé pôvô i é fa: hun sá nosentxi di sangui di homé iê sa wu sé". ²⁵ Turu pôvô fá: "Wué sangui dê wa wê diba no hun na nó". ²⁶ Antó ané sotá Barrabás, magi é bata Jizu é pê kussu. ²⁷ Antó ané sóré é govenaró beku ku Jizu letu pesu, zuntu turu sóré. ²⁸ Ané tia nabisi é a pé uã mantá boboru né yô nguê rê. ²⁹ Antó ané ji korua dê pinha i a pé té rê. Vanhã axa moré direti, i ané pe puna só we rê ji poco rê fá: "Sava, Alê di Judê ³⁰ Ané tá wu pi, ané tua axá di wê tê. ³¹ Anê ji pokurê, tiê manta voborô. Bixiê kabirê popê kabirê, i ané pé kussu. ³² Olá siê ta ká hun, homé di Sireni ka sama Simon, a obriguê ka kega kussu. ³³ Ané visera wã ka sama gogata ka signifika: "Uã da kaverô ". ³⁴ Dê vin zuntaru ku feli, olá é póvé é na kia bebêwa. ³⁵ Olá má kusifikê, a paxi kabisirê, zuga sotxi, ³⁶ ané tá só nguê ka vijia. ³⁷ Ané pê diba te rê fa ka ku sa skeveru: "SÊ SÁ JIZU ALÊ JUDÊ". ³⁸ Dôssu ladron bá kussu kuê, uã mó letó otô mó skeru. ³⁹ Nguê sa passa ka fá mali rê zombá té. ⁴⁰ Só fá. "Sava virá ô mé. Se ô sá Na Desu dêsê kussu". ⁴¹ Morê mé ané principi sasédoti sê ka ji pôvô rê zuntaru ku escriba i ansion fá: ⁴² "Ê sava otô, magi é na ka poi sava Elê mé wã. Ê sa Alê di Israel"! Aie desê fô kussu i nó ka kêlê ni ô. ⁴³ Ê kufia ni Desu; ki pesu ka tiê amé xi é mész buaru punda é fa: "Anó sa ná dôssu" ⁴⁴ Ané ladon ku ta kussu kuê turu fa malê. ⁴⁵ Na sama nó olá até uva wê kulu tua tia, ⁴⁶ olá é xiga uva Jizu klitá ku voji fá: "Eli Eli sabactani?" ku ka fá: Desu bé, Desu bé, punda kai mó legawanda?" ⁴⁷ Olá nkenu ku ta ru á munjaru tenderu ané fá: Ê sa sama Eliás". ⁴⁸ Só ma ané kolê tua ma pondja sia di vinagui, coloka ni ponta di kua ndji kana di pê bêbê. ⁴⁹ Só otô fá: "Desê só, beno pixi si Elias ká bi savé". ⁵⁰ Antó Jizu gita ding voji atu trega su supitu. ⁵¹ Só véu ku sá kia Desu taia dôssu pagi ponta a ponta é tia temé, roxá ndga. ⁵² Só ximiteli biri, é wog ongi di santu ki muê tô kora. ⁵³ Ê né fô ximiteli olá ané kora é ané leta poson santu wig zunta. ⁵⁴ Olá ané soré ku tia guará Jizu bé tia ka uluka kalu se kabi fixa ku yô mendu fá: " Veré vere mé sa na di Desu" ⁵⁵ Yô mengai ki sigui Jizu ndna a Galileia pa ô siviê ta nhã, ka pia di lond. ⁵⁶ Ané sá Maria madelena; i mé di Tiago e José, i mé di na di Zebedeu. ⁵⁷ Olá virá gos ebi né Arimateia homé liku, ka sama José ki sá maiêlu di Jizu. ⁵⁸ Ê xiga wê Pilatu é pidji ong di Jizu. Antó Pilatu manda pa rê. ⁵⁹ José tuá ong ré buê né má panu limpu di maiêlu. ⁶⁰ Só pê ni ximiteli novu, kia tia kabaru ni roxa. Só é bila menu buru ni wê ni pôtó di ximiteli só é berê. ⁶¹ Maria Madelena i otô Maria tava rá tasoru ne me siprocru. ⁶² Otô ria ku ka fi pó prepará ané principaru sacerdoti é ané fariseu, zunta ku Pilatu. ⁶³ Ané fá: "Sumu é fá no kê ria govenarê é kakora, é fá: Ni texi ria, hun ka resscutá. ⁶⁴ Ai pê guará ni ximiteli di vija até texi ria, ô ané maiêlu pô bi, ané futa ong rê; Ê kora né moxi i untinru xidig ka sa maxi piolu dô kê pimelu. ⁶⁵ Pilatu fa:" bê ku guará, da fika guararu ximiteli buaru. ⁶⁶ Ané bé zunta guará nê ximiteli, fika pôtó desê nhã ku guará.

Chapter 28

¹ Ngixi de sabarú, na dia wã de somana Maia Madlena ku ôtô Maia ane banha ba pia supuku. ² Ma Ana dé wã sairu teramotu, E tó wã anzu sumu da se ni Onse: Ê bi tô bila ni diba buru taso dibarê. ³ Mora rê sa mó relampagu ku kabixi re turu, ziaru mora neve. ⁴ Ane kuara fika ku mendu ka kôkô mora guê ma. ⁵ Sô anzu, puté ni kuai, Ê fa: na mendu wa. Anto sia jizu, mo te kusu. ⁶ Ê na tô sa ingué wa, maji é muê mora me ta fa, bi pia ligué m sun ta ne. ⁷ Bé djan djan ba fa ane maiêlu rê: Ê muê tô kora ni motxi. E ka bi wê sa ba galilêia, inxa sê ka bi mora é ta fa. ⁸ Ane xiê seru de ximinteli ku mendu ku gosto, kolê ba fa ane maiêlu rê. ⁹ Sô jizu ta katxi ane tô fa: saudason: Ane menja bi du zuntu rê dame operê tô adorê. ¹⁰ Sô jizu fa ane. Na mendu wa bé ba ane na mon pa ane ba galilêia ane ka bê un. ¹¹ Ala ma ane ta ka bê, ane guara ba poson ba fa xefi de sasedote turu kua ma ane bê. ¹² Sô ane sasedote zunta ane ansion pensa wã kua, Ane wã lêlu da soré ¹³ fa ane: Fa: ane maiêlu bi suku, tua onguêrê ala non ta ka dumi. ¹⁴ Xi kuê xiga oria govenadó, newã kua na ka da ku sê wa. ¹⁵ Ane tua lêlu, ji mora ma fa ane. Kuê sa katxi antê aié. ¹⁶ Ane kuine wã maiêlu rê ba galilêia, lugê ma jisu fa ane. ¹⁷ Ala ma ane bê ane adore; ôtô ane na kêlê wa. ¹⁸ Jizu ba lêlê ane fa: Turu porê un sa kuê ni Onse Ku Tia. ¹⁹ Sôsôsô sê ka bé zunta nguê de turu nason, batiza ane ni nome Pai, Filho, Supitu Santu. ²⁰ Xina ane ka guara turu ma un fa sê pa sê ji. Aun sa ku sê turu dia antê turu kua ka lokê.

Mark

Chapter 1

¹ Ié sa komesu di Ivangelhu Jisu Kistu, na Desu. ² Mora mê sa xikevero ni livo de Isaías: " Aun sê ka manda nkenu ni u uê sê ka ba bire mondja da ô. ³ Voge nkenu sê ka guita nga seku. Prepara mondja di Sun, dji mondja rê buaru"; ⁴ Nzo bi, ka botiza ni nga kutaru kafa ni botismu di arrepndimentu di pekaru. ⁵ Turu paso Judeia e turo povo de Jerusalem taca bi lêlê. ⁶ Ane era butizaru punda êle nu oyo Jurdon, ka pindji ane. Nzo ka bisi pena kamelu i é tava ki ua xintu di koru i ta kame melé silvestre (bisu). ⁷ Ê tava ka fa: " nkenu sê ka bi mema m di ua nkenu tê fosa maxi dô kê m, ua na ka ngê koxi ome ua vetekasê ka tia koro sapatu rê ua. ⁸ Ua batiza sê ku aua mazi Êlê ka batuisa sê ku Supitu Santu. ⁹ Ua dia Jisu, bi fô Nazaré di Galileia Ê ba botiza mon Nzo ni oiô Jordon. ¹⁰ Ola Jisu siê aua Ê bê onse biriru i Supitu Santu dêsê diba dibarê ua pombô. ¹¹ Ua vozi bi fô onse: Bô sa moso m nga gôgô kê. Antê amolê bô fogawua. ¹² Wele wele mé Supitu ma m dê ba nga

kutaru.¹³ Ê tava ua nga kutaru maleri kui dia, axeme dêmonô ba tente. Ê tava ku bisu obô i onso tava ka xié.¹⁴ Sô ku Nzo ba pezu, Jisu be atê Galileia, ba sina evangelhu Desu,¹⁵ ê fa: "dié xiga, so leno dy Desusa petu, Sê ka repêndê im kêlê ni evangelhu".¹⁶ Ê ta ka nda zuntu mionga Galileia, ê bi sinagoga ku André, manu Simô, ta ka zuga lelê pê mionga, punda pixkarô.¹⁷ Jisu fa ane: "bilêlê m, nga sê pixkarô di ome."¹⁸ Wele wele me ane dêsa lêlê pê so ba lêlê Jisu.¹⁹ Jisu ta kanda ka bé ê Tiago mosu Zebedeu, i Nzo, ku manu rê, ane tava kava koseta lêlê lêtú vapô.²⁰ Sô ê sama ane i desa papa ane Zebedeu ku tabarô rê ni vapô i lêlê.²¹ Ane be Kafanaun i nu sabaru Jisu letxa sinagoga i komesa ka sina.²² Ane tava ku gostô ku mê ka sina, punda Ê tava ka sina mora nkenú ku tê porê ki na samora xcriba.²³ Lê tu sinagoga tava ki ua ome ku supitu suzu ê nguíta ka fa:²⁴ "kua ma non tê kiô Jizu Nazarê? Bô bi dana non ta? An ta nguê sa Ô. Bô sa nguê Santu Desu!".²⁵ Jizu kolê ku demonô fa: kaboka i siê fô onguêrê.²⁶ Antô supitu suzu zuge peson nguíta ki fosa.²⁷ turu ngê tava ku gosto ka puta outo; sa kaui? Un-ua novu sinamento sinamento ki pore! Ê ka ate suplitu suzu, e ane ka ndê."²⁸ Wele wele mé fama Rê uanga da turo nga di Galileia.²⁹ So ane siê ni Sigagoga, Ana be ante cai Simo ku Andre ku Tiagoe Zon.³⁰ E sogra de Simo tava dumiru ki duethi. So ane fe da Jizu.³¹ Anto Jizu bi tê more e late e befe xie e mengaie komesa ka sive Desu.³² Ola suku kubi, ma solo konde, ane bi ku turu ngê ki tava duethe ou ki demono.³³ Turu poso junta ngê pe poto.³⁴ Jizu cula yo ngê ki tava duethe Ê thia turu duethe e Ê to thia demono. Magi Ê na desa demono faua punda ane concê.³⁵ Ane lata ceru, e kua tava culu anda; e ane sie ban nga ki na tê nguê wa ba zi lason.³⁶ Simo e ane nguê ki tava cuê siê ban gole.³⁷ Ane be e fara Jizu: "turo nguê cê ka ngolo ô".³⁸ Ê fa ane: ban ba outo luguê, poso peto, pan un ba lumba ku Desu tê kuê sa kua man bi gi engué.³⁹ Ê ba turu Galileia, fa limba di ku ni sinagoga i ka txia dêmonô.⁴⁰ Ua doêtxi di lebpra be atê zunta i sô pindji. I Ê fa Jizu: Xi bô mesê bô pô bi, limpuru.⁴¹ Ku vontê di kula Jizu sêndê mon pê diba, doêtxi i duêtxi fa: An, ua ngê sa limpuru".⁴² Wele wele ê duetxi legue pe sô ê fika kulado.⁴³ Jizu lumba ku ane seriu i manda berê. Jizu fe: "Pia na fa ngue nê ua kua, magi be ante sasedote i da kua ma Muzé fa mora testêmunha de purifikason da ane.⁴⁵ Mazi ê xiê i komesa ka fa turu i wanga fama di mora ma Jizu na ka bô letxa ni kuali kwua poson. Êlê tia ki ta lugue man ngê na ka vevia ne ua, mazi aseme ngê ka bi di turu lugê bi lêlê.

Chapter 2

¹ Ála Ê bi cafarnaun, tê wã dosu ria an dê fa mê ta kai. ² Axi, iô nguê zunta nha, ni mora ma nha na tô tê luguê ndja pê wa, nê poto, Jisu ta ka lumba ku ané. ³ Iô nguê bi lêlê Jisu ku wã home lezaru; kuana nguê keguê. ⁴ Ane na ndu zuntu rê wa punda iô nguê ta zuntaru nha. Sô ané бага diba kai nga ma Jisu ta né, ané dji vuvu, túa cama decê antê nga Jisu ta né. ⁵ Jisu bê afé ané, Ê fa home lezaru: Na un pecaru ô sa poraru. ⁶ Wã dosu escriba alê ta nha ka ngugunu cosó ré: ⁷ Ma homeé ka pô fa mora é? Ê fa mali! Nguê ka pô pora pekaru xi ê na sa Desu sô wa? ⁸ Ma jisu ta kua sa lêtú coso ané, Ê fa ané: "Da kuaí sê sê ka pensa mora é lêtú coso sê? ⁹ Kua sa maxi facili fa ra home lezaru: Pekarú ô sa poraru ô fa: lata túa cama ô nda"? ¹⁰ Magi, pa sê ta ma Na Home tê porê ni tía de pora pekaru, Ê fa home lezaru: ¹¹ Nga fa ô: Lata túa cama ô ba kai ô". ¹² Ê lata ceru túa cama rê xiê fô kai ni wê turu nguê, ané gôgô ku turu kuê da gloia Desu fa: "Nó naxi bê kúa mora é wa". ¹³ Ê tô xiê ba boro mionga, iô nguê ta ka bi lêlê, Ê ta ka xina ané. ¹⁴ Ê ta ka la, Ê bê Levi, na Arfeu ku ta tasoru ni luguê di coletá impostu, Ê farê: "Lêlê un". Ê lata lêlê mema. ¹⁵ Ála Jisu ta ka mé mesa kai Levi, ané nguê ka túa lêlú impostu ku pekarô ta ka mé ku Jisu ku ané nkenú rê, punda iô nguê ta ka lêlê memá. ¹⁶ Ála ma ané eskriba ku farizeu bê ma Jisu ta ka mé ku nguê ka dji pekaru ku túa lêlú impostu, ané fa nkênu rê: Da kuaí mê ka mé ku nguê ka dji pekaru ra? ¹⁷ Ála ma Jisu ndê kuê é fa ané: "Nguê buaru na ka ba xipitali wa; nguê sa duêtxi sô ka bé. Na bi sa justu wa, maji pekarô". ¹⁸ Ané nkênu Zon ku ané farizeu ta ka jijua. Wã dosu nguê bi lêlê fa ré: "Da kuaí ané nkenú de Zon ku ané nkenú farizeu ka jijua, maji ané nkênu ô na ka jijua wá? ¹⁹ Jisu fa ra ané: "Sê ka pia mé ane conviraru fesa casamento ka jijua ku noivo ingué? Xi noivo sa ingué, ane na ka pô jijua wa. ²⁰ Maji ê ka bi xiga dia ma noivo ka bêrê, ni dia é ané ka ba jijua. ²¹ Nêwã nguê na ka sora cabixe novu pê wã cabixi vé wa; axiwa ê ka tubua bêrê, vuvu rê ka sa ngairu. ²² Né wã home na ka pê vim novo ni buli vé wa. xi ê zi kuê vim novo é ka kébié loké vim é ka бага bêrê. Da kuêé pê vim novo ni buli novo" ²³ Sô kuê da ni wã sabaru, Jisu ta ka la lêtú kampo, ané nkênu rê ta ka biri mondja ka tukua glón. ²⁴ Ané farizeu fe fa: Pia, da kuaí ané sê ka dji kua ma na ka pô dji ni sabaru wa?" ²⁵ Ê fa ane: "Bô na lê kua ma Davi ji ala mê ta ku fata ku fome, êlê ku ané home ku ta kuê wa? ²⁶ Ma ê lêtú kai Desu ola Abiatar tava sumu Sacerdote é mé mpô ni wêrê kua ku na sa pa kualikeru nguê dji wa, sela sacerdote sô, ê da tambê ané nguê si ki tava kuê?" ²⁷ Jisu fa: "Sabaru sa giru da home, ma ji ê na di home da sabaru. ²⁸ Magi na home sa dono atê de sabaru.

Chapter 3

¹ Antô Jisu letxa lêtú sinagoga un wã home ta ku mon lezaru. ² Ôtô nguê ta ka pia xi ê kula home en ni sabaru, pa ané tê ki mon. ³ Jisu fa ra home ku ta ki mon lezaro: "Latá bi katxi turo nkênu". ⁴ Sô ê fa ané nguê ê: Nga pô dji turo kua buaru ni sabaru ô dji kua mali; Vévía ô txié vira? Sô anê ka bo ka ané. ⁵ Ê, piá bóro ku léva xatearu fogawa punda kosó dizu ma ané ta kuê, sô ê fa homé é: "sendê mon". Ê sendê mon Jisu kulê. ⁶ Ané fariseu bé ané djen dja, ka ngugunu ku ané herodiano, ka ngoló moru ma ané ka pô matê ta. ⁷ Sô, Jisu bé ku ané nkenú rê mionga. Iô nguê ku ta zuntaro lêlê mema, ané nguê ku bi Galileia, judeia, ⁸ Jerusalém, Idumeia, kiba Jurdon, boró boró Tiro ku Sidom. Ála má ané ndê kua ma ê ta ka dji, iô nguê bi lêlê. ⁹ Ê pindji ané maiêlu rê pa ané pê wã vapô txorororo kiba rê, punda iô nguê ta nhã, pa ané na betê wa. ¹⁰ Punda ê kula iô nguê, pa turu ané ku ta ka duêtxi, ta ku vontê pê kula ané seru, na zunta pê nda méwa. ¹¹ Semplé ala ku supito súzu ka pié, ané ka kiê zuntu rê, ka nguíta ka fa: "Bô sa na Desu". ¹² Ê na tapaia wa, fa pa ané na fa nguê mê sa wa. ¹³ Ê

banda mundu sama ngue xi mê mēcê, ané bi lêlê. ¹⁴ Ê koiê kuiné dôsu (nguêxi mê sama apostolo) pa ané sa zuntu Rê , pê manda ané ba fa lumba rê, ¹⁵ mê tê porê kôlê ku demônô. ¹⁶ Ê pê nome ni kuiné dosu ané: Simon, ma ê ra nome Peru; ¹⁷ Tiago, na Zebedeu, Zon, nãmom Tiago, ané ixi mê ra nome Boanerges, ku ka pô sa na tovara; ¹⁸ André; Filipe; Bartolomeu; Mateus; Tomé; Tiago, na Arfeu; Tadeu; Simom, zelote; ¹⁹ ku Zura iscariote, nguê xi ku nga né. ²⁰ Sô Ê ba kai, iô nguê zunta dingui nê moru pa ané ba mé kua kuali kua. ²¹ Ala ané nguê kai ô ndê kué é, ané tê ô pa ô na bêwa, punda ané pia ma ô sa tapaiaro intê. ²² Escriba ki bi jeruzalem ta ka fa;" Ê sa ku demônô" " ku demônô iúkarô é ka txia ané demônô". ²³ Jisu sama ané, fa ni vesu: Má demônô ka kôlê ku demônô? ²⁴ Xi wã lênu sa wangaro, ma ané ka pô langa. ²⁵ Xi wã kai sa wangaro, é na ka tê vira longo wa. ²⁶ Xi demônô latá contla ané mé wangaru kué na ka langa wá, é ka lokê bêrê. ²⁷ Magi nêwã inguê na ka létxa kai wã home fotxi futá kuarê békuê sê pê manhén pimbêlo wa; Inguêé ê pô futê turu kua kai. ²⁸ Nga fa sê verê, turu mali ma na nkuênu ka dji á ka poré, antê turu kua vonvon ma ê ka fa. ²⁹ Magi nguê ka fa vonvon contla supito santo na tê pero wa, é ka sa kuparu ku wã pekaru antê antê. ³⁰ Jisu fa kué éé punda ané ta ka fa;" Ê tê wã supitu suzu". ³¹ Maa rê ku namo rê bi , tá ané lúá. Ané manda wã nguê samé ra ané. ³² Iô nguê ta zuntu rê, ané farê:" Maa ô ku ané namoô sa lúá ka ngolo ô". ³³ Ê kundji ané:"Nguê sa maa un ku naámo un? ³⁴ Ê pia turu nguê ku ta tasoru daru vota zuntu rê fa: " Pia, inguê sa maá un ku naámo un! ³⁵ Punda kuakuali nguê ka dji vonté Desu, ixié ané naámo un ku maá un".

Chapter 4

¹ Jizu tô komesa dingue kaxina bega mionga. i yô nguê zunta zunto re, e letcha leto vapo ni mionga taxon. turu ané nguê é tia paia boro mionga. ² Ê ta ka sina ki versu ka fã: ³ Ndê! uwa omé cunaró siê pê ba kuna. ⁴ Olá má ô siê ka kuna otô unkuê kui monja, sxitu bi mé lokê. ⁵ Otô kiê mavu kui buru, luguê ki na ta kui yó mavu é ta dibá. ⁶ Magi olá má sokó nansé é kemá ané lokê é kuta ané ta punda ané na tiã lêgi ua. ⁷ Ê otô unkuê kiê katxi pó pinha, ané da uwê e to muê. lokê punda kué é ané unkuê na tô da wa. ⁸ Otô unkuê kiê mavu buaru é da unkuê e olá mê ta ka kula e da yo, otô dà makere, otô kuinê samano, otô cem vezi dingúê. ⁹ Ê to fã, nguê tô odia pa ndê, ndê! ¹⁰ Ola ma jizu ta sô, nguê tia zuntu rê ané kuin doso ta mbé, puté de semplu ré. ¹¹ Ê fa ané a cê nga da puré de Desu da anê mora semplo. ¹² Pa anê bê tô bê e na bewa, ndê to ndê magi na compreendewa oto mora, ane ka mura e Desu ka porá ane. ¹³ E fa ane : sê na ka ndê veso e wa... Ma sê ka nde oto me... ¹⁴ kunarô ka kuna lumba... ¹⁵ E anê isi bega mondja sa isi ki ka nde, magi demono kabi e ka futa turo luba xi ku sa coço re ma kuna loke weleweleme. ¹⁶ Oto sa isi ki sa kunaro nga mavu ki buruç ola ma ane ka nde lumba e ane kande ki goso.

¹⁷ E ane na te legi wa, magi ane na ka ta un. an dia so tibulaço ka bi ku leva punda lumba re, weleweleme ane ka kie. ¹⁸ E oto sa isi ku sa kunaro leto pinha. Ane sa isi ki ka nde lumba, ¹⁹ magi ane kua mundo e luxu di liqueza e ambiço de oto kua ka letxa foga ane lumba e na ka to da me wa. ²⁰ Oto re ki sa kunaro mavu buaru. Ane ka nde lumba tue e e ka da me oto makare , oto makare kwyne, samano e outo re unã cento ve. ²¹ Jizu fa., Se sa bi ki un a kandja pe letu kai pe coxi una zongue ou coxi camaSe ka bi pe diba ... ²² Punda nenhuan kua na sa konderu wa, ma na ka bi ta wa , ne kua konderu ki na ka bi sa biriru wa. ²³ Si e te ngue ki odia pan nde, nde. ²⁴ E fa ane ; tua atenso de ngue ki ka nde, punda mindjira ma se ka midji se ka mindji se me e de se ka ba sa omentaru. ²⁵ Punda ane exi ke te, a ka to da ane dingue e ngue na te wa a ka to txia isi me te. ²⁶ jizu fa; goveno Deço sa mora wa home ki sa kuna uncue pe mavu. ²⁷ E domi lata, ola ma uncue ka da e ka kula, madji e na te tia ta mora re wa. ²⁸ Mavu so ka me; pimelo e ka da planta zo pinha e maxi goxi uncue ki ca sia pinha. ²⁹ Ola ucue sa boru weleweleme, home ka passa foice punda colheta xiga. ³⁰ E to fa dingue; kua ma no ka po zi mora goveno Deçu...E kale veso ma no ka poi usa pa afa. ³¹ E sa mora uncue mostarda, ola me sa plantaro e sa maxi txododo de turu uncue leto tia. ³² Madji ola me sa kunaro e ka kula bila maxi ngairu turo planta jardin. E e kada meme tango pa mora ma xito once po dji kama re ni sombua re. ³³ ki yo veso E tava ka fa ane wã lumba, mora ane ka po nde. ³⁴ E na fa ane newa kuwa, se na ka ni veso wa Madgi, de patxi Ê ta ka fa turo kua da popi ngue re. ³⁵ Ria ixi za me e ndu suco Ê fa ; Ban ba oto kiba; ³⁶ E desa yo ngue, ane siguiro Zizu be kire, so ane tava leto vapo. Oto vapo tambe ta ki Re. ³⁷ So é comesa ùa tovara ngairu fogaua ku vento e basa comesa ka letxa vapo, de moro ma vapo ta ka xia ki aua. ³⁸ Madji Zizu tava popa ka domi diba mufara. Ane siguiro re late fe; Mece,bô na cê ca liga ma no sa quaze macua. ³⁹ Zizu lata cole qui vento e fa Ki mionga: caboca ta socegaru so vento ndja e é da ùa tempo buaru. ⁴⁰ Ê fa ane; punda kuai ma ce sa ki mendo ;; Ce na te a fe anda ua ;; ⁴¹ Ane ku yo mendo fa oto ; Ngue sa ixié ma antê vento ku mionga ka ndê;;

Chapter 5

¹ Ane xiga otô kiba miônga, lêjion gadarênu. ² Ala ma Jisu xiê fô canuã, wã ome ku tê supitu suzu, xiê fô xinteli bi lêlê. ³ Ome é ta ka vive rê xinteli. Newã nguê na ka pô tê wa é pô sa ku korente. ⁴ Ê ta pezu iô vê ku korente ku jema, maji é ka kebié ta punda né wã nguê na tê fôsa de têwa. ⁵ Turu suku ku pomonha , ni xinteli diba montji, é ta ka nguita ka firi onguê rê ku buru. ⁶ Ala mê bê jizu ni londji, é kolê pê mpuna só wê rê. ⁷ Ê guita ku fosa:"Kua man tê ku ô, Jisu, na Dêsu vivo. Un sê ka pindji ô, punda Dêsu, na tomenta wa". (Punda Jisu ta fa ré:" Xiê fô lêtú home é, supitu suzu.") ⁹ Maji Jisu puté: "Nome ô kuai?" Sô é kundji: Nome un sa lejion, punda non sa iô demônô". ¹⁰ Ê pindji Jisu pê na mandé ba otô luguê wa. ¹¹ Ê ra ma iô pôkô ta diba ôkê. ¹² Ane supitu suzu logué fa: Pia nhô pôkô lega non letxa né. ¹³ Jisu fa sê po letxa. Áne supitu suzu xiê letxa ni pôkô. Áne pôkô é, wã dosu mili fô diba ôkê letxa ba muê lêtú áwa. ¹⁴ Ane nguara pôkô kôlê bê áne, ba konta turu kuéé ni poso, ni kampu, iô nguê kolé bi pa ane ta kua ku ra. ¹⁵ Ala ma ane xiga zuntu Jisu, áne bê ome xi ku ta ku supitu demônô, tasoru, bixiru, turu ane kuéé xiê lokê, áne xintxi mendo. ¹⁶ Áne nguê ku ta ta turu kua ku ra ku home xi ku

ta ku supitu demônô fa kua ku ra kuê ku pôkô. ¹⁷ Áne komesa ka pindji Jisu pê bêrê lega tia áne. ¹⁸ Ala Jisu ta ka letxa vapô, home xi ku ta ku supitu demônô é pindjié pa é turu letxa vapô pê bêrê ku Jisu. ¹⁹ Jisu na kundji wa, maji é fa: "Ba kai ô, ba lêlê pôvô ô ba fa áne turu kua ma Dêsu ji ni vira ô. ²⁰ Sô home é bêrê ba fa turu kua ku Jisu dji ni vira rê. Turu nguê babaka. ²¹ Ala Jisu letxa vapô ba ôtô kiba iô nguê zunta pê ala mê tava zuntu miônga. ²² Sô wã xefe sinagoga ka sama Jairu kiê opé rê ala ma é bê Jisu. ²³ Ê pindji Jisu, fa: "Na un sê ka muê bêrê. Un sê ka loga ô pa ô pê mo ô diba rê pê sa buaru da un pê vivê. ²⁴ Sô Jisu Bekuê. Iô nguê ta ka lêlê mema ka peté. ²⁵ Sô, wã mengai ku sangue ta ka kôlê onguêrê tê kuiné dosu anu. ²⁶ Ê ba lêlê iô dotolo, turu lêlu loké bêrê. Duetxi é na kula wa. ²⁷ Ê ndê ka fa ni Jisu, é bi mema rê katxi iô nguê tê kabixe rê. ²⁸ Punda é ta fa: "Xi un tê kabixi rê nga sa kularu. ²⁹ Welewele mé sangue é kuta mengai é xintxi ma onguêrê ta kularu. ³⁰ Welewele me, Jisu ta tá ma porê xiê onguê rê. Ê bila katxi áne, é puta: "Nguê tê kabixi un? ³¹ Áne maiêlu rê fa: "Iô nguê sa zuntu ô ka peta ô: Bô ka puta nguê tê un? ³² "Maji Jisu pia vota rê pê ta nguê xi ku dji kuê. ³³ Ma mengaié ta tá kua mê dji, é xintxi mendo. Ê bi antê opé Jisu, é konté turu Veré. ³⁴ Sô é fê: "Na un afê ô kula ô. Bê ku paji bô sa kularu de mali é. ³⁵ Ala ma jisu ta ka fa, wã dosu nguê ta ka bi kai xefe sinagoga, ka fa: Na ô sa motxi. Da kuai bô sê ka nkunga ku Mesé ra?" ³⁶ Magi ola Jizu nde ma ane ta ka, é fa ane dómine di sinagoga: "Na temé wa. Kêlê sô". ³⁷ Ê na desa newã nguê lêlê wa, sela Peru, Tiago, ku Zon, manu Tiago. ³⁸ Ala ma áne xiga kai de dómine sinagoga, Jisu bê wã tomentu, iô nguê ta ka swa ka gô fogaua. ³⁹ Ala ma Ê letxa kai, Fa áne: "Da kuai bô sa ku iô tomentu ku súa? Née na sa motxi wa, é sê ka dumi". ⁴⁰ Áne di jisu, magi Ê turu áne lua, tua tata né é, mama rê ku turu nguê ku ta kuê, ba lugué ma né é ta. ⁴¹ Ê tua mon néé, Ê fa: "Talita kumi", ku sa: "Née nga fa ô: Lata"". ⁴² Welewele me né lata nda (punda é tê kuiné dosu anu). Aié áne tapaia. ⁴³ Jizu fa áne pa newã nguê na ka ta kuê wa, fa pa áne da néé mé.

Chapter 6

¹ Jisu xié fô nhá bi tia mê nasê né, ane namorê lêlê memá. ² Ala mê ndú sabaru é sina ni sinagoga. Yô nguê ndê fika ki ngôsô fogawa. Sô ané fá: "andji má é sina turu ane kúé né?". "Nguê pê yô kuê ntêrê asié?". "Milagui kuai, má é káji ku morê, é?". ³ "Ié ná sá kapitêlu moso maia, é namô Tiago, Zozé, Zura ku Simôn á? Ané mana rê ná sá igué ku non á?". I áné babaká ku Jisu. ⁴ Jisú fá ané Ma é na tê pofêta ku tê valôru xi é na si nga ma é nasê ne wa, i katji ané namô rê, i ni kai re ". ⁵ Ê naka pôgi kuakualí milagui nha wá , magi e pê mó ni ua dôsu duêtji kula ané. ⁶ Fata de afê ane, e fika babakarú. Ê sie ba ôtô nga ba sina lumba Desú. ⁷ Sô é sama ané kuiné dôsu maêlo, é da ané pôrê di manda ni supitu demono, sô manda ané bé dôsú , dôsú ba lumbá di Desú . ⁸ I iê fá ané pa ané na béku newa kuá ni mondjá wá, magi uwa djingui boró ané pô bekúê, né npó, né bôsa , né lêlú, ané ná ká pô bekúê manharu ní jibela ané wá, ⁹ magi pá ané pê sandalia opé, i pá ané napê dôsú kabixi wá. ¹⁰ Ê fa ane dingui: "Semple ma sê ka letxia uã kai, ane ka fika né até ane ka siê. ¹¹ E txi kuakuali na tua sê ô na ndê sê wa, ola sê ka siê fonha, sê ka saguri opó de sala kanda sê, pa ane tá ma sê na gôgô ku ane wa". ¹² Ane siê ba fá ôtô nguê pa ane lepêndê de pekaru ane. ¹³ Ane kôlê ku yó demono, bua yó duetxi ku ólio duetxi kula. ¹⁴ Alê Herode ta ndê kué, má sa fa ni nomi Jisu fogawa. Ôtô nguê ta fa: "ma êsa Zón Batista, ku muê tô kara, é manda êsa ku turú purê é". ¹⁵ Ôtô ta ka fá: "ma êsa Elia". Ôtô fá: "Êsa Tofeta, mora tofeta nakulu". ¹⁶ Magi olá Herode ndê kué, e fá: "Ié sá Nzó ma â manda cota xingô êtô kora". ¹⁷ Popi Herode tá mandaro pa ndama Nzó pê peru pôvia Herodia (mangai namorê Filipe), ma é ta kasaru kuê. ¹⁸ Punda Nzó ta fa Herode: "Ê na bua pa bô tua mangai namoô wá". ¹⁹ Magi Herodia ta ku leva ku Nzó pê maté, magi é na ta ka pôi wá, punda Herode ta ka mendo Nzó, ²⁰ punda é ta ma é tuá uã home (justo santo) e tá ké loquê ku nguara bem lóquêru. Ola Nzó ndê kué Herode ta ka sintxi komorarar, punda é tá ka ndê de bom vonté. ²¹ Herode da uã zanta ni dia me gi anu, da turu ane sefi di Galileia. ²² Popi na de Herodia bi foga da ane, Herode ku ane nguê ma é kuvira gôgô ku foga di ná é. Sô alê fá ané: " pindxin kukualikua ma bô mêsê ngá rá ô". ²³ Ê zulu fá: "Kuakualikuá ma bô ka pindxin, é pô sá metari lênu hga ra ô". ²⁴ Néé siê ba fô mamarê: "kua man kapô pindxi?" Mamarê kundxi: " Ntê di Nzó Batista". ²⁵ Nié kôlê dxiandxia ba lêlê alê pindxé, fá: "Mêsê pá bô dan, ntê di Nzó Batista ni uã patu, wulê wulê mé". ²⁶ Kósó alê dema fogawua magi é naka pô bilá ba memawá punda zúla ma é zula e wê ané sefi ma é kuvira. ²⁷ Antô alê manda soré ku ka tua konta rê pa ane bi ku ntê di Nzó Batista, nguara bê katê ntê ni pezú. ²⁸ Ê bi ku ntirê ni uã patu e tega naé i naé da mama ré êlê. ²⁹ Ané damorê ndê kué ane bi tua motxi rê ba tia pê ximintexi. ³⁰ Damo Jisu zuntá pê katarê, tanguê turu kua ma ané ta giro, e sinarú. ³¹ Ê fá ané asi: "Bi sê kabá uã nga londxi ba nhóká txo". Punda sê ta ka bê ku bi ne mé sê na ta ku tempu pá sê mewá. ³² Ê ané, subi vapô ba, uã nga longi. ³³ Magi yô nguê bé ané, ka siê ané zuntá siê ku kôlê, opé , ni tura poso e ané xiga pumelú ku ané. ³⁴ Ôla ané ta ka siê né vapô Jisú bi yô nguê siê sintxi pena ané, punda ané tia mora ovelha sê pastoru. E komesa ka sina ané yô kua. ³⁵ Ôla ma i siga ngoxi ané damorê, bi lêlê ané fá: Ié sá lugué longi é sá mooxi zá. ³⁶ Dispigi ané pá ané ba tia ané ô vila maxi petu ba kopuá kua mé. ³⁷ Magi Jisu, kundji, fá: "Dá ané kuá pá ané mé". Ané fá: " Jisu non ku bá kopuá duzentu milê npó pa ané mé?" ³⁸ Jisu fá: "kantú npó ma sê tê? ba tangué". Ólá ané tangué ané fá: Tanó npó, dôsú kikê". ³⁹ Ê manda ané pá ané tasó só. ni txó, txó kara nga. ⁴⁰ Ané tasó txó, txó di sen, di xinguenta. ⁴¹ Ê tua tánó npó é, ku dôsú kikê, boiá uê ba diba onsé, é dé bensá é kébié dá ané damorê pá ané pê ni uê pôvô. Ê patxi dôsú kikê dá turu ané. ⁴² Turu ané mé, siá begá. ⁴³ Ané kôiê turu ndjigui npó ku sovesá ku ndjigui kikê, é dá kuiné dôsú zongue siaru. ⁴⁴ Êtá tanó mili homé ku mé ané npó é. ⁴⁵ Olá é mé, é gi ané damorê, letxa vapô pá ané ndá bá uê, bá ôtô kiba, ka sámá Betsaida, Ê fika ka dixipiji pôvô. ⁴⁶ Olá ané siê, Ê banda mundu bá montxi bá gi lásó. ⁴⁷ Nsúku kubi, vapô ta katji miônga, é fika diba Êlê sô. ⁴⁸ Ê piá ma ané ta katê pulêma ku lemá ku ventu fotxi. Sô ni mazugaru zá Jisú bi ká pôzê ané ka ndá ni diba miônga, é kia ané uê. ⁴⁹ Magi olá ané bê ká nda diba miônga, ané nguitá, kunda zumbi . ⁵⁰ Má Jisú piá má ané fika ku mendu fogawa olá é mé Ê fá "selá sê tê kosó!" Ê s'ân mé, na mendú wá. ⁵¹ I Ê letxa vapô kua ané, ventu

ndjá di sópuá. Tú ané fika ku ngôstô fogawa,⁵² sô ma ané na tá ndê, kua di ané npó; buaru wá, kosó ané tá fisáru.⁵³ Olá ané xiga paiá, ané bê tia ka sámá Geresaré ané fundja vapô.⁵⁴ Olá ané siê ni vapô, olá é mé pôvô bê má é sá Jisú.⁵⁵ Otô nguê nda ni turu nga ka quêga turu duêtxi ni maka di turu kiba ka bi kuê.⁵⁶ Kuakuali nga ma é tá ká letxa, ni vila, pôsô, ô losa, ané tá ka tuá turu duêtxi ni lúá ká logué, ká fá, é pô sá pá nó, pê mó ni diba ô sô. I turu nguê pê mó né fika kuláru.

Chapter 7

¹ Ane Farezeu ku ane eskriba ku ta bi Jeruzalem, turu zuntu ku Jisu ² Ane zongo wã dosu maiêlu rê ka mé mpô ku mó suzu, sê laba mó. ³ (Punda ane farizeu ku turu zudê na ka mê mê ku mó suzu wa, punda ane ka lôkê kua ma ane nguê tamé ka fa. ⁴ Ala ma ane ka tô bi fela, ane farizeu na ka mê, xi ane na laba mon wa. Ê tê iô kua ma ane ka dji buaru, ane laba kopu, jaru, vazú bronze, atê banku ma ka taso né maza). ⁵ Ane farizeu ku ane eskriba Punta Jisu: "Da kuaí ane maiêlo ô na ka vévia mora xi ma nguê ngai ka vevia wa, ane ka mé mpô sê laba mô?" ⁶ Ê kundji ane: "Fingiru, é manda Isaia fa kuéé, mora mê sa escrevero: Pôvô xi é ka fa ni Jisu ku boka sô, koso ane sa londji de fogawa. ⁷ Ane ka gôgô ku Jisu ku koso kútaru, ka xina kua home mora kua ane. ⁸ Sê bila méma da kua Desu pasa ka dji kua home. ⁹ Ê tô fa ane dingui: "Sê zeta kua ma Desu fa ba dji kua ma biri wê taka! ¹⁰ Magi Muzegi fa: Gôgô ku tata ô ku máma ô, nguêxi ka fa mali de tata rê ku máma rê, é ka muê. ¹¹ Sô sê ka fa: Xi wã home fa táta ku máma rê: Kuali keru juda ma ô ka pô túa ni mô un sa borbã." (kuaé sa plezentxi da Desu) ¹² Antó bô na ka tô kundji pê dji kuakuali kua da táta ô ku máma ô wa. ¹³ Axi bô sê ka loke ku kua xi ma Desu fa da kua ma bo biri wê taka. Sê sê ka dji mora é mé. ¹⁴ Ê tô sama iô nguê fa ane: "turu sê, kandê kua xi man fa, buaru. ¹⁵ Ê na tê né wã kua ku na sa lêtu home ku ka letxa de dominéwa. Magi kua ku ka xiê lêtu koso rê sô sa suzu. ¹⁶ Nguê tê oria kandê. ¹⁷ Ola é mé, ala ku Jisu desa iô nguê, lêtxa lêtu kai, ku ane maiêlu rê, ane puté kua ma kué sa. ¹⁸ Jisu kundji: Sê ka ta sê ta kua anda? Sê na bê no turu kua ku sa letxa home na ka po bi suzu wa. ¹⁹ Kua é na ka letxa coso rê wa, é ka letxa begare so é ka xiê Ku lumba é, Jisu bila turu kua mé buaru. ²⁰ Ê fa: kua ku ka xiê ni coso rê ka xiê kua poreru, ²¹ kua suzu, futá, matarô, ²² Adultério, wê ngoro, mali, engano, sexualidade, wê diba kua nguê, orgulho, tolice. ²³ Turu ane malié ka bi lêtu coso, ka bila home suzu. ²⁴ Ê xiê fô nha é ba lugue de Tiro e Sidom. Ê letxa wã kai é na mece pa nê wã ngue ta mê sa nha wa, maji é na ka pô sa concaderu wa. ²⁵ Wele wele mé sô wã mengai ku te na rê tava ku supito demono, dê fa ni jesu, bi antê ope rê pê puna só. ²⁶ Megai era grega de nga de siro-finícia. Ê pingi pa txia demônô lêto na rê. ²⁷ Ê fa: "Desa ane na pikina mé pimbelu. Punda é na sa buaru txia npo de na pikina da na çaçou wa. ²⁸ Sô mengaié Kundji: "Veré me Táta, maji atê na casô turu basu mesa ka mé fufu kua na pikina. ²⁹ E fa .da kai ma o fa kue,bo sa livre,pa o be so ola mano xie ni mare". ³⁰ Ê to ba kai e zongo nare ka dumi ni kama,e de mono ta xirro za. ³¹ Sô é tô fa ni nga tiro passa sidon antê mionga de galileia, ni lugué region dekápole. ³² Ane bi ku wã home suro ku tava ka fa male sô ane pingi pa jisú pê morê diba rê. ³³ So é toxié katxi iô ngue, ane doçu so,pe dedo re ni oria re, so kupi, e te lingua re. ³⁴ Jesu zongo once zeme fa: "Êfata" ku ka sa biri. ³⁵ Sô welewele mé oria rê biri , kua ku tava ka djé na fáua, Ê txié, é pô fa, turu nguê ka ndê buaru. ³⁶ Ê fa ane pa na fa kuéé da nguê wa. Maxi mê ka fa ane pa ane na fa wa, sa maxi ma ane ka fa. ³⁷ Ane gôgô fogaua fa: Ê dji turu kua buaru. Ê ka dji atê suru ka ndê, mumu fa.

Chapter 8

¹ Dia é, é tô bi tê iô nguê, ané na tava netxo mé wa ané wa. Jisu sama ané maiêlo rê fa. ² Tê pena pôvô, ané sa kua aun, tese ria ané na tê kua méua. ³ Xi aun manda ané bënë kai sê mé, amboka ni mondja. Sô ané bi fô lonji". ⁴ Ané maiêlo rê kundji: Andji ma nó ka pô bé iô mpô pa turu ané nguê sialé béga ni nga kutaru. ⁵ Jisu punta: "kantu mpô ma sê tê?" Ané fa: "sambari". ⁶ Ê manda pôvô taso so. Ê tua sambari mpô da glaça patxi; da maiêlu rê pa xivi, ané xi pôvô. ⁷ Ané turu tê txo kikê, ala ma ané da glaça, Ê manda ane maiêlo rê xivi. ⁸ Ané mé gogo kuê. Ané maiêlo ndjigui ixi ki ta sobla, sambanô zongué ngairu. ⁹ Ê ta kwana mili nguê. Jisu manda ané bê. ¹⁰ wele wele mé é ba vapô ku ané maiêlu rê bé ba nga Dalmanuta. ¹¹ Anto ane farizeu bi komeça ki fitxin kuê. Ane pindji xinali oncé pa teste. ¹² Ê da fôgô ba lêtu ni supitu, fa: Punda kuaí ênê nguê pindji wã xinali? Vére nga fa sê né wã nga da ane nguê é. ¹³ Ê lega ane, letxa dingui ni vapô tô ba ôto kiba. ¹⁴ Ê da kua maiêlu rê kêsê de bê ku mpô. Wã mpô sô ta vapô. ¹⁵ Jisu sama ane atenson: "Tua atenson lokê vira de fermentu de farizeu ku fermentu Herode". ¹⁶ Ane maiêlu rê ngugunu ane ku ane. Punda ane na tinha mpô wa. ¹⁷ Jisu bê kuéé, fa ane. Punda kuaí sê ngugunu, ma sê na tê mpô wa? Sê na compredê wa? Nê ndê wa? Anto coso sê sa dizu? ¹⁸ Sê tê wê na sa pia wa? Sê tê ôria na sa nde wa? Sê na lembla wa? ¹⁹ Ala ma patxi tano mpô katxi tano mili nguê kantu zongué mpô sê koiê? Ane kundji: "kuiné dosu" ²⁰ Ala ma patxi sambari mpô katxi kuana mili kanto zongué sê koiê? Ane fa sambari. ²¹ Antó ê punta ane: "Sê anda na kompiendê wa? ²² Ane ndu ni betsaida. Ane nguê bêku wã cego da Jisu pê pô kulê. ²³ Jisu tê mon békuê ôto nga ni aldeia é mé. Ala ma Jisu zuga kupi pê wêrê pê mon diba rê, punté. Bô sê ka bê kua kuali kua? ²⁴ Ê lata wê, é fa: "Un sê ka bê home ka kô pô kanda. ²⁵ Antó é tô toka wêrê; Anto wê de home é foi kularu é bê turu kua buaru. ²⁶ Jisu mandé pê ba kai, tô fa: "Na letxa poso wa". ²⁷ Jisu bê ku ane maiêlo rê ba wã nga cezareia de Filipe. Ni mondja é puta maiêlu rê: "Nguêi ma ane ka fa ma un sa"? ²⁸ Ane kundji: "Zon Batista. Ôto ka fa: Elias; Ôto wã de ane pofeta. ²⁹ Ê punta ane: nguê ma sê ka fa man sa? Peru kundji fa: Bô sa Cristo. ³⁰ Jisu manda ane pa ane na konta nguê vira rê wa. ³¹ Ê komesa ka xina ane ka fa ma na home ka padece iô kua. ka sa zetaru da Ancion ku sacerdote ku eskriba ka muê tô kora dingui ni têsí ria. ³² Ê fa kuéé biriru. Antó Peru, samé ni bôro, komesa ka keta kuê. ³³ Ma Jisu tô pia ane maiêlu re, keta ku Peru fa: Ba mema un demônô! Bô na pensa kua Desu wa, maji ni kua de home. ³⁴ Antó é sama pôvô zuntu ku maiêlu rê fa: Xi nguê mécê lêlê un, ka zeta êlê mé, tua kusu rê lêlê un. ³⁵ Punda nguê mécê vévia vira, ka pêndê, nguê ka

pêndê vira rê povia un ku vangeli, ngiê é ka vévia.³⁶ Kô ka nganha xi bô lêlê mundu é turê pendê vira ô?³⁷ Kua ome ka pô ra pê mura vira rê?³⁸ Nguê xi ka tê vengonha un, ku lumba un ni gerasô adultera ku ka dji pekaru, Na Ome ka tê vengonha rê ala mê ka bi fô oncê ku gloia tata rê ku ane anzu santu.

Chapter 9

¹ Sô Jizu fa ane: wha ku ma nga fa sê veré katxi sê bê govenu Desu ka bi ku pôrê. ² Samano ria, Jisu twa Peru, Txiagu i Nzo, bê ku ane ua nga zangaru. ³ Ma Kabixi rê bila ka luzi montxi kabixi ma labandela sa kapaji dy laba. ⁴ Sô Elia ku Musés bi katxi ane bi lumba ku Jisu. ⁵ Peru kundji i fa Jisu: "Mesé, inge sa buaru pa non sa né. Non ka zi têsî kilala: ua ra ô, ua ra Mosés, ua ra Elia". ⁶ (Ê na ta kwa mê ka fa wa, punda ane ta ku mendu). ⁷ Ua ombosi lamba ane sô ua vozi siê katxi ombosi: "Yé sa Na rê ma nga gogo kwê. ⁸ Sô Êlê Ndê!" Tasô, ane lolê katxi ane, na bê nê ua nkenu wua, sô Jisu. ⁹ Ala ane tuka fô londé, Ê lekê ane pa ana tanga kwa é ra ne ua nkenu atê na omé ka kora motxi. ¹⁰ Sô ane loke kwa é koso ane mazi ane ta ka ngolo ta kwa sa kora maté. ¹¹ Sô ane puta Jisu: "Da kwai ma ane xcriba ka fa ma Elia ka bi pumbêlu veré?" ¹² Jisu kundji ane: Elia ka bi pumbêlu veré pa Ê bi detê turu kwa punda Ê sa xisikaru ma ma ome ka bi parisê iô kwa i ka bila mema ré? ¹³ Mazi nga fara sê ma Elia bi sê zi kwua ma sê mesê kwuê mora mê sa xisikaru rê. ¹⁴ Ola ma ane vutuka bi katxi mêlu ane, ane bê yô nkenu kondoka ane sô ane sefi ngeza ta ka pufia ku ane. ¹⁵ Ola ane nkenu é bê Jisu ane babaka kolê atê kota rê bi fé mantxa. ¹⁶ Sô Ê puta ane mêlu rê: Da kwuai ma ane sê ka pufia ku ane? ¹⁷ Ua nkenu katxi ane kundji: Mesé, n ka bi ku mosu n ra ô; Ê tê ua supitu ku na ka zié limba wua. ¹⁸ Ê ka zié konvoson, ka zugé pê son kusa ka siê boka rê, Ê ka sê ka mê detxi npindji ane melu ô ane na poi wua. ¹⁹ Sô Ê kundji ane: "Lasa mafé, atê kêriá ma nga sa ku sê atê keria ma nga sê ka zi kwa ma sê ka manda mu? Bi kwuê da Mun". ²⁰ Ane bi ku mosu é dé. Ola ma alima é bê Jisu, Ê tô ka temé diji diji komesa ka bila son ka lukwa fusa boka. ²¹ Sô Jisu puta tata rê: "Na keria ma é sa asié? Tata rê fa na txoô ró rê. ²² Yô ria é ka zugé pê fogô ô aua ka ngoló maté. Si bô ka poi! Turu kwa ka zi da nkenu ku ka kêlê. ²³ Jisu fara ane: "Si bô ka poi! Turu kwa ka zi da nkenu ku ka kêlê". ²⁴ Sô tata mosu é ngita fa: nga kêlê zura mu ka krensa mu. ²⁵ Ola Jisu bê yô nkenu ka kolê bi lêlê, Ê kolê ku alima ku ka fa. Supito suru ka tô letxé wa. ²⁶ Sô mosu é ngita bila ku teme digi diji zi mora nkenu ku muê mazi motxi nkenu komesa ka fa Ê muê berê. ²⁷ Mazi Jizu tê mon so, laté so Ê lata. ²⁸ Ola Jizu letxa kai, ane melu rê puté ane sô: Da kuai ma non na poi kolê kuê ua? Ê ²⁹ faré ane: "Mora é sê na ka poi kolê ua selá ku lason". ³⁰ Ola ane fô nhã la Galileia Jisu na ta mesê na yô nkenu ta nga ma ane sa né ua, ³¹ Punda Ê ta ka sina ane melu rê ka fa Na ome ka sa mon ome sô a ka maté. ³² Ola Ê ka muê di tesi ria Ê ka tô kora. ³³ Mazi ane na ta kua é ua i ane ta ku mendu puté. Sô ane ba Kafanaun, ala Ê ta kai Ê puta ane melu rê: Kai ma sê ta ka pufia mondja? ³⁴ Mazi ane kaboka punda ane ta ka lumba ku ôtô mondja di ngei sa ma si ngai. ³⁵ Sô Ê ta son sama turu kuine dosu sô fara ane: "Si ua nkenu mesê sa pumbêlu Ê ka ba mema na kia turê". ³⁶ Sô Ê twua ua na pikina pê katxi ane sô digié sô fa. ³⁷ Kuai kuali nkenu ku ua na pikina mora ni nomy mun sa punda Ê na twa mun; Si nkenu twa mun Ê na twa mun ua mazi nkenu si ku manda mun. ³⁸ Sô Nzo faré: Mése non bê nkenu ka kolê ku dêmonô ni nomy ô non puvie punda Ê na ka lêlê non ua. ³⁹ Mazi Jisu fa: na puvia ua punda ne ua nkenu na ka zi milagy ni nomy mun sô tô fa maly mun ua. ⁴⁰ Nkenu ku na ka kontê non ua sa ri non. ⁴¹ Kua kuali nkenu kura sê ua kopu di aua bêbê punda se sa nkenu kistu, kua nga fa sê veré ma Ê na ka pendê pagamentu rê ua. ⁴² Kua kuali nkenu ku zi ua na pikina si ku ka kêlê ni nomy mun zi mali sa masi buaru pa Ê twa ua buru manha pê singô ulukua ba mionga. ⁴³ Si mon ô ka zi ô zi mali katé ta. ⁴⁴ Masi buaru sa pa ô sa ku vira ku mon kolaru dokê saku dosu mon muê ba nkenu ba fogô ku na ka paga ua. ⁴⁵ Si opé ô ka ziô zi mali koté ta buaru. Sa pa ô tê vira ku opé kotaru doxê letxa nkenu ku dosu opé. ⁴⁶ Onde os vermes nunca morrem, e o fogo nunca se apaga (Este trecho é omitido nos manuscritos mais antigos). Nga ma ôkoli na ka muê ua ma fogô na ka paga ua). ⁴⁷ Si whê ka zi ô zi mali tuké ta masi buaru sa pa ô lexta goveno Desu ku ua whê. ⁴⁸ Nga ma okoli na ka muê ua ma fogô na ka paga ua. ⁴⁹ Punda kara nkenu ka sa sagaru ku fogô. ⁵⁰ Salu sa buaru sa sê na tô saga ua na ô ka zié tô saga? Saga ô pumbê pa ô vevia ku pagi ku ôtô.

Chapter 10

¹ Jizu lega xitu siê be pa region di Judaia ni wê oiô Jordon; sô ane yô nguê tô bi dingui. Ê t ô xina ane mora ta ku kusyume. ² Ane Farisêu tô bi sô ane punta: "Veré sa buaru mé omé ka bô lega mengai rê?" ³ Ê kundji: "Kwai ma Muizé fa?" ⁴ Ane fa: "Musé fa omé xkevê ua wa kata di бага, Antón, бага ki mengai". ⁵ Jizu, fa ane: "Kwuê sa punda koson sê sa dizu ku Muisés manda xikruvê kuê. ⁶ Djina komesu di turu kua Desu dji ome i mengai". ⁷ "Da kuaé m omé lega papa rê ku mamá rê zuntu mengai, ⁸ ane dosu ka tô sa ua nguê sô. Aié Ê na tô sa dosu wa magi un wa nguê sô. ⁹ Magi aié kua ma Desu ka zunta omé na ka wangue wa". ¹⁰ Ola ma ane tava kai, ane maiêlu tô zunta da kuê. ¹¹ Ê fa ane: "Turu nguê ki ka lega mengai rê ki ka zunta ki ôtô mengai, ka agi pekaru. ¹² Xi mengai lega omé rê ba tua ôtô omé, menagaié ka peka. ¹³ Ane tô bi ku na txororo pê pô mon né, magi ane maiêlu keta. ¹⁴ Ola Jizu bê kuê, ta xatiaru Ê fa: "lega na txororo bi lêlê un na zeta ane wa, punda govenu di Desu sa da nguê mora na txororo. ¹⁵ Nga fa sê vere mé: "Turu nguê ku na tua govenu di Desu wa mora na txororo, Ê na ka letxa ne vira de Desu". ¹⁶ Anton Ê tua na txororo pê morê i de benson. ¹⁷ Ola mê tua mondja É bere unwa ome kolê bi; pê npuna sô punté: "Mesé buaru, kuai nga poi dji nhã pa tê vira longô?" ¹⁸ Jizu kundji: "Da kuai manda bo ka sama buaru neunwa? Nguê na sa buaru xi É na sa Desu. ¹⁹ Bô konsê mandamentu: "Na matawa, na tua mengai nguê, na futawa, na fa mali nguê, na futawa, gogo pa ô i ma ô". ²⁰ Ome É fa: "Mesé, turu kuê an logue na antia na txororo". ²¹ Jizu pia de i amé, fa ré: "ua ka fata ô; be ba bendê turu kua bô tê da plobi, bô ka tê unwa likeza onsê. Anton bi lêlê un". ²² Magi omeé, xatiaru ku palavra xiê, xiê ki leva punda Ê tava ki ô likesa. ²³ Jizu pia boro rê fa ane maiêlu: "Mê sa dizu nguê tê kua

letxa ni govenu Desu!"²⁴ Ane maiêlu fika ku boka biriru da fa rê. Magi Jizu to fa ane dingui: "Na un, ma é duru letxa ni govenu di Desu!"²⁵ Ê sa maxi buaru unwa kamelu pasa ni vuvu di unwa guia maxi du ki unwa liku ni govenu di Desu".²⁶ Ane tava tapanaru i ka fa un ane da ôtô: "Sô nguê ka poi sa salva?"²⁷ Jizu pia ane fa: "Pa ome é na ka guia magi pa Desu turu kua é ka ka pô dgi".²⁸ Peru komesa ka fé: "Ma non lega turu kua ba mema i lêlê Ô".²⁹ Jizu kundji: "Veré me nga fa sê, é na tê nguê ku desa kai rê, na manu rê, pa, mama rê, mosu rê, tia rê, ku punda un an da"³⁰ Êvangelhu wa Ku na katua têsi sentu vêzi dingui wa, ingue ni mundu, kai, manó, mama, mosu, tia ku persiguison; ni mundu me na ka be vira, vira até wa.³¹ Magi yô xi ku sa pimelu ka bi sa utimu i utimu ka sa pimelu".³² Ane tava ni mondja, ku subí ba Jeruzalem, sô Jizu tava wê ane. Ane xi ki tava kanda mema rê xintxi mendu. Jizu sama kwyn dosu xiguirô rê pê boro dingui, i komesa ka fa ane kua da kuê wele wele me:³³ Ane na sê ka subí ba Jerusalen i Na ome sê ka ba sa entregui ni mon di ane sefi sacerdote ku xcriba. Ane ka kondené pa motxi i ane ka ba da gentiu Êle.³⁴ Ane kazi poko rê puê ku kupe, dê ku xikote i ta maté. Magi de têsi ria Ê ka tô kora.³⁵ Tiagu i Nzo, mosu di Zebedeu, ane bi até Jizu i fé: "Mesé, non mesê pô kundji non kua ma non sê pindji ô."³⁶ Ê fa ane: kua ma sê mesê pa un dji da sê?"³⁷ Ane kundji: "Bô ka desa non taku ki Sun ni onsê un an direita ô i ôtô ni skeru ô".³⁸ Magi Jizu kundji: "Sê na ta kua ma sê ka pindji ua. Sê ka poi bêbê kasi xi ma nga ba bêbê, ô quenta botismo ma nga sa botisaru?"³⁹ Ane kundji Ê: "Non tô fa ane: "Kasi ma non bêbê sê ka ba bêbê. I du batizaru, sê també ka ba sa botizaru.

⁴⁰ Magi Ê na sa un sô ka poi dji sê tasoru direta un, ô squeda un, magi é sa di un nguê xi me sa da.⁴¹ Ola ôtô kuin seguirô ndê kuê, ane satia fogauwa ku Tiagu i Nzo.⁴² Jizu sama ane i fa: "Sê ta nguê ma ka sama di govenarô di ane nguê ka vive si Desu sô sa diba ane, y sefi soré ka tê fosa diba ané.⁴³ Magi é na tê diretu sa mora é ni katxi sê wa. Nguê mesê sa ngairu ni katxi sê ka sa na kia sê,⁴⁴ Nguê mesê sa pimelu katxi sê ka sa scravu di turu ane.⁴⁵ Punda N ome na bi pê sa xivirô wa, magi pê xive y na vira rê pê salvu yô nguê".⁴⁶ Ane fô Jerikó. Jizu xiê di Jerikó ku ane xivirô rê i yô nguê, un an ome ku ka sama, Batulumeu, na di Timeu, un an medigu segu tava tasorô bega mondja.⁴⁷ Ê ndê me sa Jizu, O Nazarenu, ki tava ka ndu, y é komesa ka nguia ka fa: "Jizu Na di Davi, tê kompaixó un."⁴⁸ Yô nguêfê pê kaboka. Magi é tava ka nguia sô: "Na Davi, tê pena un".⁴⁹ Jizu ndja y manda sama. Sô a sama segu é, fa: "Fosa! Lanta! Ê sê ka sama ô".⁵⁰ Ê zuga kapa ta lata, sata ki fosa bi lêlê Jizu.⁵¹ Jizu, kundji fa: "kua mô mesê pa un dji d ô segu fé: "Rabi, ma nga tô bê".⁵² Jizu fa: "Bê a fé ô kula ô weleweleme. Ê tava ka lêlê ni mondja.

Chapter 11

¹ Ala ane ta ka vitxa Jeruzalem petu da Betfage ku Betania, ene banda mundo de Oliveira Jisu manda dosu na lekaru,² é fa ane: "Ba lêlê pôvô ku sa wê sê. Ala sê ka letxa, nê ka bê wã jumentu ma naxi subí wa. Txíé bikwê.³ Xe a puta sê: Da kuaí sê sê ka dji kuêé?, Sê ka kundji: Jisu sê ka precizarê, Zô é ka bi kuê".⁴ Ane bé bê wã jumentinhu manharu ni wã poto, ku ba lúá, sô ane luê coro é.⁵ Wã dosu nguê ku ta nha puté: Kua sê sa ji luê jumentinhu?⁶ Ane kundji mora jizu ta fa ane, sô ane nguê é désa ane bé ane.⁷ Wã dosu na lekaru bé ku jizu da jumentinhu, pê kabixi ane diba rê, Jisu bê diba rê.⁸ Yô nguê ta ka tuá kabixi ane ka pê mondja, ôtô ane ka pê tango pô ma ane txia ni mevia;⁹ Nguê ta ka bê kuêé ka lêlê méma ku nguia: ozana ngôgô ku turu kua ka bi ni nome Táta.¹⁰ Ngôgô ku lênu Táta Davi. Ozana ka banda.¹¹ Anton Jizu létxa Jeruzalem, é nda ba nguêza é pia turu kua ku sa boro. Ala é xiga ngoxi nsuku é ba Betânia ku na kuiné dosu.¹² Ôtô ria, ala é bi Betânia, é xintxi fomi.¹³ Ê bê wã fiposo ku musa fia rê lôndji, é ba pia xi é ka mé né. Ê ndu petu rê, na bê néwã kua xi é na sa pia wa, punda é na sa olaúkuê wa.¹⁴ Ê fa axi; Néwã nkênu na ka ba mé mé ô wa. Ane na lekaru ndê kuêé.¹⁵ Éné bi Jeruzalem. Ane létxa nguêza, jizu komesa ka kolê ku turu nguê ku ta ka mendê, ka kopua. Zuga meza ane nkênu ku ta tloka lêlu ku kua taso ane ku ta ka bêndê pombô.¹⁶ Ê na lega néwã nguê letxa nguêza ku kua ba bêndê wa.¹⁷ Ê xina ane fa: Na fa sê ma kai un ka sama kai lasó da turu nguê wa? Maji sê tué bila kai ladró.¹⁸ Ane xefi saserdote ku eskriba ndê kuêé, ba ngólo moru pa ane maté ta. Ane ta tê mendu punda yô nguê ta ka gôgô ku kua mē ta ka xina ane.¹⁹ Sô tadjí ane xiê fô posó.²⁰ Sô pomonha ala ma ane ta ka nda, ane bê fipôso ixi mē fa, kutaru até leji.²¹ Anto Peru lembua é fa, Mésé, fiposó mô fa kuta bêrê.²² Jizu kundji ane: Tê afé ni Dêsu.²³ Vêremé nga fa sê xi kuakuali sê fa londe é: kiê mionga, na tê dúvida ni coso wa, maji kêlê kuaxi ma fa, Desu ka jié.²⁴ Sô sô sô nga fa sê, turu kua ma sê ka pindji ni laso, kêlê ma sê tué, a ka da sê êlê.²⁵ Ala sê ka ji laso, sê ka pora turu kua ma sê tê ku ôtô nguê, pa Táta sê ku sa onsé ka pora sê turu mali sê.²⁶ Maji xi sê na pora wa, Táta sê ku sa onsé na ka pora sê ku mali sê wa.²⁷ Ane tô bi Jeruzalém. Jizu ba ngueza, ane nkênu ku ta ngueza bi lumba kuê.²⁸ Ane puté: mô ka ji ane kuêé? Nguê da ô autoridade di ji kuêé?²⁹ Jisu fa ane: Nga ba púta sê wã kua, kundji un nga fa sê kualí autoridade nga zi kua.³⁰ Batismo de zon sa de onsé ô de home? Kundji un.³¹ Ane pufia ku ane, fa ku ane mé xi non fa: Di onsé é ka fa: Anto punda kuai non na kêlê wa?³² Maji xi non fa: Di home...Ane temé pôvô punda turu nkênu bê Zon mora pofeta.³³ Anto ane kundji Jizu; Non na táwa. Jizu fa xi: Aun na ka fa sê mora ma nga zi kua é wa.

Chapter 12

¹ Sô Jisu komesa ka sina ane ku vesu ka fa: whã omé kuna p~e mevia re zi whua biri whã kôbo pa é lokê uva, si zi whã toli. sô é lenda mevia é da ane tabarô sô é berê ôtô tia.² Ola é siga ola setu pa koiê uva é manda whã melu re ba lêlê tabarô é ba tea mé uva.³ Masi ane tê dé pankara manda bêrê sê ne whã kua.⁴ Sô é tô manda ôtô na kia i ane firiê nté sô mandé kaboka.⁵ Ê tô manda, ôtôna kia sô yé ane maté ane ziotô na kia mora é mé da ôtô pankara tô mata ôtô⁶ Sô whã ane sobla, na rê mē ka gôgô kuê utimu mē manda ané sô é fá yê ane ka lisipêté.⁷ Masi ane tabarô é fa kasó ane yê sa

lenderu non ka maté, losa ka sa ri nom.⁸ Ane twe mate sô zugé pê lua mevia é.⁹ Sô kuai ma dono mevia ka zi ? É ka bi loké kun tabarô é pasa meviá ra otô nkênu.¹⁰ Antô bô na lê kua sa sisikaru wha? Ma buru ma mése obla zetá sô bi sa ngudji.¹¹ Yé ka bi di sun nom e é sa buaru wê nom.¹² Ane ngoló whã mora manha Jizu, masi ane ta ka mendu yô nkenu punda ane ta ma é tanga ane whã vesu kintê ane. Antô ane dese sô ane béne.¹³ Sô ane manda whã dosu sefi nguesa na kulú pa ane ngolo manhé ni whã lumba mali mê ka lumba.¹⁴ Ola ane vitxia ane faré mese nom ta ma bô sa vere nom i bô na ka ndé kua ma otô nkenu ka lumba wha punda bô na ka zi zugamentu ni poló omé wa. Bô ka sina mondja Desu veré. Veré nom pô paga sezalu koleta ô nga? Non pô page ô inga.¹⁵ Mazi Jizu ta koso ane é fara ané" Da kuaima sê ka semia ra? biku whã lelu damu pa mu piê"¹⁶ Ane biku whã. Sô Jizu puta ane: polo ngei sa inge.¹⁷ Ane kundjé di sezalu "Jizu fa" Da sezalu kua ku sa di sezalu i da Desu kua ku sa di Desu " Ane babaka kuê.¹⁸ Sô ane sadusên ku ka fa ma a na ka tô kora wha bi kota réputé fa:¹⁹ Mesé muze sisika ma: Si naamó whã omé muê sô desa mengai sê nom, na mom re ka kaza ku solê é sô zi nam ra na moré.²⁰ Ta ku sambari na mom pumbê ta ku mengai sô é muê sê nam.²¹ Otô tua mengai é muê sê na oto tô tua mora é me. Sô turu sambari é na desa na wha.²² Sô di turu ane mengai turu muê.²³ ola ma a kora ma ane kora ,nkenu kutxi ka tua mengai é ? Na sambari na mon é ta kuê mora mengai.²⁴ Jizu kundji ane : Na kuê ma sê sa nganganara ne wha, punda sê na ta kua ku sa sisiskaru ne porê Desu wha? ²⁵ Punda ola ane ka kora motxi s~e na ka kaza wha ne pensa kaza wha mazi sê ka sa mora anzu osé.²⁶ Di fa matxi ku ka kora sê na lê livu Muzé ni kua ma a fa de pó ku ta ka yêrê, mora ma Desu lumba kuê fa. um da Desu Abron, Desu, Izaki i Desu Jako? ²⁷ Ê na sa Desu motxi wha mazi di vivu. Sê falha foga wha.²⁸ Whã ane sefi Zurê bi sô é ndê lumba é sô é bê ma Jizu kundji buaru. sô é putê. Kuali mandamentu é ku ka valê masi? ²⁹ Jizu kundji masi buaru sa yé. Ndé Israel Desu nom sa whã sô.³⁰ Ngogo ku Desu ô ku turu koró ô ku turu alima ô, ku turu kua mô ka ta ku turu fosa ô.³¹ Segundu rê sa gogô ku turu nkenu ku sa vota ô mora ô mé. Mandamentu masi ngai yé na tô sai wha.³² So ane sefi ane fara ane: buaru foga wha, mése! kua ma bô fa veré ma Desu sa whã sô. Ma nkenu na sai mora rê wha.³³ Gogô kuê ku turu koso ku turu kua mo ka pensa ku turu fosa ô ku turu nkenu tia ô mora ô me, sa masi buaru turu sangi sitú ma a ka mata " ³⁴ Ola Jizu bé ma é kundji goveno Desu wha " Ola é fá kuê , ne whã nkenu na tô fa ne whã kua wha.³⁵ Sô ola mê sê ka sina ngueza , Jizu kundji ane fá, ma sefi Zurê ka fa ma Jizu sa na David.³⁶ David mé fa ku porê Supitu Santu. Sun fa sumu, tason mon leton mun atê nga zi numigu ô mora kosi opé mun.³⁷ David plopí ka samé Jizu di sumu , anton ma é sa na rê? " yô nkenu ta ka ndê ku ngôsô.³⁸ Sô kua ma é ta sina ta fa: ka biri wê ku sefi Zurê é ku ka mesé nda ku kabisi longô pa a fê mantxa plasa.³⁹ Ni nga masi buaru ni sinagoga ô nga ma a ka gabé katxi fésa.⁴⁰ Ané turu ka letxa kai ane mengai sê omé pa ane zi zugamentu sô ka fa lason longo. Yé ka tua masi kastigo ⁴¹ Sô Jizu ta son kota whã kaxa lelú petu ngueza. Eta ka pia ane nkenu ola ma ane ta ka ra lelu letu kaxa. Yô nkenu liku ra yô lelu.⁴² Sô whã mengai poblí solê vitxa dosu lelu ku ka valé kuadrante ⁴³ Jizu sama ane melú ré fara ane: kua nga fara sê veré: Má mengai poblí solê é pé lelu masi dokê ane nkenu si ku pê yô lelu.⁴⁴ Suru ane ra punda ane sa kuê motxi, masi mengai solê é ma é sa poblí é pê turu lelu ma é sa kuê pê vevia né.

Chapter 13

¹ So Zzu xie fo nguesa ane siguiro re fa ; Mece pia buro gavi fogaua ma ane dgi; ² Zizu kundji; pia Kai ngairue e ; Ê na ka sa desaru buru diba buru ki na ka sa bagarua. ³ Sô Ê taso ni monte Oliveira oto kiba ngueza, Pero, Tiagu, Zon ki Andre pute kondero; ⁴ Fa nô ola ma ane kue ka bi da; kuali sinali me ka da ola turo kue ka sa; ⁵ Zizu comesa ka fa; Tua kwuidado pa ane na gana ce ua. ⁶ Yo nkenu kabi nome un fa; Aun sa Cristo, ka ngana ngue. ⁷ Ola bo ka ndê de nguela, yo fa nguela na menduwa, ane kue te ke da madji é na tê lokeua. ⁸ Punda un-wa tia ka lata konte oto tia ngveno conta ngovenno. yo tia ka uluka yo lugue, ki fome te. kue sa sa mora comesa de dolo pari. ⁹ ka biri we. ane ka be ki se katxi yo nguenu, beta se letu sinagoga. Aka pe se we ane govenaro ku ale puna Aun, mora setemunha da ane. ¹⁰ Madji pomelo evangelho ka sa wuanguaru turu nga. ¹¹ Ola a ka pê sê pesu be ku se zugamento, na te mendu ki kua mã sê ka ba faua. Punda ola xi za kua ma se ka fa a ka ba sê. Ê nasa sê ki ka fa wa madji Supito Santo. ¹² Na ni mo ka ba da na ni mo da motxi, tata ku na re. Na ka lata contra tata re so to matê. ¹³ Sêka sa odiado poviata nome un. Maji nguê nguenta atê atê ixiê ka sa salvo. ¹⁴ Ola bo ka be mali nga ku na toca ta ne wua (ngue kale ka nde), ngue ku sa Judeia ka fugi ba monte. ¹⁵ Ngue ki sa diba kai na ka dese bi kai wa, ne tua ne ua kua. ¹⁶ Ngue ka sa ni campo na ka tô bi tua kapaua. ¹⁷ Ai di nguê ki sai bega e anzu ki se ka mama die. ¹⁸ Zi laso pa e na da ni invernu wa. ¹⁹ Punda é ka bi mêmê tubulasô, ngairu fogaua mora ma a na xi beua dingue matia comesa nji na Desu ji mundu atê aie, é na ka tô tê ua. ²⁰ Se Desu na ka kota die ua neun ä ngue ka salvaua. Maji ku nda ngue koieru é ji die cole. ²¹ Antô se ngue fa ce; Pia Cristo ingue; ou; Ê sa nha; Na kele wa. ²² Punda faso Cristo ki faso profeta ka bi e bi zi xinali buaru de mora nganague, ate ixi ma Desu koie. ²³ Biri ue ; Aun fa se turu kue antigi pê dâ. ²⁴ Sô ola tubulasô de dia ixi za, solo bila culo di, ate mese na ka tô yrewa, ²⁵ tetembu ka lucua fo once, e pore ke sa unce ka saguri. ²⁶ So ce ka be Na Home ka bi ni nuve ki uâ pore ki goia ngairu. ²⁷ Ê ka manda anzu re so zunta ane nkenu ma é mue ni kuana kiba, ni fim de tiaie ku fim de once. ²⁸ Sina mora liso figueira; Axe tango ka mura ka musa fia re, sê ka ta ma vero sa peto. ²⁹ So ola ma se ka be turo kue ka da, sê ka ta ma Ê sa peto de pote. ³⁰ Vere me nga fa se; geraso xie na ka passaua ate ma turu kue ka da. ³¹ Once ki tia ka passa, magi lumbaun na ka passaua. ³² Maji da die o ola é, neüa nguenu ne anzu de Once, ne Nare, Papa sô. ³³ Biriue : Zungo e ora, punda no nata tempo re wa. ³⁴ Ê sa mora üa home ki xie üa Nga ; Ê ka lega kaire pe na lecaro re nguara, kai re kada ngue ku suviso re. Ê manda zongue coraru. ³⁵ Kua nga fa ce zongo, punda no nata ola dono ka biua xi sa goxi, ô nsuco, ola galo ka canta Ô pomonha, ³⁶ Xi Ê bire so, pê na bê sê ka domiua. ³⁷ kua nga fa se, nga fa turo sê zongo.

Chapter 14

¹ Ni dôsú ria ka bi paxikua i fika di npó si fumentu. E ané maiêlu sacerdot i iscrivõ nda ka ngolo uã moru pá tê conderu pa tê condero pa natawa i mateê. ² Puda ané tá fá: "Na ni olá Pascua wá, pá tomento na lata katxi pôvô wá". ³ Jisu ta ni Betania ni kai Simon, unwa leproso, pi ola ma ane tassó ni mera, vutxa nha unwa mengai ku unwa doma ki pufumi kita ku unwa auwa buaru fogawa nardo fina. Ê kebia doma é i lukua pê diba ntê Jisu, ⁴ magi txo ané chatia. Ané fa katxi ane: "Punda ká manda é dana pufumi? ⁵ purfumi é ka sa bendiru machi di trezentu lélo e axê ka paxi da plobe ". E ane keta kuê. ⁶ Magi Jisu fa: "Légué ni pagi. Punda kui se sa keta? Ê dji unwa kua buaru da vira unw. ⁷ Ni katxi sé simple ka sa ku plobe e ola na sé mecê sé ka dji ben da anê, magi, Aunw se na tê simple wa. ⁸ Ê dji kua mê poi, ê bua onguê, Unw na kulo pá txia unw.

⁹ Veré veré nga fá, nga ma vangelho é ka sa faru ni turu nga, kuaxi ma mengai ê dji ka sa faru, ni nté ré". ¹⁰ Antó Zura Escariote, unwa de kuin Dosso, bé áté chefé sacedote pê da ane Jisu. ¹¹ Ola ma sacedote ndê kueê, fika ki gosto i fé di dê lélô. Ê começa ka ngóló moru di da anê Jisu. ¹² Ni pimélo ria di Fesa sê Fementu, ola anê sacrifica unwa ombô di Paxicua, Ané maielo fa: "Andji bô mecê á dji mê di Paxicua?" ¹³ Ê manda dosso na kia e fá ané: "Bé bá posso e unwa home sé ka kega bule de auwa é ka bêrê. lélê. ¹⁴ Nga mé ka letxa, lélê e se ka fa dono de kai: "Messe fá: Andji ka fika sala má nga ba mê Paxicua ku ané maiêlo? ¹⁵ Ê ka muça sé unwa sala kimubilia ni diba e éssa giru. Dji nha preparaçon nón. ¹⁶ Ane maiélo xiê anê bê atê poço; ane bê turo kua mora ma Ê fa ané dji nha mê di pascua. ¹⁷ Ola é ndu nsucu, Ê bi kua ané kuin dosso. ¹⁸ Ola ma ta tassoru ni mésa ka mé, Jisú fa: "Veré veré Anwa nga fa, unwa di sê; ki sê ka mê ki aun, kabi nganaun". ¹⁹ Turu anê sintxi mali i unwa unwa ané faê: "kue sa unw?" ²⁰ Jisu, kundji, fa ané: "Ê unw di kuin dosso, nguê ki aiê sê ka venba npo ki auw ni tamina. ²¹ Punda na di homé kabé mora ma bilbia ka fá ni vira rê; magi ai i nguê ki ka ngana unw! Melhoru pa elê na toca nacewa". ²² Ma ané tá ka mê, Jisu tua npó, da benço, patxi da anê. Antó fá: "tua ixiê sá ongue unw". ²³ Ê tua unwa kassi, da glaça, da turu ané bêbê. ²⁴ Antó fa ané: Ixiê sangui Unw di aliança, i sangui ki sa lucuahô da yô nguê. ²⁵ Ni véré nga fa sé, Anw na ka to bêbê dingue unkuê de vinha atê ria man nga bêbê vin dingui né kai di Desú. ²⁶ Zó canta unwa vungu, benê ba monte di oliveira. ²⁷ Jisú fa ané: sé tu sé ka zeta Unw; punda sa xikevivi: A Firi Pastoru turu ombo wanga. ²⁸ Magi ola mga kora; nga be ni Wê sé ba Galilleia". ²⁹ Peru faé: "Achê ki turu nguê ka lega Ô, na ka lega Wa". ³⁰ Jizú fa dê: "Veremé An nga fa, nsucu é, antê galo ka kanta dossu vejí, bô ka nega Unw texi veji". ³¹ Magi Peru fa: "Nga po muê ki Ô, na ka nega Ô wa". Turu ané dji kuê mê. ³² Anê ba unwa nga ka sama Gersêmani, e Jizú fa ané maielo é: "Tasso inguê Aunw nga ora". ³³ Ê tua Peru, Tiago i Zon, antó komeça ka fica xatiaru i ni mêmê dôlô. ³⁴ Jisu fa anê: Alima unw sa triste fogawa kuase di muê. Dja inguê i zongô. ³⁵ Jisú tó bê maxi longe tó, kiê só ka ora se ê kada, ola é ka pó passa dê. ³⁶ Ê fá: "Aba, pai, turu kua da ô ka da txia xiê di Aunw. magi, na sa mora mon mecê wa, magi monra Ô". ³⁷ Ê bi, taka ané ka domini, é fá Peru: "Simô bô sa dumi? Bo na kapô zongo ne unwa ola wá? ³⁸ Zongo i ora pa ô na letxa ni tentason. Ê supitu sa pontó magi onge sa flacu. ³⁹ Ê to bá wê thô dji oraçon, é tô fa kare mê. ⁴⁰ Outo veji Jisú to bilêlê ané maiêlo rê taka ané ka dumi dingui; wê ané ta demasse mo tlixí fogawa i ané na tinha kua pa kundji wá. ⁴¹ Ê tô bini têsse vegi é fá ané: "Sé sa kadumi anda i discansaru? Ê xiga! Ê xiga olá. Na home ka sá daru da mon pecaró. ⁴² Lata, bé nô! punda nguê ixi sa ngananw é sá pétu". ⁴³ Welemé, ma é taka fá: Zura, unwa di kuin dossu, vitxa unwa pôvô ngairu ta kuê; bixiru katana i njingui pô, di grupu di principai sacedote, escriba i ancion. ⁴⁴ Ngaranu da ané unwa xinali, é fa: " Ê sá ixi ma nga da vezo! manhé é békuê ki ngnara". ⁴⁵ Ola Zura ndunha é bi atê Jisú é fa: "Méssé!" ele dê bejo. ⁴⁶ Antó ané tê i pê pesu. ⁴⁷ Magi unwa nguê ki tá nha saiha unwa katana, feri servo di sumu sacerte é cóté odia ta. ⁴⁸ Jisú fa ané: "Sê bi pa manha Unw mora unwa ladrô, ki katana i ngigui pó? ⁴⁹ Olá nma ta ki sé turu ria ni ngeza ka xina sé na manha unwa. Magi kuê fi djiro pa biblia kassa kumifiru." ⁵⁰ Ê turu nguê ki ta ku Jisú leguê só i fuzi. ⁵¹ Unwa moço Ta lélê, é ta bixiru unwa lançolô di lino ki sa buiarú ongue rê, ané ndamê, magi, ⁵² é masivi é dessa lamçoloê pé só, colê berê unu. ⁵³ Ané bé ki Jisú atê sumu sacedote. Turu ané zunta chefé sacedote, ancion i escribas. ⁵⁴ Olá mê, Peru ta ka pia turu kua longi, ate letô nga di sumo sacedote. Ê taço kaxi nguara, ki ta peto fogô pa é sa ketxe. ⁵⁵ Ané chefe sacedote ku turu Sinedrio ngolo nguê konta Jisú, pa ané ngolo moro matê. Magi ané na bêuwa, ⁵⁶ Yô nguê bi ku difamaçon kantê é, magi turu kuê ta keto wa. ⁵⁷ Otô lata i bi ku ma fama kontrê é; ané fá: ⁵⁸ "Non ndê ka fa: Aun ka бага ngezeê ma adji ki mon home i ni tessi ria an ngi outô, ki na sá giro ni mon humano". ⁵⁹ Moremé axê kusasson i na da cétu ma. ⁶⁰ Anton, sumu sacedote latá catxi ané zunta da Jisú: "Bo na ka kundji ne unwa kuawa? kua ma ané homeê ka fá contla Ô"? ⁶¹ Magi é ta boca fissaru na kundjiwa. Outo vê sumo sacedote puntê: "Bô sá Cristo, Na di Desú Benditu? ⁶² Jisú fa: "Aun sá. Sé ka pia Na homeê tassoru a direitu di Poderoso ka bi ki nuvé di oncê". ⁶³ Punda kuê, o sumu sacedote yaiya cabise é fa: "No to mêsse testemunha? ⁶⁴ Sê ndê fa vonvon. Kuai sé capidji?". Ê turu nguê condena Jisú ma é toca muê. ⁶⁵ Otô nguê zugué ki kupi no onguê rê dê ki kua i fa: "Profetiza!" Anê nguara bé kuê é dê ke kua. ⁶⁶ Peru ta pate coxe, ni patio, unwa na kia di sumu sacedote bi lélê. ⁶⁷ Nê è, bê Peru zuntu fogô, pa é pô kueitxi, é pia buaru dé é fá: "Bô turro ta ki Nazereno, Jisú". ⁶⁸ Magi é fá inga: "Na ta kua na intende kua bô sê ka fá". Anton é Xiê ba patio. ⁶⁹ Magi nha na kia ndê começa ka fa dingui nguexi ki ta nha: "Home é sa unwa anê. ⁷⁰ Magi é fa inga dingui. Magi ngue ixi ki ta nha fa Peru: Veremé bô sá unwa anê é bô sa unwa galilieu". ⁷¹ Magi é cómeça ka fa mali ka zula: "Na konsê homé ixi má sê ka fá". ⁷² Anton, welemé, galo kanta dossu vejiê dindi. Peru lebra di lumba ma Jisú ta faê: "Antiji pa galo kanta dossu veji tesse veji bô ka nega Unw". Ê letxa ni tristeza komeça ka sua.

Chapter 15

¹ Pomonha seru, ané jurê ku ta ka tua konta ngueza juntu ku ané ansion ku ané dotolô alê e turu sinedrio. Ané manhá jisu, bekuê ba da pilatu. ² Pilatu punté: Bô sa alê jurê? Ê kundiê "bo sô ka fá" ³ Ané jurê e ta ka kuza jizu di yô kuâ. ⁴ Pilatu tô puta dingûê: Bô naka kunda newa kua wo? Bô bé yo kua ma ané sa fa di bô? ⁵ Magi jisu na kundxi newa kua antê aiê ku ka gi Pilatu fika ku ngozu wa. ⁶ Ni diâ di fesâ Pilatu ka sota kuakualê pesu ma ê mesê. ⁷ Zuntaru ku turu ané makiaru pesú ni katxi ané kiminozu, plezu, punda ane tua patxi di gupu ku ka pufia ê txiâ uwa omé ka sama Barabas. ⁸ Povô bi lêlê Pilatu komesa ka pindgi pá ê kua ma ané ta kurtumaru ka gi. ⁹ Sô Pilatú kundgi ané: Sê mesê pá sota Alê Zurê? ¹⁰ Ê tá ma ané zurê sefi ngueza é té tega Jisu punda uwê siá. ¹¹ Magi ané zurê sefi ngueza pindgi pôvô pa sota barabas. ¹² Pilatu tô kundgi ané: "kua ma ka pôdgi ku Alê Zurê? ¹³ Ané tô nguita pê kusu pê kusu!" ¹⁴ Pilatu fá ané: kua ma ê gi di mali? Magi ané tá ka nguita ka nguita: "pê kusu!" ¹⁵ Pilatu ta ka mesê da vontê pôvô ê dá ané Baraba. Ê da jisu pa ola ma ané ka dê xikotxi sô pa ané kusu. ¹⁶ Ané soré bekuê letu palaxu, a pê sala sô ané sama turu sefi soré. ¹⁷ Ané biku nbutu ki kôrôa pinha bixi jisu. ¹⁸ Ané komesa ka gi pôkô rê ka fa viva Alê zurê. ¹⁹ Ané dê ku uwa borô untê dê ku kupi polo rê ê ané pê npuna só latâ nomi rê ba riba ka gi poko rê. ²⁰ Ola ma ané ta ta gi pokô rê ê, ané txiê kabixi ma ané tá pê sô ané bixiê popi kabixirê i ané bekuê lia pá ané ba pé kusu. ²¹ Ané kiê ka manda uwa omé ka sama Simon di Sirene Alexandê Rufo tá ka ki fô campu. ²² Ané soré beku jisu uwa nga ka sama Gólgota ma ka sama nga sama vuvu buru. ²³ Ané dê nvim ku vinagui magi ê na tuê wua. ²⁴ Sô ané pê kusu, patxi kabixi rê sô ané wanga sotxi diba rê, pa ané ta nguê ka nganha. ²⁵ Ê tava nhã ngoxi za ma ané ta pê kusu. ²⁶ Ané tua uwa ndxigui taba, xixika, ka kuzo ALÊ ZURÊ. ²⁷ Ané pê kusu ku dôsu ladró uwa detu ré uwa keru rê. ²⁸ Kua ku ta xixikaru nana-na bi da sétu. "I ané junté ku anné kiminozu." ²⁹ Ané nguê tá pasa ta ka povoke ka dxinga ntê rê ka fá: An bô ku ta ka fá ma bô ko бага uwa ngueza bô ka tô djê ni tési díá, ³⁰ Savo ônguê ô e dece fo kusu. ³¹ I ané sefi ngueza é tãa kagi poko rê ku ané dôtolô alê ka fá: Ê sava ôtô nguê ê naka pô sava onguêre wa. ³² Bô sa kisto Alê israele dêse fô kusu é axié no ka kêlê ni ô "E ane nguê ku taa kusu kuê ta ka dji pôkô rê" ³³ kulu tua tia berê antê ongoxi. ³⁴ Ni ngoxi Jizu nguita ku fôsa: "ELOI, ELOÍ LAMA SABATAI" ma ka sama" Desu nbê,da kua maô zeta un? ³⁵ uwa dôsu nguê ku ta nha ndê kuê fá e sê ka sama Elia. ³⁶ Uwa nguê colê ba fê uwa ndxingui pôndxa ni vinagui, ê pê, ni uwa ndrangui pó dé pa ê bebe. Omé é fo ban pia xi Elia kabi txia é ³⁷ Sô Jizu nguita ku fôra i ê muê ³⁸ E kotina ngueza taia dosu kiba gina antê só ³⁹ E uwa soê ku ta ni wêrê, bê ka muê de mora é ê fá: vére veré mé omé ixié sa mosu de Desu". ⁴⁰ E tia ané mengai ku ta ka piê ni londxi. kata ané taa Maia Madalena Maia (mama Tiago ku sa maxi novu Zozé) ku Salomé. ⁴¹ Ola ma ê taa né galileia ané mengai é lêlê mema siviê yô ôtô ané mengai subi kuê ba jerusalêm. ⁴² Ngoxi zá, ma ê sá dia de luma turu kuá sexta ba sábaru. ⁴³ Zozé de Arimateia bé atê nha. E homé é tóa uwa omé lispétaru ku ta ka wara lenu Desú. Koso ma ê ta kuê ê ba lêlê ⁴⁴ Pilatu e pindgi onquê de jisu montxi. Pilatu kusintxi ma jisu tá mueruza, sô é sama uâ soré tô putê xi Jisu muê verê ⁴⁵ Ola ma soré fa Pilatu ma ê mû vêrê é da zoze motxi Jisu. ⁴⁶ Zozé tá kopuaru lansolo de linho. E tia jisú fê kusú buiê ku lansolo bá tiê pe simintele tô pê buro potó ré. ⁴⁷ E maria madalena mama Zuzé be nga ma tia Jesu.

Chapter 16

¹ Ola ma sabaru loke, Maiá Madalena, Maia mama di Tiagu i Salomé kumpa pufume ki kacela pe ba baba ôngê Jizu. ² Ni pumbêlu ria di semana, seru fogawa, ola nansê sólô, ane be an ntê ximitely. ³ Ane tava ka puta ua an ku ôtô: Nkenu ka txia buru é non di ximitely? ⁴ Ola ane lata wê ane be ua an nguê txia buru, buru é sa ngairu fogawa. ⁵ Ê letxiá ni ximitely, ane bê ua mosu bixiru kabixi ziari, tasoru ni kiba diretu i ane tava ki mendu. Ê fa ane: Na mendu ua. ⁶ Sê ka nglo Jizu Nazarenu, ki muê ni kusu. Ê tô la ndja! Ê na sa inga wa. Bi pia nga ma pé né. ⁷ Mazi ba fa ane sivorô rê ku Peru ma Jizu ka ba lêlê ni Galileia. Nhã sê ka be mora mê tinhã lumaru ki sê. ⁸ Ane xiê kolê ni ximintely, ane tava ki mendu ka teme. Ane na fa nenhuwa kwa dangûê ua, pinda ane tava ki yô mendu. ⁹ [Os melhores manuscritos antigos omitem]. [Maxi bwuaru livu non kulô ka txia vesi kulu uvua a kwine kwin.] Ola é lata ni pomonhã ni pimêlo ria di semana. ¹⁰ Jizu vutxa Maia Madalena, ma txia sammari demônô onguê rê. ¹¹ Ê xiê ba fa kua mê bê da turu tava ku Jizu, mora ma ane tava ka gô i ka suá. Ane ndê ma Jizu sa vivu bero ku ane, mazi ane na kelêua. ¹² Sô ane kuê Ê ndu ôtô mora pa dosu dingue, ni mondja ka ba kampu. ¹³ Ane ba fa da ôtô xivorô, ane na kelê wa. ¹⁴ Sô Jizu ndu kwin uâ, ola ma ane tava mesa, Ê sama ane atenson da koson dizu, ma ane tava kuê, punda ane na kelê ni ane nguê xi ki bê ua ola mê lata. ¹⁵ Sô Ê fá: "Ba turu mundu, fa palavra Desu da turu nguê. ¹⁶ Nguê ka kelê i sa botizaru ka sa salvu, i nguê na ka kelê wa ka muê atê atê. ¹⁷ Sinalié ka lêlê nguê xi ka kelê: ni nomi un sê ka txia demônô ka fa ôtô lunga, ¹⁸ Sê ka lê kiongô ki mô i si sê bê kua ku tê nbago é na ka mata sê ua, é sê ka pê mô diba, duêtxi i ané ka sa kularu. ¹⁹ Sô Sun Jizu fa ku ané, Ê subi ba onse i Ê ta ka direta di Desu. ²⁰ Ane sivorô xiê ba fa lumbarê turu ané i ka konfirma lumba ni milagre i sinaly ku tava ka be ku ané.

Luke

Chapter 1

¹ Whã vê ma yô nkênu ngolo pê ni odji whã relatu ri kua ane kua ma a zi katxi non - ² Mora a ta fa nom ma na komeso fô seseminha ku ane na kia lekaru -, ³ antô é ka ko buaru ra un turu, pia ane kua é ku kuraru fogawha na komeso, siseke ni odji rê sê, migu um Tiofilu, ⁴ pa bô ka konse ku seteza sobi verê ri ane kua ma ta sina ô. ⁵ Ni ria Herodes, alê zurê, ta ku whã setu saseroti samru Zakaria, ri odji ri Abia. Mengai rê sa ri familia ri Aronso a ka same Sabeli. ⁶ Ané dousu tã zustu whê Dêsu, ka nda ku lispétuni turu mandamentuku kua ma Sum ka pindji. ⁷ Mazi ane na tinha na wha punda Zabeli na ta

ka pari wha, sô ane tà kukutaru tempu siza fogawha. ⁸ Ê a ra ma Zakari tà kotà Dêsu, ka kumpí detú rê ri saseroti mora ma a pê; ⁹ Antô ê foi koieru ni sotxi mora kustumi suvisu ane saseroti pa letxa ni ngeza ri Sun pa kema senso. ¹⁰ Turu nkenu ta ka fa lasom lua ola ma a ta ka kema senso. ¹¹ Anto whã anzu Sum vitxa kota ane, ndjaru, mon leton atali sensu. ¹² Ola ma Zakaria bê ê fika plokuparu so ê bi mendu. ¹³ Mazi anzu fare: Na mendu wha Zakaria, punda a nde lason ô. Mengay ô Zabeli ka bi pari whã mosu ma bo ka same Zon. ¹⁴ Bô ka bi ta ku ngosô ku satifason, ma yô nkenu ka ta ku ngosô ma ê nansê. ¹⁵ Punda e ka bi sa ngairu whê Sum ê na ka bebe vin nê bebe ketxiru wha; sô ni bega mama rê anda êka sa siaru Supitu Santu. ¹⁶ So ane povo Isaeli ka tô bila ra Sun Desu anê. ¹⁷ Ê ka ba whê ku Supitu ku purê Elia ri bila koson tata ra nan ene, sô zi ane pekaru ka nda mora sebe ane zustu sa. Êka zi kua ê mora whã povo prepararu ra Sun. ¹⁸ Zakaria fa anzu: "Mã nga tê seteza di kua ê? Punda nsa whã ome kukaru sô mengay un sa ku yô anu za:" ¹⁹ Sô anzu kundgi! "An nsa Gabieli, nga ta kota Dêsu sô a manda un bi lumba ku bô sô bi ku lekaruê ra ô. ²⁰ Sô bô kabi fika mumuma bo na ka pô fa wha antê ria ma kua ê kabi ra punda bô na kêlê ni lumba un ku ka bi kumpi ni ola setu". ²¹ Ma ane nkenu ta ka whara Zakaria, ane ta ka puta ra kuay ma ta yô tempu ni ngeza? ²² Ola ê siê, ê na pô lumba ku anê, manda ê ka zi sinali ku mon pa ê tenta fa kua ku ra. Antô bi ta ma ê ta bê wha kua ola ê ta letu nha. ²³ Ê bi ra ma ola ria suvisu rê lokê, ê tô berê kai rê. ²⁴ Ola ria ê pasa, mengay rê Zabeli tua bega sô ê kondê tanom mbêzi, tô fa: ²⁵ Ye sa kua ma Sun zi ra un ola Ê pia un ku favolô ri txia vengonha un whê yô nkenu". ²⁶ Sabari mbêzi Dêsu manda anzu Gabieli ba whã poson Galileia ma a ka sama Nazarê. ²⁷ a whã vigen pa ta pa kasa ku wha ma a sama Zozê. Zozê sa lasa ri Davi, sô nomi vigen sa Maá. ²⁸ Anzu bi kota rê sô fare: A bensaô bô ku sa ku ndjigi favolô ê! Sun sa ku bô! ²⁹ Mazi ê fika tubaru ku lumba é mothi fogawha sô puta ye sa kualo mora mantha? ³⁰ Sô anzu fare: Na mendua wha, Maa, punda Desu zi ô favolô. ³¹ Punda bo kabi kega bega sô pari whã mosu. Bô ka pé nomi ré Jizu. ³² Ê ka bi sa ngay, a ka same Na Dêsu Zangaru; Sun Dêsu ka bi ré tibuna tata Rê, Davi. ³³ Ê ka govena kai Jako pa sempe sô govenu ré na ka to loke wha. ³⁴ Maa fa anzu: "Ma kue ka bi ra, nta ma nsa ku vizi?" ³⁵ Anzu kundji fa-rê: Supitu Santu kabi riba ô, sô purê Dêsu ka bi kubi ô ku sombla. Punda kué, nkenu ixi ku sa Santu ka nanse ka sa samaru Na ri Dêsu. ³⁶ Punda Zabeli pima ô turu kabi pari whã na kukaru za. Ê ma ta ka sama mula sa ku begasamano mbêzi. ³⁷ Punda nenwha kua na kusta ra Desu wha." ³⁸ Maa fa: "ya na kia Sun ynge. Ku kué ka kumpiru ni au mora lumba ô." Sô anzu desê. ³⁹ Ria ê Maa kole seru ba whã nga zangaru, ba whã poson Zurê. ⁴⁰ Sô ê letxa kai zakaria sô fa Zabeli mantxa. ⁴¹ Ola kua bi ra ma Zabeli ndê Maa, na ku sa bega rê sata, sô Zabeli foi siaru ku Supitu Santu. ⁴² Ê ngita ku fosa fa: "bô ka bi buaru katxi mengay, sô bensaô sa frutu si bega ô. ⁴³ Mora ma ê sa buaru mama ri Sun um ka bi lêlê un? ⁴⁴ Mora ma nde mantxa ô, ma na man sa kué bega sata ku ngosto. ⁴⁵ Sô louvavuseja nkenu ku kêlê punda turu kuama Sun fa kabi kumpi." ⁴⁶ Antô Maa fa: "Alima un ka boia Sun, ⁴⁷ sô supitu un sa ku ngosô ku Dêsu, savaro un. ⁴⁸ Punda ê pia mora na kia rê basa; Na ayê turu gelason ka sama nkenu buaru, ⁴⁹ Punda Porerosu zi kua ngairu ra un sô Santu sa nomi Rê. ⁵⁰ Misikoji Rê ka sendê ri gelason ba, gelason ra nkenu ku ka lispetê. ⁵¹ Ê musa fo sa ku porê ni mon Rê бага nkenu si ku ta ka pé whê ni kua ma koson rê ka pensa. ⁵² Baga anê plinsipi fô tubuna anê sô boia anê nkenu sosegaru. ⁵³ Sia ane ku té fomi di ben sô manda ane liko benê sé nenwha kua. ⁵⁴ Zura Isael, na kia rê ka lembua misikoji Rê. ⁵⁵ Mora ma Ê fa tata nom ku favolô Ablon ku jelason rê atê atê'! ⁵⁶ Maa ta kota Zabelikuazi tési mbezi sô tô berê kay rê. ⁵⁷ Ola ê ndu ola pa Zabeli pari anzu, ê pari wha na pikina. ⁵⁸ Anê vijan rê ku anê familia rê nde ma Sun omenta misikozi rê kué sô tô ta ku ngosô kué ⁵⁹ Antô ê ra ma, ni nake ria, ane bi pa a pora anzu ê. Ane tà mészê pa a samê ri Zakaria mora tata rê. ⁶⁰ Mazi mama rê biri boka fa: ynga, a ka samê Zon: ⁶¹ A fare: ynga katxi sé na té nkenu ma a ka nomi ê wha." ⁶² Ane puta tata rê pa ane diskubi ma ê mészê pa samê. ⁶³ Tata rê pindji whã ndjigi taba so sisika: "Nome rê sa Zon". Turu nkenu babakaku kua é. ⁶⁴ Ta sô boka rê biri, lingua rê sota, sô ê komesa ka faka kata ra Dêsu. ⁶⁵ Antô turu nkenu ku ka ta vevia boro rê komesa ka lispetê, sô turukua ku ra komesa ka whangaba turu kiba Zurê. ⁶⁶ Turu nkenuisi ku nde kua é, ta fika pazumaru koso aneka fa: "Kuay ma mosu é ka bi sa? " Punda mon sun ta diba rê. ⁶⁷ Tata rê Zakaria ta siaruku Supitu Santu, ka pofetiza; ka fa: ⁶⁸ Benditu kasa Sun Dêsu ri Isael, punda ê bi lêlê tô libeta povô Rê. ⁶⁹ Ê lata koneta savason ra non kay Davi, na ki rê. ⁷⁰ Mora ma Ê pometé naria; ku ane Santu pofeta rê. ⁷¹ Ê ka bi sava non ri ene numigu non so ni mon ri turu nkenu ku ka oria non. ⁷² Ê ka zi kua ê pa Ê musa misikoji Rê ku tata non sô tô lembua kua ma Ê ta pometé. ⁷³ Pomesa é sa kua ma ê zula zi ku tata non Ablon, ⁷⁴ Pa ê livia non fô mom numigu, sô pa non sivié sé mendu. ⁷⁵ Ni santirari ku zustisa whê rê, turu ria non. ⁷⁶ Ashen, bô, mosué a ka bi sama ô pofeta ri Atisimu; punda boka ba whê Sum ri, luma nkenu ra ola Ê ka bi, ⁷⁷ sô zi pa ata savason povo Rê ataveji ri peron pekaru ane. ⁷⁸ Kua é ka ra punda misikoji Desu non, ri mora ma kandja di riba se ka bi ate non, ⁷⁹ pa yere diba nkrusi ku sa kose kuluso ni sombua mothi; Ê ka zi kua ri gia paso non ni mondja ri paji". ⁸⁰ Anto mosu kula so neta ni Supitu. E ta létu matu ate ma é biriru bi lêle povô Isaeli.

Chapter 2

¹ Dife Alê sezalu Agosô manda whã odji ka fa ma ê ka bi tê whã sensu ri turu nkenu ku ka ta létu tia. ² A zi kua é pumbê vê, ola kirinu ta ngovenarô Sisria. ³ Anto turu anê ba poson ma anê ka ta né pa anê ba lijistu sensu. ⁴ Zozê turu ba poso Nazarê, Galilêia, ba Bélen ni Zurêia, ma a ta mora poso David, punda é sa ri lasa Alê David. ⁵ Zozê bé ku mengay rê Maá bi ligista. Ê ta ku bega. ⁶ Ê ra ma ola anê ndu Bélen, ta ola ma Maá pari. ⁷ Sô ê pari pumbê ná rê sô ê buié ku whã panu. Sô ê pê whã nga ma situ ka mé né, punda é na ta ku lugê pa anê ta né wha. ⁸ Tia é mé ta ku wha dôsu pasoro ku ta mévia ku ombô anê nsuku. ⁹ Whã anzu Sun bi lêlê anê sô goia Sun luzi katxi anê: Sô turu anê fika ku mendu. ¹⁰ Sô anzu fa anê: na mendu wha punda nsêka bi ku lékalu buaru ra turu povô. ¹¹ Ozé ni poso David, nansê whã Savarô ra sê. Ê sa Kistu, Sun nó! ¹² Sê ka bi té ku sinali é: Ê ka bi ta buiaru ku whã panu numiru whã nga ma situ ka ta. ¹³ Ta sô yô anzu bi fô onsé, sô

zunta ku otô anzu ka kata ra Dêsu ka fa: ¹⁴ Goia ra Dêsu ku ka ta riba pazi ni tia katxi pôpô ma Dêsu mêsê buaru. ¹⁵ Ola anzu vutuka ba onsé ané pasôru fa katxi ané: Ban ba Belén pa pia kua buaru ku ra ma Sun zi non ta. ¹⁶ Ané bé seru sô nha ané bê Maá ku Zozé whã nga. Sô ané bê Mosu é numiru nga si ma situ ka mé né. ¹⁷ Ola ané bê kua é ané tanga yô nkênu kua ma fa ané ri Mosu é. ¹⁸ Turu ané ku bê pasôru fika ku ngosô ku kua ma ané ndê. ¹⁹ Mazi Maá ta lokê turu kua ma a ndê pê koso. ²⁰ Ané pasôru vutuka ka ngogô sô ka kata vungu ra Dêsu, punda turu kua ma ané ndê tô bê sa kua ma anzu ta fa ané. ²¹ Sô ri nákê ria ta ndu ola ri pora Mosu é. Ané pê nomi Jizu, punda asié ma anzu Samé, antizi pê nansê bega. ²² Ola é ndu ndjira pa ané bila puru ané zié mora ma Muzé ta fa, Zozé ku Maá bé ku Mosu é atê ngêza, Jiruzalê, ba pezenté ra Sun. ²³ Punda é ta sisikaru ni alê Sun. Turu pumbêlu na ku ka nansê toka sa santu ra Sun. ²⁴ Mora Alê Sun, ané turu toka ra ofeta " dosu na lola ku dôsu na pombi mora sakifisu". ²⁵ Sô ni Jiruzalê ta ku whã omé ma a ka sma Simion. Ê ta setu y buaru. Ê ta ka whara kosulason Israeli sô Supitu Santu ta kuê. ²⁶ Supitu Santu musé ma é na ka pô muê antizi pa Kistu ma Dêsu pomêtê bi wha. ²⁷ Supitu bé ku Simion lêtú ngêza, Zozé ku Maá bi ku Mosu é, Jizu pê kumpi kusumu ma Alê ka manda. ²⁸ Simion tua Jizu pê mon sô lova Dêsu ka fa: ²⁹ Sun ka kundji aié ma na kia Sun ka bé ni pazi, punda é kumpi pomesa Sun. ³⁰ Punda whê un bê Savason Ô, ³¹ ma Bô luma katxi turu pôvô. ³² Kandja ri musa ané zintxi, ku ra Goia pôvô Israeli. ³³ Ané tata Mosu é ta ku ngosô ku kua ma ta fa Rê. ³⁴ Simion ra ané bensa sô fa Maá mama Rê. Ma Mosu é sa mandaru tantu ra mali kuma pa a lata yô nkênu Israeli pa é sa kua remanda. ³⁵ Whã supara turu ka la alima ô popi mora ma kua ma yô nkênu ka pensa koso ka musa. ³⁶ Whã mengay ku ka fa kua ma Dêsu ka manda, ma ka sama Ana turu ta nha. Ê sa na Fanueli, jelason Azer. Ê ta kuka sô é vèvia ku omé rê sambari anu na karête, ³⁷ Sô omé rê muê é tô ta wêtenta anu. Ê na desa ngêza wha ka ngogô ku Dêsu atê atê ku jinzu ku lason nsuku ku sólo. ³⁸ Ola é mé, é komesa ka ra Dêsu gasa ka fa ri Mosu é turu ané ku ta ka whara muransa Jiruzalê. ³⁹ Ola ané lokê ri zi turu kua mora Alê Sun, ané vutuka ba Galilêia, ba popi posó ané, Nazaré. ⁴⁰ Sô Mosu é ta ka kula longô ka néta ka sia ka ta kua sô gasa Dêsu ta riba Rê. ⁴¹ Ané tata Rê ta ka ba Jeruzalê turu anu, ba Fesa Pasukua. ⁴² Ola Jizu kopeta kuyni dôsu anu anu ané ba fesa mora ma ané ta kusumaru. ⁴³ Ola fesa loké, ma ané vutuka, Jizu fika Jiruzalê sô ané tata Rê na ta ta Rê wha. ⁴⁴ Punda ané ta kunda ma Ê ta katxi ka bé ku ané. Pasaru whã ria têlu ka bé, ané komesa ka ngolo É katxi familia ku migu. ⁴⁵ Ola ane na Bê wha, ané tô vutuka ba Jiruzalê sô komesa ka ngolo É nha. ⁴⁶ Ri têsî ria, ané Bê lêtú ngêza tasoru katxi mesé, ka ndê ku atenson sô ka puta. ⁴⁷ Turu ané ku ta ka Ndê fika ku ngosô ku kua ma Ê ta sô ku kua ma Ê ta ka kundji. ⁴⁸ Ola ané bê Jizu, ané babaka. Sô mama Rê Faré: Ra kua ma Bô zi non asié! Punda ãn ku tata Ô ta tomentaru ka ngolo Ô. ⁴⁹ Sô Jizu kundji: Ra kua sê ta ka ngolo Un ra! Sê na ta ma Ntê ka ta kay Tata Un wha! ⁵⁰ Mazi ané na ta kua ma Jizu ta ka lumba kua é wha. ⁵¹ Anto Jizu vutuka ku ané tata Rê ba Nazaré, sô ta ka kundji kua ma ané ka fa sô mama Rê tá ka lokê turu kua é kosó Rê. ⁵² Mazi Jizu ta ka kula ku turu kua ma é ta netaru ku gasa ku Dêsu ku turu nkênu.

Chapter 3

¹ Ni kui tano anu lenu Tiberu Sezar, ola Ponsiu Pilatu ta ka govena ni Zureia, so Herori, ta ka govena ni Galileia, so naamo re Filipi, ta ka Goveni ni rejion ri Itureia, so trakoniti kui Lisania, govenarura Abileni, ² gina ola ane sumu saseroti, Anas ku Kaifas, so lumba Desu bi ra Zon, mosu ri Zakaria, ni nga kutaru. ³ Ê nda rê turu kiba ni borô jurdon, ka fa ni butismu ri lependmentu, ra peron pekaru ⁴ Mora é sa sisikaru ni livu ane lumba ri pofeta Zaia: vozi ku ka ngita ni nga kutaru dete mondja ra Sun, zi mondja re sa fimi. ⁵ Turu vala ka sa siaru, turu mûndu ku kolina ka sa bazaru; ane mondja zendekaru kasadetu, so ane mondja zendekaru ka baza ziru detu: ⁶ so turu nkenu ka be savason ri Desu". ⁷ Anto Zon fa yo nkenu ku ta ka bi pa sa butizaru ra êle: Sé sa lasa kiongo! Nguei manda se konde di leva ku se ka bi? ⁸ Sô zi kua buaru ku sa lependementu, na komesa ka fa ni katxi sê: Non tê Ablon mora tata non!', punda an nga fa se ma Desu ka poi lata na ra Ablon ate ni buru sié. ⁹ Zo masaru sa peru za zuntu ri lezi anê pô. So turu pô ku na ka ra kua buaru wha é ka sa kotaru so zugaru ni fogô". ¹⁰ So ane nkenu ta ka putê so fa:"anto kua non ka po zi?" ¹¹ Ê kundji, so fa: "so nkenu ku te dousu kabisi, e ka ra nkenu ki na te wha, nkenu ku te mê ka zi mora é mé"! ¹² Anto oto nkenu ku ka kobra koleta, bi tê pa sa butizaru, puntê: Mesê, kua ma non ka po zi?" ¹³ So Zon fa ene: Na koiê lelu maxi motxi ixi ma manda sê Wha. ¹⁴ Ôtô sôre te punte so fa:" E non tê? Kua ma non ka pô zi?" So e kundji: "Na tua lelu nkenu fosaru wha, na lata nkenu fasu. Konteta ku lelu ma ô ka nganha". ¹⁵ Mora ma povo ta ku vonte ka wara Kistu turu ane tava ka kunda ni koso ane ma Zon ka sa Kistu. ¹⁶ Zon kundji ane so fa : Ra an so an nga butiza ku aua, mazi é ka bi nkenu ku te pore maxi dôkê an na sa buarutia koro sapatu re wha. Ê ka butiza ku Supitu Santu so ku fogô. ¹⁷ Ê sa ku apa ni mon re di ripa ku kuraru mali Re sa pe zunta tigo ni luge re. Mazi e ka kema ane paia ku fogo ku na ka po pagawha. ¹⁸ Ku yo oto konse, Zon ta ka pega vanjelu ra povo. ¹⁹ Ê lependê Herode, govenadoru, punda e tava kazaru ku mengay naamo re, Herodiaso yo oto kua dingi ma e ta ziru. ²⁰ so anda e to pe turu ane, pa pe Zon ni pezu. ²¹ Ra kua anto ola ma nkenu ta ka butiza ni Zon, Jizu te foi butizaru, so ola me ta ka zi lason onse biri; ²² so Supitu Santu dese ate Êlê ni mora kopuera, moa wa pômba. Ane nde wha vozi ri onse. Bô sa Na Um ma nga Ama, ni Ô Un te gosto. ²³ Ola Jizu komesa suvisu Re, Ê ta trinta anu. Ê foi na Zoze (mora a ta pensa), na Eli, ²⁴ na ri Metate, na ri Levi, na ri Melki, na ri Jani, na ri Joze, ²⁵ na ri Matatia, na ri Amos, na ri Naun, na ri Esli, na ri Nagai, ²⁶ na ri Maate, na ri Matatia, na ri Simeí, na ri Joseque, na ri Joda. ²⁷ na ri Joanã, na ri Resa, na ri Zorobabel, na ri Salatiel, na ri Neri. ²⁸ na ri Melqui, na ri Adi, so na ri Kosã, na ri Elmo, ²⁹ na ri Er, na ri Josue, na ri Elieze, na ri Jorin, na ri Matati, na ri Levi. ³⁰ na ri Simon, nari Zura, na ri Joze, na ri Joana, na ri Eliakim. ³¹ na ri Melea, na ri Mena, na ri matata, na ri Natã, na ri Davi. ³² Na ri Jesse, na ri Obede, na ri Boas, na ri Sala, na ri Nassom. ³³ Na ri Abinadabe, na ri Admin, na ri arni, na ri Eskron, na ri Peres, na ri Zura. na ri Jako, ³⁴ na ri Isaki, na ri Abron, na ri Tera, na ri Naor, ³⁵ na ri Serugue na ri Ragau, na

ri Fareki, na ri Eber, na ri Sala. ³⁶ Na ri Kaina, na ri Arfaxade, na ri sem, na ri Noé na ri Lameki., ³⁷ Na ri Matusalem, na ri Enoki, na ri Jaredi, na ri Maleleel, na ri Kaina. ³⁸ na ri Enos, na di Sete, na ri Adon, sô Adon ri Dêsu.

Chapter 4

¹ Jizu siaru ku Supitu Santu, bi de Jordão, Supitu békuê lugê penderu. ² Kuana kuin ria demônô tenté; ê na mé wa; Ê bi tê fome. ³ Sô demônô fa ré: Xi bô sa na Dêsu, fa buru é pê bila mpó. ⁴ Jisu kundjié: Ê sa sisikaru mê na sa mpó sô ngê ka vevia kuê wa. ⁵ Sô demônô békuê londé, misé turu lènu tia. ⁶ Demônô faré: Nga rô turu kué; punda a da mbêlê, nga pô ra ngêxi ma mèsê. ⁷ Nga pô ra ô êlê xi bô lata nome un ba diba. ⁸ Jizu kundjié: Ê sa sisikaru: Dêsu sô a ka adora, Êlê sô a ka xivi. ⁹ Ê tô békuê Jeruzalem, pê lugê ngêza maxi londé, sô fé; Xi bô sa ná Dêsu, sata fô ingê ba vaji. ¹⁰ Punda é sa sisikaru ma: ¹¹ Dêsu ka manda anzu rê pa ane tê ô mon pa ô na ra pê buru wa. ¹² Jisu kundjié: Ê sa faru: Na tenta Dêsu ô wa. ¹³ Ala demônô lókê ku turu ane tentasó é, ê bêrê fô zuntu jizu. ¹⁴ Sô Jizu, ni pôrê supitu, tô bêrê Galileia, turu region é ndê fama Jizu. ¹⁵ Ê ta ka xina ni turu sinagoga, turu ngê ta ka gôgô kuê. ¹⁶ Ê bi Nazaré, lugê ma kié né, tô létxa mora kostume rê, ni Sábaru, ni ngêza; latá pê lê. ¹⁷ A dé livo profeta Isaia; mê birié, ê bê lugê mê mèsê lê. ¹⁸ Supitu sumu sa diba un, punda un sa unjiru rê de fa ra pobli, ¹⁹ de txia ngê sa pézu tô biri uê ségu, pa oprimiru sa livi, de musa turu ngê ma Dêsu mèsê zura turu ngê. ²⁰ Ê fisa livo, da ngêsi ta nha ka pia, sô taso. Turu ngê ta ngêza bila uê ka pié. ²¹ Sô ê comesa ka fa ane: Hozé eskritura é sa kupliru ni ôria sê. ²² Turu ngê ta ka ra testemunhu rê, ka gôgô turu kua buaru mê ta ka txia boka; Na sa ixié ná Jozé wa? ²³ Sô é fa ane: Sê dúvida provérbio é ka fa: Dôtolô ka kula êlê mê; Ka ji turu ni tia ô mora non ndê mê sa jiru ni Kafarnaum. ²⁴ Ê fa: Véré nga fa sê ma nêwã profeta na ka sa resebiru buaru ni tia rê mê wa. ²⁵ Sô ni véré nga fa sê ma iô mengai sê ome sa Israel ala ma Elias tanhá, ala osé fisá tési anu ku samanó mêji, ku ra kua fome létxa tia. ²⁶ Maji a na manda nêwã ane ba lèlê Elias wa, xi é na sa wã mengai sê ome ku ka ta Sarepta re Sidom. ²⁷ Nha ta ku iô leproso ni Israel ala ma pofeta Elizeu ta nha; maji nêwã ane na fika limpo wa, maji nêwã ane na fika limpo wa, xi é na Naamã, sírio. ²⁸ Turu ngê ni ngêza, ala ma ane ndê ane kuéé, ane tua léva. ²⁹ Ane láta, kôlê kuê fô poso, békuê londé lugê ma ji poso né, pa ane zugê ba vadji. ³⁰ Maji é la katxi ane, bêrê. ³¹ Ê dêsê ba Kafarnaum, poso Galileia; sábaru é ta ka xina. ³² Ane admira kua mê ta ka xina, punda lumbarê ta ku mpénhu. ³³ Ni ngêza wã ome ta nha ku supitu de wã demônô suzu, gita ku fôsa: ³⁴ kua má non tê ku bô, Jizu Nazarenu? Bô bi distruir non? un ta gê môsa: Santu Dêsu. ³⁵ Sô Jizu kôlê kuê, fa: Kabóka xiê ongê rê. Demônô zugê pê só zuntu turu ngê, xiê fô ongê rê sê jié mali. ³⁶ Turu ane fika admiraru, ka fa wã ra ôtô: Kua sa palava é, atê supitu suzu ka ndê kua mê ka fa, ka xiê fô ongê ngê. ³⁷ Fama rê kôlê ni turu lugê ni turu region. ³⁸ Jizu láta ni ngêza, létxa kai Simon. Soga Simon ta ku féblé fogaua, ane pindji pê kulé. ³⁹ Ê baza zuntu mengai é, fa féblé é pê xiê fô mengaié. Wélé wélé mé mengaié lata ba xivi ane. ⁴⁰ Ala ma suku ta ka kubi, ane bi ku iô ngê ku ta ka duêtxi. Ê ta ka pê mon diba ane ka kula ane. ⁴¹ Iô demônô ta ka xiê fô ane, ka ngita ka fa: Bô sa ná Dêsu. Ê ta ka reprendê ane, na ta ka désa ane fa wa, punda ane ta mê sa Jisu. ⁴² Ni pomonha, Ê ba lugê penderu. Iô ngê ta ka ngolo é; ane bê, ane ta ka ngolo pê pézu. ⁴³ Sô Ê fa ane: Sela un anunsia evangelho lènu Dêsu ra turu poso; punda kuê é manda Un bi. ⁴⁴ Ê ta ka prega ni ngêza Judeia.

Chapter 5

¹ Sô é ra whã dia yô nkênu ta ka pemé boro Jizu pa ane ndê lumba Dessu, sô Ê ta ndjoru zuntu aua genesaré. Ê ² bê dosu vapô boro aua, sô piskaró é ku ta desé vapô tá ka laba lélê. ³ Sô Ê subi letu whã ané vapô, ku sa di Simon, sô é pindji pa siê txo ku vapô paia. Jizu tasó letu vapô ka sina yô nkênu. ⁴ Ola é sina lokê, Jizu fa Simon: bé ku vapô aua fundo ba lélê sê. ⁵ Sô Simon kundjié: Mésé-ê, nón taba suku têlu nón na tamba mé whã kua-ua, mazi punda ô ku lumba ô ngá léga lélê. ⁶ Sô ola ané jikué, ané tê yô kikê ma lélê komesa ka fono. ⁷ Sô ané zi sinali sama ané melu ané ni ôtô vapô di bi zura ané, ané sia dosu vapô ku ta kuazi funda. ⁸ Ola Simon Peru bê kua-é, é pê puna só, da Jizu fá: Sumu é fô kota-ô punda un sá whã omé pekarô. ⁹ Sô ané ku turu nkênu fika soblaru ku tamba ku ané zi. ¹⁰ Mora é mé Txiagu Zon ná Zebereu, ku ta sisi ku Simon. Sô Jizu fa Simon: Namendua, punda ni aié bokasa piskarô omé. ¹¹ Ola ané bi ku vapô paia, ané desa turu kua sigui Jizu. ¹² Sô ola é ra, Ma Ê ta whã posó, nha ta ku whã Omé siaru lepla. ola é bê Jizu, é pê puna só bila polô ba só, pindji fa: Sumu-ê se é sa vonté ô, dipa un. ¹³ Sô Jizu sendê mó Rê sô tê, fa: yé sa vonté un. sá limpu ola é mé lepla desé. ¹⁴ Ê siné, pa é na fa néwhã nkênu wha, mazi é fa ané: lélê mondja ô musa ané sefi nguêza ra whã sakifiso pá ô sa limpu mora ma Muzé manda rá sesemunha. ¹⁵ Sô, a ndê kua Rê masi andá ma yô nkenu bi pa ané ndê Jizu ka sina pa ané sa kularu di doetxi ané. ¹⁶ Ku turu kua-é Ê siê ba whã nga êlê sô ba fa lason. ¹⁷ Ê ra ma whã ria Jizu ta ka sina, sô nha ta ku fasu mese ku mese alê tasoru petu Rê. Sô ané bi di yô flegueja kiba Zure ku Galileia ku posó Jeruzalé. Sô porê Sun ta kuê di kula. ¹⁸ Sô whã dosu Omé bi kégaru ni whã kama ku whã Omé ku ta lezaru, ané ngoló whã mora di bi kuê letu whã nga, di pê numi wê Jizu. ¹⁹ Mazi punda yô nkênu ku ta nha ané na poiwa, anto ané subi diba kai, biri teia, desê Omé-é ku kama rê katxi yô nguê, plopi wê. ²⁰ Jizu bê afé ané, Ê fa: Omé-é, a pura pekaru ô. ²¹ Ané sefi nguêza ku fasu mese komesa ka ngolo ta, ka fa: nguê sa nguê i ku ka fa mali-é! Deau sô ka pora pekaru. ²² Mazi Jizu, bi ta kua ma ané ta ka pesa, Ê kundji fa ané: punda kuai ma sê ka ngolo ta kua-é ni koso sê! ²³ Kuai ka kusta sê fá: turu pekaru ô a poré, ô lata ndá! ²⁴ Yé pa sê ta ma Ná Omé tê poré ni tia di pora pekaru, ngá fá ô: Lata tua kama ô bêô kai ô. ²⁵ Pá sô é lata wê ané, tua kama mé ta né dumiru sô é ba kai rê ba gôgô ku Dessu. ²⁶ Turu nkênu babaka, ka gôgô Dessu ku yô mendu ka fa: oze nón Bê kua fina foga whã. ²⁷ Kua-é pasa Jizu siê fô nha é bê whã kobladô impostu ma ka sama Livi tasoru whã ngá ka impostu. Sô Jizu fé: Lélê un. ²⁸ Livi desa turu kua, lata sigui Jizu. ²⁹ Sô Livi luma whã fesa ngai dá Jizu kai rê. Yô koblarô impostu ku ôtô nkênu ta mesa ku ané. ³⁰ Sô ané fasu mese ku sefi nguêza nákulû ta ka fa ané melu Jizu: Ra kuai ma sê ka mé ka bêbê ku koblarô impostu ku ôtô pekarô. ³¹

Jizu kundji ané Nkênu ku sauri na ka mësê dotolô whã ku doetxi sô.³² Na bi sama zusto wha, mazi mbi sama pekarô ku ka leplende!³³ Ané Faré, ané melu Zon kata jinzun ka fá lasó, ku melu fasu sefi turu. Mazi melu ô ka mé ka bêbê.³⁴ Jizu fa ané: whã nkênu ka pô kuvira whã kazamentu ni jinzun ku Omé kazaru kota rê!³⁵ Mazi ê ka bi siga ria ma kazaru ka siê, diê ané ka zinzua.³⁶ Sô Jizu tanga ané whã vesu: né whã nguê na ka txia ndjigui kabisi novu ba dêtê kabisi vé wha, punda si a zi kua-é, kabisi novu ka fonó, sô nga ma a buté né na ka rá ku kabisi vé wha.³⁷ Né whã nkênu na ka pê, Vin novu ni buli vé wha, si a zi kua-é vin novu ka kebia buli sô vin ka lukua y buli ka taia.³⁸ Mazi vin novu ka sa letu buli novu.³⁹ Né whã nkênu ku ka tua vin vé, ka mese tua vin novu, sô fá: vé sô sa buaru.

Chapter 6

¹ I sô ma wã ria di sabaru, Jizu ta lá ni mevia di cereais i Ané maielo rê ta ka koiê inkuê ka féguê ku mon i mé unkuê. ² Sô wã ané farizêu fa ane: "Ra kuaê ma sê sêka zi kua ku na sa pa a ka zi ni ria di sabaru?" ³ Jizu kundji ane fa: "Sê nasê lê kua ma David zi ola Êlê ku ané homé ta ku fomi?"

⁴ Ê letxa ni kai Desu, tua mpó di proposição, me ê tô da ané naue ku tava kuê.

⁵ Sô Jizu fa ane: "Na Homé sa Sun di sabaru". ⁶ Sô otô sabaru, Jizu be até sinagóga ka sina ané nkênu. Ê ta nha wã homé ki mó leto lesaru. ⁷ Ané escriba i fariseu ta ka zongo Jizu ni peto, pa ané pia si Ê ka kula ngue ni ria sabaru, punda ané ta ka ngoló moro pa ané kuzê. ⁸ Magi Jizu tá ta kua ma ané ta ka pensa Ê fá homé ku ta ku mó lezaru: "Lata nja ta katxi turu ané". Sô homé ê lata i ta ndjaru. ⁹ Sô Jizu fá ané: "Nga Putá sê: Ni sabaru sa pa azi bé ô mali? sava vira ô maté?" ¹⁰ Sô Ê pia loro ané sô Ê fa da homé: "Sendê mó ô". Ê si kua i mó rê yogô. ¹¹ Magi ané fika siaru ka temé ka pufia ku ané di kua ma ané kapô ji Jizu. ¹² Sô diê ê, ma Jizu ba wã nga zangaro ba fa lason. Turu ola, nsuku é Ê tá ka fá Lason ra Desu. ¹³ Ola pamonha biri, Ê sama ané mēlu rê, koiê kui né dosú ané, ma Ê sama ané na lekaru rê. ¹⁴ Nome ané sá: Simon, ma ê sama Peru, ku na mon rê Andre; Txiagu; Zon; Filipe; batulumeu; ¹⁵ Mateju; Tomé; Txiagu; na Alfeu; Simon ma aka sama Zelotxi; ¹⁶ Zura; na Txiagu; ku Zura Skariotxi, ku bila numigu rê. ¹⁷ Sô Jizu dese ku ané fô londe sô ané ta wã nga sentara, ma yô nkenu melu rê ku yô nkenu Judeia ku Jerusalem, kota Tiro ku Sidon.

¹⁸ Ané ka bi pa ané ndê pa ané sa kularu ku supito mali turu yogô. ¹⁹ Ê turu nkenu ta ka ngolo Jizu á ané tē ku mó punda porê ta ka siê né sô Ê ta ka kula turu ané. ²⁰ Sô Ê lata wê pê riba ané mélo rê, fa ané: "Buaru sa sê, ané plobi, punda govenu Desu sa di sê. ²¹ Buaru sá sê ki fomi, punda bega kabi sia. Buaru sa sê ki ka suwa, punda sê ka bi di. ²² Iê sa buaru da nkenu ka fa mali ku sê to kolê ki sê, tô keta, zeta nome sê mora nguê ma fé, povia ta di na homé. ²³ Gogô ni ria ê tô sata ki gostô punda sê ka té wa pagamento ni oncê, punda na kulu zi mora é ku ané na lekaru na kulu mora é mé. ²⁴ Magi a di sê ki sa liku! punda sê tua kua buaru sê za. ²⁵ A di sê ku sê ka mi ayé i punda sê kabi tē fomi. Ai di sê ku sê ka ri ayé. Punda sê kabiri luto to suá. ²⁶ Ai di sê ola turu nguê kasa bem disê! Punda ané nkenu na kulu ané aji ané fasu profeta ni mora é mé. ²⁷ Nga fa sé ku ka ndê un: gogô ku nu migu sé zi kua buaru nguê ka zi sê mali. ²⁸ Fa ben di nkenu ku ka fa mali sê fa lason da nguê ki lata fasu da sê. ²⁹ Sê nkenu dasê wã soro ni polô se ka bila ôtô kiba. Si nguê tua kapa ô, na pufia xi é tua kabi xiô. ôua. ³⁰ Sê nguê pindji, sê kua kuali ku a dê elê. Sê nkenu tua kua kuali kua ki sa di sê, na to pindjiê dingui wa. ³¹ Mora ma sê me^se pa ané zi sê mora é mé sê ka zi ané. ³² Sê sê ka gôgô ku nkenu ku ka gôgô ku sê sô, kuai sê ka ganha ku kuaê. Punda ané pekarô ka gôgô ki nguê ki ka gôgô, Ku ané. ³³ Sê sê kazi ben da nguê ka zi bem da sê so, kuai sê ka nganha ku kuaê? Ati pekarôkazi kuê. ³⁴ Xi sê ka pessa nguê so ku kato da sê, kuali valoiu sê ka tē? Punda ané pekarô ka pessa ané pekarô zo, ané ka waré tobiku ndjira é mé. ma ané ta pessa. ³⁵ Mazi gôgô ku numigu sê ziane buaru pesa ané sê pa ané tobi ku ê i sê ka nganha kua ngairo. Sê ka sa na Desu punda e sa bularu ku ané glatu i mafé. ³⁶ Tê pena nkenu mora ma tatá sê kate pena. ³⁷ Na zi zugamentu pa sê nasa zugaru wa. Na kodena pa sê na sa kodenaru wa pora pa a pora sê. ³⁸ Ra ôtô pa a ra sê. Sê ka nganha ku mijira buaru pisa, tô pisa, sacuri ate bokaxia. Punda, ndja ô ka mindji mora é mé a ka midji ô. ³⁹ Sô ê tanga ané wça vesu: Wã segu kapô ngea ôtô segu? Si ê zi kua é dôdôsu ané ka kiê vuvu? ⁴⁰ Wã na lekaru na sá mase rôké mész re wa, mazi óla é ka sa tlenaru buaru sô é a sa mora mész rê. ⁴¹ Ra kuai bô ka pia iku ku sa wê na a mon ô mazi bo na ka xintxi ndigi pó ni wê ô wã? ⁴² Ma bô ka fa na a mon ô: na a mon é desa un xia iku ku sa wê ô, ola bô mé na sê ka pia dingui pó ki sa ni wê ô? Fingiru ê! Pimelu txia nangui pó ni wê ô so bô ka pô pia buaru iku ki sa ni wê na mon ô. ⁴³ Ê na tē pô buaru ki ka dá mé poreru né po poreru ki kara mé buaru wa. ⁴⁴ Punda a kata ni kara pô me ma é ka ra. Newã nkenu na ku ka koê figu ki pinha ne uva sasa wã. ⁴⁵ Wã homé buaru ni liqueza buaru ni kosso rê ka txia kua buaru, magi ixi mafé, kua mali di kosso ka bia luá ixi ki sa poseru; punda bôka ka fa ni kua kussa siaru ni kosso. ⁴⁶ Da kui sê ka sama un: Sumuê, Sumuê, sô na ka zi kua ma nga manda wã? ⁴⁷ Turu nkenu ku ka bi lêlê Un ku ka ndê lumba un ku ka kundji, nga fa ré mora ma é sa. ⁴⁸ Ê sa mora uwã homé ku ka zikai rê, ê ka biri kobô fundu ni maru ni kabokô ni diba burru. Ola tavara ka bi ku aua oyô ka batê ku fossa kontla kaiê, magi é na ndugaê wa. punda é fô ziru buaru. ⁴⁹ Mazi nkenu si ku ka ndê lumba un ku na ka kundji wã, é sa mora uwã ku zi kai rê dinba mavu sê kabokô. Ola aua oyô dapê ku fossa kontla kaiê weleweleme é kiê é baba berê lokê.

Chapter 7

¹ Olá Jizu loke di fa turu lumba é ra povô é letxa kafanaun. ² Wã na kia sefi ma ané ka ngôgô kuê masi, ta ka doetxi petu muê. ³ Ma ané ndê fana Jizu, sefiê mandé wã dosu zurê kua ka ra konsê pindjê pê bi sava na kia rê. ⁴ Ola ané vitxa kota Jizu ané pindjê foga wua: ⁵ "Punda é ka poi zi kua é, punda é ka gôgô ku nkenu tia non, e ele sô zi sinagoga ra. non. ⁶ Sô Jizu lelê mondja rê ku ané. Ê na ta lodji mé wua, soré é manda ané migu rê ba fa ané: Sumu é na komoda wua, na sa

buaru pa bô letxa kai un wua .⁷ Punda lazon ê mé ma na sa buaru di ba lelê bô wua. Lumba wã kua só na kia un ka yogó.⁸ Punda un sa sefi soré, un tê soré ku ka ndê kua ma nga fa nga ma ye: "bé" ê ka bê ê ka bi; nga manda otô "bi" ê ka bi; nga fa na kia un: "Zi ye" ê ka zîé.⁹ Olá Jizu ndê kua ê, Ê babaká, só bila ra yô nkenu ku ka lelê fa: nga fa sê ma ne Israel un bê nkenu ku ndjigi a fé ê".¹⁰ Só ané nkenu si ma a manda ba lelê Jizu tô vutuka ba kai só bê na kia ê ku sauré.¹¹ Sô kua é ra ma Jizu ta ka ba wua pason ma a ka sama Naim. Ané melu rê ta ka bê kuê, ku yô nkenu.¹² Ola ané vitxa póto poson, ota ka kega wua homé motxi, uniku mó sa mama rê. Ê ta mengai solê, e yô nkenu pason ê ta kota rê.¹³ Posson ê olá Jizu bê mangai ê é fa tê pena rê, sô ê fé: "Na sua wua!"¹⁴ Sô é vitxa petu, Ê tua kason só ané nkenu ka ta ka kegé ndja, sô Ê fa:¹⁵ Mosu é nga fara ô lata komesa ka fa sô Jizu ra mama rê elê.¹⁶ Sô turu ané ta ka mendu kamesa ka ra Desu ngóia ka fa: "wã nkenu ngai ku ka ra lekaru Desu sa katxi mon. Desu ta ka pia povô rê.¹⁷ Sô fama Jizu wuanga turu zuré, ku turu kiba petu.¹⁸ Ané melu Zon tanga kuê é re:¹⁹ Só Zon sama dosu melu ré ba lelê Sun ba fa. Bô só ta di bi ô non ka wuar otô?²⁰ Ola ané bé Jizu, ané faré: Zon Batista manda non bi puta ô: Bô só sa di bi ô non ka wuara otô?²¹ Ola é mé é kula yô duetxi, ku ta ka karisé ku supitu mali i yô segu é biri wê.²² Sô Jizu kundji ané fa: " Ba wanga turu kua ma sê be tô ndê. Ma nkenu segu seka bê lezaru sê ka nda, dedu ku mon kotaru seka yogô sura seka ndê, motxi seka kora nkenu ku mesê seka ndê lumba Desu.²³ Ma turu nkenu na ka desa de kelê ni Nomi un ku kua ma nga zi wua.²⁴ Ola ané na lekaru Zon béne, Jizu komesa ka fa ra yô nkenu vira rê.²⁵ Kuai ma sê ba bê letu matu? Kuai ma sé ba bê? Whã homé bisiru ka bisi fina? Sê ma nkenu vira di luxu ma ané sá palaxu.²⁶ Masi ku sê ba bê? Wã pofeta? Ê é ngá fá masi rokê pofeta.²⁷ Yé sá nkenu si ma atá sisika nê: "Só un seka manda na lekaru un ba pólo sê, ma é ka ba detê mondja rê wê rê.²⁸ Nga fá sê ma katxi mengai ku mansé natê nkenu masi dê kê Zon masi isi ku sá masi txó ô róro ni ngobrnu Desu, sa masi ngai rokê".²⁹ Ola turu nkenu ndê kua é é, zuntaru ku ané kablarô lêlu, tu ané ka fa ma Jizu sa zustu, antó sá butizaru ku butizimo Zon.³⁰ Mazi ané farizeu ku ané mész alé zuré zeta konsé Desu pa ané mé na sa butizaru da ané wua.³¹ Nkenu kutxi ma nga mindji ané lasa é ku ê? nkenu kutxi ma ané kokó?³² Ané sá mora na kikina ku ka foga letu plasa ka tason ka sama ôtô ka fai non toka pitu sê na fogawa. Non kanta whã vungu ntelu sê na sua whã.³³ Zon Batista bi é na mé mpôn né bebê vin whã sê fa: "Ê tê demónu.³⁴ Na homé bi mé bebê sê fa: "Ya whã homé fontaru ku ka bebê vin fogawa, migu kobladó ompostu ku pekaró!³⁵ Masi nkenu ku ta kua kabi sa faru da turu na rê".³⁶ Sô whã farizeu ta ka pindji pa Jizu ka komésé kuê. Sô Jizu letxa kai farizeu é sô Jizu kluva pê mesa pa é mé.³⁷ Y poson é ta ku whã mengai pekaró.³⁸ Sô Jizu kundji é fa: " Simon un tê kua di faré". Sô Simon fa: Mése pô fá!³⁹ Jizu fa: "Dôsu nkenu ta ka devê whã homé. Whã ta devê kinhetu mile otô xikuenta mile. Ma ané na ta ku lelú di paga divida whã, homé é pora dosusu kualí ane ku ta ku amolé mas?⁴⁰ Simon kudji: "Un pia ma isi ma a pora". Masi Jizu faré: bô sá setu".⁴¹ Jizu fa: "Dôsu nkenu ta ka devê whã homé. whã ta devê kinhetu mile otô xikuenta mile.⁴² Ma ané na ta ku lelú di paga divida whã, homé é pora dosusu kualí ane ku ta ku amolé masi?⁴³ Simon kudji: "Un pia ma isi ma a pora". Masi Jizu faré: " Bô sá setu".⁴⁴ Jizu bila rá mengai é fa Simon: "Bô bê mengaié? Un letxa kai ô bô na ka aua laba opé un whã, mazi mengai é minha opé un ku aua wê só kutale ku pena ntê rê.⁴⁵ Bô na beja un whã, mazi na un vitxa unge é é ndja di ra opé un bêju whã.⁴⁶ Bô na bua ntê un ku ólió whã, masi é bua opé un ku pofumu.⁴⁷ Ra ku e é, ma nga fara ô ma yô pekaru rê sa poraru. Punda é gôgô fogawa. Masi nkenu si ku ka pora pokô ka gôgô pokô.⁴⁸ Sô é faré: "Un pora turu pekaró ô.⁴⁹ Ané nkenu ku ta tasoru meza komesa ka fa ku ané. ya nguei ku ka pora aê pekaru?⁵⁰ Sô Jizu fa mengai é: "Afé ô sava ô bé ku paji."

Chapter 8

¹ olá ma kuê é ra, jizu koesa ka nda turu pósó vila ka plega ka fa kua buaru di goveno Desu. só huiné dosu melu re bé kue.
² Ané beku kuiné dosu mengai ma e kula supita buku ku doetxi sa ané: Maia, ma a ka sama maralena, ma sambari demóno si é onge re.³ Zuana, mengai kuza, ku ka tabá sikitoli Heloi, Suzana ku ku oto mengai kuka biku yo kéga ku oto oto kua.⁴ So yo nkenu zunta, ku nkenu ku bi fo poson bi pia Jizu so fá ane ni wha vesu.⁵ Wha simia ro sie bá simia wha dosu kie boro mondjá, situ onsé mé loké.⁶ Oto kie katxi buru e kutá ma e nata ku mavu wha e kuta bere.⁷ so oto kie katxi ngá ku pina e kula kue mazi e foké ta.⁸ Ma oto kie nga mavu e kula buaru ma wha koie ma ane koie dosu rentú masi, Ola Jizu fá kue é e ngita ku fosa: nkenu ku te oria d de nde ka nde.⁹ So ané melú re pute, kuai vesu e mesé fa.¹⁰ Jizu fá ané a ra se mora ta pore Desu, So a ka sina se ku vesu so ma ane po té we ane na ka be wha, ma ane po nde ane na ka té wa.¹¹ Nesu é ka fa asi: wnkué e sa lumba Desu.¹² Unkué ku kie boro mondja sá nkenu kuka nde, mazi demóno ka bi tukua lumba e kosó re pa e na kele, pe sava wha,¹³ Wnkué ku kie katxi buru sa isi ku ka nde lumba ku goso. ma e na te leji wha. E ka kele txo so olá e ka seka parise e ka to sie bere.¹⁴ Un kue ku ka kie ka txi pina sá nkenu ka nde lumba e ka lele mondja re ola kua a visa e ka koké ku likeza antó e na ka ra me wha.¹⁵ Mazi wnkué ka kie mavu buaru sa nkenu si ku ka loke ku koso buaru ku ka nde lumba ka te e e ka ra me ka ka langa.¹⁶ Ne wha nkenu na ka yere kandja tua wha kua tape pe kosi kama wha. mazi a ka re riba mesa ma turu nkenu ka po be kerari.¹⁷ Punda turu kua ku sa konderu ka bi sa biriru punda keraré.¹⁸ Anto nde kue e buaru, punda nkenu ku te a ka to ré masi e nkenu ku na te wha ate isi me ka mese sa kue a katxié.¹⁹ Antó mama ku ane namon Jizu bi lele masi ane na po bi kota re wha punda yo nkenu.²⁰ So ane fé: Mama o kuane na amon o mese be o,²¹ So Jizu fara ane: Mama un ku na amon sa ane nkenu si ku ka nde lumba desu ka zi.²² So wha ane die e Jizu ku ane melu re letxa wha vapo so Jizu fara ane. ban ban ba oto kiba ovo, ae keta.²³ So ola ane ta ka be Jizu dumi. So wha tovara ku ventu osi oyo ma vapo komesa ka sia ku aua, ma ane ta pigu foga wha.²⁴ Só ané melú re ba kota re ba kota re ba koré fá: Mése, Mése, nó se ka mue so e kora, kole ku tovara e ku fosa aua e fica so e ra komaia.²⁵ So Ê fa ane Afé sê ô. ku mendu ma ané babaka, wha ané fa oto yé ngey ku ka manda ni ventu ku aua ma ane ka kundji.²⁶ So

ané ta tia ane jeraseno, ku ka sa oto kiba galileia. ²⁷ Ola Jizu pe opé son wha ome posó é ba lele i ome e ta ku demóno yo ria má e na ka bisi kabisi wha i e na ka ta kai wha masi letu siminéli. ²⁸ ola e be Jizu e ngita pe mpuna só kotá re, so e ngita ku fosa fá. Kua ma nté ku bo, Jizu Nan Desu Zangaru. Un se ka pindji o na tometa um wa. ²⁹ Punda Jizu ta kole kue pa e fo omé é punda yo ve e ta ka tua konta re. E po já ta pezu ku lenge ku soré ku ta konta re, e ka kebia lenge ta, e ka bere wha nga se ne wha kua ne ku demóno. ^{30 31} So Jizu Puté: Nomi o kuaí, e fá: Motxi ru, punda yo demóno ta letxé. So e ngita pa Jizu na man de ba nfenu wha. ³² So yo poko ta matu mé, o demóno é ta ka pindji pa e leta ané poko é: So Jizu kundji ané zi kua é. ³³ Sô ané demóno sie o oméé letxa poko so tua ane poko é tapaya kole oyo foga loké. ³⁴ Olá ané omé ku ta ka tua konta ané pokó bé kua e é ané kolé ba fa kua é é ni posó ku faqueja á. ³⁵ Ané nkenu ku nde turu kua é ba pia mora ma kué é sá, ané vitxa kotá Jizu, ané be omé si ma demóno sie né. E ta bisiru buaru, tasoru opé Jizu, olá ané be kua e é ane mendu. ³⁶ Ane nkenu si ku mora ma kué é ra tanga oto nkenú, mora má omé é ta pezu mó demóno má e sava. ³⁷ Turu nkenu tia gerazenu ku turu kiba pindji pá Jizu fo katxi ané, punda ané ta ku mendu foga wha. So Jizu letxa vapo pa e bere. ³⁸ So omé si ma demóno sie né pindji pa Jizu ka dessé bé kué, Jizu fé: ³⁹ Toba kai o bá ta siga kua ma Jizu zi ra o. So omé e bere modja re turu posó ba tanga turu kua ma Jizu zi ré. ⁴⁰ Ola Jizu be to bi nguenu gogo kue punda ane ta ka waré. Nha ta wha omé ma a ka sama Zairu é ta sefi wha ngueza. ⁴¹ Zairu pe mpuna só koa Jizu pindji é pa E ba kai re. ⁴² Punda Wha wniku naré, kuté kuine dosu anu ta ka mue. Olá ma Jizu ta ka bé nkenu ta ka pemé. ⁴³ Wha mengai ku ta ku kuine dosu anu ta ka sufi ku sangi ka kolé i é ta katxi yo nkenu. ⁴⁴ E ta gastaru yo bebe ku Dotoló, ma Jizu te koro mata re saia ele mé sangi é ndja. ⁴⁵ Jizu fá: nkenu kutxi ku baté wn. Olá ma turu nkenu, peru fá yo nkenu se ka peme o ka peta o. ⁴⁶ Masi Jisu fá. nkenu bate un punda un tá ma pore sie un. ⁴⁷ Olá mengai pia ma e na pai konde kua ma e zi wa, e bi ku mendu pe mpuna só kota Jizu. So fé biriru we turu nkenu da kuaí ma e bate Né. Ku mora ma e kula wele wele mé. ⁴⁸ So Jizu fa: Na un, afé o luka o. Bé ni paji. ⁴⁹ Olá jizu ta ka fa anda wha nkenu bi fo kay sefi ngueza fá: Na komora ku mése wha. Na o mue za. ⁵⁰ So olá Jizu nde kua é e fa Zairu na mendu wha, kele so e ka salva. ⁵¹ So olá Jizu ndu kai, E na mese pa nkenu letxa wha, Peru ku zon Ku Txagu ku tátá ku máma na so. ⁵² Turu nkenu ta ka nguinta ka sua ré, mazi e fá: Na sua wha, ⁵³ E na sa motxi wha e se ká dumi. So ane rie punda a ta me e sa motxi. ⁵⁴ Mazi e te mon ná é ngita fa: Né é lata. ⁵⁵ So supito, é fo né so e lata hola é mé. so e fa da mé. ⁵⁶ Tata re babaka, mazi e le ke ané pa ane na tanga ne wha nkenu kua e wha.

Chapter 9

¹ Jizu sama ané kuiné dôsu sô da ané pôrê ku atôridade ku pôrê diba turu demono pa kula doêtxi. ² Ê manda ané ba fa lumba Alê Dêsu y kula doêtxi. ³ Ê fa ané: na zi viaji ku né whã kua wha. Né borô, né bamba, nen mpó, né lêlu, né kabixi. ⁴ Kua kuali kay ma sê letxa ta né atê sê ka siê fô nha. ⁵ Ola ma ane na ka tua sê wa, ma se ka sie fo poso, sakudi mavu ope sê ny sêsêminha kontlê ané. ⁶ Ané ba vila, ka lumba vangelu sô ka kula nkênu turu lugé. ⁷ Herode, govenarô ndê turu kua ta ka ra é mandjinga, punda whã ta ka fa ma Zon Batista tô kora motxi. ⁸ Whã ta ka fa mê sa Ilia ku tô bi sô otô fa pofeta nanana ku tô bi. ⁹ Erody fa: Zon un mba pa koté ntê, sô nkênu kutxi ka pô tô bi fa un ané kuê! Herode ngolo otô mora pa é bê Jizu. ¹⁰ Ola ané kuiny dôsu apostulu ma Jizu manda tô bi, ané konté turu kua ku da. Sô Jizu bé ku ané whã poso ma ka sama Betizaida, ¹¹ mazi yô povô ndê kué é bé mema Rê. Ê zunta ané tuné, fa dy Alê Dêsu y kula ané isi ku ta mêsê yôgo. ¹² E tava tagi za ane kui dosu fe, manda yo nkenu bene dy mora pa ane ba vila masi petu ba kolo kay e me pa ane me, punda nga ma nõ sa ne sa londgi. ¹³ Magi E fa ane, da povo me. Ane fa No na te masi do ke tano mpo ku dosu kike. sela no ba kopa meda turo nkenu e. ¹⁴ E tia kuase tano mile ome nha. So e fa ane maelu Re. Zi ane taso ni gupu de xiquenta nkenu. ¹⁵ Sô ané zi turu nkênu tasó. ¹⁶ Ê tê tanó mpó ku dôsu kikê biri whê ra onsé y bênsué kêbié dxigi manda ané da pôvô. ¹⁷ Turu ngê mé ta satifêtu sô sia kuiné dôsu zongê mé ku sobla. ¹⁸ Ê da ma Jizu ta ka zongo sô ané mêlu rê tava kuê. Ané punté nkênu kutxi ma pôvô ka fa Ân sa. ¹⁹ Ané kundji whã whã ka fa ma Ô sa Zon Batista, otô ka fa Ilia, otô ka fa ma Ô sa pofeta antigui ku tô bi. ²⁰ Ê fa: Mzi nkênu kutxi ma sê ka fa Ân sa! Peru kundji fa: Bô sa Kistu dey Dêsu. ²¹ Mazi Ê fa ané pa ané na whangé wha, ²² Ê fa: sa plisizu pa ná omé padisé yo kua pa ané ansio zété ra ané sefi sasedoty, ra eskriba, ka muê tô kora ny tési ria. ²³ Si nkênu mêsê bi lêlê un, é ka nega êlê mé, tua kusu kara ria tô nda ky ân. ²⁴ Nkênu ku mêsê sava vira rê ka ba pendê, mazi nkênu ku pendê vira rê punda Un ka sava. ²⁵ Punda kuali kua buaru tê da nkênu ku mêsê nganha mudu turê, mazi pendê ô loké ku vira rê. ²⁶ Nkênu ku tê vengonha Un ku lumba Un, na omé ka sa ku vegonha rê ola ma é ka bi fô goia Rê, ku goia Papa ku anzu santu. ²⁷ Véré mé nga fa sê é tê whã sê ku sa ingé ku na ka bê motxi antê ma Alê Dêsu ka bi. ²⁸ So e ra, ma ni nake ria ola e loke lumba e, Jizu be ku Peru Zon ku Tiagu, so banda mundu ba fa lason. ²⁹ Ma e ta ka fa lason, polo re mura, ma ate jabise re bila ziaru mengemenge. ³⁰ So dousu ome ta nha ka lumba Kue, Mose ku Elia, ³¹ so vitxa ku turu goia, ane fa di banda RÊ ma Ê petu kumpi ni jerusalem ³² So Peru ku ane ku ta RÊ ta fakesiru ku sono mazi ola ane kora, ane be pure Jezu ku dousu ome ku ta kota RÊ. ³³ Ola ane sie fo kota Jizu, Ê fa Peru : " Mese, inga bua pa non ta ne. Non kazi tesi kilala wha ra Ô ra Muse ku oto ra Elia." so e na ta kua me ta fa wha. ³⁴ Ma e ta ka fa ane kua e, wha omboxi bi lamba ane ku sombua re, ane ta fika ku mendu katxi omboxi é. ³⁵ Wha vozu sie katxi omboxi e fa ; " ywe sa Mosu Un, man koie; Nde-ê". ³⁶ Ola vozu e ndja, Jizu ta so ane kaboka, ria me ane na fa newha ma ene be ra newha kenuwa ³⁷ E ra ma oto ria yo nkenu bi Lele ola Ê ta ka tuka. ³⁸ Wha ome katxi ane ngita fa: " Mese, nga pindji Ô pia mosu un, punda e sa uniko ma te. ³⁹ So wha Supitu bi tua konta re, taso e ngita ku taki ka luka fusa boka. Supitu e kusta sie nê, re pankara fogawha. ⁴⁰ Un pindji ane melu Ô pa ane kole kue, mazi na poi wha ⁴¹ Jizu kundji ane ane fa: " Gelason ku na kele wha so pekaro, ate keria ma nga sa ku se ka ngunta? Biku nku mosu ô inge." ⁴² Ma mosu ta ka bi, so demono e zuge pe son re taki. Mazi Jizu keta ku supitu e yogo mosu e so tua ra tata re. ⁴³ Turu nkenu babaka ku porê Desu. Ma turu ane ta

babaka ku turu kua ma Jizu zi ,e fa ane melu Rê:"⁴⁴ Pe ane kua e lumba oria se: a ka bi trega Na Ome mon ome."⁴⁵ Mazi ane na ta kua ma lumba sa wha, kue konde ra ene pa ane na te wha. So ane Pute ri kua ixi ma e fa.⁴⁶ Sô ané disipulu komesa ka pufia katxi ané mé dy kuali ku sa masi ngairu.⁴⁷ Mazi Jizu ta kua ku ta ka pasa kosó ané ê tê wã ná pikina pê kota Rê,⁴⁸ fa: Nkêniu ku tua ná pikiná é mora Ān elê turu tua Un tô tua nkênu ku manda Un. Punda nkênu ku sa masi txo katxi sê ié sa masi ngairu.⁴⁹ Zon fa: Mesé non bê nkênu ka txia demono ny nomi Ô sô non puvi ané , punda ané na ka nda ky bÔ wha né non.⁵⁰ Mazi Jizu fa ané: Na puvi ané wha punda nkênu ku na sa kontra sê wha sa ku sê.⁵¹ E da ma, ane ta pa ane bê Jizu ka subi, ê zi séru pê ba Jeruzalê sô⁵² é manda ná lekaru ba whê. Ané letxa whã vila samaritanu pa pepara ria mê ka xiga.⁵³ Mazi ané nkênu nha na tua ané wha, punda whê ané tava pa ba Jeruzalê.⁵⁴ Sô ola ané nkênu Rê Tiagu ku Zon bê kuê é ané fa: Sun bô mèsê pa non manda fôgô fô onsé pê kéma ané.⁵⁵ Mazi Jizu bila whê lepêndê ané .⁵⁶ Sô ané ba otô vila.⁵⁷ Ola ané tava mondja ka bé whã nkênu fê: nga bé ky Ô nga ma Ô ka bé.⁵⁸ Jizu fa: Lagaia tê kobo rê sô xitu onsé tê kama rê mazi, na omé na tê nga pê ntê né wha.⁵⁹ So E fa oto nkenuÇ lele Un. Mazi e kundgi. sum, pemite pimêlu pa un tia tata un.⁶⁰ Mazi Ê fa: Desa nkênu muêru tia motxi rê bô sô ka bé ku lumba Alê Dêsu turu nga.⁶¹ Otô nkênu turu fa: Ān nga nda ky Ô Sun, mazi pimity pimêlu pa un ba fa ané kay un mantxa.⁶² Mazi Jizu fa ané: Nkênu ku pê mon karosa sô ka pia méma na sa buaru da Alê Dêsu wha.

Chapter 10

¹ Sô di kuê, sô Sun manda ôtô setenta sô dousu sô livu náku lu na tê kua sisikaru é wha, sô manda ane dy dousu ni dousu, ni whê Rê ba turu ane posó ni lugê andji Ê ta vonté bé. ² Ê ta fa ane: suvisu sa ngairu, mazi ane tabarô sa pôkô. sô di kua é ji lason da Sun ra kolheta pa Ê manda tabarô pa ba kolheta Rê. ³ Bé! Aié An nga manda sê mora ombô ni katxi di lobu. ⁴ Na bé ku né whã saku di lêlu wha, né mola di viaji, né sandalha, sô nafa mantxa da né whã nguê ni mondja wha. ⁵ Ni kualikeru kai ku sê ka letxa, fa pimêlu: Ni paji ka sa ni kai é! ⁶ Si ingê tê whã di paji, sô paji sê ka sa ni diba ane, mazi si é na tê wha, é ka tô bi diba sê. ⁷ Dja sê ni kai é mé, mé sô bèbê kua ma ené sa kuê, punda ené tabarô merésê tua lêlu di ane. Na ka sa fika ka mura di kai ku kai wha. ⁸ Ni kuali kéru posó ku sê ka letxa, ku ka tua sê, mé kua ma ené ka pê ni whê sê, ⁹ sô kula ené duetxi ma nha sa kuê. Fa ene: sô Lenu di Dêssu sa xiga da sê. ¹⁰ Mazi ni kualikeru posó ku sê ka letxa, si na tua sê wha, xiê ba lua sô fa: ¹¹ Atê mora iku di posó sê suza opé non tá, bané kontra ane! Mazi sê ka bi ta di kuê é, ma Lenu Dêssu sa petu. ¹² An nga fa sê ma, ni ria di zugamentu, é ka tê maxi perôn da Sodôma dô kuê da posó xiza. ¹³ Ai di bô, Korazin! Ai di bô, Bestsaida! punda, si ane milagre ki foi ziru ni sê ka sa ziru ni Tiru ku Sidon, ka tê yô tempu za ma ene ka sa lependiru, ka sa tasoru diba xindja, ni panu saku. ¹⁴ Ni mora é, ka tê maxi peron da Tiru ku Sidon ni zuizu dô ki pa sê. ¹⁵ Bô Kafarnaun, bô axia ma ô kaza lataru atê osé! Di mora é, bô ka sa bêru ba baxó, ni fenu. ¹⁶ Ixi ku kandê sê, ka ndê An, sô ngê ka zeta sê, ka zeta An té, sô ene ixi ku ka zeta un ene té ka zeta ngê ku manda Un. ¹⁷ Ane setenta sô dousu, tô bi ku gostô, fa: Smuê, atê ane demono ka baza punda nomi Ô. ¹⁸ Jizu fa ane: An ta ka bê satanas ka kiê di osé mora miamia. ¹⁹ An nga da sê purê pa piza kiongô ku eskopion, ni diba turu poru di numigu, sô né whã kua ka bi di mora di zi sê mali. ²⁰ Sô ni mora é, na fika gosto di setu di ene supitu sa baza da sê, mazi sê ka sa ki gostô anda mazi punda nomi sê kasa lokêru ni osá. ²¹ Ni ola é, Ê gogo ni Supitu Santu, fa: Nga louva Ô, Pai, Sumu di osé ku tia, punda Bô kondê turu kua é da ene ku sa ku sebê ku konhesimentu, mazi biri ane da enguê ku sa blutu mora anzu thororó. Axe, Pai é, punda axié sa buaru ni whê ô. ²² Suru ane kuê foi kufiaru ra un ni Pai Un, né whã nguê konsê nguê sa Ná xi é na sa Pai, sô né whã nguê konsê Pai xi é na sa Ná wha sô nguê ixi ma Na mesê biri. ²³ Ê, bila da ene maiêlu, Ê fa ku ane pataru: gosô sa nguê ku ka pia ane kua ma sê bê. ²⁴ Punda An nga fa sê ki yô pofeta ku alê ta ka ngoló pia ene kua ki sê ka be, amzi ane na poi bê wha, ndê ane kua ma sê ndê, sô na ndê wha. ²⁵ Sô na setu mesê dy Alê zurê lata pa punté, fa: Mesê, kua nga pô zi pan léda Vira longô! ²⁶ Jizu fa dé: kua ku sa sixikaru ni alê! Ma ô ka lê! ²⁷ Antó Ê kundji: Gogo ku Sun Dêssu ô ku turu koso ô, ku turu alima ô, ku turu fosa ô sô turu sintxiru ô, sô ku ane ngê sa zuntu ô mora ô mé. ²⁸ Jizu faré: Bô kundji buaru, zi kuê bô ka vivê ²⁹ Mazi mesê, ta ka mesê justifika, punta da Jizu: sô ngê sa zuntu un! ³⁰ Ni kundji, Jizu fa: whã ome tuka di Jeruzalen pa Jeriko, é kiê ni mon di ladron ku txié turu kua rê, dé ku kua sô desé ksnada motxi. ³¹ Sô ra kua whã sasedoti ta tuka ni mondja é sô, ola é bê, laré ni otô kiba. ³² Mora é mé whã levita, ola é ndu ni luguê é sô é bê, mora é laré ni otô kiba. ³³ Mazi whã samaritanu ki ta ka bé di viaji ndu petu rê sô bê xialé di pena. ³⁴ Sô saia bi zuntu rê, laba kitô rê, lukua mazi ku vin diba rê. Ê pê diba animali di rê plopí, bekuê pa whã hospedera sô kuidra rê. ³⁵ Sô ria é ba whê, txia dousu lelu da ene hospederu sô fa: trata rê, sô kualikeru dispeza ma sê zi maxi, ola nga bila, an nga paga sê. ³⁶ Kuali di ene tesi, ni opinion ô, foi proximu di nguê isi ki kiê ni mon ladron! ³⁷ sô mesê ale fa: nkênu isi ki sintxi pena rê Jizu fa ré: Bé sô zi mora é mé. ³⁸ Ola Jizu ku ene maiêlu ta viaja, ene letxa whã vila sô whã setu mengai ka sama Mata resebê ene ni kai rê. ³⁹ Ê tava ku whã mana sama Maria, é ta fika tasoru ni opé Sumu sô ndê lumba rê. ⁴⁰ Marta, ta kiolokiolo kuparu ka zi mé pa xivi. Ê bi atê Jizu, sô fa: Sumuê, Na ta xatiaru ma mana ka lega un zi ku sô wha! Faré, fenfavolô, pê zura un. ⁴¹ Mazi sô Sumu kundji, faré: Marta, Marta, bô sa kiolokiolo diba sô kua, ⁴² maji whã kua sô sa buaru. Maria koiê kua sa ben buaru, sô parte xiê na ka sa tuaru wha.

Chapter 11

¹ Sô rá Jizu ta wha nga ka fá lasón, ola é loké, whã maelo fá: Sun moé xina nón fá lasón: mora ma Zon xina éné maelo-rê. ² Jizu fa: sê ka fá lasón axi: Tata, santifikaro sa nome Ô. Bi ku alê ni vira nón. ³ Danó whã pó kara ria, ⁴ póranó pekaru nón, mo ma nó ká pora nguê devedoru nó, liva nó ni mali. ⁵ Jizu fá: kuali nguê ni katxi sê, tê whã migo ku ka bê ni mía motxi atê elê, ka fa: Migo, pesa a un tese pó. ⁶ Punda un-ua migo un xiga wélewéle de viaje e an un na tê nin kua pa an un

oferesê-wha, ⁷ sô, nguê ku sa letu kundji-é: Na vugo wa, poto sa fissaru, éné mosso un ku an un sa ni kama. An un na ka pô lata ra ô, kua mo mesê wa. ⁸ An un nga fa sê, mora mê na lata pa da Reno-é po me sa migo rewa, madji axiemé ê ku lata punda mora mê tia ka pindji é ra nguê i turu mé tia ka mesê. ⁹ An un té ka tô fa sê: pindji a ka ra sê, batua i bô ka bê, batê é ka biri. ¹⁰ Punda turu kua ma ka pindji, bô ka tué, kua ma ô ka ngolo, bô ka bê, nkênu ka batê, Ê ka biri. ¹¹ Quali Tata ni katxi sê, xi ná pindji-é un-wa kikê, ni nga di kikê é ka ré whã kiongô! ¹² Ô, xi é pindji un-wa ôvô, é ka ré un-wa skopion! ¹³ Punda si sê, ku sa mafé tô ra kua buaru da ná sê, kuantu maxi Tata sê ku sa onsé ka da sê supito Santo da nguê ku pindjê. ¹⁴ De ôto ola, Jizu ta kolê mema demôno, ku ta ni un a moso ku na ka ta fa wha. Olá ma demôno xiê, moso ku na ta ka fa wa bila ka fa. Turo nkênu adimira. ¹⁵ Magi ôtô nkênu fá: Ê sa Belzebu, prinsipe demono, ni ka txia demono. ¹⁶ Oto nkênu tia ka fa kué ka ngoló-né un ua xinali de onsé. ¹⁷ Maji Jizu konsê pensamento ane fa ané: turu alê batiro kontra elê mé e ka dana e ka kiê turu kai bathiro kontra elê mé. ¹⁸ Sê satanas kontra elê mé sa batxiro, ma reino rê ka sa. Sô nga fa sê ku ¹⁹ An un txia demono ku Bezebu, kali nguê ku ka txi-é ni onguê sê! Punda kua ane sa juxi sê. ²⁰ Magi si é sa dedo de Dessu ku An un ka txia demono, Antó Alê di Dessu xiga até sê. ²¹ Ola whã ome maxi forte, ka sa turu lumaru, é ka lokê plopi kai rê, bem rê sa seguru. ²² Magi ola whã Ome maxi forte ka derotê, txié é armadura sô patxi turu bem rê. ²³ Nguê ku na sa ku An un wha sa konta un, e nguê ku na ka zunta ku an un wa, ka wanga. ²⁴ Ola un-ua supito mali ka xiê di un-ua nkênu y ka nda ni luguê kutaro ka ngolo repouso. E na ka bê wa, y ka fa: An un nga tô bá kai un, andji ma un biné. ²⁵ Ê ka bé, y ka bi kai y limpuro lumaro. ²⁶ Sô é ka bi ku ôtô sambare supito maxi piolo, y turo ome ka vivê ingué. Antó mora di vira di nkênu-é ka bila piolo do kê pimelo. ²⁷ Sô é da ku-Ê fa ené kua-é, un-ua mengai ni katxi ane nkênu lata vozi y fé: Bendito sa bega ku gera Ô y mama ku Ô mama. ²⁸ Magi Ê fa: Antege, bendito sa nguê xi ku ka ndê lumba de Dessu y ka lokê. ²⁹ Ola ma turu nkênu luma, Ê komessa ka fa: ené gerasson y un-ua gerasson mali. Ê ka ngolo xinali, magi né wân xinali a na ka dé wha, xie é na sa xinali de Jona. ³⁰ Sô mora Jona bila un-ua xinali da Ninive ta, axié té Ná de Home sa wha xinali da gerasson-é. ³¹ A lainha de sulu ká lata ni jugamento, ku ene nguê de gerasson-é y kondena ene, y bi ni tia londji pê ndê fa Salumó, sô ingué ya nkênu ku sa maxi ngairo dô-kê Salumó. ³² Ané ome de Ninive ka ba lata ni jugamento ku ene nguê de zerasson-é ka kondena un, sô ene ka rependê ni wê de pregasson de Jona. E ingué tê nkênu maxi ngai di Jona. ³³ Né un-ua nkênu ka iêrê kandja, pê ni leto luguê kondero, ô kossi de un-ua zonguê, magi diba kandelabro, da nguê ku ka letxa ka bê kandja. ³⁴ Wê ô sa kandja de onguê-ô. Ola wê-ô sa buaru, turu onguê-ô ka sa luziru. Magi ola wê sa mali, turu onguê-ô ka sa siaru ku kulu. ³⁵ Sô ta buaru pa kandja ku sa ni-ô na bila kulu wha. ³⁶ E sô, turu onguê-ô sa xiaru de kandja, si nin-wa luguê onguê ka kulu, anto turu onguê-ô ka sa mora kandja, ola brilho-ô ka lumina-ô. ³⁷ Ola Ê loke de fa, un-ua farizeu kuvira Jizu pê ba mé kué ni kai rê, antó Jizu bé tua luguê ni meza. ³⁸ Sô farizeu fika dimirado da ma Ê na laba mó antiji de mé wha. ³⁹ Magi Sun fé: Sê, farizeu, dipa lua onguê kupo vazilia, magi letu sê sa xiaru ku ngana ku mali. ⁴⁰ Ome ku na ka pensa buaru! punda nguê ku gi lua onguê, na ge letuwa. ⁴¹ Da poblí kua ku sa letu sê, turu kua ka sa limpuro. ⁴² Magi ai desê, farizeu, ku dá dizimo da hortelâ y da arruda, y da maxi verdura, magi negligencia justissa ku amolê de Dessu. Ê sa nessessor zi ku justissa y gógó ki Dessu, sê negligensia ôtô kua. ⁴³ Ai de sê farizeu ku ka gógó plimelo ngá bi nguêza ku sinagoga ka rspeita kumpriminto ni prassa. ⁴⁴ Ai de sê, ku sa mora ximiteli disfassaru, ene nguê ka nda diba rê, sê ta. ⁴⁵ Un-ua messé alê fé axi: Messé kua mô ka fa ka insulta-nó. ⁴⁶ Jizu fa: Ai de sê tê, messé de alê! Ka nhé omé ku kega ma ene na ka pô kegawa, magi sê na messé tô tewa, né ku wa deru sê. ⁴⁷ Ai de sê, ku ka gi tumba da profeta ma ene lumó sê mata. ⁴⁸ Aximé, kelê ku kua ma ene lumó sê gi, y sê sa sestemunha ené, punda ené keuta kiba, mata profeta y sê gé tumba ané. ⁴⁹ Da lazón, sabedoria de Dessu fa: An un manda ene profeta, apostulo, ku ôtô a pissiguié, a maté: ⁵⁰ Antó gerasson-é ka ba responsabiliza di turu sangui profeta, lukuaru gina mundu komessa. ⁵¹ Gina Abelo até Zakaria ku muê katxi altare ku santuario. Axi, An un nga fa sê, ku turu kué sa ra gerassón-é. ⁵² Ai, de sê messé de alê ku tua da sê sabi di konhessimento: Sê mé na si letxa y ka tô impide nguê ku sa letxa. ⁵³ Ola ma Jizu xiê nha, ane eskriba farizeu komessa ka fa kué ka ji E pergunta de fô kua. ⁵⁴ Ngolo mora pa ané tê ni kua mê ka fá ni lumba-rê.

Chapter 12

¹ Ra Kua é yó nguê ta zuntáru yngé ma otô komessa ka póto otô: Sô é komessa ka fa, pumbêlu melu tua kautela ku fomentu farizeu ku sa siriga. ² Punda é na tê kua kulu ku na ka bi biriruwa é na tê kua konderu ma na ka bi ta wa. ³ Antó kua ma sê ka fa konderu a ka ndê ne kandja é kua ma a ka fa né oria sê nê lêtú kai a ka ndê ne diba kai. ⁴ mazi nga fa sê, migu un, na mendu nguê ku ka mata ongê sô ma é zi kua é na ka pô zi ne whã kua whã. ⁵ Mazi nga viza sê ngê ma se ka pô mendu rê. Sê ka mendu nguê ku ka mata sê tê porê de zuga sê ba fenu. Asiê nga fa sê, mendu rê. ⁶ Ê na sá dôsu situ benderu ni dôsu lêlo? Asiê mé Desu na ka kesê nê wa ané whêrê wa. ⁷ Até blople pena, ntê ané sa kontaru na mendu wa. Sê sa masi buado rokê yô situ. ⁸ Nga fá sê ma turu ngue ku ka kofesa ané zunta ami na homé també ka kofesa kota anzu Desu. ⁹ Mazi ngue ka nega nen konta homé ngá ne ge kota anzu Desu. ¹⁰ Nguê ka lumbá mali na homé a ká porê, mazi nguê ka fa mali Supitu Santu ye a na ka porê wa. ¹¹ Ola má ka bê ku sê wê sinagoga ané sefi ku nkenu ku tê porê, na ngolo mora fa ni defeza homé kua ama bô kaba fa wa. ¹² Punda Supitu Santo sô ka bá sinaô kua ma bô ka toka fa ola é mé. ¹³ Sô nkenu katxi ané sé; Mesé fa na amo un pê patxi likesa ku a un. ¹⁴ Jizu kundjiê: Homé nguê zi zusi ô ku kundji ra sê? ¹⁵ Sô é fa ané nkenu: Tu kuiraru lôkê ra turu nkenu ku ka mêsê yô ben wa. ¹⁶ Antó Jizu konta ané uâ vesu: Mévia di uâ homé liku da yô kua. ¹⁷ Ê pensa ku elê mé: A un na tô tê ngá zi? ¹⁸ Ê fa: kua é ma nga ba zi; nga бага amazé é gi ôtô maxi ngairu pa luma turu grôo e otô likesa. ¹⁹ Nga fá alima un: Alima, bô yô likesa lumaru da yô anu: Cansa socegaru, me, bebê i foga. ²⁰ Mazi Desu fa: Nsuku é ka pindji alima ô! Kuai ma bô luma ka sa di ngêy? ²¹ Asiê sa nguê ku lokê yô lêlu ré, mazi ku na sa liku ku Desu

wa.²² Jizu fa da ané mëlú ré: "Aiê nga fa sê na vuru kua vira sê, kua ma sê ka ba mé ku ongê sê kua ma sê ka ba bisi.²³ Punda vira sa masi dô kê mé ongê sa masi dô kê kua bisi.²⁴ Pi ené sitú ane na ka simia na ka koiê wa. Ené na tê despensa, nê alimazê, magi Desu ka ra ané mé. Sê valê masi rokê sitú.²⁵ Sô kualí sê ku ka sa ku vontê, ka pô tô pê whã metlu vira rê?²⁶ Sô si sê na ka poi zi né txô kua é whã ma se ka ngoló zi masi?²⁷ Pia ané fori mevia mora ané ka kula ané na ka tabawa na ka fia wa. Mazi turu kua é nga fa sê ma salumó, turu gloia rê bisi mora ané wa.²⁸ Si asiê ma Desu bici kapina mevia ku sai ozé mungu a ka zugué pê fóno, e ka bisi sê masi, homé pôkô a fê.²⁹ Na ngoló kua mé ô kua bebê wa, na ka ta kanvoru wa.³⁰ Punda turu nkenu tia ka ngoló kua é tata ô ta ma bô ka mësê.³¹ Sô ngoló govieno Desu turu kua é no ka lê.³² Na mendu wa, ané nguê punda kua é sa vontê tata ra sê govenu.³³ Bendê likesa sê so ra pobli. Sê ka zi bamba ku na ka bila vêwa, likesa ku na ka daná ni osé nga ma ladlon na ka vitxa bí futá nê bisu ná ka danê wa.³⁴ Punda ngá ma likesa sê sa né ynge mé kasô sê sa né.³⁵ Desu kua bisi sê peza ku xintu sé plontu, di sivi só pê kandja sê yêrêro.³⁶ Ta mara nkenu ka ka wara mësê rê. Toba fesa kasamentu ra ola é ka vitxa só batê, sê ka biri poto sérú.³⁷ Nga gôgô ku nkenu ma ka bê ka zango ola mësê rê ka bi veré veré nga fa sê ku ele ka pê ka bisi sê longo mé ka kui ni xinti, só é ka tassó ku ané ni mesa ka mé, antó nguê ka bi sivi ê.³⁸ Si Sun ka bi ni segunda vigilia ri nguê ku ô até é pô ra di tiserú buaru, alume mësê ben venturaru sa kenu ê.³⁹ Bô tê ku ta ki: Xi Sumu di kai ta ola má ladró ka bi, é na ka lega ku kai rê da nawa.⁴⁰ Bô tê ku sa prepararú, punda no na tê ola ma Ná homé ka bi wa.⁴¹ Peru fá: "Sumu bô só ka konta vesu xi ranó ô ra turu nkenu?⁴² Só Sumu fá: "Nguê sá dirizetê setu, ku ta kua, a nkenu ma Sun kúnfia nê pê zura nkenu ma pê kontaré pê suza ané ni ola setu?⁴³ Ben-venturaru nkenu xi ma Sun ka bi ka zi axi ola êka bi.⁴⁴ Veré veré nga fa cê ka këlê me sa uva nguê buaru.⁴⁵ Magi xi nkenu é fa ni kosó ré: "Sun longa di, komesa ka beta ané na kiaré, ka meré ka beberé, ka beberá;⁴⁶ Sun di nkenu é ka bi uã ria mé na ka wara wa, ola mé na ka tá wa, é ka katxiguê é ka pê ni luguê di ané nguê ku na ka këlê palavra wa.⁴⁷ Nkenu ixi ku tá ma Sun rê, só ka bi, na sá ku uã virá buaru wa, ô kazi kua ma Sun mësê wa, é ka tua xikotxi ku yô gopi.⁴⁸ Magi nkenu ku na ta é gi kua boaru re kastigu, a na ka dê xikotxi motxi wa. Turu nkenu ma ka dá kua motxi, yô kua ma ka mësê ni morê, nkenu ixi ma ka kelê nê, yô kua ma ka pindji ê.⁴⁹ Hun Bi zuga fôgô ne txia i kuma Hun ma é ka sá fereru za.⁵⁰ Magi Hun tê uã batizu ma uã ka ba sa batizaru, mora ma uã sa na so ka xintxi buaru wa até me ka axi.⁵¹ Sê kunda ma auã likê pagi nê txia? Nga fa sê kua na, magi Hun bi ku divison.⁵² Ai é ka sá tanu nkenu leto uã kai patxiru: "Tesê nkenu kali dossú nkenu i dossú ka bi tesê.⁵³ Ané ka sá patxiru: Tata, kontlá mosú i moê kontla tata, mama kontlá na, na kontlá mama, sóga kontlá nora, nora kontlá sóga.⁵⁴ Jizu tê fá turu nkenu: "olá sê ka bê ombó xi kali ne ostê, só só ga fa sê: Uã suba só ka bi i axi é ka sá.⁵⁵ Olá ventu sulu ka ventá nga fa sê: Sá ká bi uã kalôlô!⁵⁶ Fingiru sê ta naliza xinali di tia ku océ, sô sê na ta naliza kua ku sô ka da aiê?⁵⁷ Punda kuai sê na naliza kua ku sá buaru da sé me wa?⁵⁸ Olá sê ka bê ku numigu ô ni wê di uã zuxi, é ka manda ô pô resovê problema kuê ne mondja, pê na rasta ô bê ku é ra zuxi wa, só zuxi ka bê ku ô da guara però so guaro ka pê ô ni pesu.⁵⁹ Hun ga fá ô bô na ka xinha sê ô na paga lelú wa.

Chapter 13

¹ Dié otô nkênu tanga Jizu vira ané galileu, ma sangi Pilatu ta zuntaru ku popi lëndê ané. ² Jizu fa ané: Sê ka kunda ma ané galilêu é sa ma masi pekarô ku sa turu otô galilêu punda kuai ma ané parisê mora é! ³ Nga fa sê ma ynga. Mazi si sê na lependê wha, turu sê ka muê mora é mé. ⁴ Ô ané kuini nkê ku ulukua Silué sô mata, ané sê kunda ma ané sa masi kuraru rokê otô nkênu Jeruzalê! ⁵ Nga fa sê ma ynga. Mazi si sê na lêpendê wha turu sê ka muê. ⁶ Jizu fa turu vêzi é: Whã omé ta ku whã figu kunaru lêtú mevia rê. Sô é biri ngolo mé rê é na bê wha. ⁷ Anto é fa omé ku ka taba mevia é: Pia ma têsí anu za ma mbi ngolo mé pó figu é na bê wha. Kotê ta! Ra kuay ma ka desê rana mavu! ⁸ Ê kundjié: Desé anu é anda, pan vina boro rê sô adubê! ⁹ Si é ra mé anu kabi sa buaru. Si é na ra wha a ka simbê! ¹⁰ Sô Jizu ta ka sina lêtú whã ngêza whã sabru. ¹¹ Sô ané bê whã mengay ku ta kuini naké anu ku ta ku whã supitu ry doêtxi, é ta ka nda bazaru, é na ka pô lata ndja wha. ¹² Ma é bê Jizu, é samé fa: mengai bô sa livi doêtxi ô. ¹³ Ê pê mon riba rê, ta sô é lata ndja da goia ra Dêsu. ¹⁴ Mazi, chefi ngêza fika ku leva ra Jizu ma é kula ni ria sabaru. Anto chefi fa ané nkênu ku ta nha: Samanó ria ma Ê tê dêtú taba. Bi punda Bô ka yôgo ané ria é mazi sabaru wha. ¹⁵ Sun kundjié fa: Findjiru! Kualí sê ku na ka biri ubua mburu ô buê sô bê kuê ba bêbê aua ny sabaru wha! ¹⁶ Antó ná Abron é ma demono pê pezu na kuini naké anu, ma a na pô sotê ria sabaru wha! ¹⁷ Ola Ê fa ané kua é, turu ané ku ta ka kôntê fika ku vegonha, mazi turu nkênu fika ku ngoso ku turu kua buaru ma Ê zi. ¹⁸ Anto Jizu fa ané: kuay ku sa mora lênu Dêsu! ¹⁹ Ê sa mora whã unkuê lôsô ma whã omé zuga pê mevia: sô é kula bila whã pó ngairu, sô situ osé zi zombe pê tago rê. ²⁰ Jizu tô fa: kua ma ka poi mindji ku lênu Dêsu! ²¹ Ê sa mora fumentu ma whã mengai tua zunta ku têsí ndjira fanha até ma turê fomenta. ²² Jizu ta ka vizita tô sina kara posó ku vila modja Jêruzalê. ²³ Nkênu puté: Sun txo sô ku ka sava! Anto Jizu fa ané: ²⁴ Zi whê dizu pa sê letxa poto mangu punda nga fa sê yô nkênu ka ngolo letxa né mazi é na ka poi wha. ²⁵ Whã vê ma dono kay ka lata fisa poto, anto sê ka fika lua ka batê poto ka fa: Sun, Sun desa non letxa! Ê ka fa sê: na ta sê wha né na ta nga ma sê by né wha! ²⁶ Anto sê ka fa! Non ka mé bêbê ku ô sô Bô ka sina non lua! ²⁷ Mazi Ê ka kundji fa: nga fa sê ma na ta andji ma sê sa wha. Siê fô kota un, sê ku ka zi mali! ²⁸ Sô é ka bi tê sua ku mé dêtxi ola sê ka bê Abron, Zaki ku Jako ku turu pofeta ni Lênu Dêsu, mazi a ka zuga sê ta. ²⁹ Ané ka bi fô notxi ku sulu lesti ku oeti sô tasó meza ni Lênu Dêsu. ³⁰ Punda utimu ka sa pumbêlu sô pumbêlu ka sa utimu. ³¹ Sô pouko tempu whã whã farizeu bi kota Rê sô faré: Beô fô ingé punda, Lori sêka ngolo Ô pê mata. ³² Jizu fa: ba fa lagaia é: Ma nga kolê ku demono tô kula ozé ku mungu sô ri têsí ria nga loké. ³³ Punda sela un mbé ozé, mungu ku otô ria, punda é na toka pa whã pofeta ka muê londji Jêruzalê wha. ³⁴ Jêruzalê Jeruzalê ku ka mata ane pofeta tô ra ku buru nkênu si ma manda.

Kuantu vê ma ãn mësê zunta na ô asié mora whã nganha ka zunta na rê kosi aza rê, mazi bô na mësê wha. ³⁵ Ma kay sê sa bandonaru. Nga fa sê ma sê na ka bê un atê ola ma sê ka fa: Buaru sa nkênu ku ka bi nomi Sun.

Chapter 14

¹ Sô ê ra ma whã sabaru, ola Ê letxa lêtú kay whã sefi farizeu pa Ê mé mpó, ané ta ka pié buaru. ² Sô whã omé kata ka padisê yô demonó whê rê! ³ Jizu punta ané mesé alê zurê ku farizêu: Sê ka kundji kula sabaru inga! ⁴ Mazi ané kaboka. Anto Jizu tué, kulê sô mandé bërê. ⁵ Sô fa ané! Kualí sê ma ná rê ô buê rê ma ê ka txié whã ria sababaru wha! na ka ba bê whã whêlemé sê ka bé ba txié nha, sabaru é mé! ⁶ Ku kué, ané ka pô kundji wha. ⁷ Ola Jizu bê mora nkênu ma a kuvira ba whã fesa ta ka koyê whã baku buaru, é tanga ané whã vesu ka fa. ⁸ Ola a ka kuvira ô ba whã fesa kazamentu, na taso nga buaru wha, punda nkênu masi tximaru rokê ô kapoi sa kuviraru. ⁹ Pa é na ra, ma nkênu ku kuvira ô kué, ka bi fa ô: Ré nga. Sô ku vegonha, sela bô taso méma. ¹⁰ Sô mora, si a kuvira, ba taso méma, pa ola nkênu si kuvira ô ka bi fa ô: taso nga masi buaru. Anto a ka ngaba ô masi buaru whê turu kuviraru, ¹¹ Punda turu nkênu ku ka zanga ka sa kosi sô turu nkênu ka sa kosi ka bi zanga. ¹² Jizu tô fa omé ku kuvirê: Ola bô ka ra whã janta ô seia na kuvira migo ô, ô ná mon ô, né familia ô, né vindja ô liku, pa é na kuvira ô mora é mé sô paga ô, mora é mé. ¹³ Ôtô mora ma ô ka zi whã fesa, kuvira plobi, lezaru, mankêlê, ku ségu. ¹⁴ Sô bêsuaruaru, punda ané na tê ku paga ô wha. a ka bi paga ô ria ma zustu ka tô kora. ¹⁵ Ola ma ndê kua é whã nkênu ku ta ku Jizu meza, fa: Buaru sa nkênu ku ka mé mpo Lênu Dêsu! ¹⁶ Jizu, tô kundji: Whã omé zi whã sêia ngairu kuvira yô nkênu. ¹⁷ Ola sêia é, é manda ná kia ba na fa ané nkênu ma kuvira: Bi punda turu kua sa né za. ¹⁸ Mazi turu, ané sê koiê, komesa ka sukusa. Pumbêlu faré: Ân kopa whã mevia sô un mësê ba pié. zi fêvôlô, pora un. ¹⁹ Ôtô fa. ãn kopa tano junta buê nga bé ba pê. zi favôlô pora un. ²⁰ Ôtô tô fa anda: kansa, manda na ka pô bé wha. ²¹ Ná kia vutu ka sô fa turu kué é ra mesé rê. Anto Sun kay é xatia, fa ná kia rê: Siê seru ba lua kiba posó, biku atê ingé turu plobi, turu lezaru turu segu zi ané letxia: ²² Ná kia fa: Sun kua ma Ô manda un zi zié za nga sai lugé ainda. ²³ Sun fa ná kia rê: Ba mondja viela obliga nkênu letxia, pa kay sa siaru. ²⁴ Ân nga fa ô ku ma né whã nkênu ma kuvira na ka pova sêia un. ²⁵ Djingi nkênu Lêlê. Sô Jizu bila fa: ²⁶ Si nkênu ka bi sô lêlê Ân sô na kontê popi tata rê, mama rê, mengai rê, ná rê, manu rê, mana rê sô atê popi vira rê, é na ka pô sa mêlu rê wha. ²⁷ Nkênu si ku na kega kusu rê popi, sô lêlê Un wha na ka pô sa mêlu Un wha. ²⁸ Sô kualí sê mësê zi whã toli, pimelu na ka tasó zi konta lêlu sô pia si é tê pê tô pê txo né. ²⁹ Pa é na ra ma é pê ngundji sô é na poi loké, turu nkênu ku bê kua é zié mangason, ka fa: ³⁰ Omé komesa ka zi kay sô na poi loke wha. ³¹ Ô kualí alê ku siê ba peza ku otô alê, na ka taso pidelu pê pia si ku dsi mili omé, ka peza ku otô alê ku ka bi ku vitxa mili omé! ³² Sô si é na ka poi wha, ma otô soré sa londji anda, é ka manda whã gupu ané ba pindji pazi. ³³ Asié kua kualí nkênu katxi sê ku na turu kua ma é tê whã ka poi sa nkênu un. ³⁴ Salu sa lua, mazi, si salu ka pendê ngosô mê ka poi sa buaru. ³⁵ Ê na ka bua né ra mavu né ra arubu wha a ka zugé ta. Nkênu ku tê oria ndê ka ndê.

Chapter 15

¹ Sô turu koblarô impostu ku otô Pekarô saia bi pa ané ndê Jizu. ² Ané fasu ku ané Skriba ta ka gungunu katxi ane ka fa: "Ané omé é koyê ane pekarô sô atê ka me ku ané" >>>>>> d821b2e0346d0b31d63486c62e52658c47c7c9ca <<<<<<< HEAD <<<<<<< HEAD <<<<<<< HEAD ³ Anto Jizu tanga whã soia: ⁴ Kualí sê ky, ku sén ombô sô ka pendê whã rê, na desa noventa nové lugé kutaru (dizetu na ka ba memá disi ku pendê atê ola ma ka bé!) ⁵ Sô, ola ma ka bé, ka pê nsosi ky ngostô. ===== ³ Sô Jizu tanga ané whã vesu: " ⁴ Kualí sê ku ka tê dosú sentu ombô sô é bi pendê whã rê, é na ka desa whã sentu ku makéri uvua lêtú nga sê ne whã kua sô na ka ba memá isy ku pendê atê é ka bê whã? ⁵ Sô ola é ka bê, é na ka pê nsosi ku ngostô whã. >>>>>> 2d79192f68f6c09435f197bbbdfa7cde32f47dea ===== ³ Sô Jizu tanga ané whã vesu: " ⁴ Kualí sê ku ka tê dosú sentu ombô sô é bi pendê whã rê, é na ka desa whã sentu ku makéri uvua lêtú nga sê ne whã kua sô na ka ba memá isy ku pendê atê é ka bê whã? ⁵ Sô ola é ka bê, é na ka pê nsosi ku ngostô whã. >>>>>> a8db8dc43e1234d7ab0735cc733cecc20dbe6f3f ===== ³ Sô Jizu tanga ané whã vesu: " ⁴ Kualí sê ku ka tê dosú sentu ombô sô é bi pendê whã rê, é na ka desa whã sentu ku makéri uvua lêtú nga sê ne whã kua sô na ka ba memá isy ku pendê atê é ka bê whã? ⁵ Sô ola é ka bê, é na ka pê nsosi ku ngostô whã. >>>>>> d821b2e0346d0b31d63486c62e52658c47c7c9ca <<<<<<< HEAD <<<<<<< HEAD <<<<<<< HEAD ⁶ Sô ola mê ka siga kai, ka sama migu vija, fa ané: ta ky ngoso ku ãn, punda ãn bê ombô un pendêru. ⁷ Nga fa sê, moré é mé, ka tê mémé ngostô ny osé ra whã pekarô ky lèpendê, maxi ky noventa nové zustu ku na pisiza lèpendê wha. ===== ⁶ Sô olá é ka vitxa kay, é ka kuvira migu ku nkênu póto, só fa ané: ta ku ngostô ku an punda hun bê ombô hun ku pendê. ⁷ Nga fa sê ma mora é me ma é ka bi tê whã ndjigi fesa osé ra whã pekarô ku ka lependê, masi rokê whã sentu ku makeri wvua zustu ku na plisiza lependê wa. >>>>>> 2d79192f68f6c09435f197bbbdfa7cde32f47dea ===== ⁶ Sô olá é ka vitxa kay, é ka kuvira migu ku nkênu póto, só fa ané: ta ku ngostô ku an punda hun bê ombô hun ku pendê. ⁷ Nga fa sê ma mora é me ma é ka bi tê whã ndjigi fesa osé ra whã pekarô ku ka lependê, masi rokê whã sentu ku makeri wvua zustu ku na plisiza lependê wa. >>>>>> a8db8dc43e1234d7ab0735cc733cecc20dbe6f3f ===== ⁶ Sô olá é ka vitxa kay, é ka kuvira migu ku nkênu póto, só fa ané: ta ku ngostô ku an punda hun bê ombô hun ku pendê. ⁷ Nga fa sê ma mora é me ma é ka bi tê whã ndjigi fesa osé ra whã pekarô ku ka lependê, masi rokê whã sentu ku makeri wvua zustu ku na plisiza lependê wa. >>>>>> d821b2e0346d0b31d63486c62e52658c47c7c9ca <<<<<<< HEAD <<<<<<< HEAD <<<<<<< HEAD ⁸ Ô kualí mengai sa, ku tê lêlu dy plata, si whã rê ka bi pendê, yêrê whã kandja, bari kai ngonsu ku paxensa atê bô ka bé! ⁹ Ola mê ka bé, zunta miga vija, fa: ta ky ngoso ku ãn un, punda mbê lêlu ma Ân pendê. ¹⁰ Mora é mé, ãn nga sê, tê ngonso ny wê anzu Dêsu ra whã

pekarô ky lêpendê. ===== ⁸ Ê kualí mengai ku ka tê kuiné Patá si é bi pendê whâ rê, é na ka yerê whâ lâmpara, bari kay sô ngoló turu até ma é ka bê wa? Sô olá é ka bê é ka zunta ané miga ku nkenu pótó, só fa: ⁹ 'Gogô ku an, punda hun bê lêlu ma hun pendê. ¹⁰ Mora é mé ma nga fa sê, ma é ka tê fesa whê anzu Desú ra whâ pekaró ku ka lependê'. >>>>>> 2d79192f68f6c09435f197bbddfa7cde32f47dea ===== ⁸ Ê kualí mengai ku ka tê kuiné Patá si é bi pendê whâ rê, é na ka yerê whâ lâmpara, bari kay sô ngoló turu até ma é ka bê wa? Sô olá é ka bê é ka zunta ané miga ku nkenu pótó, só fa: ⁹ 'Gogô ku an, punda hun bê lêlu ma hun pendê. ¹⁰ Mora é mé ma nga fa sê, ma é ka tê fesa whê anzu Desú ra whâ pekaró ku ka lependê'. >>>>>> a8db8dc43e1234d7ab0735cc733cecc20dbe6f3f ===== ⁸ Ê kualí mengai ku ka tê kuiné Patá si é bi pendê whâ rê, é na ka yerê whâ lâmpara, bari kay sô ngoló turu até ma é ka bê wa? Sô olá é ka bê é ka zunta ané miga ku nkenu pótó, só fa: ⁹ 'Gogô ku an, punda hun bê lêlu ma hun pendê. ¹⁰ Mora é mé ma nga fa sê, ma é ka tê fesa whê anzu Desú ra whâ pekaró ku ka lependê'. >>>>>> d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD ¹¹ Anto Jizu fa: Whâ omé tinha dôsu na, ¹² masi novu ané tata: Tata, da un patxi ben ku sa lédêlu un. Axe, é patxi kua mē leda ku ané. ===== ¹¹ Sô Jizu fá: "whâ omé ta ku dossu ná, ¹² Masi novu ané fa tata: Tata é, ran patxi likeza ku sa ri hun pa hun lera. Sô é patxi ku ané migu rê ku ané. >>>>>> 2d79192f68f6c09435f197bbddfa7cde32f47dea ===== ¹¹ Sô Jizu fá: "whâ omé ta ku dossu ná, ¹² Masi novu ané fa tata: Tata é, ran patxi likeza ku sa ri hun pa hun lera. Sô é patxi ku ané migu rê ku ané. >>>>>> a8db8dc43e1234d7ab0735cc733cecc20dbe6f3f ===== ¹¹ Sô Jizu fá: "whâ omé ta ku dossu ná, ¹² Masi novu ané fa tata: Tata é, ran patxi likeza ku sa ri hun pa hun lera. Sô é patxi ku ané migu rê ku ané. >>>>>> d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD ¹³ Sô naria motxi wha, na maxi novu zunta turu kua mē tê, siê ba whâ tia longi nha dana ben rê kopua kua ma na ka pisiza gasta lêlu rê ku kua malaboia. ¹⁴ Sô, ola mē gasta turu, sô whâ fomi ngairu tua tia é komesa ka pasa mali. ===== ¹³ Sô whâ dossu ria na masi novu zunta turu kua ma é ta kuê sie ba whâ tia londji sô yngué é gasta likeza é kopua kua ma é na ta mesê wha sô gastá lêlu rê a tóa. ¹⁴ Sô olá é gastê turê, whâ fomi ngay letxa tia é sô é komesá ka pasa nesesisari. >>>>>> 2d79192f68f6c09435f197bbddfa7cde32f47dea ===== ¹³ Sô naria motxi wha, na maxi novu zunta turu kua mē tê, siê ba whâ tia longi nha dana ben rê kopua kua ma na ka pisiza gasta lêlu rê ku kua malaboia. ¹⁴ Sô, ola mē gasta turu, sô whâ fomi ngairu tua tia é komesa ka pasa mali. >>>>>> a8db8dc43e1234d7ab0735cc733cecc20dbe6f3f ===== ¹³ Sô naria motxi wha, na maxi novu zunta turu kua mē tê, siê ba whâ tia longi nha dana ben rê kopua kua ma na ka pisiza gasta lêlu rê ku kua malaboia. ¹⁴ Sô, ola mē gasta turu, sô whâ fomi ngairu tua tia é komesa ka pasa mali. >>>>>> d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD ¹⁵ Ê komesa ka taba pa whâ nkênu tia é, ku mandê pa kampu rê, pē tua konta pōkô. ¹⁶ Sô tava ka mé kua ma pokô tia ka mé, punda ny whâ ngê na tia ka dé mé wha. ===== ¹⁵ Ê komesá ka taba ra wá nkênu tia é, ku mandê ba mévia rê ba tua konta pokô. ¹⁶ Sô é komesá ka mé txó txó txó fufu mé ma pokó ka mé punda ne whâ nkênu na ta ka ré mé wha. >>>>>> 2d79192f68f6c09435f197bbddfa7cde32f47dea ===== ¹⁵ Ê komesá ka taba ra wá nkênu tia é, ku mandê ba mévia rê ba tua konta pokô. ¹⁶ Sô é komesá ka mé txó txó txó fufu mé ma pokó ka mé punda ne whâ nkênu na ta ka ré mé wha. >>>>>> a8db8dc43e1234d7ab0735cc733cecc20dbe6f3f ===== ¹⁵ Ê komesá ka taba ra wá nkênu tia é, ku mandê ba mévia rê ba tua konta pokô. ¹⁶ Sô é komesá ka mé txó txó txó fufu mé ma pokó ka mé punda ne whâ nkênu na ta ka ré mé wha. >>>>>> d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD ¹⁷ Mazi é kié né mé fa: kantu tabarô tata un tê masi pa mé, an ingê ka muê ku fomi. ¹⁸ Nga ba lêlê tata un nga fé: Tata, ân peka kontlê osé kontla ô. ¹⁹ Na sa buaru dy sa samaru na ô wha. Zi un mora tabarô ô. ===== ¹⁷ Sô é bi sintxi sô é fá: kuantu tabaró tata hun tê yô mé pa é mé an yngé ka muê ku fomi! ¹⁸ Nga bá lêlê tata hun sô nga fé: Tata, nzi pekaró kontlê osé só kontlê ô. ¹⁹ Ná meresé sa na ô wha, tlata hun mora whâ tabaró ô. >>>>>> 2d79192f68f6c09435f197bbddfa7cde32f47dea ===== ¹⁷ Sô é bi sintxi sô é fá: kuantu tabaró tata hun tê yô mé pa é mé an yngé ka muê ku fomi! ¹⁸ Nga bá lêlê tata hun sô nga fé: Tata, nzi pekaró kontlê osé só kontlê ô. ¹⁹ Ná meresé sa na ô wha, tlata hun mora whâ tabaró ô. >>>>>> a8db8dc43e1234d7ab0735cc733cecc20dbe6f3f ===== ¹⁷ Sô é bi sintxi sô é fá: kuantu tabaró tata hun tê yô mé pa é mé an yngé ka muê ku fomi! ¹⁸ Nga bá lêlê tata hun sô nga fé: Tata, nzi pekaró kontlê osé só kontlê ô. ¹⁹ Ná meresé sa na ô wha, tlata hun mora whâ tabaró ô. >>>>>> d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD ²⁰ Sô maxivi xiê ba tê ku tata rê. Na longi tata rê bê, xiaru ku pena, kôlê ny nga mē sa né, buí y bējé. ²¹ Sô ná fa: Tata, un peka kontla osé kontla ô, na buaru dy sa samaru ná ô wha! ===== ²⁰ Sô mósú é syê ba lêlê tata rê Sô é ta londji anda tata rê bê, ku yô pena rê é kolê ba nga ma é sa né é bafuté rê bejinho. ²¹ Sô mósú é fa: Tata hun zi pekaru kontlê osé só kontlê ô, a na toká sama hun ná ô wha. >>>>>> 2d79192f68f6c09435f197bbddfa7cde32f47dea ===== ²⁰ Sô mósú é syê ba lêlê tata rê Sô é ta londji anda tata rê bê, ku yô pena rê é kolê ba nga ma é sa né é bafuté rê bejinho. ²¹ Sô mósú é fa: Tata hun zi pekaru kontlê osé só kontlê ô, a na toká sama hun ná ô wha. >>>>>> a8db8dc43e1234d7ab0735cc733cecc20dbe6f3f ===== ²⁰ Sô mósú é syê ba lêlê tata rê Sô é ta londji anda tata rê bê, ku yô pena rê é kolê ba nga ma é sa né é bafuté rê bejinho. ²¹ Sô mósú é fa: Tata hun zi pekaru kontlê osé só kontlê ô, a na toká sama hun ná ô wha. >>>>>> d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD ²² Anto tata fa ané tabarô rê: Bé seru bi ku kabisi mxi buaru bixié, pē whâ néli ny dedu rê sapatu ny opé. ²³ Bi turu ku whâ na buê masi gôrô maté, pa non mé komemora whâ fesa. ²⁴ Sô ná un ky muê sô aié é sa vivu. Tinha pendêru mazi a tô bê. Turu nkênu komemora. ===== ²² Sô tata rê fa: tabarô rê: bé seru só bi ku kabiê, pē whâ, neni dedu rê ku sapatu opé rê. ²³ Bi ku whâ ná buê netaru maté; non ka mé sô zi whâ fesa! ²⁴ Punda mósú hun ta muêru ayê é sá vivu. Ê tá pendêru sô a bi bê. Sô turu ané zi fesa. >>>>>> 2d79192f68f6c09435f197bbddfa7cde32f47dea ===== ²² Sô tata rê fa: tabarô rê: bé seru só bi ku kabiê, pē whâ, neni dedu rê ku sapatu opé rê. ²³ Bi ku whâ ná buê netaru maté; non ka mé sô zi

whã fesa!²⁴ Punda mósú hun ta muêru ayê é sá vivu. Ê tá pendêrú sô a bi bê. Sô turu ané zi fesa. >>>>>>
a8db8dc43e1234d7ab0735cc733cecc20dbe6f3f =====²² Sô tata rê fa: tabarô rê: bé seru só bi ku kabiê, pê whã, neni dedu
rê ku sapatu opé rê.²³ Bi ku whã ná buê netaru maté; non ka mé sô zi whã fesa!²⁴ Punda mósú hun ta muêru ayê é sá
vivu. Ê tá pendêrú sô a bi bê. Sô turu ané zi fesa. >>>>>> d821b2e0346d0b31d63486c62e52658c47c7c9ca <<<<<< HEAD
<<<<<< HEAD <<<<<< HEAD²⁵ Sô dy ané kuê ná rê masi tamé ta ka tabakampu. Sô ola ma é siga petu kai, ndê tometu
vungu ku foga.²⁶ Ê sama ná kia puté kua ku pasa.²⁷ Ná kia kundji: na nimo ô tô bi kai, punda kua é, tata ô mata ná buê
maxi ngorô, punda é tô bi buaru y sêguru. =====²⁵ Sô ra kua é mósú rê masi tamé ta ka taba mevia. Ola é ta ka vitxa
kay é ndê kioyô vungu ku foga.²⁶ Ê sama tabarô sô puté kua ku tá nha.²⁷ Tabarô kundji: Ná amon ô tô bi kay sô ra kua é
tata ô mata na buê masi netaru, punda é tô bi ku saúri ku seguransa. >>>>>>
2d79192f68f6c09435f197bbbdfa7cde32f47dea =====²⁵ Sô ra kua é mósú rê masi tamé ta ka taba mevia. Ola é ta ka vitxa
kay é ndê kioyô vungu ku foga.²⁶ Ê sama tabarô sô puté kua ku tá nha.²⁷ Tabarô kundji: Ná amon ô tô bi kay sô ra kua é
tata ô mata na buê masi netaru, punda é tô bi ku saúri ku seguransa. >>>>>>
a8db8dc43e1234d7ab0735cc733cecc20dbe6f3f =====²⁵ Sô ra kua é mósú rê masi tamé ta ka taba mevia. Ola é ta ka vitxa
kay é ndê kioyô vungu ku foga.²⁶ Ê sama tabarô sô puté kua ku tá nha.²⁷ Tabarô kundji: Ná amon ô tô bi kay sô ra kua é
tata ô mata na buê masi netaru, punda é tô bi ku saúri ku seguransa. >>>>>>
d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD²⁸ Ná maxi tamé sa ku leva
na tia mèsê letxa wha. Anto tata xiê lugê pa é letxa.²⁹ Mazi ná rê kundji fa: sô turu anu é taba ra ô mora whã ná kia un
taba da ô nansé na zi né whã mali wha, axémé, nansé Sun na da whã ombô pa ãn zi fesa ku ané migu un.³⁰ Mazi, ola ná ô,
loké ki turu ben rê ku mengai vira, tô bi, Sun mata ré na buê maxi ngôrô. =====²⁸ Mósú masi tamé fika ku leva sô na
mèsê letxa wha. Sô tata rê siê ba pindjiê pa é letxa.²⁹ Mazi mósú é kundji é fa: Pia turu anú é hun taba ra ô mora whã ná
kia nunka na kebia né wa kua ma bô ka manda hun wa; Asyé mé; sun nunka na ran whã ná kabila pa hun zi whã fesa ku
migu hun wa.³⁰ Mazi ola mósú ô ku gastá turu likeza ô ku ané mengay vira, é tô bi, Sun mata whã na buê masi netaru.
>>>>>> 2d79192f68f6c09435f197bbbdfa7cde32f47dea =====²⁸ Mósú masi tamé fika ku leva sô na mèsê letxa wha. Sô
tata rê siê ba pindjiê pa é letxa.²⁹ Mazi mósú é kundji é fa: Pia turu anú é hun taba ra ô mora whã ná kia nunka na kebia
né wa kua ma bô ka manda hun wa; Asyé mé; sun nunka na ran whã ná kabila pa hun zi whã fesa ku migu hun wa.³⁰
Mazi ola mósú ô ku gastá turu likeza ô ku ané mengay vira, é tô bi, Sun mata whã na buê masi netaru. >>>>>>
a8db8dc43e1234d7ab0735cc733cecc20dbe6f3f =====²⁸ Mósú masi tamé fika ku leva sô na mèsê letxa wha. Sô tata rê siê
ba pindjiê pa é letxa.²⁹ Mazi mósú é kundji é fa: Pia turu anú é hun taba ra ô mora whã ná kia nunka na kebia né wa kua
ma bô ka manda hun wa; Asyé mé; sun nunka na ran whã ná kabila pa hun zi whã fesa ku migu hun wa.³⁰ Mazi ola mósú
ô ku gastá turu likeza ô ku ané mengay vira, é tô bi, Sun mata whã na buê masi netaru. >>>>>>
d821b2e0346d0b31d63486c62e52658c47c7c9ca <<<<<< HEAD <<<<<< HEAD <<<<<< HEAD³¹ Mazi tata kundji é: Ná un
sempli ô sa ku ãn turu kua ky sa dy un sa dy ô.³² Mazi nó tia ky zi fesa é ku ngosô, punda manu ô tava motxi aié é sa vivu,
é tava pëndêdru mazi aié a bê. =====³¹ Mazi tata kudji é: 'Mósú hun sémplé bô sa ku an sô turu kua ku sa ri hun sa riô.
³² Mazi non tê ku zi fesa ku ngostô, punda ná amon ô tá muêrru ayê é é sa vivú, é ta pendêrú a bi bê.' >>>>>>
2d79192f68f6c09435f197bbbdfa7cde32f47dea =====³¹ Mazi tata kudji é: 'Mósú hun sémplé bô sa ku an sô turu kua ku
sa ri hun sa riô. ³² Mazi non tê ku zi fesa ku ngostô, punda ná amon ô tá muêrru ayê é é sa vivú, é ta pendêrú a bi bê.'
>>>>>> a8db8dc43e1234d7ab0735cc733cecc20dbe6f3f =====³¹ Mazi tata kudji é: 'Mósú hun sémplé bô sa ku an sô turu
kua ku sa ri hun sa riô. ³² Mazi non tê ku zi fesa ku ngostô, punda ná amon ô tá muêrru ayê é é sa vivú, é ta pendêrú a bi
bê.' >>>>>> d821b2e0346d0b31d63486c62e52658c47c7c9ca

Chapter 16

¹ Jizu turu fa ané melú rê: "Tá ku whã omé liku ku ta ku whã tabarô ma a ba fá ma é seka rana likeza rê. ² Sô omé liku
samé só fa: 'Yê kuay ma nseka ndê ma a seka fa riô ? Zi konta suvisu ô punda bô na poy tô sa tabarô un nyngi wha. ³
Tabarô é fa kuê mé: kua ngá zi, ma sun sêka txia un fô suvisu tabarô? Na té fosa wha pa un biri kóbó ntê vegonha pindji. ⁴
Nta kua má nga Zi ra ola a ka txia un fô suvisu, nkênu ka bitua un pê kai rê. ⁵ Sô tabarô sama kara whã nkênu ku devê dy
sefi rê só punta pumbêlu: 'kuantu bô devê sefi un? ⁶ Ê fa: 'dosú sentu pata ólio pema. Sô tabarô fa rê: 'Tua konta ô tanson
sérú sisika ma bô devê whã sentu. ⁷ Sô tabarô fa ôtô: 'Bô kunato bô devê? Sô é kundji fé: 'Dosú sentu kilu tingú. Ê fé: Tua
konta ô sisika whã sentu ku mé tatú. ⁸ Sun gaba tabarô má fé, punda é zi kua ku whê sia. Punda ná tia é sa masi fontaru
ku povô rê ku ka bi dokê na kandja. ⁹ Nga fá sê: 'Zi migu ra sê mé punda lekeza má fé rá ola ané ka lokê, ané ka tua sê ny
kay atê. ¹⁰ Nkênu ku sa buaru ny pôkô tambeka sa buaru ny motxi sô nkênu ku sa mpa fé ny pôkô ka sa má fé turu ny
motxi. ¹¹ Sá asiê, si bô na fô buaru di zi likeza tia é wha, ngey ka ba kunfia ni bô ku likeza verá wha. ¹² Si bô na fô buaru ku
lêlú ôtô ngê wha, nkênu kutxi ka ra sê ri sê? ¹³ Nê whã ná kia na ka pô sivi dosú mészé wha ô é ka nega whã gôgô ku ôtô, ô
é ka ta kota whã bilá méma ra ôtô. Sê na ka pô sivi Desú só sivi likeza wha". ¹⁴ Olá ané fasu, ku ta ka gôgô ku lebu ndê kua
é, ané sitia. ¹⁵ Mazi Ê fa: "Sê ka zi zugamentu whã ku ôtô, mazi Desú ta kosó sê. Nkênu si ku ka musa ngay katxi omé na sa
ne whã kua whê Desú wha". ¹⁶ Alé plofeta ta ku pôrê atê Zon vitxa. Sô na nhã, evangelhu lênu Desú sa plegaru só turu
nkênu seka vugú létxa né. ¹⁷ Sô osé ku tia sa masi fasili pasa rô kê whã asentu letla alê kiê. <<<<<< HEAD <<<<<< HEAD¹⁸
Nkênu si ku ka бага ku mengai rê sô kaza ku ôtô sa bandiru sô nkênu ku kaza ku mengai bagaru turu sa dandiru.
===== ¹⁸ Nkênu si ku ka бага ku mengai rê sô kaza ku ôtô sa bandiru sô nkênu ku kaza ku mengai bagaru turu sa

bandiru. >>>>>> a8db8dc43e1234d7ab0735cc733cecc20dbe6f3f ===== ¹⁸ Nkênu si ku ka бага ku mengai rê sô kaza ku ôto sa bandiru sô nkênu ku kaza ku mengai bagaru turu sa bandiru. >>>>>>
d821b2e0346d0b31d63486c62e52658c47c7c9ca ¹⁹ Sô ta ku whã omé liku, ku taka bisi kabisi luxu fina só turu ria ê ta ka zi fesa ku likêza rê. ²⁰ Wha pobli ma a ka sama Lazú, tá zugaru pê pótó rê siaru ku kitó. ²¹ Ê ta ka mèsê mé txo fúfú ku tá ka kiê fô meza omé liku sô até kasô tá ka bi lóló kitó rê. ²² Sô ê rá má pobli é muê ô anzu bé kuê kotá Ablon. Sô liku turu muê a ba tié só ngá aflison ma ê tá nê é boya whê ²³ sô londji é bê Ablon ku Lazú kostaru pê kotá Ablon. ²⁴ Sô é ngítá fa: "Táta Ablon tê pena hun, manda Lazú minhã ponta dedú ku awa lefleska lúngua hun punda hun sêta parisê têtú fôgô é. ²⁵ Sô Ablon: 'Bô nan, lembla ma olá bô tá ka vevia bô tua kua buaru, ôto kiba Lazú tua kua mali. Mazi ayê Lazú sa sosegaru yngé, sô bô sa ni angonia. ²⁶ Sô ra turu kua é a pê whã fogô ngay, ra nkênu ku mesê pasa fô inge ba nha na ka poy wha , sô nê whã nkênu na ka poy la fô nha bi kiba non wha. ²⁷ Omé liku fa: 'Nga pindji ô táta Ablon, pa sun ka manda ka kay tata un, ²⁸ punda hun tê tanon na amon sô hun mèsê pa ané sa vizaru ri nga si tomentu é punda nga mendú pa ané na bi ynge wha'. ²⁹ Mazi Ablon fa: Ané tê Muzé ku plofeta, desa pa ané ndé ané. ³⁰ Sô omé liku kundji: 'ynga táta Ablon, mazi si nkênu katxi motxi ba lêlê ané, ané ka lependé'. ³¹ Ablon fá: 'Si ané na ndé Muzé ku plofeta, wha, nê pa nkênu motxi tô ané na ka kêlê wha'.

Chapter 17

¹ Jizu fa ané mêlu rê: "Kua mali tê ku bi, mazi adi nkênu si ma mali é ka bi nê! ² Sá miô pa é manha whã buru pê singô sata ba mionga, dô kê pa é ra topi pê whã kua si txoororo é. ³ Ka biri whê. Si na amon o zi pekarô fé elê si é sintxi, poré. ⁴ Si é zi pekaru sambari vê kotré ô die mé sô si sambari vê é tô bi lêlô ô fa: "Na to ká zi kua é wha, poré!" ⁵ Ané mêlu flá Sun: "Omenta a fé non!" ⁶ Sun kundji: "Si sê ka tê a fé mora whã inkuê mostara, bô ka fa mulela é: 'Lanka lezi ô sô ba kuna pê mionga é ka kundji sê!' ⁷ Sô ngey katxi sê, ku tê whã tabarô ku ka taba meviá ô nguara sitú, ma bô ka fé ola é ka fô meviá: Bí sô tasó mé? ⁸ Bô na ka fé: Zi mé ran zi seru pê manha whã sintú pê katxi kua bisi sivi hun até ma nga mé tê bêbê, sô bô ka mé tô bebê? ⁹ Sô é tê ka pindji tabarô é obligaru punda é zi kua ma é mandé. ¹⁰ Sê tambê mora é mé ola sê ka zi turu kua ma a manda Sêr sê ka fa: "Non na sá tabarô buaru wha punda non zi kua ma a manda non zi". ¹¹ Tô mundja Jeruzalê, Jizu ta ka pasa makason Samaia ku Galileia. ¹² Sô niwhã fegueja ku iné omé ku lepla. Ané ndja londji rê: ¹³ Sô anpe nguitá, fa: "Jizu, Mésé, tê pena non". ¹⁴ Olá Ê bê ané Ê fa ané: "Sê ka bê ba musa ané saserote". Sô ni mondja ka bê ané fika limpu. ¹⁵ Whã ané bê ma a kulê é tô bi ka gaba Desú ku fosa. ¹⁶ Sô é pê npuna son opé Jizu, ka Ré glasa. Yé era samaritanu. ¹⁷ Sô Jizu puté:: "Sê na sa kuyn ma a kula? wuama só é bô? ¹⁸ Ôto na say ku ka tô bi day gaba Desú, sela bô strangeru?" ¹⁹ Sô fé: "Lata bê ô, a fé ô sô sava ô". ²⁰ Wha vê, ola ané fasu puta kêria ma govenu Desú ka bi, Jizu kundji ané: "Olá govenu Desú ka bi na sa kua ma a ka ta wha. ²¹ Né sê ka fa: 'Ê sa ynge!' ô: 'Ê sá nha!', punda govenu Desú sé katxi sê. ²² Jizu fa ané maêlu rê: Ria ká bi ma sê ka mesê bê whã ané ria na omé, ma sê na ka bê wha. ²³ Sô ané ka fa sê: Ê sa ynge! Ê sa nha! Sê na ka siê né lêlê ané wha! ²⁴ Punda mora ma memia ka luzi ngeé di whã kiba ósê ba ôto asie me ka sa ria ma na omé. ²⁵ Mazi pumbê sela Ê parisê kua foga wha sô yô jilason ka zeté. ²⁶ Mora ma ria Noê ra, mora é mé ma ria na omé ka bi ra. ²⁷ Ané ta ka mé ka bebê, ta ka kaza sô tô ra rá kazamentu, até ria ma noé letxa orka sô suba sobê likê ku turu kua. ²⁸ Mora é mé ma é ra ku ria Lô: Ta ka me ka bebê ka kopua ka bendê ka kuna ka zi kay. ²⁹ Mazi ria ma Lô siê fô Sorôma, fôgô ketxi sobê fô osé loké ku tutu kua. ³⁰ A siê ka Ria na Omé ka bi. ³¹ Diê nkênu ku ka sá terasú sô tá ku likeza kay, é na desê bi tuê wha. Sô ta ku likeza kay, é na desê bi tuê wha. Sô nkênu ku sa meviá na ka tô bi mema wha. ³² Sê ka lembua mengai Lô. ³³ Nkênu ku ka ngolô nganha vira rê ka pendê, mazi nkênu ku ka pndê vira rê ka savé. ³⁴ Nga fa sê ma nsuku é mé dosú ka sa kama, whã ka bê só ôto ka fika. ³⁵ Dosú mengai ka seka dumu minha zuntu a ka tua whã desa ôto. ³⁶ Dosú ka sa meviá a ka tua whã desa ôto. ³⁷ Sô ané puté: "Andji, Sun?" Ê kundji ané: "Nga ma ongê ka sa né ongê situ ka zunta né turu."

Chapter 18

¹ Sô jizu tanga ane wã vesu de mora ma ane tô ka fa loson sê zamina. ² Fa: Ma wã zuxi ni wã poson ku na tá ka mendu Desu ni lispeta nkênu wa. ³ Poson é mé ta ku wã mengai ma home muê, ku ta ka bi lêlê simple, ka fa: Zi un zustisa kontrê numigo un; ⁴ Ma yô ria é na ta plontu zurê wa, mazi sô é fa kôsô rê: Un pô na ka mendu Desu ni lispeta ane home wa. ⁵ Punda mengai kazaru é ku ka satia un, nga ba tlata di zié justisa, ma é ka ndja de komora un. ⁶ Sô Sun fa: Ndê kua ma zuxi fasu é ka fa. ⁷ Dêsu na ka zi justisa ane nkênu ma é koiê, ku ka nguita rê sólo ku nsuku, ma é na ka langa zura ane wa? ⁸ Nga fa sê ma é ka zi justisa seru: Sô ola Ná home ka bi, Ê ka bê afé diba tia? ⁹ Sô jizu tanga wã vesu da wã dosu ane ku sa conveseru ma ane sa justu, ka baxa ôto. ¹⁰ Dôsu home subi ba ngeza ba fa lason, wã ta fasu ôto ta wã koblarô impostu. ¹¹ Fasu, ndja ta ka fa lason kuê mé ka fa: Desu nga pindji Ô punda na sa mora ane home, ladlo ku ka fa mali ôto bandiru sô ne mora koblarô impostu é wa. ¹² Nga zi jinju dôsu vê kara somana nga ra dizimu turu lêlu ma nga ganha. ¹³ Mazi koblarô impostu ndja londji sê mèse lata wê rê ba diba batê pêtú, ka fa: Dêsu tê pena un, pekarô. ¹⁴ Nga fa sê ma home é tô bêrê kai rê justifikaru sô ôto wa, punda turu nkênu ku ka zanga ka sa kosi, sô turu nkênu ku ka sa kosi a ka zangé. ¹⁵ Ane nkênu turru tá bú ku ná pikina ré pa é digié mazi ola ana mélu ré békua é ane ketá. ¹⁶ Magi zizu sama ane fá: desa ná pikina bi lélé un, na traza ane wa. punda ane sa di lênu Dêsu. ¹⁷ Nga fa sê veré, ma nkênu si ku na tua lênu Dêsu mora ná pikina wha di ne wá mora é ka letxa né wa. ¹⁸ Wã dôsu ngé ngai puté, fa: Mése, kua nga zi pa un lera vira até até. ¹⁹ Sô jizu kundji é: punda kuai bô ka sama un buaru ra, Nêwã nkênu na sa buaro wa, xi é na sa wã ku sa buaru, si é na sa wã ku sa Dêsu wa. ²⁰ Bô ta mandamentu: na ngolo home ó mengay matu wa, na mata wa, na futa wa, na tangá sirigá wa, lispeta

táta ô ku máma ô. ²¹ Sô é fa: turu kua é un zié na un tá jóve. ²² Sô jizu ndé kua é fé : É fata ô wã kua : béndé turu kua ma bô té patxi ra pobli só bô ka té likéza osé só bi lélé un. ²³ Mazi é ndé ane kua é é tá konvóru fogá wa punda é ta liku foga wa. ²⁴ Sô ola é bē home é konvoru, jizu faré: Mora ma é ka kusta wã liku letxa lénu Dêsu, ²⁵ Punda é sa masi fasili wã kamélu la fundu wã guia dóké wã liku letxa lénu Dêsu. ²⁶ Ane nkénu ku ndé kua é puta: Antó ngey ka pó sava, ²⁷ Jizu kundji: kua ka kusta ane nkénu Dêssu ka zié. ²⁸ Sô Peru fa: non ka desa turu kua ma non té sô lélé té, ²⁹ sô jizu fa ane: kua veré ma nga fa sê, ma nêwã nkénu ku ka desa kai, mengai, ná, táta ku máma, ku na punda lenu Dêsu, ³⁰ Ku na ka tua masi ni tempu é só ni ôtô tempu, vira até até. ³¹ Sô é tua ane kuine dosú, só fa ane: non sêka banda ba Jeruzalém sô é ka kumpli turu kua ma pofeta tá sisiká di na home. ³² Punda ane ka bi ré zintxi, ma ka zié tuzan só taté mali só tô kupié. ³³ Sô ola ane ka ré xikotxi ane ka ba maté sô ri tési ria é ka tô kora. ³⁴ Ane na bi ta ne wã kua é wa; lumba é ta kulu ra ane; Ane na bi ta kua ma sê ka fa ane wa. ³⁵ Ê ra ma ola jizu ta ka pozê jerikó, nha ta ku wã segu tasóru bóro mondja, ka pindji jimola. ³⁶ Sô é ndé yô nkénu ka lá, é puta kuai ku tá ka ra. ³⁷ Só ane fé ma Jizu Nazaré ta ka lá. ³⁸ Só segu ngita ka fa; Jizu na david, té pena un. ³⁹ Ane ku tá ka ba whé keta kué pa é kaboka. mazi é komesa ka ngita masi anda; Na david té pen aun. ⁴⁰ Jizu ndja manda pa ane bi ku home é kota rê. Sô ola segu ta ka vitxa kota Jizu é puté: ⁴¹ kuai ma bô mēsê pa un zió. E fa: sumu ma nga tó bē. ⁴² Sô Jizu faré: Piá, afé ô sava ô. ⁴³ wélé mé é bē, é lélé mema ka gôgô ku Dêsu. Turu pôvô, bē kué, ka kata da Dêsu.

Chapter 19

¹ Jizu letxa Jerikó ká passa pôsso. ² Magi inguê ta ki un-ua omé ka sama Zaqueu, ki tia xefi de ané nguê ki ka kobra impostu e é tia liku. ³ Ê ta ka ngolo pia nguê sa Jizu, magi é na tia ka bē-wa punda diba de yô-nguê, punda é tia kutu. ⁴ Só, Zaqueu kolê ba wê turu ané e subi un-ua figueira pē bē Jizu, punda Ê tia kuazi ka passa nha. ⁵ Ôla ma Jizu ndu nha, Ê pia diba e fá: Zaqueu, dèssê séru punda ozé Nga fika kai-ô. ⁶ Entô, é dèssê séru e tu-É ki gosto. ⁷ Ôla ma ané bē kué, ané leva, fá: Ê ba pia un-ua omé pekarô. ⁸ Zaqueu lata e fá Sun: Pia, Sun metari bēn-un nga da pobli e si un nga ané kua ané, ân nga da ané kuana veze dingui. ⁹ Jizu fé: ozé salvassó xiga kaié, punda êlê també sa ná de Abrón. ¹⁰ Punda na omé bi pa tua e salva nguê sa pénderu. ¹¹ Ôlô ma ané tia ka ndê kuê, Jizu tô fa. Tanga ané un-ua vessu, punda sa xiga Jerusalén e punda ané pensa ma Reino Dessu vitxia wêlê-wêlê. ¹² Ê fá: Un-ua omé liko é ba un-ua tia longe pē ba possi reino pē tô bi. ¹³ Ê sama kuin nguê Rê, da ané kuin mina e fá: Bendê até sê ka bi. ¹⁴ Magi ané nguê possó Rê odié e manda un-ua grupu méma Rê fá: Nó na mēssê ma omé-é manda nó wa. ¹⁵ Zó ma pē kôroa de alê, tô bi e manda samá ané sivirô mē da lêlú, pē ta luku ki da negóxo. ¹⁶ Pimelu bi wê rê e fá: Sun, mina-ô tô da kuin mina. ¹⁷ Kundji ané: buaru, sivirô buaru. Punda bô foi buaru ki txo, bô ka tê purê diba kuin possó. ¹⁸ Segundu bi fá: Sún, mina ô tô da tanó mina. ¹⁹ E liku fá: Bô ka tê purê diba tanó possó. ²⁰ E é bi ôtô fa: Sún, ya mina Ô ya ma un buyá dizu létu lansóló, ²¹ Punda ân-un tia ki mendo ô punda Bô sa un-ua omé duru. Bô ka txia kua ma ô na pē wa, koyê ma ô na ximia wa. ²² Liku fé: Punda popi fa-ô ka zuga-ô, nkénu mafé. Bô ta ma Ân sa un-ua omé duru, ki ka txia kua mē na pē-ua e koiê kua ma é na kuna-wa. ²³ Punda kuai bô na pē lêlu-un banko wa! Axé, ma nga bi, nga tué ki juru. ²⁴ E fá nguê tia inguê: txia mina rê e da nguê ki tê kuin mina. ²⁵ Ané fá: Sún é tê kuin mina za! ²⁶ Ân nga fá sê: Nguê tê, magi a ka tô dé, magi nguê na tê-wa, até issi mē tê ka tô sa txiaru. ²⁷ Sô pa ané numgo-un, ki na messê pa Un manda ané wa, bi ki ané inguê e mata ané wê un. ²⁸ Mē fa ané kué, bē wê ané, subi Jerusalém. ²⁹ Ê da ma, ôlo ma Ê siga petu de Betfagé e di Betania, zuntu londé ki sa samaru das Oliveira, manda dossu siguirorê, ³⁰ fá: Ba petu povo. Ôlo ma ô ka letxa, bô ka bē un-ua jumentinho manharu ma né-un-ua nguê nassi subié wa. Duê e bi kué da Un. ³¹ Si nguê puta: Punda kuai bô duê! Fá: Sún mē sê. ³² Nguê sa mandaru bē jumentinho axé sa mora Jizu fá ané. ³³ ôlo ma ané tia ka duê, dono fá ané: Punda kuai sê sa duê jumentinho! ³⁴ Ané kundji: Sún ka messê ané. ³⁵ Ané bikuê da Jizu, pē manta rê diba jumento e pē Jizu diba rê. ³⁶ Mindjira ma kua ta ka ndá, nguê tia ka sendê manta ané pē mondja. ³⁷ E ôlo ma é tia ka siga dèssida de Monte de Monte das Oliveira turu nguê de siguirô Rê komessa ka fika kontente e ka kata de Dessu ki fossa de purê ma ané bē, ³⁸ fá: Bendito sa Alê ki ka bi de nome Sún. Pazi ni onsê e glória diba! ³⁹ Un-ua ané farizeu katxi yô nguê fa ané: Messê, repreendê ané siguirô-ô. ⁴⁰ Jizu kundji, fá: Nga fá sê, si ané kaboka, buru ka ba fá! ⁴¹ Ôlô Jizu siga petu possó, bē, súa dé, fá: ⁴² Si ozé sê konsê kua ki ka bi ku paze! Magi aié ané kué sa konderu da wê sê. ⁴³ Punda ané numigo ka bi dia zi kobo bandji ô, ané ka pē ô katxi, vugu ki-ô turu kiba. ⁴⁴ Ané ka ba umilha-ô né ná-ô. Na ka dessa buru diba buru wa punda bô na ta ôla ma vizita-ô wa. ⁴⁵ E Jizu letxa nguêza, komessa ka kolê ki nguê ki tia ka bendê, ⁴⁶ fa ané: Ê sa skeveru: kai Un sa kai de lassó, magi sê zé un-ua luguê ladró. ⁴⁷ Jizu ka sina turu dia ni nguêza. Magi ané xefi de sasserdote, eskriba e xefi povô ngo-Lé maté. ⁴⁸ Ané na bē, né-un-ua moru de zé, punda turu povô tia ka Ndê atento.

Chapter 20

¹ Ê da ma, setu djá, Jizu tia ka xina povo ni guêsa i ka fa di vangelho; é vita sefi Sacerdoti i Escriba, ki ané Acion ² i punta fá nó: "Kuali porê bô ka zi ané kuê? Ê nguê da Sê pôrê sé"? ³ Ê Kundji ané: "Hun també ka puta sê: 'Fá Hun ⁴ batizu di Zon sa d'océ ô di homé'? ⁵ Ané tia ka keta ki ané mé, ka fa: 'Si sê kudji: 'd'océ', Ê ka fá: 'punda kuai sê na kia kêlê nê wa'? ⁶ Magi si sê fa: 'di homé', turu pôvô ka da nó ki buru, punda bô sa setu ma Zon Batista sa profeta". ⁷ Antó ané kudji ma ané na tá angi é sa wa. ⁸ Jizu fa ané: "Nê an na ka fa sê kuali pôrê ma an ka ané kué kuê". ⁹ Jizu ka komesa ka konta pôvô ané vesu né: "Uã homé kuna uã vinha, lendé da nguê ki ka zivi i siê fo tia yô djá. ¹⁰ Siga uã djá é manda uã sevili lekaru da né nguê ki ka zi ya pē dē uã kuê di vinha. Magi é beté i mandé beré dingui mó secu. ¹¹ Antó é tô manda otô na lekaru da né nguê, magi nguê beté, zipocarê é tô mandé dingui mó secu. ¹² Ê tô manda zi têsê vê, magi ané légé kolekuê. ¹³ Anto donu di vinha fá: 'kua nga zi? nga manda mosu hun amaru. Ê ka pô respeitê'. ¹⁴ Magi ola ma nguê ka zi viê bē, ané keta ki ané mé, fa: 'Sê

sá donu. bá nó maté pa nó sa donu'.¹⁵ Ané kolé kuê ni vinha i maté. Kua ané ka zi, da donu di vinha?¹⁶ Ê ka bi daná nguê sa zi vié da otô nguê vinha. Ola ma ané ndê kuê, ané fá: "ma kuê na ka da wa"!¹⁷ Magi Jizu bia ané fa: "kuê sa kuai ki sa kêveru: 'Buru ma consttutoru zeta bila buru ngola'?¹⁸ Turu nguê ki ka kiê diba buru ê ka fika ngigue, nguê mé ka kiê diba rê ê ka bila ompô".¹⁹ Ni oré ê, escriba e ané sefi sacerdoti ngólô uã moru pa tê pesu, punda ndê ma vesu mê tia faru sa da ané. Magi ané mendu pôvô.²⁰ Ê diê ki kuiraru, manda vijaru, findji di nguê buaru, pa pie si a ka bê ni fa rê, ê dé juridiku i purê di govenu.²¹ Antó ané punté fa: "Mêsé, nó ta mó ka fa i xina buaru i na ka zi kua mora nguê wa, magi ka xina mondja Desu ki veré."²² Ê na sa buaru paga impostu da Césa ô inó?²³ Magi Jizu ndê stusia ané ê fa:²⁴ "Musa Hun uã denáru. Di nguêi sa figula eskeveru né?" Ê ané kudji: "Sé Césa"²⁵ Jizu fa: "Antó da Césa kua di Césa da Desu kua di Desu".²⁶ Ê ané na bê né uã fala mali rê wa ni wê pôvô, magi spantaru ki kua mé kundji ane ka boka.²⁷ Otô sacerdoti xiga zuntu rê, ki tia ka fa nguê motxi na ka lata wa,²⁸ a punté fa: "Mêsé, Muzezi desa da nó skeveru si, manu di uã nguê muê, sá kasaru ê na tê ná ua, ê sa pê tua mora mengai rê viuva ê da ná da manú ré."²⁹ Ê tia seté mano. Pimelu kasaru ê muê sê nó;³⁰ segundu tembé³¹ i sô tesê kasa ki viuva, e turu seté ê, tembé na desa nawa ê muê loke.³² Ê mengai tembé muê. Antó ni lata di kuali ané ê ka ba sá mengai rê? Punda turu nguê ê tia kuê mora mengai?"³⁴ Jizu fá ané: "Na di tiê ka kasa ê to dá ni casaru."³⁵ Magi nguê sá zugaru buaru di tê nguê sa ê ka tê resureson katxi motxi a ná ka kasa wa né ané ka dá ni kasaru wa.³⁶ Ané na ká tô muê dingui wa, punda ané sa mora ansu ku sá na Desu, sa na di resureson.³⁷ Punda nguê motxi ka lata, mora ma Muzezi fa tembé ni luguê di sarça ki tia ka deiê, me ka sama Sun Desu di Abron, Desu di Isaqui, i Desu di Jacó.³⁸ Desu na sa Desu di motxi wa, magi di vivu, punda da Elê turu nguê ka vivê".³⁹ Ané escriba fá: "Mêsé, kundji buaru".⁴⁰ Ané na tô puté wa.⁴¹ Magi Jizu putá ané: "Ma sê ka pô fa ma Kristu na mosu di Davi?"⁴² Punda popé Davi fa ni livu di Salmu: "Sun fa da Sun mu: "Tasó direta hun,⁴³ até hun nga pê numigu ni mondja di Ôpê!⁴⁴ Si Davi ka sama Kristu di Sun, ma Ê ka pô sa mosu rê?"⁴⁵ Ê má turu pôvô tia ka ndê, ê fa dá ané nkenu re:⁴⁶ kuidaru kê ané escriba, ki ka gosta nda ki tunika, gosta di mantha ni kua, banco maxi buaru ni sinagoga ê pimelu luguê ni banquetu,⁴⁷ ki ka dana kai viuva, ki fa di orason motxi: Ané é ka tua uã uã connaru motxi maxi glavi.

Chapter 21

¹ Jizu lantá wê i Ê bê ané liku ka pê jimola ni klofi nauêza. ² Ê Bê uã viuva pobli ka pê uã dosu txo txo txo lelu. ³ Sô ê fa: "Ni veré nga fa sê, ma viuva pobli ê dá maxi do kê turu ané. ⁴ Só turu ané dá kuaxi ku ta ka sovesa. Magi viuva ê ni pobli rê da turu kua mé tava kuê pê vivê. ⁵ Ê uã ané tava ka fa di kia Desu, mora me tava glavi ku buru ê nê di ofeta ku ta ka bi di yô nguê. ⁶ Só Jizu fá: "Turu ané kuê ma sê ka bê ê ka bi tê ria me na ka tô tê buru diba buru ku na ka sa baguru wa. ⁷ Ané só punté: mêsê kê ria ma, ané kuê ka bi dá? I kuali sá xinali ma ané kiê ka bi dá. ⁸ Jizu kundji: "Tê kuramu pa a na ka na sê wa; punda yô nguê kabi nó nomi uã, fa. "A uã sá ele i tempu sá petu zá! Na lelêwa. ⁹ Olá masê a ndê di gêla i revota ná menduwa, punda ê sá setu pimelu ané kuê ka bi dá magi na kia bi welê welê mi wa. ¹⁰ Sô ê fa: Nasô ka luta contla nasô, alê contla alê. ¹¹ Ê ka bi dá mémé teramotu, ni yonga, fomi, doetxi. yô ka bi da mémé xinali ka bi né onsê. ¹² Magi antiji turu kuê ané ká tê sê i ka pesegui sê, i a ka tê sê letu sinagoga i pesu i tembé a ka bê ku sê antê wê alé i govenadoru punda nomi uã. ¹³ Kuê ka bi dá oprtunidadadi pá sê testemunha. ¹⁴ Só pê kuê ni klusu sê di ná prepará antiji kua pá sê defendê. ¹⁵ Punda ngá dá sê lumba buaru, ma niuã ané nguê ka kontla sê na ka pô fé mali sê wa. ¹⁶ I sê ka sá tegaru tembé pô papa, manó, ané ná ni mó sê, migu ané ka mata uã uã sê. ¹⁷ I sê kaba sá odiaru pu turu nguê punda nomi hun. ¹⁸ Magi nuã fita di ntê sê na ka dana uã. ¹⁹ Ni fingá sê sê ka ba ganha alima sê ²⁰ Olá masê ka bê grupu tropa ka seca jirusalem, antó sê ka ta má problema, sá petu.

²¹ Só nguê sá ni judéia ka fuji ba monti nguê sá ka tá i poson ka xê i nguê sá mé via na ka letxa nê uã. ²² Punda ané dia sá di vingansa i turu kua ku sá xiguê veru ka bá da setu. ²³ Ai di nguê ku sá ku na bega i a nê xi ku sê ka mama diê ê ! punda ê ka tê memé doló ni tia i leva contla pôvô é. ²⁴ I ané ka muê ku supara i a ka bê ku ané pesu ni turu nasô, i jirusalem ka bá sá pisaru pu ané nguê ka vivê sê bisú, antê tempu ané ka kumpli. ²⁵ Ê ka bi tê xinali ni sóló , ni amboxi, i kitembé. Ni tia ê ka tê doló ni nasô pecupadu ku glitu di mionga ka buli e mora mi ka bada basa. ²⁶ I ka bi tê homé ka kiê kumendu, punda mora má kua ka bi da ni mundu. punda porê ka sá vungunu ku vangana. ²⁷ Só ané ka bi ná homé, ká ni nuvé ku porê yô gloiá. ²⁸ Magi, olá ané kuê ka komesa dá; lata tê sê, punda redenson sê sá petu ²⁹ Jizu contá ané kua vesu: "piá figura, otô pó. ³⁰ Olá má ané ka dá wê dá semé, ta ma veru sá petu. ³¹ Axé tembé sê, ola má sê ka bi ané kue ka dá, sê ka tá má alé di Desu sá petu. ³² Veré hun gá fá sê, ê na ka pô sá gerasó i wa antê maturu kuê ka dá wa. ³³ Océ e tia ka lawa. Magi lumba na tê lawa. ³⁴ Sé la sê cuidaru ni sê mé pa kasó sê na sá ku yô consequência di problema di nguê, bebéra i preocupason di vira. Pa djá na bi diba sê suplesa wa mora tela. ³⁵ Punda ê ka ka bi sê ku ka vivê ni diba tia é. ³⁶ Magi biri wê ni turu tempu, orá pa sê tê fasa matxi, pa sê fuji di turu kua xi ka bi dá, i penasê ni wê di na homé. ³⁷ I turu ané dia ê, Ê tava ka Xina ni kia Desu i Sun ku ê tava ka tá ni monti má ka sama oliverá. ³⁸ Turu nguê tava ka bi pa monha seru ni kia Desu pa a bê.

Chapter 22

¹ Ê da ma fexa de npô sê fermento, ma ka xama Paxikua, tava ka proxima. ² Ané xefi sarsedote y ané eskriba tava ka diskute ma ané poi be ku Zizu ba mata, punda ané ka mendo povo. ³ Demonio etxa ni Zura Xikariote, ku sa un-ua di ané kuine dosu. ⁴ E Zura ba diskuti ku ané sefi saserdote y ané soré de ngueza mara mê ka pô dá ané Zizu. ⁵ Ané gogo kuê y kombina dy dé lelú. ⁶ Ê konxintxi y tava ka ngolo mora dy dé, longe dy yô nguê. ⁷ Ê xiga dia fesa de npô sê formento, ma kordeiro dy paskua ka ba sa sakrifkado, ⁸ Zizu manda Peru y Zó, fa: Bé y prepara, dá nó dia da Paxikua, pa nó mé. ⁹ Ané

punté: Andji ma Ô mesê pa nó preparé.¹⁰ Ê kundji ané: Ola, ma sê ka letxa possó, uã home ku sê-ka kega uã jaru dy aua y sê ka bê ka bi lêlê sê. Lêlê antê kai mê ka letxa né.¹¹ E fá dono kai: Mesê fá: Andji sa sala ma Aun ka ba mé Paxikua ku ané dissipulo un.¹² Ê musa ané whã sala ngairo mubiliaru ni andar dy kuanda. Dji turu preparativo nha!¹³ Sô ané bé taka turu kua mora Ê ta fá ané. So ané prepara seia passukua.¹⁴ Só hola bi, Ê tasó ku ané nguê-rê.¹⁵ Antó fá ané: Aun Sa kuvonté ngairu fogawa mé ki sê Paxikua antigí man Un sofre.¹⁶ Punda Un nga fá sê: Aun na ka mé dingi-wa, atê ki turu kué ka kumpri ni Leino dy Dessu.¹⁷ Antó, Jizu tua wã kássi sô, è da glassa, fá: tué só patxié katxi sê.¹⁸ Punda Aun nga fa sê na ka tô bêbê unkué videira ku sê dingiwa, atê ki leno osé kabi.¹⁹ Antó Ê tua npó so, è da glassa, patxi sô da ané, fa: Ixié sa onguê Un, ki sa daro da sê. Dji kué ni lemblansa Un.²⁰ Di mora-é mé, depoí Sêar, Ê tua kássi fa: kássi sié è sa aliansa novo ni sangui Un, ki sa lukuaru da sê.²¹ Magi mon isi dy nguê ki kabi ngana Un sa ku aun ni mesa.²² Punda Ná de Omé, di seto, dji mora è sa mandarú. Magi ai di omé ixi ku bi traíé.²³ So ané komesa ka punta ni katxi ane kuali ané kapoi dy dji kué.²⁴ Só è to lata wa kofuzon katxi ané punda nguê ka bi sa konsiderado ngairo.²⁵ E fa ané: Ané alé dy genthi tê dominio diba sê è nguê issi ki purê diba ané sa samaru nguê buaru.²⁶ Magi kué na ka pô sa axé katxi sê. En vez dy kué-é, nguê ki sa ngairo katxi sê ka pô sa mora ô maxi masivi. Sô nguê ki sa ô maxi buaru ka pô sa mora nguê ka sivi.²⁷ Punda kali sa ngairo, nguê ki sa tassoro mesa, ô nguê sa xivi! Na sa nguê ki sa tassoro mesa! Magi, Aun sa kaxi sê mora nguê ka xivi.²⁸ Magi sê sa nguê ki tê ndjaro kua-un ni plova Un.²⁹ Aun konfia ané wa leno, axé mora tata Un konfia ni Aun.³⁰ Pa sê ka passa ka mé ka bêbê ni mesa Un, Leno Un. E ané ka tasso ni trono zuga ané kuin douso tribo dy Israel.³¹ Simó, Simó, ka biri-wê, satanas pindji pa tê sê, pè poi pinera mora fanha trigo.³² Magi Aun loga raô, pa afé-ô na falhawa. Ala bô tê kêlê, da fossa ené mano.³³ Peru fa dé: Sumu-ê, aun sa pronto pa bé ki-ô è pô sa atê pesu emsmo atê ni motxi.³⁴ Jizu kundji: An nga fa ô, Peru sô galo na ka kanta ni ria-é, ni tessé vegi, bô ka bila mema raun fa mô na konsê-unwa.³⁵ Sô Jizu fa ané: Ola Aun manda sê, sê saka, sê bossa di mé ô sapato, sentxi fata kualikéro kua! Netxo.³⁶ Antó Ê fa ané: zó aié nguê sa ku wa saka, bikuê so també wa bossa dy provizon. Nguê ku na tê supara bendê ka ré kopa wã.³⁷ Punda Aun nga fa sê ki turu kua ki sa xikêvero sobre Aun ka sa kumpriro: Sô Ê foi bêuro mora wã mavaru. Punda, turu kua ki foi faru sobri Aun ka sa kumprido.³⁸ Antó ané fa: Sumuê, ia inguê dousso supara. Sô Ê fa ané: Ê sa bua.³⁹ Dipoi ni Sêia, Jizu xié ba Monte dy Oliveira, mora Ê ka-nda-dji, sô ané maelu Rê lêlê.⁴⁰ Ola ané ndunha, Ê fa ané: Dji lasso pa sê na leta ni tentassón.⁴¹ Ê fasta thô di ané ni boro wã grupo burru sô, pè npuna sôn, ora⁴² fa: Tata, sô Ô mesê, fasta di Un kássi xié, zô na sá mora vonté Un, magi di Ô.⁴³ Antó, plasé Dé wã anjo di osê, Dé fossa.⁴⁴ Êtá ni aflisson, Ê ora dingui maxi fossaru, sô suoro Rê bila ni memé gota mora sangui ka kié ni diba son.⁴⁵ Zó Ê lata ni lasso Rê, Ê bi atê ané maielo sô bê ané ka numi, punda tristeza di ané,⁴⁶ sô punta ané: Punda kuai sê sa numi! Lata ji lasso, pa sê letxa ni tentassón.⁴⁷ Ola Ê ta fa anda, ia yô nguê ta ndu ki zura, wã di kuin doussu, ki bi ni wê sô è ndu zunto Jizu pa dé bézu,⁴⁸ sô Jizu fa dé: Zura, sa ngana Ná di Omé ki wã bezu!⁴⁹ Sô ané nguê ki ta ni boro di Jizu bê ané kua ta da, fa: Sun, non ka pô ferí ané ki katana!⁵⁰ Anto wã ané firi sivorô di sumo sarsedote y koté ôdia rê detu ta.⁵¹ Sô Jizu fa: xiga, desa-ané. Sô Ê tokê-é ni ôdia sô è kulê.⁵² Jizu fa ané sefi sarsedote, ofissial dy nguêza y ansion ki bi kontra Elê. Sê bi mora bi mora kontra wã ladró, ku katana sô ndjigui pó!⁵³ Sô Aun ta turu dia ki sê ni nguêza, sê na pê mó sê ni diba Un. Magi aié sa hola sê y podê di kilembeka.⁵⁴ Manhê-Ê, beku-Ê sô tobi ku-Ê ni kai dy Sumu sarsedote. Magi Peru, ni longi, lêlê.⁵⁵ Maxi ngosi, ané iêrê wã fogo ni katxi dy patio sô tasso zunto. Peru tassoro ni katxi ané.⁵⁶ Sêta kiara bê ola mê-ê ta tassoro peto dy kandja dy fogo, pia dé sô tô fa: Omé Ê també ta ku Êlê.⁵⁷ Magi Peru nega, fa: Mengai, aun na konsê-wa.⁵⁸ Wa tempo sô, outo nguê sô bê tô fa: Bô turu sa wa ené. Magi Peru fa ané: Omé, aun na sa wa.⁵⁹ Sô seka dy wa hola, pofia outo fa: Verémé omé xié també ta kué Ê, punda Ê sa galileu.⁶⁰ Omé, aun na ta kua ma ô sa fawa. Ni welewele-mé ma è sa fa, sô galo kanta.⁶¹ Sô Sun tô bila sô pia da Peru. Sô Peru lembla ni lumba di Sun, ola fa rê: Ozé, antiji ki galo ka kanta, bô ka nega un tessé vê.⁶² Peru xié, súa ki dólo.⁶³ Antó ané omé ki pê Jizu pesu ji pouko rê sô dé ki kua.⁶⁴ Sô tapa uê Rê, punté, fa: Profetiza! Kuali nguê da ô ki kua!⁶⁵ Ané fa mali ka sô outo kua kontra Jizu.⁶⁶ Ta só pomonha biri, ané ansion di povo zunta, ané zunto sefi saserdote y ané eskriba. Ené bekuÊ ate konsê dy Judê.⁶⁷ Fé: xi Bô sa Kristo, fa-non. Sô Ê kundji: xi Un fa sê, sê na ka keleua,⁶⁸ xi Aun mputa sê, na ka kundjiua.⁶⁹ Magi, ni aié ba uê, sô Ná de Omé ka sa tassoro ni gletto de purê dy Dessu.⁷⁰ turu ané fa: Antó, Bô sa Ná de Dessu! Sô Jizu kundji ané: Sê fa ma Aun Sa.⁷¹ Ene fa: Punda kuai ni to messe di sestemunha! Punda nón mé ndê ni plopi boka Rê.

Chapter 23

¹ Anto turu ane xefi de Judeu, lata contle e bi kue da Pilato. ² Ane komesa ka kuza ka fa, no taka ome, ka dana tia no, publi ngue paga imposto da Sesa, to fa ane sa Kristo un ua Ale. ³ Pilato punte, bo sa Ale de jure. E Jizu kundje, Bo fa. ⁴ Pilato fa da ane xefe saserdote, e da povo. Na be ne un ua mali de ome e wa. ⁵ Magi ane pufia, fa, e ka ndjiga povo ka xina turu judeu, comesa ndjina Galileia ate ingue. ⁶ Anto Pilato, nde kue e punta xi ome e sa aglileu. ⁷ Ola a bi ta ma e sa koxi pore de Herodes, mande e ba lele punda e ta Jeruzalem ti-e. ⁸ Ola Herode be Jizu, e gogo fogaua, e ta yo dia, ki vonte de be. E ta nde ka fa de Jizu e te vonte pia un-ua milagre giru dee. ⁹ Herode ta punte Jizu fa kua ma un gi E na kundje ne un-ua kua-wa. ¹⁰ Ane xefi de sasedote e ane eskriba lata, ka kundje E dizu-fogawa. ¹¹ Herode, ku ane sore re, trate se valo zi troca re, bixie ku un-ua mbata glavi e, a to manda Jizu to ba Pilato. ¹² Pilato ku Herode bi ta migo un-ua ki oto ni ane. Antiji de kue ane ta numigo. ¹³ Pilato, anto sama ane xefi de sasedote ane, punte de povo e ane nguêie. ¹⁴ E fa ane se bi da um ome mora un-ua ngue ki se ka lata povo ba revota, magi pia aun ta pute ne se, na be ne-uan kupa ni ome e ni repeto de kue mora se sa kupee. ¹⁵ Ate Herode me, punda e to mande be. Peiae na te ne-uan me dji me merese motxi. ¹⁶ Aun, nimoree, ngabe castigue zo legue. ¹⁷ Pilato sa obrigado de lega un-ua peso pa ane zude ola di fesa, vesikulo xie no kabe ni

nanuskrito magi nakulo.¹⁸ Magi ane nguita turu junto, fa. Xie ngue ki omee e lega Barraba!¹⁹ Barraba era un-ua ome ki ta pesu punda de un-ua revota ni poso e e mata ngue.²⁰ Oto vegi Pilato fa, vonte de lega Jizu.²¹ Magi ane nguita, pregue ni kussu, pregue ni kussu.²² E fa ane ni tesi vegi, Punda kuai. Kualo mali dji homee. Aun na be kua Ne ki merese pa txie vira , zo, ola nga castiguee aun nga ba legue.²³ Magi ane ta ka nguita soo, pindji pe e sa krussificado. E nguita de povo mura Pilato.²⁴ Anto, Pilati decide da ane ku exigencia.²⁵ E lega ngue ma ane pindji, ixe ki ta lokero ni pesu ki to ngue e assassino, zo, da ane Jizu pa ane ji vonte ane.²⁶ Ola a be kue di ngue, te unwa ma ka sama Simon, di poso de Cirene, kabi fo mevia, a pe kusso diba re pe kegue, lele Jisu.²⁷ Unwa meme multidon de ngue e mengai ka te pena go ka sua poviata Re ka lele.²⁸ Magi e bila da ane, Jisu fa: Na de Jerusalem, na sua da unwa, sua antiji da se me e da moço se.²⁹ E ka bi ria ma ka fa: Feliz ane mula e ane bega ki na pari wa, ane mama ki na mamawa.³⁰ Anto, ane começa ka fa mundu: Kie diba non e ane monte: tapa-non!³¹ Punda, xe ane dji kue ola po ta vere anda, kua ka po da ola po e ka bi sa kuta.³² Outo home, dousso criminoso, a be ku ane ku Jisu pa ane mue.³³ Ola ane xiga unwa nga samaru Kavera, ingue a pe kussu buaru mora ane kriminoso, unwa ni direta Re e outo ni xikeru Re.³⁴ Jisu fa Paa peroa ane, ane na ta kua ku ane sa dji wa. Ane zuga zogo patxi kabixi Re.³⁵ Ane ngue taa pie ola ane sore turu ta dji poco Re, ka fa: E salva outo ngue, legue xie ka salva ele Me, xi E sa kristo ngue Deçu koie.³⁶ Ane soree turu zomba Re, ta ka de vinague,³⁷ Ka fa: xi bo sa Ale de zure salva-O me.³⁸ Ta turu xikeveru unwa kua diba Re: Ixie sa Ale de Zure.³⁹ Unwa kriminoso ma krussifica, insulte e ka fa: na Na sa O Kristu wa! Salva-O me e no te.⁴⁰ Magi oto kundjie, keta kue, fa na te mendu Deçu wa, bo sa ni koxi mora kondenaçon.⁴¹ No de seto sa ingue justamente, punda no sa resebe kua non merese poviata mali no. Magi home na dji neunwa maliwa.⁴² E to fa: Jisu, lembli di unwa, ola O ka letxa ni reino.⁴³ Jisu fa de: ni vere nga fa o. Ainda oze bo ka letxa ki Aun ni Once.⁴⁴ E tava kua nona hola media sexta, tia ta bila kulo ate ola tesse ola nona;⁴⁵ punda solo lega luzi ane kotina guezata fono ni katxi.⁴⁶ E, nguita ki vogi boiaru, Jisu fa: Paa nimo o ngada suplito unwa. Fa kue , E muie.⁴⁷ Ola ma sore be kua ki da e da gloria Deçu, ka fa vereme home era justo.⁴⁸ Ola turu ane povo to bi pa pia kua ki da, kua ane to be, to bene ka bate petu.⁴⁹ Magi turu ngue Jisu ta konce, e ane mengai ki ta ka lele ndina Galieia ndja longe ka zongo turu kue.⁵⁰ E ta nha unwa keno de konse de zure samaru Juze, home buaro e justo;⁵¹ De Arimateia unwa poçu judeia. E ta wara ni Leino de Deçu e na ta kunsitxi ku disizon e mora de Conselho.⁵² Homee, be ate Pilato, pindjee ongue de Jisu.⁵³ E txie e buie ki unwa lansolu de linho fino e A pe ni unwa xintele koboru ni burru, nga ma na ta telaru niunwa ngue antiji.⁵⁴ E sa Ria de Peparaço, sabaru sa pa komeça.⁵⁵ Ane mengai ki ta nda kue ndjina Galileia ane be xinteli e ongue Re foi peru nha.⁵⁶ Ane to bila e essencia e perfumee. Anto, ni sabaru diskansar mora amanda.

Chapter 24

¹ Magi ni pimelo ria somana, mazugaru anda, ane ba xinteli, ane be ku pufumi ma ane prepara. ² Ane ta ka burru xinteli bilaru; ³ magi ane letxa, na to be ongue de Sun Jisu. ⁴ E e da kua ma ane tapaia de kua ki da. Anto, dousso home xiga zunto ane ki kabixi brilho fogawa. ⁵ Ane mengai ta fika xiale de mendu, bila ongue ane pe so, ane fa da ane mengaie: punda kuai se bi tua katxi motxi ngue ixi ka vive! ⁶ E na sa ingue wa, e kora! Se lembli kua me fa se, ola e ta ainda ni Galieia, ⁷ ka fa, na be home ka sa daru ni mon pekaroo krusifikado e, ni tessi ria to kora. ⁸ Ane mengaie lembli Re. ⁹ Ane bi de xinteli, konta turu kue da ane onze e oto ngue dingui. ¹⁰ Maia Madalena, Joana e Maia maa de Tiago, oto ki ta ku ene konta turu kue da ane apostolo. ¹¹ Magi ane apostulo na kele ni ane mengaiwa, ene lumbae ta ka jlase mora unwa fa vonvon. ¹² Peru turu, lata-te kole ba xintele. Pe mpuna pia ba leto, be lançolo so ki linho. to ba kai admiraru ku kua ta acontese. ¹³ Ni ria me, dousso ane ta ka ba unwa loça samaru Emau, sessenta estadio de Jerusalem. ¹⁴ E ane ta ka be ka fa ni turu kua ta acontese. ¹⁵ E da kua ki, ola ane ta ka pufia e lumba, plopí Jisu ba te ki ane komesa kanda zunto. ¹⁶ Magi uwe ane ta torrompero de konse. ¹⁷ Jisu punta ane: kua da ma sa lumba ni mondja! E ane ndja triste. ¹⁸ Wa ane, samaru Cleopa kundji: Bo sa uniku ngue ki na ta kua ki akontese ni Jerusalemene riee. ¹⁹ E fa ane: kualo kua! Ane kundji: kuaxi a fa ni vira Jisu di Nazare, E foi wa profeta poderoso ni suviço e lumba, ni we de Deçu e turu ngue, ²⁰ ni mora ane xefe saserdote e ane sore, non tue da ane pa kondene a motxi e krusifike-E. ²¹ Non ta wara Ele ka liberta Israele. Magi punda di kuae, oze ji tesse ria ki turu kuae da. ²² E sa vere ki ane mengai de katxi non xipanta non, ane ba xintele mazugaru. ²³ Ane na be ongue de Jisu, tobi fa non ku ane te wa vizon de anju, e ane ta fa ma E sa vivo. ²⁴ Oto ki ta ki non ba xintele e certifica kua ane mengai ta fa, maji ane na be wa. ²⁵ Jisu anto, fa ane: O home se Jisu e kosso dizu de kele turu kua ma profeta fa! ²⁶ sa nesessario ki Kristo ka sofre turu kue pa e letxa ni goia Re! ²⁷ Anto komessa ni Moiseis ba turu profeta, xiplika ni turu Biblia, ki ka fa ni vira re me. ²⁸ Ola ane ta ndu zona ane, nga ane ta be, Jisu dji mora ngue saa besso. ²⁹ Magi ane tema kue, fee: Ndja ingue ki non, punda e sa taje za e ria sa kuaze loke E letxa pa fika ki ane. ³⁰ E wa veji ni mesa kua ane, tua mpo, da-benson, kotee so da ane. ³¹ Anto we ane foi biriru, ene konse wo, so E xie fo we ane se ane ta. ³² Ane fa da oto: Na ta ka yiere kosso non, Ola E ta ka lumba ni mondja ku non to xipika kua Biblia! ³³ Ni hola me, ane lata to ba Jerusalem. Ane be ene onze zunto, ki oto ngue sa nha ku ane, ³⁴ fa ane: Vereme Sun kora e plase da Simo. ³⁵ zo ane konta ene kue ki akontesse ni mondja, mora Jisu foi konseru da ane ni kota mpo. ³⁶ Ola ane se ka fa kue anda, Jisu plasse ni katxi ane e fa ane: Paje ka sa ku se! ³⁷ Ane fika supantado ki mendo, pensa ma se ka be wa zumbi. ³⁸ Magi Jisu fa: Punda kuaise sa xipantado! Punda kuai sa lata duvira ni kosso se! ³⁹ Pia mon Unw, Ope unw, e sa Unw me! Te Unw e pia. Wa zumbi na te kani ne osso mora se sa pia ki Unw te. ⁴⁰ So e fa kue, mussa ane mon ki ope. ⁴¹ E, mora ane na ta kele andawa, poviata gosto e ane sa admiraru, Jisu fa ane: Se te wa kua de me! ⁴² Ane de wa ndigui kike saru. ⁴³ Jisu tue e mee ni zunto ane. ⁴⁴ E fa ane: Ola anda ta ki se, ta fa se: E toka pan kumpri turu kua ki sa xikeveru de vira Unw ni Ale de Moise, ni Profeta e ni Salmo. ⁴⁵ Anto, e biri intendimento ane pa nde,

komprende Biblia.⁴⁶ E to fa: Axe sa xikeveru ma Kristo ka bi sofre e kora ni tesseru ria.⁴⁷ E ni Nome Re, ka-ba prega lependimento ku pero de pekaru, ni turu nga, komessa ni Jerusalem.⁴⁸ Se sa testimonha de turu kue.⁴⁹ E Nga manda se promessa de Paa Unw ni diba se, magi wara ni posso ate se ka sa bixiru de pure de londe.⁵⁰ Anto Jisu be ki ane pataro ate peto Betania. E, lata mon Re, so abensoa ane⁵¹. Da kua ki, ola E ta abensoa ane, ba-wetxo e foi lataru ba onse.⁵² Anto, ane adore-E e tobi ane Jerusalem ki meme gosto.⁵³ Ane tava semplee ni ngueza, kanta da Dessu.

John

Chapter 1

¹ Lumba ta na kulu, Desu ta ka lumba, lumba sa Desu.² Ê ta na kulu ku Desu.³ A zi turu kua punda Êlê, sê elê ne whã ku ma a zi a na ka ziê wha.⁴ Vira ta né, Y vira ta kandja ome.⁵ Só kandja ta ka luzi kosi kulu sô kulu na langa kotlê wha.⁶ Ê ta ku whã ome ma Desu manda, nome rê sa Zon.⁷ Ê bi mora sesêminha pa ê bi musa kandja, pa turu nkenu kelê né.⁸ Ê na sa kandja wha mazi ê bi musa kandja.⁹ Ê sa kandja vére ku ka luzi turu ome ku ka bi tia.¹⁰ Ê ta tia a zi tia e tia foi ziru pâ elê ma tia té wha.¹¹ Ê bi ra povô rê, povô rê na tuê wha.¹² Mazi turu nkenu ku tuê tô kelê ni nome rê, Ê ra anê porê di sa ná Desu.¹³ Mazi anê na nasê di sangui wha, ne vonté kani wha né vonté omé wha, mazi di Desu.¹⁴ Lumba bila kane y vevia katxi nón y nón bê porê rê mora porê Uniko ná Tata. Siaru ku ngosô ku verê.¹⁵ Zon ka fá rê tô nguita, fa: yé sa Nkênu si ma un fa ki sa bi pumbê un y ê sa masi rôkê un punda ê sa antizi un.

¹⁶ Punda ku porê rê turu nkênu ta ku ngosô figa wha.¹⁷ Punda a ra alê punda Muzé mazi ngóso ku verê bi punda Jizu klistu.¹⁸ Né whã nkênu na ka tô bê Desu, Uniku ku sa Desu, ku ta kotá bandji Tata, ku sa Nkênu si ku fá.¹⁹ Yé sa sesteminha Zon, olá anê Zurê manda ba Jiruzalê sa saseroti ku levita ba puté: Nguêi bô sa!²⁰ Ê fa anê biriru ê na nega wha, ê kofesa: Na sa Klistu wha.²¹ Sô anê puté: Antó nguêi bô sa! Bô sa Elia! Sô Ê kundji: na sa wha. Sô anê fa: Bô sa ná lekaru! Ê kundji: ynga.²² Sô ane fa anê. Fa nón nguêi bô sa pa nón ba fa nkenu si ku manda nón. Kuai bô ka fa di bô mé!²³ Ê fa: Un sa vogi nkenu si ku ka nguita ni whã nga sê né whã kua né. Dêtê mon dja Sun, mora Izaia ná lekaru fá.²⁴ Nkênu si ma a manda sa farizeu.²⁵ Sô ê puta ane: ra kua bô ka bi butiza, si bô na sa klistu né Elia né plofeta!²⁶ Zon kundji anê fá: Nga butiza ku aua. Punda whã Nkênu sa sa katxi sê ma sê na ta wha.²⁷ Yé sa isi ku ka bi sô an, Nkênu si ma na sa buaru di yuê kóro sapatu rê wha,²⁸ Kua é ra ni Betanha ni otô kiba Zuron nga ma Zon ta ka butiza né.²⁹ Otô ria Zón bê Jizu ka bi lelê sô fa: yé sa koderu Desu ku ka txia pekaru tia.³⁰ Elê sô un ta ka fa: Ma Ê ka bi sô an y ê sa masi rokê un y ê ta tia pumbelu un.³¹ Na tá té wha, Masi pa Ê musa Israeli un tê ki bi butiza ku aua.³² Zón tanga nkenu mora me sa. Un bê supitu ka tuka fô osé mora pombi bi ndja nsosi Rê.³³ Na ta té wha: Nkenu si ku manda un butiza ku aua fara un: Nkenu si ma bô bê supitu ka tuka diba nsosi Rê, yé ku ka butiza ku supitu santu.³⁴ mbê, to fa né ma yé sô sa Ná Dêsu.³⁵ Otô dia Zón tô ta nha ku dosu melu rê:³⁶ Ola ma ê bê Jizu ka pasa ê faré: yé sa Ombô Desu.³⁷ Sô dosu melú ndê kua ma Zón fá ane pasa ka lelê Jizu.³⁸ Ola Jizu vutuka ma Ê bê ane ka lelê Ê fa ane! Kua sê mesê! Ane kundji: Rabi, ma a ka fa mése! Andji Bô ka ta né!³⁹ Ê fa anê: Bi pa sê pié. Anê bé bê nga ma Jizu ka ta né, Anê ta kuê dié punda ê ta kundji kuine ola.⁴⁰ André ná mon Simon Peru, sá whã ku ta ka ndê Zon ka fa sô lelê Jizu.⁴¹ Sô ê bê pumbelu námôn rê Simon sô faré: Nón bê Mesia (Ma ka fa Klistu).⁴² Sô ê bé kuê ba lelê Jizu. Ka pié Jizu faré: Bô sa Simon ná Zon. Nome ô ka sa sefa (ku sa Peru).⁴³ Otô dia ola Jizu ba Galilea Ê bê Filipe sô ê faré: Lelê Un:⁴⁴ Filipi ta ka ta Betzara, poson André ku Peru.⁴⁵ Filipi bê Natanhali sô faré: Nkenu si ma alê Muzé ku na lekaru sisika non Bê: Jizu ná Zozé Nazaré.⁴⁶ Natanheli puta: Nazaré ka pô bi ku kua buaru! Filipi kundji. Bi pié.⁴⁷ Jizu bê Natanheli ka bi lelê ê fa vira rê: ya wha israelita ku na tê netxó mali wha!⁴⁸ Sô Natanheli puté: Andji Bô ta unê! Jizu kundji, Antiji ma Filipi sama ô Un bê ô ola bô ta kosi pó figu.⁴⁹ Natanheli kundji: Mese, Bô sa Ná Desu! Bô sa Alê Israeli!⁵⁰ Sô Jizu faré: Punda nfa ô ma Mbê ô kosi pó figu, bô kelê! Bô ka bi bê kua masi gairu dokê yé.⁵¹ Kua nga fa sê verê ma sê ka bi bê osé biriru ku anzu Desu ka sa subi ka desê diba Ná ome.

Chapter 2

¹ Di tesi ria, ta wha kazamentu ni kana di Galileia, so mama² Jizu ta ne. Jizu ki melu re turu ta kuviraru ra kazamentu-e.³ So vin loke, mama Jizu fare: Ane ná te vin wha.⁴ Jizu kundji: Mengay-é kuai bo se ka bi lele Un ra! Ola Un na si vtxa wha.⁵ Mama Re fá na kia: zi kua ma E ka manda se.⁶ Yngue ta ku samano bulu di buru ma a ka sivi purifikason zure kue, kara wha ka sia ku wha sentu ku makeri ba dosu sentu ku kuine kuin lito.⁷ Jizu, fa ane: Sia buli-é ku aua. So ane sia-le ate boka.⁸ So E fa na kia: Txia txo bekue ra xefi fesa; Ane zi asié.⁹ Ola xefi fesa pova aua ku bila vin, e na tá ta nga ma e fo wha. Mazi ane na kia ku tá txia aua so ta. E sama zazaru.¹⁰ so fé turu nkenu ka ra vin buaru pumbe, so vin poreru o, ola ane nkenun ma a kuvira ka behera. Bo loke vin buaru ate aie.¹¹ Jizu zi pumbelu sunali-e ni kana Galilea ola E musa Gloia Rê ma ane melu Rê Kêlê Ne.¹² Sô di ane kua e Jizu, ku mama Rê ku Na-amon Rê ku melu Rê dese ba kafanaun sô tanha wha dosu ria.¹³ Pasukua zurê ta vtxa, sô Jizu banda ba Jeruzale.¹⁴ Ê bê ane nguê ku ta, ka lendê buê, ombô, pombi ku ane nkenun ku ta ka tloka lêlu tasoru yngue.¹⁵ Jizu, zi wha xikotxi koro kolê ku turu ane ba lua ngueza, ku ombô ku buê: whanga lêlu ane ome-e, pê son, bila meza ane.¹⁶ Ê fa ane ku ta ka bendê pombi: Txia ane kua-e fô ynguê na zi kai tata un fela wha.¹⁷ Ane melu Rê lembua kua ku sa sisi karu: zêlu kai ô ka kunsumi Un.¹⁸ So ane sore Zure, kundje: kual xinali Bo ka mussanon mora ma Ô ka zi ane kuee.¹⁹ Jizu kundji: nga бага nguêza-e, di tesi ria nga zie.²⁰ So ane zurê fa: A zi nguêza-e metatu ku samano anu ma ê loke Bô ka late tesi ria.²¹ Sô Ê fa letu nguêza di onzê Rê.²² Sô kôlê ria ola Ê kora motxi ane melu Rê lembua kua ma Ê fa, sô kêlê ni kua ku sa sisikaru ni lumba ma Jizu fa.²³ Ola Ê ta Jeruzalem, letu fesa Pasukua, yô

Chapter 3

nkeno kélê ni nome Rê sô bê sinali ku yô milagli ma Ê zi. ²⁴ Sô Jizu na Kunfia ni ane wha, punda Ê ta turu ane. ²⁵ Sô ê na messêza nkeno di fa di ome wha. Punda Êlê me ta ta kua ku sa ni ome.

Chapter 3

¹ Ê ta ku wha ome fariseu nomi rê, sa Nikoremu. Xefi Zurê. ² Ê bi lêlê Jizu nsuku sô fe: Mese non ta ma bô sa mese ku bi di Desu, punda ne wha nkeno na ka zi sinali sê pa Desu sa kuê wha. ³ Jizu kundji: kua nga fara ô vere, vere: xi ome na tô nansê novuwha ê na ka pô bê gôvenu Desu wha. ⁴ Nikoremu, fare: Ma wha ome ka pô tô nansê ve za! Ê ka tô letxa bega mama rê tô nansê! ⁵ Jizu kundji: kua nga fara ô vere vere: Nkeno ku na nansê di aua ô di supitu wha na ka pô letxa ni gôvenu Desu wha. ⁶ Nkeno ku nansê di kane sa kane, ku nansê di Supitu sa Supitu! ⁷ Na babaka ra kua nga fara ô: Sela bô tô nansê. ⁸ Ventu ka sopua ba nga ma ê mesê, bô ka ndê kioi ô rê mazi bô na ta nga ma ê bi ne nga ma ê be wha. Asie sa turu nkeno si ku ka nansê Supitu. ⁹ Nikoremo kundji, Ê fa: Ma ê ka pô sa!

¹⁰ Jizu kundji ê: Bô mese Israeli, na ta kua-e wha! ¹¹ Kua nga fa ô vere, vere: Non ka fa kua ma non ta, ra sesteminha kua ma non bê, Asie me sê na ka kundji kua ma non ka fa wha. ¹² Si nga fara ô kua tia e bô na ka kélê wha, ma bô ka kélê si ntanga ô kua londe nha! ¹³ Ne wha nkeno na tô banda ba onsê wha, si ê na sa Nkeno si ku desê fô onsê, Na Ome. ¹⁴ Mora ma Muze lata kiongo fô nga sê ne wha kua ne Na Ome ka sa lataru mora e me.

¹⁵ Pa turu nguê ku kele Ne ka tê vira atê atê. ¹⁶ Puda Desu gogô ku mundu di wha mora ma Ê ra Uniku Na Rê, pa turu nkeno ku kélê Ne na ka muê wha, mazi, mazi ê ka tê vira atê atê. ¹⁷ Punda Desu na manda Na Rê bi mundu pa Ê kondena mundu wha, mazi pa mundu ka sava punda Êlê. ¹⁸ Nguê kélê Ne na ka sa kondenaru wha, mazi ku na kélê wha sa kondenaru za punda ê na Kélê ni nome Uniku Na Desu wha. ¹⁹ Yê sa zumamentu: Ma Kandja bi tia, ane ome gogo ku kulu masi dokê kandja, punda kua ma ê ka zi sa mali. ²⁰ Punda turu nkeno ku ka zi mali ka kontlê kandja sô ê na ka bi kandja pa kua ma ê ka zi na sa zetaru wha. ²¹ Sô nkeno si ku ka zi kua vere ka bi kandja pa ê sa biriru pa turu nkeno bê punda ê sa zirû ni Desu. ²² Sô di turu kua e e, Jizu ku ane melu rê ba wha kiba Zirê, nga ma Ê pasa wha dosu ria ku ane sô butiza ynguê. ²³ Zon turu ta ka butiza ni Enon petu ku salin, punda nha ta ku yô ane, sô ane nkeno, ta ka bi lêlê sô ê ta ka butiza ane. ²⁴ Punda Zon na ta pezu anda wha. ²⁵ Sô ê bi ra wha fa motxi katxi ane melu Zon sô whan fesa purifikason. ²⁶ Ane ba kota Zon sô fare: Mese nkeno si ku ta ku bô otô kiba Zuron di Nkeno si ma bô ta fa ne Ê seka butiza turu nkeno seka ba kota Rê. ²⁷ Zon kundji: Ne wha nguê na ka tua ne wha kua sê pa a de fô osê wha. ²⁸ Sê me sa sesteminha ma un fa: Un sa mandadu whe Rê. ²⁹ Mengai kazaru toka ome kazaru, mazi migu kazaru, ku sa kota re ku ka ndê ka gogo foga whapunda vozu kazaru. Aie nga kopleta gosô Un. ³⁰ Ê toka pa Ê lata pa un desê. ³¹ Nkeno si ku ka bi fô londe sa diba turu Nkeno, ku ka bi fô tia sa di tia yê ka fa di kua tia. Nkeno ku ka bi di osê sa diba turê. ³² Ê ka fa di kua ma ê ndê tô bê, mazi ne wha nkeno na ka kundji kua ma ê ka fa wha. ³³ Nkeno si ku ka kundji kua ma ê, ka fa ka kélê ma ê sa Desu di vere. ³⁴ Punda nkeno si ma Desu manda ka fa lumba Desu. Punda supitu rê sa a re sê mindjira. ³⁵ Lata ka gôgô ku Na sô Ê re turu kua mon rê. ³⁶ Nkeno si ku kélê ni Na tê vira atê atê, mazi nkeno si ku na liga Na wha na ka bê vira wha, mazi Desu ka sa ku leva kuê.

Chapter 4

¹ Olá ma Jizu bi tá má Farizeu ta ndê ma Ê ta ka butiza masi melu dokê Zon ² Jizu, pô na ta ka butiza wha mazi ané melú rê. ³ Ê fô Zurê atô ba Galileia. ⁴ Ê tá pa Ê lá Samaia. ⁵ Sô ê bi whã, poson ma a ka sama Sikar, petu ane tia ma Jakó ta ra ná rê Zozé. ⁶ Nha ta ku kóbo aua Jakó. Jizu ta kansaru di nda, Ê tason kota kóbo aua é. Ê ta kuaji samanon hola. ⁷ Whã mengai Samaia bi jê aua, sô Jizu faré: Da Mu aua bebê, ⁸ Punda ané melu rê ta ba pason ba kopua mé. ⁹ Sô mengai Samaia-é Faré: Ma Bô Zurê ka pindji un ku sa mangai Samaria, kua bebê! Punda Zurê ku nguê samaia na ka da buaru wha. ¹⁰ Jizu kundji: Si bô ka ta porê Desu y nguê ku fa ô: Damu aua pã bebê bô ka pindjê sô ê ka ra ô aua vivu. ¹¹ Sô mengai é kundji Ê: Sumun-ê Bô na tê baldi, sô kóbo aua sa fundu foga wha. Andji Bô ka txia aua vivu-é né! ¹² Antó Bô sa masi tamé tata nó Jakó, ka ra nó kóbo aua ma elê plopi bebê ku na rê ku kia son rê! ¹³ Jizu kundji: kuakuali nkeno ku bebê aua-é ê ka tô tê sêri, ¹⁴ Masi kuakuali nkeno ku bebê aua si ma Nga ré, nuka ê ka tô tê seri wha. Di otô mora, aua si aua si ma nga ré ka bila pê létu rê kolentxi aua ku ka kolê ba vira atê atê. ¹⁵ Sô mengai Faré: Sumbê, Dã aua-é ma na ka, tô tê sêri wha, ma na ka tô bi ynguê bi txié wha. ¹⁶ Jizu faré: Ba sama ome ô sô tô bi ynguê. ¹⁷ Mengai-é kundjê: Na tê ome wha. Sô Jizu kundji-é: bô fa buaru: Na tê ome wha. ¹⁸ Punda bô ta ku tanon, Ayé ma bô tê na sa diô wha! Yê bô fa veré. ¹⁹ Mengai-é Faré. Un sê ka pia ma Bô sa ná lekaru. ²⁰ Tata nón ta ka pê mpuna són baza ntê ni mundu-é, mazi sê ka fa ma Jiruzalé sô sa nga ma a tê pê mpuna son rá. ²¹ Jizu kundji. Mengai, kelê ni aun punda ê ndu tempu ma né mundu-é, né Jeruzalé, bô ka pê mpuna son ra Tata. ²² Sê ka pê mpuna son ra kua ma sê na ta wha, nón ka pê mpuna són ra kua ma non ta punda savason ka bi di Jurê. ²³ Ma ê seka, ndu ola sô ê ndu za, ma nkênu ku ka ngôgô, ka ngogô ku Tata ni supitu ni veré punda nkênu ku ka zi mora é sô tata seka ngoló. ²⁴ Punda Desu sa supitu sô nkeno ku ka ngogô kuê ka ngogô kuê ni supitu ni veré. ²⁵ Sô mengai Faré: nta ma Mése sêka bi, Nkênu ma ka sama Klistu, Olá Ê ka bi Ê ka musa nón turu kua. ²⁶ Jizu faré: Ân sô sê ka fá ku bô. ²⁷ Sô ola é me ané melu rê vitxa sô fika babakaru punda Ê ta ka fa ku whã mengai: mazi né whã ané na Puté, kuai bô sêka ngoló! Ô punda kuai Bô seka fa kuê ra! ²⁸ Sô mengai desa buli rê, tô ba posó, sô fa nguê: ²⁹ Bi pia ome ku tanga un turu kua ma un zi. Na yé mé ku sa klistu wha! ³⁰ Ané desa pason bé atê kotá rê. ³¹ Ra kua é-é ané melu Rê ta ka pindjê Mése mé. ³² Mazi Ê fara ané: Ntê whã me pa amé ma sê na té wha. ³³ Ane melu rê komesa ka puta otô. Ane melu rê komesa ka puta otô. Nkeno biku mé ré pa Ê mé. ³⁴ Jizu fara ané: Mé un sa pa a zi vonté Nkeno si ku manda

Un loké suvisu Rê. ³⁵ Sê na ka fa: Ma ê fata kuana mbési pa a koiê mé a! nga fa sê wha kua: lata wê pia mevia, punda ê sa ola pa ã koiê! ³⁶ Ma nkenu si ku ka koiê ka tua pagamentu sô ê ka zunta mé ra vira atê atê, ra nkenu ku ka kuná ku isi ku ka koiê ka sa ku ngosô. ³⁷ Asiê kua ma a ka fa sa veré: Whã ka kuna otô ka koiê. ³⁸ Un manda sê pa sê koiê ni nga ma sê na tabá wha, Otô tabá sô sê letxa ni suvisu ané. ³⁹ Yô ané nkenu Samaia poson-é kelê Né punda kua ma mengai-é fa: Ê tanga un turu kua ma ntá zi. ⁴⁰ Sô ola ma ane nkenu Samaia bi kotá Rê, ane pindji foga wha pa Ê fika ku ane, sô Ê fika ku ane nha dosú ria. ⁴¹ Yô nkenu kelê punda lumba Rê. ⁴² Ane ta fa mengai-é: Non kelê na punda lumba ô sô wha, mazi non ndê ku oria non mé, aié non ta ma Ê sa Savarô tia veré. ⁴³ Sô otô ria, ê ba Galileia: ⁴⁴ Punda Jizu plopí ta fa ma a na ka ngogô ku whã ná lekaru nitia rê wha. ⁴⁵ Ola Ê vitxa Galileia, ane nkênu tia-é Tué. Ane ta bê turu kua ma Ê ta zi ni Jerusalé ni fesa punda ane turu ta ba fesa Pasukua. ⁴⁶ Ê tô bi kaná Galileia, nga ma Ê bila aua vin né. Ê ta ku wha sefi soré alé ma ná rê ta ka duetxi ni Kafanaun. ⁴⁷ Ola ma ê ta ndê ma Jizu ta desa zurê sô tô ba Galileia, ê bé atê kota Rê sô pindji pa Ê desê bi kula ná rê ku ta kuaji muê. ⁴⁸ Sô Jizu faré: Si bô na bê sinali ku kua ma Un zi wha, bô na ka kelê wha. ⁴⁹ Sefi soré kundji: Sun, desê ku an antji ma mosu un ka muê. ⁵⁰ Jizu faré: bé mosu ô sa vivu. Ome-é kelê ni lumba ma Jizu ta fa sô bé. ⁵¹ Sô ê ta ka desê, ane ná kia rê bi lelê, faré ma mosu rê sa vivu. ⁵² Sô ê puta ane kuantu ola ma ê yogó: Ane kundji: Mazó nsuku vota sambari ola ma féble desê. ⁵³ Tata rê pia ma ola-é mé ma Jizu ta fa: Mosu ô sa vivu. Sô elê ku turu familia rê kêlê. ⁵⁴ Yé fô segundu milagli ma Jizu zi ola ma Ê bi fô zurê pêba Galileia.

Chapter 5

¹ Olá ma kuê ê pasa, ê ta uã fesa Zurê, ma Jizu banda ba Jiruzalê. ² Sô Jiruzalê ta ku uã tanki, petu pôto ombô, má lunguá arameu ka samé Betesda, y ê tê tá non mondja ku ka letxa kubiru dadu vota. ³ Yô nkenu ku duetxi, segu, mankêlê ku lezaru, ta kustumá ru ka tá ingé ê ni pôto wuará auá ndjinga. ⁴ Punda anzu zunta ka desê ka ndjinga auá uã uã vê sô punda kuakuali nkenu ku letxa ola auá ka ndjinga ê ka yogô di kuakuali duetxi ⁵ Ê tá uã omé ku ta ka duetxi yô ta ku, makéri ná ké anu, sô ê tá nhã. ⁶ Yé bé dumiru sô ê ta má ê tá nhã naria, Jizu puté: Bô mèsê yogó? ⁷ Omé si ku ta ka duetxi Kundji: Sun, ná tê nê uã nkênu di pêu tanki olá auá ka ndjinga whã. Olá ngá bé, otô nkênu ka bá wê hun. ⁸ Jizu fará: Lata, tuá maka ô ndá. ⁹ Txó só omé é yogó; ê tuá maka rê, ê ndá, diê ta sábaru. ¹⁰ Sô ané zurê fá omé si ku yogó. Ê sá sábaru, na ka ku sintxi ô kega maka wa. ¹¹ Sô omé ê kundji: nkênu si ku kula hun fá; tua maka ô, ndá. ¹² Sô ané puté: Ngué sá omé fá ô: Tua maka ô ndá? ¹³ Sô omé si ku yogó na tá ta nkênu si ku kulê wa, punda Jizu ta siê konderu punda yô nguê ta nhã. ¹⁴ Y masi ngó si Jizu bé omé ê ni ngueza sô faré: Bô tua suriá! Ná tô zi mali wa pa kua pióló na bi rá ku bô wa. ¹⁵ Sô omé é siê ba wanga kué ra ané zurê ma Jizu só zió netá. ¹⁶ Sô ané sefi zurê komesa ka tua konta Jizu, Punda ê tá ka zi ané kua ê ni sábaru. ¹⁷ Sô Jizu fará ané: Tata hun ka taba atê ayê an turu ka taba: ¹⁸ Punda kua ê ané zuré ta ka ngóló maté masi, na punda Ê kébia sábaru, wa, mazi, punda Ê sama Desu plopí Tata rê to zi mora Desu. ¹⁹ Jizu kundji ané: Ndá fará sê veré ma mosu na ka pô zi kua rê só wa, mazi kua ma ê ka bê Tata rê ka zi; Punda kua ma Tata ka zi, só na ka zi. ²⁰ Punda Tata ka ngogô ku ná yê ka musé turu kua má Êlê mé ka zi, Yé ka musa kua mazi rokê Yé ma sê ka babaka. ²¹ Punda mora ma Tata ka kora motxi só ré vira, ná turu ka ra nkênu ma Ê mesê. ²² Punda Tata na ku zi zugamentú né wa nkênu wa, mazi Ê ka ku sitxi Mosu rê zi zugamentu. ²³ Pá turu nkênu ka ngogô ku Mosu mora ma a ka ngogô ku Tata. Nkênu si ka na ngogô Mosu wa na ka ngogô ku Tata ku mandé wa. ²⁴ Kua ngá fara sê veré veré ma nkênu si ku ka ndê lumba hun ku ka kêlê ni Isi ku manda Hun ka tê vira atê atê i ana ka maté wa magi ê pasá di motxi ba virá. ²⁵ Kua ngá fa sê veré veré ma ê ka bia rá tempu yê vitxa za ma motxi ka bi ndê vesu na Desu, só nkênu ku ka ndê, ka veviá. ²⁶ Punda mora má, Tata tê vira né mé, mora é mé, Ê ka kusintxi ná sa ku virá né mé; ²⁷ Sô Tata da Nã pôrê di zi zugamentu Ê sa Nã omé. ²⁸ Ná babaka ku kua é wa, punda ê seka ndu tempu ma nkênu si ku sá tumba ka bi ndê vosu Rê sô ané ka siê. ²⁹ Ku zi buaru ka korá rá virá ku zi mali ka kora da zugamentu. ³⁰ Na ka pôi zi né uã kua ku fosá Hun só wa. Mora ngá ndé ngá zi zugamentu Hun sá zustu pan dá na sê ngóló zi vonté Hun wa, mazi vonté nkênu si ku manda Hun. ³¹ Si Hun ka fá zi mora wa, ku vonté Hun tá ê ná sá veré wa. ³² Ê tê wa Otô ku ka fá di An só nta ma Ê ka fá veré Hun. ³³ Sê manda ná lekaru ba lelê Zon yê fá veré. ³⁴ Sô kua ma ndé ná sá di omé wa. Ngá fá kua é fá sê sá savu. ³⁵ Zon tá wa lampará ku ra ka yerê sô ta ka luzi txó tempu sô sê ta ku ngôsô ku kandja rê. ³⁶ Ku turu ká má ntê sá masi ngai dôkê di Zon, punda suvisu, ma Tata dá Hun pa unzi sa suvisu é mé ma nga zi, ané ka fá di hun ma Tata mandá hun. ³⁷ Plópi Tata ku manda hun, fá ni an. Nuka sê ndê vosu rê nê pa sê bê mora rê wa. ³⁸ Yê sê na sa ku lumbaré ni sê wa, punda sê na kêlê ni Ngué si ma Ê mandá wa. ³⁹ Zi zamé kua ku sa sisikaru punda si sê kêlê sê ka tê vira nê atê atê, só kua si ku sa sisikaru é ka fá di lixipêtu hun. ⁴⁰ Mazi sê na mesê bi lelê hun pá sê ra tê vira wa. ⁴¹ Na ka tua gloia omé wa. ⁴² Mazi hun ta ma létu sê na tê amolê Desu wa. ⁴³ Hun bi ni nomi Tata Hun y ré na tua hun wa; Si kuakuali otô ka bi ni plópi nomi rê, sê ka tué. ⁴⁴ Ma sê ka pô kêlê sê kua ka tua ngloia di uã ku ôtlô, mazi sê na ka tua ngloia ku ka bi ni Desu wa? ⁴⁵ Sê na ka pensa mó nga biri sê ni wê Tata wa. Nkênu ku ka biri sê sa Muzé, ma sê seka wara. ⁴⁶ Si sê ka kêlê ni Muzé; sê ka kêlê ni An, punda ê fa ni lixipetu hun. ⁴⁷ Sô si sê na kêlê ni kua ma ê sisika wa ma sê ka kêlê ni lumba Hun?

Chapter 6

¹ Sô turu wê ê, Jizu bá otô kiba mionga di Galileia, ê ka tô samá mionga dê Tiberiades. ² Kô póvó ku tá ndá ku ê punda ané ku tava duetxi. ³ Jizu subi ni mema mundu i whã ê tasu ku ané manhêlu ré. ⁴ Pascua, fesa ané suré, tava pétu. ⁵ Olá Jizú piá ê bé wa mémé póvó ku táva bi ni direson Rê, ê fá Filipi: Andji non ka complá pón da ané ngê mé? ⁶ Jizu fa kuê pê papa Filipi, punda elê ta kua zá mé mesê kazi. ⁷ Filipi kundji Elê: dusentú denariu di Pón ê na ká xiga whã da cara ngê tua peru

meru xô.⁸ wa maiêlu ané, Adré, lumon di Simon peru fada Jizú:⁹ Intê ingê whã mósú ku tê ta mon pón di sevara ku dossú kikê, mazi kua sá turu kuê da Iô ngê?¹⁰ Jizú kudji: Zi ané pówó tanson. tava iô glama ni liguê Iã. Anton ané ómé tason whã numeru de tanu milhon.¹¹ Anton Jizu tua pón, zô ê da glasa, Ê da ané ngê ku tava tasoru moremê ele zi ku ané kikê turu kua kiê tava mêsê.¹² Olá kua pówó xiá Jizu fá ané maiêlu rê: Tu koiê inê djinki ku fika pá niwã kua danawa.¹³ Anton ané maiêlu rê koiê xiá ku ané da dossú songué ku ané djingui di ta non pon di sevará, des' s ni ku ané ngê ku tá meru.¹⁴ Zó ané xi ku bê xinali ku Jizu zi fa: ê xiê ku sá véré, profeta ku tosá bi mundu.¹⁵ Anton Jizu tendê kua sá ngê i morá ma ané mêsê tuê ku fasa pa ané zi Êle alê elê só tó si ê banda mundu.¹⁶ Olá nsuku xiga, ané maiêlo rê tu ka ndá bá mionga.¹⁷ Ané letxá ni whã vapô, bê ni ôto patxi di mionga di Carfarnaum. Ê tava Kulú ni olá ê, Jizu inga na táva ku ané wa.¹⁸ Sô mionga tava ka bulê ku fotxi ventu ku tava ka sopla,¹⁹ Antô, sô ané maiêlo rê lema whã kuiné kuin tanó ô makeri estadio ané bê Jizu ka bi liba mionga, ê tava ka bi petu vapô; ané fika ku mendu.²⁰ Magi Jizu fá ané: Ê sá Hun, na mendu wa.²¹ Antô, Ané, maiêlo pê Jizu ni vapô ku vonté; Sô Ané bá otô tia ku Jizu.²² Ni otô djá, yô nkênu ku táva otô kiba mionga, ku pía kuma niunhã vapô táva nhã, unhã vapô sô táva xigaru, ané maiêlo Jizu táva letú rê; mazi Jizu na tava letú rê ku ané wa; mazi ané maiêlo sô ku táva letu vapô.²³ (Sô yô vapô bi di Tibérias, petú ni lugué ané kumê pon, olá Sumu tê dá glasa.)²⁴ Olá má ané nkênu bê kuma Jizu ná táva ni lugué rê ku ané maiêlo, antô ané nkênu tembété letá vapô, bá Cafarnaum ngóló Jizu.²⁵ Olá ané nkênu bê Jizu ni otô kiba di mionga, ané fê: "Metê, kuma ô xiga ingué?"²⁶ Jizu kundji ané, ê fá: Véré mé, véré mé sê sá ngóló Hun, na sá punda ma sê bê xinali, mazi punda ané kumê pon, sô ané xiá.²⁷ Ané tê ku taba na sa dá kumê ku ka lokê wa, mazi dá kumê ku ka fika da virá, mora ma Ná Omê ka dá sê; punda salumbue, Tata selá Ná rê.²⁸ Antô ané fá Jizu: "kua má non ka zi pá non fé suvissu Salumbu?"²⁹ Jizu kundji ané: "Kua xiê sá suvissu Salumbu: Se te ku kelê ni Nguê ma Elê mandá".³⁰ Antô, ané fá Ê: "Kuali xinali bô ka dhi, pan non bê, pan non kélê ni Ô? Kua mô ka zi?"³¹ Ané Tata non kumê maná ni disertu, mora ê sa xicritu: "Ê da ané pa kumê pon di oncé".³² Antô, Jizu fa ané: Veré mé, veré mé, ngá fa sê kuma Moises na dá sê kumê pon di oncé wa, magi ê sá Tata.³³ Un ku pon Salumbu ku dêsê di oncé ê ka dá vira da mundu.³⁴ Antô ané fa Jizu: "Sumê, dá non Pon xiê simplé".³⁵ Jizu fá ané: "Hun sá pon di Vira, nguê xi ki ka bi haun, ê na ka tô té seré wa."³⁶ Magi veré, Hun ga fa sê ki sê bê haun, axemê sê na kélê wa.³⁷ Turu nguê ki Tata da Hun ê ka bi da Hun, nguê xi ki bi da Hun, Hun na ka kólê kuê wa.³⁸ Punda Hun bi d'océ, na sá pan zi vonté Hun wa, magi ê sá vonté di nguê ki manda Hun.³⁹ Ê iê sá vonté di nguê Xiê ki manda Hun, má Hun na mêsê pendê niwhã di turu nkênu ki Ê dá Hun wa magi pá ressucita ané ni utimu ria".⁴⁰ Punda iê ê sa vonté di Tata hun ki turu nguê ki ka bê Ná kélê Nê, ê ka tê vira etênu, Hun ka ressucité ni utimu ria.⁴¹ Antô ané Zuré murmurá rê, punda Ê fá: Hun sá Pon ki turu letu d'océ.⁴² Ané fá: Iê ná sá Jizu, na José, ki tata ê Máma rê non consê? Kuma, antô kuê fá: Hun dêsê d'océ?⁴³ Jizu kundji ané: Ná murmurá ni omê.⁴⁴ Nihwã omê ka bi Aum, xi Tata ki manda Tu ka bi kuê ná, Aum ká resucité ni utimú ria.⁴⁵ Ê sá scritu ni ané profeta: "Turu ané ka sá xinadu da Salunda. Turu ki tê oria tê xinaru di Tata ka bi Aum".⁴⁶ Na sá punda nkênu tê bê Salumbu, Tiaru nguê ki tuca dê Salumbu; Ixiê ê bê Tata.⁴⁷ Veré mé, Veré mé, nga fa sé ki nguê ki ka kélê katé virá etená.⁴⁸ Aum sá pon di Vira.⁴⁹ Tata sê kumê maná ni ngá kutaru, ané muê lokê.⁵⁰ Iê sá pon ku tu ka di Ôcé, dá nguê xi ki ka mé ê na ka muê wa.⁵¹ Aum sá pon vivu ki tu ka di ôcé. Xi wa nguê mé pon xiê, ê na muê wa. Pon xi má ngá dá sê ê sá Onge Un dá vira ni mundu.⁵² Ané Judê ta ki leba, ané komesa ka punté, fa xi: "Kuma Iê ka pô da non Onguê ré pa mé?"⁵³ Jizu, antô, fá ané: " Veré mé, Veré mé, nga fa sê ma xi sê mê Onguê di na omé; ê bêbê sangui Rê; na ká tê vira ni sê mêwa."⁵⁴ Nguê ka kumê onguê Un, bêbê sangui, Un ê ka tê virá etena. Aun ka ressucité ni utimu ria.⁵⁵ Punda onguê Un ê sá veré kumê, ê sangui Un ê sá veré bebirá.⁵⁶ Nguê kika mé onguê Un e bebé sangui Un ê ka fica ni Aun, Aun ré.⁵⁷ Mora kuma Tata ki ka vivê manda Aun, mora kuma Aun ka Vivê punda Tata nguê ka me na, Un ka tô vivê da Un.⁵⁸ Iê sá pon ki tuka dê ôcé, ê na sá morá Tata sé ki me, ê muê wa. Nguê ki ka me Pon Iê ka vivê pra simplé,⁵⁹ Jizu fá iné kuê ni sinagoga, Olá ê tá ka xiná ni cafarnaum.⁶⁰ Antô, iô ané maiêlu Rê olá ané di kuê, fá: "Dizu sá, limba ê; nguê ka poi ndê elá?".⁶¹ Magi Jizu, ta ka kuê punda elê mé ku incê maiêlu Rê tava ka murmurá di kuê, ê fa iné: "Sê sa xinte mali ki kuê?"⁶² Ê xi sê ca bê na Omê ka subi ni lugué, ma Elê, tava né?⁶³ Ê sa Supitu ki ka da virá. Ê onguê na ka zi niwã ku wa. Ané lumba na Un fa sê ê sa Supitu ku vira.⁶⁴ Ê tê txo nkênu sê ki na ka kélê wa. Punda Jizu ta xiná nana nguê ki na kélê ê nkênu ki mesê, zi Êlê mali.⁶⁵ Ê fá: Ê sá kua manda má Un fa sê kuma niwã nkênu ka poi bi ra Un, a menu ki nua Xiê ka sa ziru ri Tata Un.⁶⁶ Zô kua xiê, yô maiêlu Rê bené, ané ná ta ndá ku Ê maxi wá.⁶⁷ Jizu, antô, fadá ané kuindôku: Sê na mêsê bi sê té wá?⁶⁸ Si mó peru kundji Ê: Sumu dá andji non ka né? Bô tê lumba kua ká rá virá etena;⁶⁹ Non kélê non ta má bô sá Santu di Salumbu".⁷⁰ Jizu kundji: Aun ná koiê sê, ané kuindoku? Ku turu, wa sê sa wa demoró.⁷¹ Ê tá ka fá di Zuda, di Simon Iscarioti, punda sá ê, wa kundoko, nguê ki mesê zi Ê mali.

Chapter 7

¹ Zó turu kuê, Jizu zi viaji Galilea, Punda Ê na ta mesê nda ba zurê wha punda ane ta ka mesê maté.² Tesa ngêza ane zurê ta ka vitxa.³ Antô ane ná amon Rê faré: "Desa nga é, sô ba Jure, axié ane melu ô ka bê kua ma bô sê ka zi,⁴ punda né whã ngê na ka zi kua kondêru ola ê mesê pa turu ngê té. Xi bô ka zi ane kuê, musa turu tia"⁵ Punda né plopí ane ná amo rê na kélê né wha.⁶ Zó Jizu fa: "Tempu un na xiga wha, magi tempu se sempe sa ku sê."⁷ Mundu na ka pô kontê sê wha, mazi ane ka kontê un, punda nga fa ma suvisu ane sa mali.⁸ Sê ka banda ba fesa. Na ka banda wha punda tempu Un na si kumpi wha.⁹ Zó ola Ê fa ane kua é, Ê ta Galilea.¹⁰ Sô, ola ane na amon Rê banda ba fesa Êlê turu banda, Konderu, madji sê pa ta.¹¹ Ane zurê ta ka ngoloê létu fesa, ka fa: Êlê ô!"¹² Katxi yô ngê ta ku yô fa Né. Ôto ta ka fa: ynga, Ê ka siriga ra yô nkênu.¹³ Axíé mé, né whã nkênu na ta fa ne biriru wha, punda mendu ane zurê.¹⁴ Ola fesa ta katxi katxi, Jizu ba nda ba

ngêza sô komesa sina.¹⁵ Sô ane zurê ta babaka, ka fa: Ma omé ta yô kua sê pa siné!¹⁶ Jizu kundji ane: kua ma nsina na sa riun wha, mazgi ri Nkênu si ku manda Un.¹⁷ Si nkênu mesê zi vonté Rê ê ka ta kua mê ka sina, si kua é ka bi dy Dêsu, ô si nga fa ri un mé.¹⁸ nkênu si ki ka fa rê mé ka ngolo pa ngabi, mazi nkênu si ku ka ngolo pan an ngaba ixi ku mande é sa vere sô é na tê siriga né wha.¹⁹ Ê sa Muzé ku da sê Alê wha! Asié mé, né whã sê na ka zié wha. Ra kuai ma sê ka ngolo mata un!²⁰ Ane povô kundji: Bô tê whã demono. Ngê sêka ngolo mata Ô!²¹ Jizu kundji sô fa ane: " Un zi whã suvisu ma turu sê babaka ku kua é.²² Muzé kapa se- na punda kué na biri Muzé wha, mazi ri ane ngê nakulu. - sô ni sabaru ane ta ka kapa whã omé." ²³ Si a kapa whã omé sabaru, pa Alê Muzé na kebia wha, ra kuai ma sê leva punda nga kula whã ome sabaru!²⁴ Na zuga ku kua ma sê ka bê wha, magi zuga kua veré!²⁵ Whã whã nkênu Jeruzalê ta ka fa: " Ê na sa ngê é ma ane ta ka ngolo mata wha!²⁶ Pia Ê sê ka fa biriru sô né whã kua a na faré wha. Pa ane soré ta ma Ê sa Kistu vere!²⁷ Non ta nga ma Ê sa, mazi ola Kistu ka bi sê ka ta nga ma Ê sa." ²⁸ Antó, Jizu lata vozu lêtú Ngêza, ka sina ka fa: Sê ta Un sô tô ta ma Nsa, Na ka bi ri Un mé wha mazi nkênu ku manda Un sa véré, sô sê na té wha.²⁹ Ntê punda nga bi Rê sô Ê manda Un.³⁰ Sô ane ngolo, Pê pezu, mazi né whã nkênu na pê mon né whã punda ola Rê na ta vitxa wha.³¹ Asié mé yô nkênu kêlê Né. Ane ta ka fa: Ola Kistu ka bi, Ê ka zi masi, sinali rôkê saserotxi é,³² sô ane fasu mesé manda ane soré Pê pezu.³³ Sô Jizu fa ane: Un sa ku sê txo anda, sô nga ba lêlê Nkênu si ku manda Un.³⁴ Sê ka ngolo Un mazi sê na ka bê Un wha. Sô nga ma nga bé sê na ka poy bé wha!³⁵ Punda kua é, ane zurê ta ka fa katxi ane: Andji ome é ka bé ma non na sa kapazi Bê wha! Ê ka ba londji ane gêgu pa Ê sina ane!³⁶ Kuai ma lumba é ka sa ma Ê fa: Sê ka ngolo Un sô sê na ka bê Un wha, nga ma Un sê ka bé, sê na ka poi bé wha.³⁷ Ê ndu utimu ria, ria fesa ngay, Jizu lata ngita fa ane: Si nkênu tê sêri bi lêlê Un bi bêbê.³⁸ Nkênu si ku kêlê ni An, mora ma é sa sisikaru ma ôyô aua vivu ka kolê lêtú rê.³⁹ Ê fa kua é ri Supitu ma ane ku kêlê né ta ri tua: Punda A na da ra ane supitu é wha. Punda Jizu na ta ka sa golifikaru anda wha.⁴⁰ Whã dosu nkênu katxi yô ane, ola ane ndê lumba é, ane fa: " Yé sa pofeta veré." ⁴¹ Ôtô ane fa: " Yé sa Kistu." Mazi whã dosu ane fa: " Kistu ka pô by ry Galileia!⁴² Sikitura na ka fa ma Kistu ka bi ri gelason David, ku sa ri Belé, nga ma David ka sa né a!" ⁴³ Sô ane komesa whã divizon katxi ane povô punda Êlê.⁴⁴ Whã dosu katxi ane ta ka mesê Pê pezu sô né whã ngê na pê mon né wha.⁴⁵ Sô ane sefi soré bi atê ane sefi saserotxi ku ane fasu, sô ane puta ane: " Ra kuay ma sê na bi kuê wha!" ⁴⁶ A sefi soré kundji. Né whã ngê na ka pô fa mora Rê wha.⁴⁷ Ra kua é ane fasu kundji ane: " Sê turu a ngana!" ⁴⁸ Nkênu katxi sefi ô whã dosu ane fasu kêlê Né!⁴⁹ Mazi povô ku na ta alê wha, sa maditu".⁵⁰ Nikorêmu, whã ane fasu ku ta bê Jizu antizi, fa ane: ⁵¹ Alê non ka zuga whã omé sê ndê pumbêlu ô ta kua ma é ka zi!⁵² Ane kundji: Bô té sa galileu! Ngolo sô ka pia ma né whã pofeta a na lata Galileia wha.⁵³ Sô ane tô bê ane kay ane turu.

Chapter 8

¹ Jizu ba uê ba de Oliveras. ² Ni pomonha seru, to ba ngueza dingui, so turu nguê bi posé, Ê tasso so komessa ka xina ane. ³ Ene eskriba ku fariseu bi ku wa mengai teru ni adulterio a pé kathi turu turu nguê. ⁴ So ané faré: Messé mengai xiê foi teru ni momento é kazi adulterio. ⁵ Ni alé de Moseji ka manda mora mengaié kasa daru ki burru, Bo kua, mo kapo fa. ⁶ Ené ta fa kuê pa teste Ê fa ene ngolo kualku kua pa kuzi maji Jizu, veguia Re, komesa ka sikeve ni son ku dedo. ⁷ Mora ene ta ka punta sa, Ê lanta re fa ane: Nguê ki na te pekaru ka sa pimbelo pa mendé wa buru. ⁸ Antó vevia Re dingi so tobila ka sikeve ni son ku dedo Re. ⁹ Ola ané ndé kuê xiê wá pa wâ komesa di maxi vé, só Jizu foi dessaro so ku mengai ta fika ni kathi. ¹⁰ Jizu latanja so fa ré: Mengai, ene kuzano andji ene sané. Neunha na kodena-owã. ¹¹ Ê Kundji: Neunha, Sumu. Jizu fa: Aun te na ka kondenaoua. Be so, aparti di aié, na tó peka ningui wa. Ane maxi nakulu na ka fa di zon. ¹² Moraéme Jizu fa ené: Aun sa kanja de mundu. Nkenu ku ka leleun na ka nda ni kulu wa, maji ka te kandja de vira. ¹³ Ene farizeufa Ré: Bo ka ra sestemunho de bo me, so sestemunho o na sa vere wa. ¹⁴ Jizu kundji ene fa: Anda ma Un ka da sestemunha di Aum me, sestemunho sa veré. An ta nga ma un fo so nga man nga bé, maji sé na ta andji Aun fo ne wa só ne andji ma nga bé. ¹⁵ Se kazi zugamento, segundo vonte de omé, Aun ka zuga neunha ngue wa. ¹⁶ Xiaun ka zuga, zugamento un sanvere, punda Aun na sa só ua, maji Aun sa ki Pai ki manda Un. ¹⁷ Ni alé se sa sisikaru ma sestemunha di dousou omé sa veré. ¹⁸ Aun da sestemunho di Aun Mé so Pai ki manda un ka da sestemunho di Aun. ¹⁹ Ané fa: Andji Pai ô sa. Jizu kundji ené. Sé na konse unwa, né Pai Um, xe se ka konse um, seka ta nge sa Pai um. ²⁰ Ê fa lumba é zunto di kaixa de oferenda, ola é ta ka ina ni ngueza, so neunha ngue na manhena punda hola ré na ta xigarú anda wa. ²¹ E to fa ané oto ve: Nga beum, se ka ngolo un maji se ka muê ni pekaru sé. Andji nga bé se na ka bé na. ²² So ene zuré fa: E ka mata vira ré ta. Pundeé fa: Punda nga ngabé, se na ka po be ua. ²³ Ê fa ané: Se sa di ingue kossi, Aun sa di diba Nha. Sé sa di mundo xiê, Aun na sa di mundu é wa. Punda kue Aun fa se ma ka mue ni pekaru sé. ²⁴ Punda xe se na kele di kua man sa ua, se ka muê ni pekaru sé. Punda xi sê na kêlê di kua man sa ua, sê ka muê ni pekaru sé. ²⁵ Anto ane fa Ré: Nguê sa Ô! Jizu kundji ane: kua ma Un ta fa sê na komesu. ²⁶ Aun tê sô kua pan fa y pan zuga ni aserka di sê. Da kua é, Ngê ki manda Un sa veré, sô kua Rê ma un ndê, ené kuê nga fa mundu êlê. ²⁷ Ane na intende wha ma Ê ta ka fa de Pai. ²⁸ Jizu fa an: Aié: Ola Ná dy ome ka ta lataru, anto sê ka ta kua maun sa, sô ne whã kua na ka zi di Un mé wha, maji nga fa mora Pai un xina un. ²⁹ Sô ngê manda un sa ki un, i Ê na ka desa Un sô wha, punda Aun ka zi kua ma é ka gogo kuê. ³⁰ Ola Jizu ta fa ane kuê é, sô ngê kelê Né. ³¹ Jizu ta fa ane Zurê ki ta kelê Né: xi sê finga ni lumba Un, sê ka sa veremé maiêlu Un. ³² Sê ka konsê veré, sô veremé ka liberta sê. ³³ Ané kundji: Non sa gerson di Abron, nansé non foi skravu di né whã ngê, ma ô ka pô fa: sê ka sa libertu!. ³⁴ Jizu kundji ené: Ni Veré, Ni Veré, Nga fa sê ma ngê ka zi pekaru sa skravu dy pekaru. ³⁵ Sô skravu na ka fika ni kai pla sempli wha, maji na ka fika pla semplé. ³⁶ Aié, xi Na libeta sê, veremé sê ka sa livri. ³⁷ Aun ta ma sê sa gerson di Abron, sê sa ngolo mata Un punda lumba un na bê lugê ni sê wha. ³⁸ Aun nga fa kua man bé dy Pai Un, sô sê ka zi kua ma sê ndê di pai sê. ³⁹

Ené kundji: Pai non sa Abron. Jizu fa ane: xi sê ka sa na di Abron, sê ka zi suvisu de Abron. ⁴⁰ Morée sê sa ngolo mata un, ma tẽ tanga sê veré ma ndê di Dêssu, maji Abron na zi kuê ua. ⁴¹ Sê sa zi suvisu di Pai sê! Ené fa: Non na nansê di prostituison wha, non tẽ whã Pai, Dêssu. ⁴² Jizu fa: xi Dêssu ka sa Pai sê, sê ka ama Un, punda an bi di Dêssu, An sa ingê, punda na bi punda un ngê wha, maji Ê manda un. ⁴³ Punda kaui sê na ka intendê lumba un wha! Sa punda sê sa inkapaji di komprendê lumba un. ⁴⁴ Sê sa di pai sê, djabo, se mesê dji vonté pai sê. Ê ta ka mata ngê djina komesu, sô ê na finga ni veré wha, punda veré na sa né wha. Ola ê fa fa whã siriga, ka fa di kua kabi di kosó rê, punda ê sa sirigarô sô pai di siriga. ⁴⁵ Mazi, punda An ka fa veré, sê na ka kêlê ni Un wha. ⁴⁶ Nguei katxi sê kapoi kuza un di whã pekaru! Sy nga fa veré, punda sê na ka kêlê ni Un wha! ⁴⁷ Ngê ku sa di Dêssu ka ndê lumba rê, punda kuê sê na ndê wha, punda sê na sa di Dêssu wha. ⁴⁸ Êne zurê kundjié: Ra kuê non na tẽ lazoni di nó fa ma Bô sa samritnu ma ô tẽ demono. ⁴⁹ Jizu kundji ane: An na tẽ demono wha, maji An nga respeita Pai un, sê ka disrespeita Un. ⁵⁰ Na ka tua goia plop di Un wha, ê tẽ nguê ka ngolé ka zuguê. ⁵¹ Ni veré, ni veré nga fa sê ma, sê nguê ka lokê lumba un, ê na ka tô bẽ motxi wha. ⁵² Ane zurê fa ré: Aié na ta ma ô tẽ mona. Abron ku ane profeta muê, maji Bô ka fa: Sê nguê lokê lumba Un, na ka tô bẽ motxi wha. ⁵³ Ra kuê, Bô sa maxi tamé ki pai non Abron ki muê! Ené profeta muê. Kua ô mesê sa! ⁵⁴ Jizu kundji ene: si An gorifika an Mé, goia un na ka sa neunha kuaua, sa Pai un sô ka gorifika un, Nguei ixé ma sê ka fa Dêssu sê. ⁵⁵ Sê na konsê wha, nga sa sirigarô mora sê. Ni moraé, An konsê, nga lokê lumba Rê. ⁵⁶ Pai sê Abron ta ki gostô ola ê bẽ ria un, y ê bẽ sô ta alegri. ⁵⁷ Ane zurê fa: Bô na tẽ né xiguenta anu di idaji wha, bô bẽ Abron! ⁵⁸ Jizu kundji ane: Ni veré, ni veré, nga fa sê ki atinji ma Abron ta plasê, An sa. ⁵⁹ Anton, an tua buru pa ndê kuê, maji Jizu konderé sô sié ni ngeza.

Chapter 9

¹ Jizu oló Mẽ tia ka passa, ê bẽ un-ua omé sego ndjina ê nansê. ² Ané nkenu-Rê puté: Rabi, nguê peka pa omé-é nansê sego! Êle ô pairê kuê! ³ Jizu kundji: Né êlê né pai-re-kuê peka, magi ê sa pa obra Sun sa biriru né. ⁴ Nó sa pa no zi obra de Nguê mandê-Ê, mẽ sa pomonha anda. Suku sa vitha, ma né-un-ua nguê na pô taba wa. ⁵ Ma Un sa mundo, An sa kandja de mundo. ⁶ Oló ma Jizu fa ane kuê, zuga kupe pe só, zi un-ua lama ki kupi Rê, onté wê de omé é ki lama-é. ⁷ Jizu fé: Bé, laba wê ni tanki de siloé ki signifika mandaru. Antobomé bé, laba e bila ka bẽ. ⁸ Antó, vidja de omé-é nana-na mora pindjirô fa: Na ié ki sa kustumaru ka tasso ka pindji gimola! ⁹ Oto fa: Êlê mé. Ôtô ka fa: Ino, magi ê sa mora rê. Magi, ê fa: An un mé. ¹⁰ Ané fé: Magi, ma wê ô biri! ¹¹ Ê kundji: Omé ki ka sama Jizu zi un-ua lama e onta pê wê un, sô, fa un: Be laba ni siloé. Antó an bé, laba e an bila ka bẽ. ¹² Ané fé: Êlê-Ô! Ê kundji: An na ta wa. ¹³ Ané bi ki omé ki tia sego da farizeu. ¹⁴ Dia-é era sabaru, ôlô ma Jizu zi lama e biri-wê rê. ¹⁵ Magi farizeu tô puta dingui ma wê ô bila buaru. Ê pê un-ua lama ni wê-un, an labé, aié an sa bẽ. ¹⁶ Ané farizeu fa: Oméé na bi di Dessu wa, punda, ê na ka lokê sabaru-wa. Ôtô fa: Ma nguê ka pô zi ané sinali-é sa pekarô! E ané pathi ané ki ané. ¹⁷ Antó, ané puta sego dingue: kua ô ka fa de Nguê ki biri-ô wê! Ségo-é fa: Ê sa profeta. ¹⁸ Ni momentu-é, judeu na kêlê anda mẽ tia sêgo e mẽ tia tuaru wê até ma sama táta de omé ki passa ka bẽ. ¹⁹ Ané puta táta rê. Ié sa ná sê ki nansê ségo! Má ê ka pô bẽ aié! ²⁰ Táta rê kuê kundji ané: Nó ta ma ié sa ná nó, e ki nansê ségo. ²¹ Ma ê ka bẽ aié nó na taua. Puté. Ê sa omé tamé e ê ka pô kundji da êlê mé. ²² Táta rê kuê fa kuê punda ané tia ki mendu de judeu, punda ié tia assêtaru ki kualikuali un-ua ki fa Jizu mora Kristo tó ka sa thiari di sinagoga. ²³ Punda kuê táta ô kuê fa: Ê sa omé tamé, pa puté. ²⁴ Segunda vezi dingui, ané sama omé ki tia ségo e fé: Da gloria Dêssu! Nó ta ma Omé-é sa pekarô. ²⁵ Antó omé-é kundji: Si Ê sa pekarô ô inó, an na tawa. Un-ua kua un ta: an tia s[ego e aié an sa bẽ. ²⁶ Antó ané fé: Kua Ê zi da ô! Ma Ê biri ô wê! ²⁷ Ê kundji: An fa sê za, e sê ná ndê un-ua! Punda kuai sê mẽ sê ndê dingui! Punda sê mẽ sê zé nkenu sê! ²⁸ Ané keta-kuê fé: Bô sa nkenu Rê, nó sa nkenu de Moizé. ²⁹ Nó ta ma Dêssu fa da Moizé, magi Omé nó na ta luguê mẽ bi né wa. ³⁰ Omé-é kundji ané, fa: Ié sa kua buaru! Sê na ta luguê Rê wa, e axême Ê biri wê. ³¹ Nó ta ma Dêssu na ka ndê pekarô wa, magi se nguê ka ado-Ré e zi vonté Rê, Dêssu ka ndê. ³² Ndjina komessu de mundu, a na xi ndê ma né un-ua nguê biri wê de un-ua omé ki nansê ségo. ³³ Si omé na ka sa mandaru de Dêssu wa, Ê na ka zi né-un-ua kua wa. ³⁴ Ané kundjé e fé: Bô nansê pekaru, e aié bô sa sina nó! Antó ané kolê-kuê. ³⁵ Jizu ndê ma ané kolê-kuê de sinagoga. Ê bẽ e fé: Bô ka kêlê de ná Omé! ³⁶ Ê kundji fa: Nguê sa ié, Sun, pa un kêlê Né! ³⁷ Jizu fé: Bô bẽ ja, e Ê sa ixi ki sa fa kiô. ³⁸ Omé-é fa: Sun, an nga kêlê. Antó, ê ado-Ré. ³⁹ Jizu fa: An bi da jugamento de tíe, pa nguê ki na ka bẽua ka bẽ, e nguê ki ka bẽ ka bila ségo. ⁴⁰ Ané farizeu ki tia nha, Ndê ka fa ané kuê, e puté: Nó també sa ségo! ⁴¹ Jizu fa ané: se sê ka sa ségo sê na ka tẽ pekaru wa. Magi, ma sê ka fa: Nó bẽ, anto pekaru sê ka kontinua.

Chapter 10

¹ Ver[e, veré, nga fa sê kuma nguê ki na letxa potó de aprisko, magi ka bi de ôtô mondja, ié sa ladró e ka futa. ² Isi ki ka letxa potó ié sa patoru de ovelha. ³ Pa êlê, putêru ka biri, ovelha ka ndê vóji rê, ê ka sama ovelha rê de nome, e ka bé ki ané lua. ⁴ Olá ma ê zé turu ovelha, ê ba wê ané, e ovelha lêlê, punda konsê voji rê. ⁵ Ané na ka lêlê nguê ma ané na konsê wa: magi punda kuê, ka ba evité, punda ané na konsê voji de ôtô nguê wa. ⁶ Jizu fa ané vessu magi ané na ndê kua mẽ tia ka fa wa. ⁷ Antó, ê tô fa dingui: Veré, veré, nga fa sê: Ân sa poto de ovelha. ⁸ Turu nguê ki bi sô Ân sa ladró e ka futa, magi ovelha na ka ndê ané wa. ⁹ Ân sa poto. Se nguê letxa Un, ka sa salvo, ka letxa, siê e ka bẽ pastegem. ¹⁰ Ladró na ka bi si ê na sa futa, mata e dana. Ân bi pa sê tẽ vira e tẽ motxi. ¹¹ Ân sa pastoru Buaru. Pastoru buaru ka da vira rê da ovelha. ¹² Nguê ka zi kua da lelú e na patoru wa, ma ovelha na sa de rê-wa, ma ê ka bẽ lobo ka sa bi, ê ka dessa ané koleberê. E lobo ka arebata e wanga ané. ¹³ Ê ka kolêbêrê, punda ê sa nguê ki ka kua da lelú e ê na ka liga ovelha-wa. ¹⁴ Ân sa Pastoru Buaru e konsê ovelha Un, e ané té konsê Un. ¹⁵ Táta konsê Un, Ân konsê Táta, nga da vira Un da ovelha. ¹⁶ Ân tẽ ôtô ovelha ki na sa

de aprisko-é wa. Ané-é, an toka bikuê també, e ané ka ndê voji Un, pê tê un-ua rebanho sô e un-ua pastoru sô. ¹⁷ Punda kuê, Táta ka gôgô ku Un: Ân nga da vira Un pa un to bê. ¹⁸ Né un-ua nguê na ka tué de Un-ua, magi Ân mé ka dé. Ân tê purê pa dé e pa tô tué dingui. Ân tua mandamentu-é de Táta. ¹⁹ Ê tô da patxi letu judeu punda ané fa-é. ²⁰ Yô ané tia ka fa: Ê tê demóno, e é sa maloko. Punda kuai sê ka Ndê! ²¹ Ôtô fa: Ané kuê na sa de nguê ki Tê demóno wa. Demóno ka poi biri-wê de un-ua ségo! ²² Antó fessa de Dedikasso, ni Jerusalem. ²³ Ê tia inverno, e Jizu nda ni templo, ni Portiko de Salomô. ²⁴ Antó, un-ua judeu vitxa petu Rê e fé: Atê kuêria ma ô ka dessa nó ki ané kuê! Si bô sa Klisto, fa nó veremé. ²⁵ Jizu kundji: Ân fa sê za, magi sê na kelewa. Kua ma Ân nga zi ni nome de Tata Unn ka dá zemplo de Un. ²⁶ Sê na ka kelê Un punda sê na sa ovelha Un wa. ²⁷ Ovelha Un ka ndê voji Un, Ân konsê ané, e ané ka lêlê Un. ²⁸ Ân nga dá ané vira atê atê, ane na ka tô moê-wa, e né un-ua nguê na ka tua ané món Un-wa. ²⁹ Tata Un, ki da Un, é sa maxi ngai turu ané, e né un-ua nguê na ka pô tué ni morê -wa. ³⁰ Ân ki Tata sa un-ua. ³¹ Sô, Judeu komessa ka tê buru dingui, pa dé kuê. ³² Jizu fa: Ân mussa sê yô kua buaru de patxi de Tata. Di kualî rê sê ka da Un ki buru! ³³ Judeu kuê kundjê: Na punda kua buaru, magi punda blasfêmia, punda Bô, sa omé, Bô ka Dessu. ³⁴ Jizu kundji ané: Ê na sissikaru ni alê sê: Ân fa: Sê sa otô dessu! ³⁵ Se Ê sama de otô dessu nguê ma fala Dessu bi da e Sissikaru na pô sa zetaru. ³⁶ Sê ka di-nguê ma Dessu santifika e manda: Ê sa blasfema, punda Ân fa: Ân sa Ná Dessu! ³⁷ Si na ka zi kua de Tata Un wa, sê na ka kêlê Un-ua. ³⁸ Punda, si nga zé, pa sê na kêlê Un, kêlê kua, magi pa sê ta e kêlê ma Tata sa ki Un e Ân té ki Rê. ³⁹ Ané tô ngolo tê dingui, magi Ê skapa de mon ané. ⁴⁰ Jizu to ba maxi londji de Jurdôn, ba lugê ma Zon tia ka butiza né, e ta nha. ⁴¹ Yô nguê bi Lêlê, e fa: Zon, veré, é na zi né un-ua sinali, magi turu kua mê tia ka fa de omé-é sa veré. ⁴² Yô nguê ingê kêlê Jizu.

Chapter 11

¹ Whã omé ma ka sama Lazu ta a duexi. Ê tá ka ta Betanha nga ma Maia ka ta né ku mana rê Mata. ² Yé sa Maia si ku tá buá opé Sun ku fu naná tô kuta-lé ku pena ntê ma na amon rê sa Lázú ku ta ka duêxi. ³ Ane na amon rê manda lekaru ra Jizu, ku ta fa: Sun, nkênu si ma bô ka gogo kuê sêka duetxi. ⁴ Ola Jizu ndê kua é, Ê kundji: Duetxi é na sa pa é muê wha, mazi é sa pa Gloia Dessu pa Ná Dessu ka sa glolifikaru katxi rê. ⁵ Jizu ta ka gogô ku Mata, ku mana rê ku Lázú. ⁶ Olá Ê ndê ma Lazu ta ka duetxi, Ê tô ta dôsú ria nga ma Ê ta né. ⁷ Ma kua-é pasa Ê fa melú rê: ban tô ba zureia. ⁸ Ane melú Rê fé: Mése, wéléwéle ma ane zurê kia ra Ô ku buru, asié mé Bô tô mesê ba nha! ⁹ Jizu kundji: Ria na tê kuine dosú ola á! Si nguê ka nda pomonha é na ka ra topi wha, punda é ka bê kandja pomonha. ¹⁰ Sô si é nda nsuku é ka ra topi punda é na tê kandja wha. ¹¹ Jizu fa ane kua é sô, ola Ê fa kua é Ê fa ané: Migu non Lazu sa sóno, mazi Nga ba koré fô sóno. ¹² Ane melú Rê fé: Sun, si é sa sono é ka bá yogó. ¹³ Jizu ta ka fa dy motxi Lazu, mazi ane ta kunda ma Jizu ta ka fa dy sono kansa. ¹⁴ Sô Jizu fa ane klálu: Lazu sa motxi. ¹⁵ Punda sê, Nga saku gostô dy na sa nha wha pa sê kêlê. Mazi ban ba lêlê. ¹⁶ Sô Tomé ma a ka sa Dídimu, fa otô melú: Ban també pa nón muê ku Jizu. ¹⁷ Olá Jizu vitxa, Ê bi ta ma Lazu ta lêtú simintéli tá ku kuana ria. ¹⁸ Betánha ta petu ku Jiruzalê, pêlu menu kuine tanón metlu londji. ¹⁹ Yô zurê ta bi ra Mata ku Maia sintximentu punda ná amon ane. ²⁰ Sô ola Mata bi ta ma Jizu ta ka bi é ba lêlê, mazi Maia fika kai. ²¹ Sô Mata, fa Jizu: Sun ka tava ynguê ná amon un na muê wha. ²² Ayé mé un ta ma kuakuali kua ma bô ka pindji Dessu Ê ka ra ô. ²³ Jizu kundji-é: Ná amon ô ka tô kora. ²⁴ Mata fa: Un ta ma é ka tô kora ria ma motxi ka tô kora ny utimu ria. ²⁵ Jizu fé: Un sa resuresón tô sa vira, nkênu si ku ka kêlê ny amu é pô muê é ka tô kora. ²⁶ Sô nkênu ku ka vevia ku ka kêlê ny aun nuka é ka muê wha, bô ka kêlê yé! ²⁷ Ê fé: Ê sa seto Sumun nga kêlê ma Bô sa Klistu, Ná Dessu ku toka bi tia. ²⁸ Ma é fa kua-é é siê ba sama Maia pataru, fa: Mése sa ynguê y é seka sama ô. ²⁹ Olá Maia ndê kuê-é, é lata séru ba Lêlê. ³⁰ Jizu nasi ta vitxa feguêja-é wha, mazi Ê tá nga ma Mata ba lêlê né. ³¹ Zurê ku ta ka ra ane sintximentu, nota ma Maia lata seru siê ane lêlê kunda ma é seka ba siminteli ba sua. ³² Sô Maia vitxa nga ma Jizu tá né ola é Bê é pê mpuna son opé Rê fa: Si Sun ka tá ynguê na amon un na ka muê wha. ³³ Ma Ê sê ka bê ka suá ma zurê ku tá ka lêlê turu, Jizu konvó ni supitu foga wha. Ma Ê ta ku muson koson. ³⁴ Ê fa ane: Andji sê pê! Ane kundji: ³⁵ Sun bi pié. Jizu sua. ³⁶ Sô ane Zurê fa katxi ane pia mora ma Ê ta ka gogô ku Lazu. ³⁷ Ôtô fa za: Ome-é ku ra segu wê na pô zi pa ome-é na ka muê wha! ³⁸ Sô Jizu konvoru foga wha bé atê siminteli. Ê ta mora whã vuvu buru ku whã buru ma pê boka póto. ³⁹ Jizu fa: txia buru! Mata mana Lazu ku ta muêru fa Jizu: Sun, é sa potóru za, punda é muê ku kuana riá. ⁴⁰ Jizu kundji: Na fa ô ma si sê kêlê, sê ka bê Gloia Dessu! ⁴¹ Sô ane txia buru. Jizu pia osé sô fa: Táta-é obligadu punda Bô ndê Un. ⁴² Un ta ma sémple Bô ka ndê un, mazi punda Yô nkênu ku sa ndjaru bóro Un ma un fa kua-é pa ane kêlê ma Bô manda Un. ⁴³ Sô ola Ê fa kua-é, Jizu nguita ku fosa: Lazu, bi lua! ⁴⁴ Motxi siê ku dosú mon ku opé buaru, ku pólo taparu ku wha panu, Jizu manda ane: dué sô desé bé. ⁴⁵ Sô yô zurê ku bi puta nova Maia bê kua ma Jizu zi, ane kêlê Né, ⁴⁶ Mazi whã dôsu ane ba lêlê fasu mése ba tanguê kua ma Jizu ta zi. ⁴⁷ Sô ane sefi nguêza na kulu ku fasu mése zunta ny Sinerdiu sô fa ane: kuai ma non ka zié! Ome sê ka zi yô sinali ku milagli. ⁴⁸ Si non desé asié yô nkênu ka kêlê Né. Sô ane nkênu loma bê tô txia nga non ku nkênu tia non. ⁴⁹ Sô whã ane, ma a ka sama Kaifa ma anu siza é tá sefi nguêza, é lumba fa ane: Sê na ta né whã kua wa. ⁵⁰ bô na sê ka ta ma whã ome tê ki muê ra povô dokê pa turu nkênu tia. ⁵¹ Ê na ta fa kua-é ré mé wha, mazi punda é sa sefi nguêza anu siza, é fa kua ku ka bi rá ma Jizu ka bi muê ra turu nkênu tia. ⁵² Sô é na sa da turu nkênu tia sô wha, mazi ra ná Dessu ku sa whāgaru pa Ê zunta ane ny whã povô sô. ⁵³ Sô, na dié ba whê, ané ngolo mora ma ane ka mata Jizu. ⁵⁴ Jizu na tô nda biriru katxi zurê wha, mazi Ê siê ba londji ny whã kiba kuaji whã nga sê newhã kua né, ny whã feguêja ma a ka sama Efrain nga ma Ê fika ki melú Rê. ⁵⁵ Pasukua ta petu, sô yô nkênu nga é ba Jiruzalê pa ane ta puru. ⁵⁶ Sô ane ta ka ngolo Jizu, sô ta ka fa ku otô lêtú nguêza: kua sê ka kunda! Sô Ê na ka bi fesa wha! ⁵⁷ Ane sefi nguêza ku ane fasu tá manda pa, si nkênu ta ngá ma Jizu sa né pa ane fé pa ane ba Tê manha.

Chapter 12

¹ Sámano ria ántiji Pásuka, Jizu bi Betanha, ngá má Lazú ta né ma Ê tá koré katxi motxi. ² Sô ynguê ane zi whã janta kuê, Mata ta ka sivi Lázu ta tasoru mesa ku Jizu. ³ Sô Maia tua whã dóma profumo ma a zi ku nardo puru karu fogáwha sô buê pê opé Jizu sô dipa opé ku pena ntê: kai sia ku vumba profumo. ⁴ Zura Iskariotxi wha mêlu ysi ku tá trai Klistu, fa: ⁵ Da kuai ma a na bendê prfumo-é tlezentu mile patxi da póbli wha! ⁶ Ê na fa kua-é é punda é tê pena pobli wha, mazi punda é tá ladlon. Ê ta ka kega saka lêlu sô é ta ka futa lêlu ma a ta ka pê né. ⁷ Jizu fá: Desé é lokê da dia ma a ka tia Un. ⁸ Sê saku pobli turu ria ku sê, mazi sê na saku An turu ria wha. ⁹ Sô yô nkênu Zurê ta ma Jizu ta nhá ane na bi sô punda Jizu mazi també pa ane pia Lazú ma Jizu tá kora katxi motxi. ¹⁰ Ane sefi nguêza na kulu ta zuntaru ka ngoló mta Lazú. ¹¹ Ê fô punda êlê ma yô zurê bagá pasa kêlê ny Jizu. ¹² Sô yô nkênu bi fesa. Olá ané ndê ma Jizu bi Jeruzalê. ¹³ Ané bi ku tangó pema, siê bi lêlê bi Fé mantxa, ka nguíta: Ozana! Fa buaru nkênu ku ka bi ny nome Sun Alê Israeli. ¹⁴ Jizu bê whã jumentinho sô subi diba rê, mora ma é sa sisikaru. ¹⁵ Na mendu wha ná Sion: Punda Alê-ô seka bi, tassoru diba ná jumentinho. ¹⁶ Ané mêlu rê na tá ta kua-é naria wha, mazi ola a bi poia, Jizu sô ane bi lembla kua ma ane kua-é ta sisikaru Ré ma asié ma ane zié. ¹⁷ Sô nkênu ku tá ku Jizu ola Ê sama Lazú fô lêtu simintéli, sô koré katxi motxi, ane fa kua-é ra otô nkênu. ¹⁸ Punda lazon-é ma yô nkênu siê bi té, punda ane ndê ma Ê ta zi sinali-é. ¹⁹ Sô ane fasu mése fa katxi ane: Sê ka pia ma sê na ka poi zi né-whã kua wha: Pia ma turu nkênu seka bé memá Rê. ²⁰ Katxi ane ku subi ba gogô ni fesa, ta nha dosu glegu. ²¹ Ane ba filipi, ku sa dy betsaida ni galileia, sô puta ane sô fa: Sun, non mészê bê Jizu " ²² Filipi bé ba fa André: André bé ku Fu" ²³ jizu kundji ane, fá: Ê chiga olá ma na omé ka sa glolifikaru. ²⁴ ngá fa se vere vere ma si unkue tiau ku ka kie son na mue wha e ka sa ele so mazi si e mue e ka ra me foga wha. ²⁵ Ngei ka gogo ku vira re ka pende: mazi nge ka pendevira re ni mundu é ka loke vira re ate. ²⁶ Si nkenu mese sivi un, ka lele un, so nga ma nga sá né nha ne kia un turu ka sa né. Si nkenu sivi un, tata un ka gogo kuê. ²⁷ Ayé é alima Un sa ku dolô. Sô kua nga fa! Tata ê livla Un ni ola-é! Mazi êlê manda ma Mbi ra ola-é. ²⁸ Tata musa porê ny nome Ô. Sô whã vozu siê fô osé sô fa: Un musa porê rê za, sô nga tô musé. ²⁹ Ola ane nkênu ku ta nha, ndê kua-é ane fa ma yé sa whã tovara. Otô fa: whã anzu sô fa ane. ³⁰ Jizu kundji sô fa: Vozu xie na bi ra vonté U wha, mazi punda sê. ³¹ Ayé sa zugamentu mundu-é sô plinsipi mundu-é a ka kolê kuê. ³² Sô ola a ka lata Un fô tia, nga saia turu sê da An-mé. ³³ Ê fa kua-é fa dy tipu motxi ma Ê ka bi muê. ³⁴ Ane nkênu kundji-é: Nón ndê ny alê ma Klistu ka tá atê atê. Ma Bô ka fa: Ma a ka bi lat Ná ome! Nguei sa Ná Ome-é! ³⁵ Sô Jizu fa ane: Whélemé ta txó sô kandja ka bi ta katxi sê. Nda punda ayé sê tê kandja, pa kulu na siê katxi sê wha. Nkênu ku ka nda kosi kulu na ta nga ma é sêka bé-wha. ³⁶ Ma sê saku kandja kêlê ny kandja, pa sê bila na kandja. Jizu fá ane kua-é sô siê sô kondê whê ane. ³⁷ Jizu pô ka ziyô sinali whê ane, ane nasi kêlê Né wha. ³⁸ Pa é kumpli lumbá plofeta Izaia ku ka fa: Sun nguei kêlê ni plegason nón! Sô nguey by fa mon Sun! ³⁹ Punda lazon-é, ane na ka pô kêlê, punda Izaia turu fa. ⁴⁰ Whê ane sega, kosón ane dizu: pa ane na bê ku whê, né na ta ku koson, sô mura pa Un kula ane. ⁴¹ Izaia fa kua-é punda é bê porê Rê tô fa Né. ⁴² Ku turu kua-é yô sefi kêlê ny Jizu, Mazi punda ane fasu Mése, ane na kusintxi kua-é wha, pa a na kolê ku ane fô sinagoga. ⁴³ Ane gôgô ku porê ku ka bi dy nkênu masi dô kê porê ki ka bi dy Dessu. ⁴⁴ Jizu nguíta sô fa: nkênu ku kêlê ny an, na kêlê ny an sô wha, mazi ny Nkênu si ku manda Un. ⁴⁵ nguê ka bê Un ka bê Nkênu ku manda Un. ⁴⁶ Un bi mundu mora kandja, dy mora ma nkênu ku kêlê ny an na ka ta kulu wha. ⁴⁷ Si nkênu ka ndê lumba Un, mazi na ka lokê wha, na ka zié zugamentu wha, punda na bi jugá mundu wha, mazi Un bi livla mundu. ⁴⁸ Nkênu ku ka zeta Un ku na ka kundji lumbá Un wha, tê nkênu ku ka zuguê. Lumbá ma Un plega yé sô ka zuguê ny útumu riá. ⁴⁹ Punda na fa ra Un mé wha: Ry otô mora, Tata ku manda Un sô fa Un kua ma nga ba fa. ⁵⁰ Un ta ma kua ma Ê ka manda Un sa vira atê atê, Sô kua ma nga fa sa kua ma Tata ka manda Un fa.

Chapter 13

¹ Ma, antinji di fessa de Passukua, Jizu ta ma dia Rê sa vitxa pê passa de tia bêrê da Tata, mê gôgô ki dirê ki tia-é, Ê gôgô ki ané atê atê. ² Ni Sêia, demóno tia pêru ni kosso de Juda Iskariote, na Simô ki ngana Jizu. ³ Jizu tia ka ta ma Tata dé turu kua ni Mó-Rê, e ma Êlê bi di Dessu, e Ê tia ka tô berê da Dessu. ⁴ Ê lata dé sêia e txia manto. Antó, Ê tua un-ua toia e buê pê katxi. ⁵ Sô, Ê бага aua pê un-ua baxá, e komessa ka laba opé de ané nkenu-Rê, e ka kuta-rê ki toia mê Ê pê katxi. ⁶ Ê vitxa pétu di Simô Peru, ki fé: Sun, Bô ka laba opé un! ⁷ Jizu kundji e fé: Kua nga zi, bô na ka té aié-wa, magi sô bô ka bi té. ⁸ Peru fé: Bô nunka ka laba un opé! Jizu kundjê: Se ân na laba ôua, bô na tê patxi ki Un-Ua. ⁹ Simô Peru fé: Sun na laba opé un sô-ua, magi mó-un e ntê-un també. ¹⁰ Jizu fé: Nguê landá-za, na pô laba si é na sa opé wa, e é sa limpo. Sê sa limpo, magi na turu sê wa. ¹¹ Punda Jizu tia ka ta nguê tia ka ba nga-Né. Punda kuê Mê fa: Na turur sê ki sa limpo wa. ¹² Sô ma Jizu lata opé ané, tua mantu, ba meza e puta ané: Sê ndê kua ma Un zi. ¹³ Sê ka sama un Mésse e Sun, e zi buaru, punda Ân sa. ¹⁴ Si Ân antó, Sun e Mésse, laba opé sê, sê també tô ka laba ôtô.

¹⁵ Punda Ân zi mora rê da sê, mora ma sê tó ka zi ma Un zi ki sê. ¹⁶ Véré, véré, Nga fa sê: na nkenu na sa maxi ngai do kê messé-rê, né nguê mandé-wa. ¹⁷ Se sê ta ané kuê, búsa sa sê si pratiké. ¹⁸ Na sa fa de turu sê wa, punda Ân ta nguê ma-Un koiê, magi Ân fa kuê pa Skritura kupli: Nguê tia ka mé mpón Un, lata kanha-re konta Un! ¹⁹ Nga fa sê kuê wó, sô pê bi da, pa ólô é ka dá, sê ka kêlê ma Un sa. ²⁰ Véré, véré, nga fa sê: nguê tua Nguê ma Un manda, é ka tua Un, e nguê tua Un, tua Nguê ki manda Un. ²¹ Mê fa ané kuê, Jizu leva ni suplito, tô fa: véré, véré, Nga fa sê dingui ma un-ua sê ka ba ngana Un. ²² Ané nkenu-Rê pia ôtô, pa ta nguê ma Ê tia ka fa. ²³ Un-ua nkenu Rê, nguê ma Jizu gôgô kuê, é tia bazaru pê pétu de Jizu. ²⁴ Simô Peru zé sinale pindjê: Puté nguê ma Ê sa fa. ²⁵ Antó nkenu-é, bazaru pê pétu de Jizu, puté: Sun nguê mê sa! ²⁶ Antó Jizu kundjê: Ê sa nguê issi ma Un nga da ndjigui mpó miaru. E mé minha ndjigui mpó, Ê da Juda, ná de Simô Iskariote. ²⁷ E olô ma é mén mpó, demóno letxié. Jizu antó fé: kua ma ô tê zi, zé seru. ²⁸ Né un-ua nguê ki tia meza na ta punda kuai Jizu

fa kué dé.²⁹ Mê sa Juda konta de bolsa de lêlú, ôto ané kunda Jizu mê sê fé: Kopa kua ma nó mæssê da fessa, ô ma êlê toka da kua da poble.³⁰ Sô ma Juda tua mpó, siê wêlê-wêlê mé e ê tia suku.³¹ Ma Juda siê, Jizu fa: Aié ná omé foi glorifikado, e Dessu foi glorifikado Né.³² Dessu glorifika Nêlé mé, e sô glorifika Né.³³ Anzo, ãn sa ki sê anda txó dia. Sê ka ngolo Un, e ma Un fa Judeu kué: Pa ondji nga bé, sê na ka pô bé wa. Aié ãn nga fa sê kué també.³⁴ Un-ua novu ordê nga da sê, ma sê ka gôgô ki ôto, mora ma Un gôgô ki sê, antó sê també tô gôgô ki ôto.³⁵ Kué turu nguê ka ta ma sê sa nkenu Un. Se sê gôgô ki ôto.³⁶ Simô Peru fé: Sun, ondji Bô sê ka bé! Jizu kundjê: Luguê ma ãn sê ka bé bô na ka pô lêlê-Un ja wa, magi sô bô ka lêlê-un.³⁷ Peru fé: Sun, punda kuai un na pô lêlê Ô wêlê-wêlê! ãn nga da vira un da Ô.³⁸ Jizu kundji: Bô ka ra vira ô da un! Véré, véré, nga fa ô ku ma galo na ka kanta atê bô ka zeta Un tæssi veze.

Chapter 14

¹ Na tubua kosso sê wha. Kêlê ni Dæssu, kêlê té ni Aun. ² Ni kai dy Pai Un té yô kai foga wha, siê na ka sa axi wha, Aun nga ta fa sê, punda nga ba prepara wã nga. ³ Sô, si An nga bé ba prepara nga ra sê, nga tô bi ôto vê, so nga tua sê ra un mé, pa nga ma nga ta né, sê ka ta né té. ⁴ Sê ta mondja man andje nga bé. ⁵ Tomé fa da Jizu: Sumuê, non na ta andji ma ô ka bé wha. Má non ka pô ta mondja! ⁶ Jizu fa ane: Aun sa Mondja, Veré, so un sa Vira, niun wha nguê na ka bi Pai, xi ê na sa punda un wha. ⁷ Sy sê ta ka konsê Un, se té ta ka konsê Pai Un, di aié ba uê sê ka konsê Ê so sê be za. ⁸ Filipi fa da Jizu: Sumuê musa non Pai, kuê ka sa dêtú da non. ⁹ Jizu fa dé: An sa iô ria é ku sê, so bô na konsê Un anda wha, Filipi! Nguê ka bê Un ka bê Pai, ma mô ka pô fa Un: Muasa non Pai! ¹⁰ Na ka kêlê ma ãn sa ny Pai, y ki Pai sa ny ãn! Lumba isi man Nga fa sê, na ka fa ny plopî purê Un wha, ni veji kua é, ê sa Pai ku sa vevia ni ãn sô kazi obla rê. ¹¹ Kêlê ni ãn, ki sa ni Pai, sô Pai sa ni ãn, sô kêlê pelumenu punda da obla é mé. ¹² Ni veré, ni veré, Nga fa sê, ki nguê ka kêlê ni ãn, turu kazi ene obla man Nga zi, so ene kazi é maxi ngairu man Un ka zi, punda ãn Nga ba lêlê Pai. ¹³ Turu kua sê ka pindji ni nomi Un, ãn nga djíé, pa ki Pai ka sa gorifikaru ni Na. ¹⁴ Xi sê ka pindji Un kulikêru kua ni nomi Un, ãn nga djíé. ¹⁵ Xi sê ka ama un, ka lokê ene mandamentu un. ¹⁶ ãn nga loga Pai, y ê ka da sê ôto zurarô, pa ê sa ki sê pla simplé, ¹⁷ sô supitu dy veré, ixi ma mundu na ka pô tê wha, punda ene na ka bê wha na konsê wha. Sê, ni veré, konsê Ê, punda Ê ka vivê ki sê, sô ê sa ni sê. ¹⁸ ãn na ka lega sê sô wha, Nga tô bi ra sê. ¹⁹ Létu di pôkô di tempu, sô mundu na ka tô bê dingi wha, mazi sê ka bê Un. Punda nga vivê sê té ka vivê. ²⁰ Ni dié, sê ka bi ta man sa ni Pai Un, sô ku sê sa ni ãn, y ãn ni sê. ²¹ Nguê ki tê ene mandamentu Un ene ka lokê, ixi é sô ka ama Un, so nguê ku ka ama Un ka sa amaru ni Pai un, y ãn nga améé y ãn nga musa Deé. ²² Zura (na isi iskarioty) punda da Jizu. Sumuê, punda ô ka musa ra non, y da ra mundu wha! ²³ Jizu kundji ene: Xi nguê ka ama un, ka lokê lumba un. Pai un ka amé, non ka bi dé so ka zîé né morada. ²⁴ Nguê na ka ama wha, na ka lokê lumba un wha. Sô lumba isi sê ndê na sa di Un wha, mazi di Pai ku manda Un. ²⁵ Ane kuê un ta fa sê ola un ta ku sê anda. ²⁶ Mazi zurarô, Supitu Santu, Nguê ixi ma Pai ka manda ni nomi un, Ê ka sina sê turu kua sô ka lembla sê dy turu ma un fa sê. ²⁷ Nga desa sê paji, paji un nga da sê. ãn na ka dé mora mundu ka da wha. Na tubula koso sê wha, na tê mendu wha. ²⁸ Sê ndê kua man fa sê: Nga bé sô nga tô bi da sê. Si sê ka ama un ka sa ku gostô, punda ãn nga ba tê ki Pai, punda Pai sa maxi ngairu ki ãn. ²⁹ ãn nga fa sê kuê aié, antigi ma ê ka bi da, da kua y, ola ê ka da, sê ka kêlê. ³⁰ ãn na ka tô fa ki sê, punda sefi di mundu é sa xiga, sô ê na tê purê sobli ãn wha. ³¹ Mazi, pa mundu ka bi ta man ka ama Pai, nga dji kua isi ma Pai ka manda un. Lata sê non ka lega ngê é.

Chapter 15

¹ An sa videira véré, e Táta un sa kunarô. ² Turu tango ki sa Aun ku na ka da méua Ê ka koté, e turu tango ku ka dá mé, Ê ka dipé, pê tô da maxi. ³ Bô sa limpo za punda lumba ma An fa. ⁴ Tá ni An, e An ni sê. Mora tango na pô da méua êlê sô ua ki rê se é na ta ni videira wa, axiê també sê na poiwa, si sê na tá ku An wha. ⁵ An sa pó ku ka da uva, sê sa tango. Nguê ka ta kota un, i un kotarê ié ka yô inkuê: punda sê An sê na ka poi zi né-un kua wa. ⁶ si nkenu na tá ni An wha, e sa zugaru tá, mora tango kutaru: e ané tango-é sa koiêru, zugaru ni fogô e kemaru. ⁷ Si tá ni An, e lumba Un ta ni sê, pindji kua sê messê, e nga da sê. ⁸ Táta Un sa glorifikado ni kuê: mê ka da yô unkuê, e axiê nga ta ma sê sa maelu un. ⁹ Mora ma Táta gôgô ku An, axiê An també ka gôgô ki sê. ta ni amolê Un. ¹⁰ Si sê lokê lumba Un tá ni amolê Un, de moré mé ki An ta ni lumba Táta Un e ni amolê Rê nga tá. ¹¹ An fa sê ané kuê pa ngozu Un sa ni sê, e ngozu sê sa turê. ¹² Ié sa lumba Un: pa sê gôgô ku ôto mora ma Un gôgô ki sê. ¹³ Né-un nguê tê amolê maxi ngai nguê ki ka da vira rê da migu rê wha. ¹⁴ Sê sa migu Un si sê zi kua ma An fa sê. ¹⁵ Na ka tô sama sê ná-kia-wha, punda ná-kia na ta kua ma Sun Rê ka zi. An nga sama sê migu, punda an biri da sê turu kua ma Un ndê de Táta Un. ¹⁶ Ê na sa sê ki koiê Un wha, magi An koiê sê e fa sê pa bê e dá unkuê, e ma unkuê sê ka tá, pa Táta ka pô da sê turu kua ma sê pindji ni Nome Un. ¹⁷ Kuê nga fa sê gôgô pa sê gôgô ku ôto. ¹⁸ Si tié ka odia sê, ta ma ané tia ka odia pimelo sô sê. ¹⁹ si sê ka sá de tié, tié ka gôgô ki sê mora ma ta ni êlê, magi, punda sê na sa de tié wha, e An koi-ê sê to txia sê leto tia punda tia é ka odia sê. ²⁰ Lembua lumba ma An fa sê: ná kia na sa maxi ngai de Sun Rê! si pussigui An, també ané ka pussigui sê, si ané ndê Lumba Un, ané ka ndê lumba sê. ²¹ Ané ka zi turu ané kuê punda Nome Un, punda ané na konsê Nguê ki manda Un wha. ²² Si na ka bi-wha e na ka fa se, sê na ka tê pekaruwha, magi aié na tê però da pekaru ané wa. ²³ Nguê ka odia Un, també ka odia Táta Un. ²⁴ Si An na ka zi katxia ané, ané kuê ma neun ôto nguê zi wha, ê na ka tê pekaru. Magi aié ané bê e odia Un Yô mo Táta Un. ²⁵ Kuê da pa lumba ki sa sissikaru ni alê de ané kumpli: Odia Un sê kua. ²⁶ Ólá ma Konsoladoru ka bi, ma An nga manda sê di pathi de Táta, Suplitu de véré, ki ka bi de Tátá, ié ka dá sæssémunha de Un. ²⁷ E sê també ka sæssémunha, punda sê ta ki Un ndjina komessa.

Chapter 16

¹ Aun fa sê ene kuê pa na kiê wha. ² Ane ka kolê mema sê ni ngueza. Di vere, ê sa xiga hola ma nguê ka ma sê ma sê kazi wã kutu da Dêssu. ³ Ane kazi kuê punda na konsê né Pai, né Aun wha. ⁴ Aun fa sê ane kuê ra kuai, ola hora ka xiga, sê ka lembla ma un fa sê soble kuê. Aun na fa sê kuê ê na komesu punda un tava ku sê. ⁵ Mazi, aié Aun nga ba lêlê nguê ku manda Un, so anda né whã sê na punta un wha: Andji ma ô ka bé! ⁶ Mazi punda un fa sê ene kuê é, sô tristeza xialê koso sê. ⁷ Mazi Aun nga fa sê veré: sa milhoru pa sê ku aun nga bé, punda si un na bé wha, zurarô na ka bi da sê wha, mazi xi un nga bé, nga manda sê Êlê. ⁸ Ola zurarô ka bi, ka konvesê mundu sobli kua pekaru, di justisa di zuizu. ⁹ Di pekaru punda ene na kêlê ni Un wha, ¹⁰ ni justisa, punda nga ba lêlê Pai, y sê na ka tô bê un dingi wha, ¹¹ so dy juizu, punda xefi di mundu é sa zugaru za. ¹² Aun tô tê iô kua pan fa sê, maji sê na ka intendê aié wha. ¹³ Mazi, ola Ê, ô suptu di Veré, ka bi Ê ka guia sê ni turu veré, punda ê na ka fa di Êlê mé wha, mazi Ê ka fa turu kua ma ê ndê, y ê ka fa sê turu kua ki sê ka bi. ¹⁴ Ê ka gorifika Un, punda Ê ka tê kua ku sa di un, sô ka fa sê. ¹⁵ Turu kua ma Pai tê sa di Un, punda kuê, Aun fa ma supitu ka tê kua ku sa di Aun, sô ka fa sê. ¹⁶ Lêtu wã poukô tempu, sê na ka tô bê Un wha, sô dy wã poukô di tempu, dingui sê ka tô bê un. ¹⁷ Antô, txô anê maielo Ré fa wa ra otô: Sa kuai ma, E fa non: wa poukô di tempo i na ka tô bê um ua, i anda, wapouko maxi de tempu so dingui sé ka bé un, so punda aum se ka ba lele Pai. ¹⁸ Punda kuê ene fa: Ixi é sa kuai ma Ê fa: Wa pouko di tempo. Non na ta kua ma é sa fa ua. ¹⁹ Jizu bê ma enê ta ka messé punté Ê, é fa ené: Punda katxi sé ni respeito di kuê ma aum nga fa sé: Ltu de wa pouko ai tempu se na ka tobê Un ua, so wa so wa pouko di maxi di tempu, dingui sé ka bê um. ²⁰ Ni veré ni veré, nga fa, sé ka sua ka gó, maji mundu kasa ki gosto, se ka sa tristi maji tristeza se ka sa muraru ni gosto. ²¹ wã mengai ka sa tristi ola ene tê dôlo pari punda tempu rê di pari xiga magi só ma ê ka pari, na ka tó lemba dingui de dôlo re ua, punda gosto de wa anzo que nancé ni mundu é. ²² Axé, té sé té tristeza aié, magi aum nga bé se dingui, so kosso sé ka sa ki gosto, so neuan nguê na ka po txi gosto se ua. ²³ Dia xiza, se na ka punta Un nenhuan kua wa. Ni veré ni veré nga fa sé xi sé pindji qualquer kua da Pai ni nome un, Ê ka da sé. ²⁴ Até aié sé na pindji nenhuan kua ni nome un wa, pindji se ka recebê pa ki gosto ka sa kompletu. ²⁵ Aun fa sê ene kuê ni katximdy vesu, maji é sa xiga hola ma na ka tô fa dingi ni vesu, magi biriru na fa sobli Pai. ²⁶ Dia xiza, sê ka pindji ni nomy Un, Aun na ka fa sê man nga loga Pai punda sê wha, ²⁷ Punda plopi Pai ka ama sê, punda sê tê ama. Un sê kêlê ki Aun bi di Pai. ²⁸ Aun bi di Pai pa mundu é, dingi, Aun nga lega mundu é nga ba tê ki Pai. ²⁹ Ane mielu rê fa: Aié bô sê ka biriru, y na sê ka uza vesu wha. ³⁰ Aié non ta ma Bô konsê turu ene kuê, ma ô na presiza di né whã ngê ka zi ô pergunta. Punda ene kuê, non kêlê ma Bô bi di Dêssu. ³¹ Jizu kundji ane: Aié, sê kêlê! ³² Ê sê ka bi hola, sô di veré é xiga za, ma sê ka bi sa wangaru kara wã ni plopi kai rê, y desa un sô. Maji na sa sô wha, punda Pai sa ki aun. ³³ Aun fa sê ene kuê pa sê tê paji ni Aun, Ni mundu sê ka tê aflison, maji tê kuragi, Aun vensê mundué.

Chapter 17

¹ Sô di fa ené kuê, Jizu lata uê rê ba onsê sô fá: Páa, ê ndu hola. Gogo ki Ná Ô pa Ná Ô gogo ki Ô té. ² Axé ma Ô déÊ purê ni diba turu onguê, pa ki Ê tê da vira longo ra turu nguê ma Ô Ré. ³ Vira longo sa ixié: ki ané ka konsê ô, uniko Dessu de veré, y Jizu Kristo, Nguê ma ô manda. ⁴ Aun glorifika ô ni tia, zi obra ma ô da un pa zi. ⁵ Aié, Páa glorifika-Un ni zunto ô ki gloia ki Aun ta ki Ô antije dy mundu ta ziro. ⁶ Mussa Nomi Ô da ane omé di mundu Mô ra Un. Ané era dy Ô, sô Bô da ané ra Un, sô ané lokê lumba Ô. ⁷ Aié ené ta ma turu kua mô ra un bi di Ô: ⁸ Punda ané lumba ma Ô da Un, Aun da ané. Ané tô tué y Veremé ené ta ki bi di ô, sô kelê ki Bô manda Un. ⁹ Nga ora da ané, na ka ora da mundu wa, ma da nguê ki Bô da Un, punda ané sa di ô. ¹⁰ Turu ki sa di Un sa di ô, y turu ki sa di Ô sa di Un, aun sa glorifikaru Ni ané. ¹¹ Aun na sa ni mundu dinguiwa, magi ané sa ni mundu, y Aun nga ba lelê ô. Páa Santo, lokê ané ni Nomi Ô ma Ô da Un, pa ané sa wã, axé mora Non sa wa. ¹² Ola Aun ta ki ané, Aun lokê ané ni Nomi ô ki Mô da Un: Aun lokê ané nuwa ané na pendewa, exseto ná di perdisson, pa bibia sa kumprido. ¹³ Aié, nga ba tê kiô, magi nga fa ané kuê ni mundo, pa ané tê gosto un completo ni ané mé. ¹⁴ Aun da ané lumba, sô mundo odia ané punda ane na sa di mundu wa, axé ma Un na sa di mudu wa. ¹⁵ Aun na ka ora pa tia ané ni mudo wa, magi pa lokê ané di demono. ¹⁶ Ané na sa di mundu, axé mora Aun na sa di mundu wa. ¹⁷ Santifika ané ni veré, sô lumba ô é sa veré. ¹⁸ Axé mora Ô manda Un ba mundo, també Aun manda ané ba mundu. ¹⁹ Punda kua sa ané, Aun Nga santifika, pa ki ané mé també ka sa santifikaru ni veré. ²⁰ Na ka ora sô pa ané wa, magi també pa nguê ki bi kêlê ni Un punda katxi di lumba ané, ²¹ pa ané sa wa, axié mora ô, Páa, sa ni Aun, y Aun ni Ô. Nga ora pa ené ka sa ni Nón, pa mundu-é pô kelê ki ô manda Un. ²² Sô goia ma ô da Un, Aun da ané pa ki ané sa wa, axé mora Non sa wã: ²³ Aun ni ané, y Bô ni Aun, pa ki ané ka sa konduziru ni kompeto zuntaru, pa mundu-é pô ta ma ô manda Un, y gogo ki ané, axié ma ô gogo ku Aun. ²⁴ Páa, messe ki nguê ki Bô da Un ka sa també ki aun nga Aun sané pa ané pô bê goia Un, ixi ma ô da Un, punda Bô ama Un gina antiji di fundasson di mundu. ²⁵ Páa justo, mundu-é na konsê Bô wa, magi Aun konsê Ô, ené ta ma ô manda Un. ²⁶ Aun dji Nome ô konsoro ané, y Aun nga djiê konseru pa ki amolê ki ô ama Un ka sa ni ané, y Aun ni ané ka sa.

Chapter 18

¹ Só Jizu té lumba ene kuê, bé ku ene mielu Rê pa ôtô kiba di oiô di Cedrom, andji ta ku wã jardin ma Ê létxa ku ane maielu Rê. ² Sô Zura, ixi ku ta ba ngané Ê ta ka konsê luguê, punda Jizu ta ka banha semplê ku ene maielu Rê. ³ Zura ta bi kuê wã grupu dy soré, so txo oficiali ene sefi sasedote ene farizeu, ndu nha ku lanterna, toxa so pingara. ⁴ Anto Jizu, ta turu

ene kuê ki ka bi ra kuê, ki wê so punta ane: Nguê sê sa ngolo! ⁵ Sô ene kundji: Jizu, ixi Nazarenu. Jizu fa ene: Ya Un ya. Zura, trasueiru ta njaru té kua ane soré. ⁶ Anto, ola Ê fa ané: Sa Un, ene saia ba mema so kiê ni mavu. ⁷ Mora émé, punta ene: Nguê sê sa ngolo! Otô vê, ene fa: Jizu, ixi Nazarenu. ⁸ Jizu kundji: Aun fa sê Aun Sa, anto, si sê sa ngolo Un, desa ene ixi otô bé. ⁹ Pa kumpli lumba ixi ma é ta fa: Na pendê né whã di ene ma ô Ra un. ¹⁰ Sô Simon Peru, ku ta ku wã supara, saié sô da wã xivirô di sumu sasedoti koté oria gletu. Sô nomi xivirô sa Malku. ¹¹ Sô Jizu fa ra Peru: Pê supara dingui ni bandji. Punda kuai, bô na bêbê kasi ma Pai da un wha.

¹² Antó, grupu Soré, sô kapiton y ene ofisial dy zurê ndama Jizu, sô manhé. ¹³ Ane bé ku Ê pumbelu da Anas, punda é sa soglu di Kaifas, sumu sasedoti dy anu xiza. ¹⁴ Éra Kaifas ku ta da konsê ra ene zurê ku sa presizu di wã ome toka muê ra pôvô. ¹⁵ Simon Peru ta lelê Jizu, sô mora émé tê otô maielu. Maielu ixi za sa konsidu dy sumu sasedoty, sô letxa ku Jizu ni salon di sumu sasedoty, ¹⁶ Maji Peru ta fika ndjaru ni borô lua dy potó. Antó, otô maielu, ku sa konsidu dy sumu sasedoty, xiê sô fa ku serva ku ta ka nguara ny potó, sô bé ku Peru ba létu. ¹⁷ Sô serva ku ta ka nguara ni potó fa ra Peru: Bô té na sa wã mielu di Oméé! Ê fa: Na sa wha. ¹⁸ Ane sivirô é ene Ofisial ku ta nha, ane ta zi wã fogô, punda é ta fiô, sô sa ka kenta. Peru té ta ndja nha, ka kenta ku ene. ¹⁹ Sô, Sumu Sasedoty punta da Jizu sobli ane maielu Rê y ene insinu Rê. ²⁰ Jizu kundji ane: Aun ta fa biriru ra mundu, Aun ta ka xina ni xinagoga y ni nguêza nga ene zurê ka zunta né. Na fa né wha kua ni segêru. ²¹ Punda kuai sê sa punta un! Punta ngê ku ndê ku ma Un fa. Ane ngê ta kua ma un fa. ²² Sô Jizu fa kuê, wã ene ofisial ku ta nha da whã suru ni Jizu, sô fa: sa ni mora é ma ô ka kundji sumu sasedoty! ²³ Jizu kundji ene: Xi Aun fa mali, da sestemunha dy mali. Sô, xi un fa buaru, punda kuai ma béta un! ²⁴ Antó, Anas mandé Ê manharu da Kaifas, ixi sumu Sasedoty. ²⁵ Simon Peru ta ndjaru ka kenta, sô ene punté: Bô na sa wã maielu Rê a! Ê nega sô fa: Na sa wha. ²⁶ Whã ene sivirô dy sumu sasedoty, ku sa ná amo di ome ki Peru ta kota oria, fa: Na bê ô ni jardin ku Êlê! ²⁷ Peru tô nega dingui, sô welewelemé galu kanta. ²⁸ Sô, a bé ku Jizu ni wê di Kaifas ba palaxu dy govenadô. Era pomonha sô ene na letha ni palaxu pa na kontamina, pa ene mé Paxikua. ²⁹ Sô, pilatu xiê pa tué é, sô fa ene: kua sê tê di kuza kontra Omé é! ³⁰ Si Omé é na ka sa mau, non na ka da ô elê wha. ³¹ Zô Pilatu fa ane: Bé kuê sê mé, zuguê segundu alê sê. Fa ane zurê: Ê na sa da nó setu beku né wã ngê motxi wha. ³² Ane fa pa lumba Dêssu mê ta fa sa kumpiru, musa mora ma é ka a muê. ³³ Antó, Pilatu tô letxa palaxu dingui, sama Jizu y fé: Bô sa Alê dy zurê! ³⁴ Jizu kundjê: Bô fa kua é da ô mé, ô otô nguê fa ô kuê é dy Un! ³⁵ Pilatu kundji: Ân sa zurê! Povô Ô plopî y ane sasedoty tua Ô da un. Kua Ô zi! ³⁶ Jizu kundji: Lenu Un na sa dy tia é wha. Sy lenu Un ka sa dy tiaé, nkênu Un ka luta pa Un na ka sa dâru da zurê wha. Mazi lenu Un na sa dy inguê wha. ³⁷ Pilatu fé: Antó, Bô sa wã alê! Jizu kundji: Bô fa man sa alê. Pa kua é un nansê y bi tia é, pa nda sesemunha dy véré. Turu nguê ki sa veré ka ndê voji Un. ³⁸ Pilatu fé: Kua sa véré! Ma é fa kua é, é siê dingui da zurê, y fa ané: Na bê né wã krini ni ome wha. ³⁹ Mazi sê tê kustumu ma un nga libeta da sê wã omé ny Paskua. Antó, sê mesê pa un liberta da sê Alê dy zurê!. ⁴⁰ Sô ane guita, fa: Ê na sa omé wha, mazi Barrabas. Barras sa wã kriminozu.

Chapter 19

¹ Sô Pilatu tua Jizu sô manda ré xikotxi. ² Ane soré zi whã klôa ku pinha pê diba ntê Rê sô tô bisié whã mbata ziaru. ³ Ané bi Lêlê sô Fé: Abensa Alê Zurê. Sô Ré tapa whê. ⁴ Antó, Pilatu tô siê ba fa povô: ka pia ma nseka tô bi kuê pa sê ta ma na bê né whã kupa Né wha. ⁵ Jizu siê sô tô ta bisiru whã mbata ziaru ku klôa. Pilatu fa ane: Pia Omé é sa yngé! ⁶ Sô ola sefi ngéza ku ane sefi soré bê Jizu ane ngita fa: Pê kusu Pê kusu! Pilatu tô fa ane: Sê mé ka békuê ba Pê kusu, An sô na bê kupa Né wha. ⁷ Ane zurê kundji Pilatu: Non tê whã alê ma ni alê é Ê tê ki muê, punda Ê fa ma Êlê mé sa Na Dêsu. ⁸ Ola Pilatu ndê kua é Ê tô ta ku masi mendu anda. ⁹ Sô Ê tô letxa palaxu sô fa Jizu: A Ô fô! Antó Jizu na kundji né whã kua wha. ¹⁰ Pilatu faré: Bô na ka kundji un wha! Bô na ta ma nsa ku porê txia Ô sô ku porê pê Ô kusu wha! ¹¹ Jizu kundji. Bô na ka tê né whã porê kontrê Un, si a na ra Ô fô londê wha. manda ma ngê ra Ô an tê masi pekaru. ¹² Ra kua é ma Pilatu ngolo Txjê, mazi ané zurê ngita fa: Si bô txia Omé é bô na sa migu Sêzalu wha. Turu nkênu si ku ka fa é sa alê ka fa kontrê Sêzalu. ¹³ Ola Pilatu vangana lumba é Ê bi ku Jizu lua, sô tason vuna zugamentu whã nga ma a ka sama Pavimentu Buru. Otô lungua ka samé Gabatá. ¹⁴ Sô Ê ta ria ma a ka luma fesa Pasukua, vota ngosi. Pilatu fa ané zurê, Pia Alê sê ingé! ¹⁵ Ane ngita: fora fora, pê kusu. Pilatu puta ané nga pê Alê sê kusu! Pilatu fa ané ntê ki pê Alê sê kusu! Alê, si Ê na Sezalu wha. ¹⁶ Sô Pilatu ra ané Jizu pa ané pê kusu. ¹⁷ Ané bé ku Jizu lua, sô Ê siê ku kusu kegaru ka ba whã nga ma ka sama kavêra, ma otô lungua a ka samé gogota. ¹⁸ Nha ané pê kusu ku otô dôsu omé, whã kara kiba, ku Jizu katxi. ¹⁹ Pilatu sisika whã leta, pê kusu sô nha tá sisikaru: Jizu Nazaré, Alê Zurê. ²⁰ Yô zurê ta ka lê kua isi ku tá sisikaru punda nga ma Jizu ta kusu né tá petu ku poson. Sô Ê tá sisikaru ku tesi lungua, Ebêu, latxin ku gêgu. ²¹ Sô ané sfi ngeza zurê fa Pilatu: Na sisika: Alê zurê wha, mazi omé é fa: nsa Alê zurê. ²² Pilatu kundji: kua ma un sisika, sa sisikaru. ²³ Ola ané soré pê Jizu kusu txia Mbutu Rê sô ba patxi kuana kiba whã ra kara soré, sô ku kabisi ku na ta kozêru wha dobuaru têlu. ²⁴ Sô ané fa otô. Non na ka ba tayé wha, mazi non ka ba zuga sotxi pa non ta ngêi ka ba fika kuê. kua é bira ri kumpi kua ku tá sisikaru: Ané patxi kabisi Un katxi ané sô ku kabisi Un ané ba zuga sotxi. Ané soré zi kua é. ²⁵ Sô mama Jizu tá kota kusu Rê ndjaru, ku mana mama Rê Maia, mengai klopâ ku Maá Maralena. ²⁶ Ola Jizu bê mama Rê ku kotá Rê melu si ma Ê ka ama, Ê fa mama Rê: Mengai é ya mosu ô! ²⁷ Sô, fa melu Rê. Ya mama ô! Ola é mé, melu Rê be ku mama Rê plopî kay rê. ²⁸ Ma kua é pasa Jizu, bi ta ma turu kua é loké, pa Ê kumpi kua ku sa sisikaru Ê fa: Nsa ku sêri. ²⁹ Nha tá ku whã buli ku vinagi, sô ané pê whã xipondja siaru ku vinagi whã tango pó sô boié atê boka Rê. ³⁰ Ola Jizu bêbê vinagi Ê fa: Turu kua loké. Sô Ê baza ntê sô ntrega Supitu Rê. ³¹ Ma é sa ria ma a ta ka luma, pa ongê Rê na ta kusu turu sabaru wha (punda sabaru é sa whã ri ku ka valê) ané zurê pindji Pilatu pa opé omé ma a ka mata sela a kebié sô a ka ba txia ongê rê. ³² Antó ané soré bi sô kebia opé pumbêlu ku segundu omé ku ta

kusu ku Jizu. ³³ Ola ané vitxa kota Jizu, ané bê ma Ê ta muêru za. Êlê manda ma ané na kebia opé Rê wha. ³⁴ Asié mé whã ané soré tubua mbandji Rê ku whã supara ta sô é siê sangi ku aua. ³⁵ Nkênu si ku bê kua é ka tangé, sô kua ma é ka tanga ka sa veré. Ê ta ma é ka fa veré pa sê kêlê. ³⁶ Ané kua é ra mora é ri kumpi kua ku sa sisikaru: Ma na ka pô kebia né whã ósó Rê wha. ³⁷ Sô ôto kiba sa sisikaru ka fa: ka pia pa Nkênu si ma sê sêka mata. ³⁸ Ola turu kua é pasa, Zozé Limatia, ku tá mêlu Jizu, é pô ka sa kondêru punda mendu ané zurê, é pindji Pilatu pa é kuxintxé bé ku ongê Jizu. Pilatu kuxintxé. Sô Zozé bi sô bé ku ongê Rê kua rê. ³⁹ Nikoremu si ku ta bi lêlê Jizu nsuku turu bi. Ê bi ku whã funa na zoloru ku lué ku ka pô kusta 1.000.000 kara kilu. ⁴⁰ Sô ané bé ku ongê Jizu, sô buié ku panu linhu ku funana, mora ma ané zurê ta kusumaru ka tia ongê motxi. ⁴¹ Nga ma a pê kusu né ta ku yô fori kunaru, katxi fori é ta ku whã tumba novu ma nasi tia né whã nkênu né wha. ⁴² Punda é sa ria ma ané zurê ta ka luma ra Pasukua sô punda tumba tá petu, ané pê Jizu né.

Chapter 20

¹ Ni pumbelu ria somana, ma é ta nsuku anda Maá Maralena ba siminteli sô é bê ma buru ta txiaru. ² Antó, é kolê ba lêlê Simon Pérú ku otô mêlu si ma Jizu ta ka ama é fa ané: Ané txia Sun fô siminteli, non na ta nga ma pê wha. ³ Antó Peru ku otô mêlu siê ba siminteli. ⁴ Ané dosu ta ka kolê kota otô: Sô otô mêlu kolê masi rokê Peru, sô vitxa siminteli pumbêlu. ⁵ Ané sonda, bê kabisi linhu ma a desa pê nha, mazi ane na wha. ⁶ Sô Simon Peru vitxa mema rê, sô é ba lêtu siminteli, é bê lansolo linhu ma a desa pê nha, ⁷ Sô lansolo ku ta ntê Rê, a na desê ku lansolinhu wha, mazi a dobué pê whã nga pataru. ⁸ Sô, otô mêlu si ku vitxa pumbê turu letxa siminteli, é bê kêlê. ⁹ Na ola é, ané na ta kua ma a sisika ka fa, ma Jizu toka tô kora katxi motxi wha. ¹⁰ Antó, ané mêlu tô bi ané kai. ¹¹ Ku turu Maá ta lua siminteli ka sua. Ma é ta ka sua, é ndja ka pia lêtu siminteli, ¹² Sô é bê dosú anzu bisiru ziaru tasoru, nga ma ongê Jizu ta né, whã ntê otô opé. ¹³ Ané faré: Mengai é kuai ma bô sêka sua ra! Ê kundji ané: Punda ané bé ku Sun, sô na ta nga ma a Pê wha. ¹⁴ Ola é fa kua é é pia boro rê é bê Jizu ndjaru nha, mazi é na ta ma Ê sa Jizu wha. ¹⁵ Jizu faré: Mengai é ra kuay ma bô sêka sua! Ngey bô sêka ngolo! Ê kunda ma Ê sa konta fori, antó é faré: Sun si bô txié fô ingé, fa nga ma bô Pê pam bé kuê. ¹⁶ Jizu faré: Maá Ê, vutuka Faré, ku lingua alamay: Labulny (Ma a ka fa: Mésé). ¹⁷ Jizu faré: na ngolo Un wha, punda nasi banda ba lêlê Tata wha. Mazi ba lêlê ané na amon sô fa ané ma nseka banda ba lêlê Tata Un ku Tata sê, sô Dêsu Un ku Dêsu sê. ¹⁸ Maá Maralena bé ba fa ané mêlu: Mbê Sun! Sô é tanga kua ma Ê ta faré. ¹⁹ Ê ta ngosi pumbêlu ria somana, ané mêlu ta untaru ku poto tankaru, ku mendu ané zurê, Jizu bi ndja katxi ané, sô fa ané: Paji sa ku sê. ²⁰ Ola Ê fa kua é, Ê musa ané mó ku mbandji. Sô ola ané mêlu bê Sun, ané ta ku ngôsô. ²¹ Jizu tô fa ané, Paji sa ku sê. Mora ma Tata manda Un, Nga manda sê turu. ²² Ola Jizu fa kua é Ê sopua ni ané sô fa ané: Tua Supitu Santu. ²³ Si sê pora pekaru nkênu, Nga pora ri sê, si sê kokua ané Nga kobua sê. ²⁴ Tomé, whã ané kuini dosú, ma a ka sama Didimu, na ta ku ané ola Jizu bi wha. ²⁵ Otô ané mêlu sô faré: Non bê Sun. Ê fa ané: Si na bê mon Rê méka pionga sô pê dedu un lêtu meka pionga ku mon Un mbandji Rê, na ka kêlê wha. ²⁶ Ri naké ria, ané mêlu Rê ta zuntaru, sô Tomé ta ku ané. Poto ta tankaru Jizu bi ndja katxi sô fa ané: Paji sa ku sê. ²⁷ Sô Ê fa Tomé: Pê dedu ô, sô pia mon Un, sêndê mon ô pê mbandji Un, na tê duvira wha, mazi kêlê. ²⁸ Tomé kundji sô Faré: Sun Un Dêsu Un! ²⁹ Jizu faré: Ma bô bê Un bô kêlê! Benditu sa nkênu si ku na bê Un wha ku kêlê. ³⁰ Véré ma Jizu zi yô kua whê ané mêlu Rê, ma otô rê na sa sisikaru ni livu é wha. ³¹ Ané yé ma a sisika, pa a kêlê ma Jizu sa Kistu Na Dêsu, sô pa a kêlê pa a tê vira ni no, i Rê.

Chapter 21

¹ Sô ku ane kuéé ane maiêlu jizu bê, zuntu miônga ri Tibérias; é plasê ra ane axi: ² Simon Peru ku Tomé(ka sama Dídimo), ku Natanael(ixi Kaná Galileia) ku ane ná Zebedeu, otô dôsu maiêlu rê ta zuntu. ³ Simon Peru fa: un sê ka ba tamba: Ane kundjié: non turu kabé ku bô. Ane bé, letxa vapó; suku é nêwã kikê ane na tamba wa. ⁴ Pomonha ta ka biri za, Jizu ba paiá; Ane maiêlu Jizu na ta ta mê sa Jizu wa. ⁵ Sô jisu fa ane: Ane ná un, sê tê kua mé? Ane kundjié: Inga: ⁶ Ê fa ane: Pê lêrê mionga otô kiba vapô, sê ka bê. Ane zuga lêrê pê mionga, ane na tô ta mora ane ka ji wa punda iô kikê. ⁷ Maiêlu rê ixi mê ka ama, fa Peru: Sumu! Peru ndê mê sa Jisu, é bixi kabixi(punda é ta sê kabixi ongê) létxa mionga. ⁸ Sô otô ane maiêlu rê, bi ku kanuã(punda é na ta lonje tia wa) ka bi ku lêrê kikê. ⁹ Ala ma ane xiga tia, fôgô ta ka iêrê za, ku wã kikê diba rê, maxi mpó. ¹⁰ Jizu fa ane: bi ku kikê ma sê sa kuê aié. ¹¹ Simon Peru, subi, saia lêrê bi kuê diba, xiaru ku kuin tano sentu ku tési kikê ngairu; lêrê na fôno wa. ¹² Jisu fara ane: bi mé. Nêwã maiêlu rê na puté nêwã kua wa: Gê mô sa? Ane ta mê sa Jisu. ¹³ Sô Jizu bi, tua mpó, ra ane; mora é mé é ji ku kikê. ¹⁴ Ixié ji tési vê ma jizu plasê ra maiêlu rê, jina ria mê lata fô motxi. ¹⁵ Ala ma ane ta méru za, Jizu fa Simon Peru: Simon ná Zon, bô ka ama un maxi dôkê ane otô? Ê kundjié: Êê, bô ta ma nga ama ô. Jizu faré: da mé ane kordeiru un. ¹⁶ Tô fé dôsu vê: Simon ná Zon, bô ka ama un? Ê fa: Êê, Jizu bô ta ma nga ama ô. Jizu fé: Tua konta ovelha un. ¹⁷ Fé tési vê: Simon, na Zon, bô ka ama un? Tisteza tua Peru punda ixié ji tési vê mê fé kué: Bô ka ama un? Ê fa: Jisu, bô ta turu kua, bô ta ma nga ama ô. Jisu kudjié fa: Da ovlha un mé. ¹⁸ Vére vére nga fa ô, ala ma ô ta masi jové, bô mé ta ka bixi ongê ô, ta ka ba lugé ixi ma ô mêsê; maji ala mô ka bila vé, bô ka sêndê mô, otô ngê ka bixi ô kabixi tô bé ku ô lugê ma ô mêsê. ¹⁹ Ê fa kué, pa Peru ta ma iô ngê ka ba gôgô ku Dêsu punda motxi rê. Mê fa kué sô, Jizu fa: Lêlê un mema. ²⁰ Peru bila, pia ma maiêlu ixi ma jizu ka ama fogaua ta ka lêlê mema, ixi ma ni ceia pê ntê rê pêtú Jizu, puté: jizu ngêi ka ba trai ô? ²¹ Ma Peru bê kué, Jizu fa: ngê é kua ka ba ra kué? ²² Jizu faré: Xi un mêsê pê ta ingé até nga bi, kua kué ka importa ô? Lêlê un méma. ²³ Ane ta ka lumba manu ku manu, ma miêlu jizu na ka muê wa. Ku turu kué Jizu na fa mê ka muê wa, Maji véré: kua kué ka impota ô xi mêsê pê ta ingé antê nga bi? ²⁴ Ixié sa maiêlu Jizu ku ka fa ri ane kué, sisika ane kué; Non ta ma kua mê fa sa véré. ²⁵ Ê tê iô kua anda ma Jizu ji, ma wã wã kuéé sa sisikaru, un ta ma

né mundu na tua turu kua ku sa sisikaru wa. Amém.

Acts

Chapter 1

¹ Aun ka sisika pimelo livo, Teófilo, konta turu kua ma Jizu komesa ka zi ka xina, ² Antê ria ma a be kuê onsé. Kuê dá sô Ê da odem, ny katxi supitu Santu, apostulo ma Ê kuiê. ³ Sô ma ê padise, Ê plase ele me vivu da ane, ku yô plova inkontestave, sô kuarenta ria, Ê plase da ane, lumba kua Lenu Dessu. ⁴ Ola Ê ta zuntaru ku ane Ê manda ane pa na desa Jerusalem, mazi pa whâra plomessa Tata, kua, ma Ê fa: Sê ndê dy Aun. ⁵ Ku Zon butiza ku awa, todavia, leto poko ria, sê ka sa butizaru ku Supitu Santo. ⁶ Ola ane tava zuntaru kué ané puté: Sun, ixié sa tempo ma koseta Lenu Israel! ⁷ Ê fa: Sê na ka pô ta tempo xô xô xô até Tata ka determina pa popli autoridade, ⁸ Mazi lesebe pure, ku ka dee diba sê Supito Santo, pa sê sa testimonha un, ny Jerusalem, mora ny turu Judeia Samaria, até kosi tia. ⁹ Sô Ê fa kua si-é, Sun Jizu a be kuê londe onse sô ane pié, whâ nuvem kôndê whê rê. ¹⁰ Ane anda ta ka pié onse, sô Jizu subi, wélé-wélé-mé, dosu ome bisiru kabisi ziaru plase ny zuntu ane. ¹¹ Ane fa: Ome galileu, punda kuai sê a inge ka pia ba onse! Jizu ku ta zunto sê ku abe kuê onse, Ê bi mora é mé ma a be ka subi. ¹² Antó ane ba Jeruzalém, di Monte Oliveira ku ka sa petu Jerusalem, londji mondja dy whâ sábaru. ¹³ Sô ane xiga, ba kuartu andar diba, nga ku ta hospedi. Sa ane Peru, Zon, Txiagu, André, Filipe, Tomé, Bartolomeu, Mateus, Txiagu, na dy Alfeu, Simon, y Zelote, y Zura, na dy Txiagu. ¹⁴ Turu ane ta ka guênta unánimes ny olason, zuntaru ku mengai, ku Maria, mama Jizu, ku na món Rê. ¹⁵ Ria si za, Peru lata ndja katxi ná món rê, ta cento i vintxi nkênu, fa: ¹⁶ Ná món, é pisiza pa kumpli Eskritura, kua ku Supitu Santu fa antigamente ny boka Davi, respeito Zura, ku be nge peso Jizu. ¹⁷ Punda é sa whâ non te kiba ministerio é. ¹⁸ Ome xié kompa ku lukro dy impiedade rê, antó pisipita inte rê, ônge rê bere katxi orgão fô delamaru ba lua. ¹⁹ Ixié ka bila konseru dy turu nkênu ku ka ta ny Jerusalém, mora kampo fô samaru ny plopi lingua ane, Aceldama, ku signifika, kampo dy sangue. ²⁰ Punda sa sisikaru ny livu dy Salmo. Un desa kampo ô sa, bandonaru na pimiti ku nkênu ka ta ny wã, Desa ôtô tua puzison dy manda. ²¹ Ê pisiza, sô ku, katxi ome ku ta ni ka lêlê nón ni turu btempo ma Sun Jizu ta katxi nom, ²² Komesa djina butizimo dy dy Zon até ria ma a bê kuê londenha, whâ ane ka sa ku non ku testimonhu da ressurreson Rê. ²³ Ane sugerí dosu: Zuzé, ma ka sama Barnabé apelidado zusto, Matias. ²⁴ Ane, ka fa lason, fa: Sun, bô, konse kosó dy turu nkenu, anto, musa un kuali ane dosu ku bô koiwê. ²⁵ Pa é tua luge ministerio melu, dy lugé Zura disvia pa plopi nga rê. ²⁶ Ê wangá sotxi da ane, sotxi kiê da Matia y é a konté katxi onze maelu apostulo.

Chapter 2

¹ So ria di Pentekoste xiga. tava turu zuntaru ni wha nga. ² Pa so bi di osé wha tometu mora wha vento fuguru e xialé turu kai nga ma ané tá tasoru né. ³ E plase lingua mora di fogo ku fo patxiru katxi ane yane pasa katxi kara wha ané. ⁴ Turu ané xia ku supito santo ikomesa ka fá oto lingua, mora supito da ané páf a. ⁵ Tava ka tá ni Jerusalém Judé massu di turu nacon basu osé. ⁶ So ma ané nde tometu é yo povo zunta ane ta se kua fá punda kada wha ane nde fá plopi lingua ané. ⁷ E tava pantaru dimira fá: Vere na sa Galileu turu ane ku sa fa wha. ⁸ Mora ma nó se ka nde ka fa kada wha ané ka fá plopi lingua non.

⁹ Non sa du partos medos elamitas, inkenu ku vivé ni Mesopotamia ni Judeia i ni Capodocia no Panto i ni Asia. ¹⁰ Ni Frigia i ni Panfilia, ni Egitto i ni partes di Lbia petu di Cirene vizita di Roma, Judeu i proselitos ¹¹ kretenses i arabes turu non ndé fa lingua no pure obla di Dessu. ¹² Toru ane tava pantaru mrndu fa wha ku oto. Kua m kue ka fa. ¹³ Magi oto zomba fa: Ane sa xiaru di vim novo. ¹⁴ Mazi Peru lata ku onze lata vozi re, e fa: Omé di Judeiaa turu ku tá ni Jerusalém, se ka ta kue é se ka nde lumba un. ¹⁵ Ané ngena sa beberaru wha mora ma se pensaua punda sa pena tesi ola di ria. ¹⁶ Mazi yé sa kua ma plofeta Joel ta fá: ¹⁷ Ny utimo ria fa Dessu; Nga derma supito um da turu kane: Mosu se na se ka ba profetisa jove se ka te oe ve se ka sonha. ¹⁸ So diba ane mosu kia idiba ane na kia un lingua lukua supito un so ane profetisa. ¹⁹ Nga musa ane kua buaru ni diba osé ku xinali kosi tia: sange fogo vaporó digó. ²⁰ Sisima pore ka tua tia mbezi ka sngé até ku kabi ku meme gloia ria di Sum. ²¹ Kuntese ku turu nkenu ku fa nome di Sum sá salvo. ²² Omé dy Israel, ndê lumba é: Jizu dy Nazaré, omé na Dêssu papa oyê sê ku milage, ku yô kua buaru ku sinali ma Dêssu zi ni katxi sê má sê tá, ²³ Punda kua ma ta fa ku vonté Dêssu, Ané tué y ni mó omé sê alê, sê pê kusu sô maté: ²⁴ Ngê ma Dêssu kora kebia lege motxi, punda é na fô sato pa é sa pesu rê ua. ²⁵ Sô, respeito êlê sô fá Davi: Aun bê semple Sun petu un, sô é sa direita un pa aun na sá xatiaru. ²⁶ Punda, koso un sá ku gosto lingua un gôgô kuê, até mora é mé kani un ka poza ni esperansa. ²⁷ Sô na bandona aliima un ni Hadi, é na pimiti ku Santo rê ka sofrê korrupisón. ²⁸ Bô musa mondja di véré, Bô ka xia di gostu ni wê ô. ²⁹ Ná món, aun ka pô fa seguru ku respeito di patriaka Davi, Ê moê yô, mora ma tié, i tumba rê sa katxi nón até oze. ³⁰ Punda Ê sa whâ plofeta, I ta ku Dêssu é plometê ku juramentu, má é ka pê whâ ná món rê ni trono rê. ³¹ Ê pêvê kué é fa serka di ressurrison di klistu: Ê na fô bandonaro ni Hade, ni kani rê soflê korrupson. ³² Jizu é ngê ma Dêssu ressusita, kua turu nón sa testimonha. ³³ Me sa xi be ku é direita di Dêssu lesebe di Tata plomessa di Supirito Santo, kua fo delamado wê sê ka ndê. ³⁴ Punda Davi na subi osé whâ, mazi é fa: Sun fa Sun un: taso direita un, ³⁵ Até ma nga ndji turu numigu ô letxa basu opé ô. ³⁶ Punda, turu kai Israel ta, ma Jizu é, ngê ma sê kusifika, Dêssu ndji Sun i Klistu. ³⁷ Ma ane ndê kué é, koso ane tá ku leva i ané fa Peru ku ôtô apostulo: Na mon, kua ma nó ka pô ndji! ³⁸ I Peru fa: Lependê kada whâ di sê ka sá butizaru ni nome di Jizu Klisto, pa pero pekaru sê ka lesebe don di Supito Santo. ³⁹ Punda, plomessa sa pa sê, pa ná sê pa turu ku ka sa longi, pa turu ma Sun

Dêssu nó sama.⁴⁰ Ku yô ôtô lumba Ê testifika ézata fa, salva di gerasón mali é.⁴¹ Antó, nkênu ku aseita lumba rê fô butizaru, dia si za fô omentaru seka di tési mili alima.⁴² Ê fika rê ni doutrina di apostulo ni komunhó, ni patxi di pón ni orasó.⁴³ Sô kada alima ka bê rispeito, yô maravilha, xinali sa ziru ni katxi apostulo.⁴⁴ Turu nkênu ku kelê tava zunto turu kua mora whã.⁴⁵ Bendê turu kua ané y patxi ku turu, mora mali di kada whã.⁴⁶ Anto, turu ria ane tava ka vivê ni whã popozitu ny ngêza, ka patxi npón ni kai kai, ka mé mé zunto ku gostó singileza di kosó,⁴⁷ Ane ta ka louva Dêssu ni favolo di turu pôvô. I Sun ta ka omenta ria após ria ku ka bê ka sá salvo.

Chapter 3

¹ Peru ku Zon tava ka subi ba ngêza ola lason, ola nona.² Whã Ome lezaru dy ndjina é nasê, sa kegaru turu ria a desê pôto ngêza ma ka sama Formosa, axé é ka pindji zimola da nkênu ku letxa ngêza.³ Ma é bê Peru Zon ka letxia ngêza, pindji é zimola.⁴ Peru, fisa wê rê ne, zuntaru ku Zon, fa: Pia nón,⁵ Ome lezaru pia ane, sa wãra lesebe kua.⁶ Sô, Peru fa: Na tê prata né ôlô, mazi kua ma ntê nga da ô Ni nome dy Jizu Klisto Nazaré, ndá.⁷ Peru, tua mó dileta, laté wele wele mé opé rê osso di tornezelo rê tua fosa.⁸ Sô sata, ome lezaru lata ndja komesa ka ndá, letxi ku Peru Zon ngêza, ka ndá, ka sata ka lova Dêssu.⁹ Turu nkênu bê ka nda lova Dêssu.¹⁰ Ane ta ku ixie sa oe ku ta ka lêsêbê zimola pôto Formosa dy ngêza, fika siaru dy dimirason maravilhado kua ku da.¹¹ Te é Peru Zon, turu nkênu kole ba zuntu ane, imensamente maravilhado, ka sama Potico Salomão.¹² Sô Peru bê kué, puta ane: Sê, Ome dy Irael, punda sê maravilha! Sô fisa wê sê da nón, mora nón ta ndji nda mora plopi ni porê y piedade!¹³ Dêssu Abron, Isaki di Jakó, Dêssu tata nó, glorifika servo rê Jizu. Ê sa ngê si ma sê da tô zeta uê Pilatu, sô ixié ta disiriru pa liberté.¹⁴ Sê zeta Santu zustu, pindji envéji kua xi é, é sa whã assassino ma da sê.¹⁵ Sê mata Autoru di Vida, ngê ma Dêssu ressussita dy motxi, nón sa testemunha kué.¹⁶ Aié omé xié kuali sê ka bi konsê, pe sa ku fosa da afé ny nome Rê. Afé ku kabi katxi Jizu, da omé é sauri buaru, whê turu sê.¹⁷ Ná mon, aun ta ma sê dji kué ku leva, mora governante sê.¹⁸ Sô ma kua Dêssu profetiza pa kua buaru dy turu plofeta, ku Klistu ô ka sofle, Ê kumpli aié.¹⁹ Lependê, sô konvetê, pa pekaru sê ka sa poraru, sô é ka bi tempo di refegério ny whê Sun:²⁰ Ê ka bi manda Klistu ku bi previamente designaru, Jizu.²¹ Ê sa ngê si za, ose ka pô lesebê até tempo dy restaurason dy turu kua, serka dy ngê Dêssu fa, yô tempu mema, ny boka Santu profeta rê.²² Veremé fa Muzé: Sun Dêssu lata whã profeta mora aun katxi ná món sê. Sê ka ndê turu kua ma Ê ka fa.

²³ Kontesê ku, turu ngê ku na ndê Plofeta é wha, kasa kompletamente destruido katxi pôvo.²⁴ I turu plofeta djina Samuéli ku mesé, fa wã-nga da ria si é.²⁵ Sê sô sa ná dy plofeta dy Alinsa ku Dêssu zi kua tata sê, mora fa Abrón. Di simetxi ô turu ná món di tia ka sa bensuaru.²⁶ Sô Dêssu ressussita servo rê, plimelu ma manda sê pa bensua, desvia kada whã malidade sê.

Chapter 4

¹ Sô Peru ku Zon ta ka fa nkênu ane, sasedote, ku kapitô, ngêza saduzeu saia bá lêlê.² Ê sa mali, punda Peru ku Zon ta ka sina nkênu vira Jizu, ka plokama ressursisô Rê katxi motxi.³ Anto, ate ane pê pezu ate ôtô ria, punda é sa ngosi za.⁴ Ku turu kué, yô nkênu ku ndê mensagem é ane kêlê, saia bi tanó mili ome.⁵ Sô é da ôtô ria, govenarô, ansion, eskriba zunta Jeruzalem.⁶ Anás, prinsipal saserdote, Kaifas, Zon, Alixandre, turu ku sa di linhagem di sumu Saserdote.⁷ Sô a pê Peru Zon katxi ane, puta: Di kuali purê ni nome di ngê sê sa dji ané kué.⁸ Anto Peru siaru dy Supitu, fá: Sê govenarô di povô,⁹ y ansion ku sina, ria si é, nón sa kestinado ni relaso whã obla buaru djiru pa whã Ome doetxi, mora ma é sa kularu.¹⁰ Kua xié sê ta y di turu pôvô di Israel, ni nome di Jizu Klistu Nazaré, ngê ma sê kusifika ngê ma Dêssu kora di motxi, katxi Rê ku omé é sa kularu wê sê.¹¹ Jizu klistu sa buru ma sê, konstutore, mandona, mazi adjié buru ngola.¹² Ê na tê salvason ni ôtô whã, punda na te wha ôtô nome koxi onsê, daru ni katxi omé, ma nó ka pô sa salvu wa.¹³ Ma ané bê mora ma Peru ku Zon ane ta ma é sa ome sê letra, ane fika xipantaru, I ane ta ma Peru Zon ta ka vivê ku Jizu.¹⁴ Ê, bê ma ane sa ku ome ku fô kularu, ne whã kua pa fa di di oto mora wa.¹⁵ Mazi, so ane manda apostolo xie renio di konse ane kumba ane.¹⁶ Fa: kua ma no ka ndji ane omé é. Punda veridko ku wha milagre buaru ksa ndjiru punda ane e sa konseru da turu kenu ki vive Jerusalé no na ka poi nega kué wha.¹⁷ Mazi, pa kua na sa wangaru da nkenu, bamu sama ane pa na fa newha nkenu ne nomé.¹⁸ E ane sa ma Peru ton manda pa na fa newha mudo ne xina e wa nome di Jizu wa.¹⁹ Mazi Peru ku Zon Kundji fa: zuga zusto, oyé Dessu kobdoce se invê di kundji Dessu.²⁰ Punda no na poi kaboka wa ser ka di kua ma non bé i nde wa.²¹ I a miasé ané dinge Peru ku Zon desa ane be, ane be Kapizi di sama kuali keru Justificativa pa te ane wa punda turu povô glorifica Dêssu pa kua ku dá.²² Ome ma kula té maxi kuarenta ano di idadi.²³ Sô a sota, Peru ku Zon ane ba lêlê povô ane popli ba fa turu kua ma sefi saserdote ku ansion ta faru.²⁴ Ma ane ndê, kué ane lata vozi zuntu Dêssu fa: Sun, bô ku dji onsê ku tia, mionga turu kua ku sa né,²⁵ Bô ku, Supitu Santu, ni boka di Tata nón Davi, nkênu ô, fa: sô ku nasôn di zintxi leva povô, lembua kua mali!²⁶ Ane alê tia zunta, govenarô ta ka pensa kotra Sun kotra Ungiru ô.²⁷ Di fato ane dosu, Herode ku Pônso Pilatu, zunta ku zintxi povô di Israel, zuntaru ni poson é kontra Nkênu, Santu ô Jizu, ngê ma bô ungi.²⁸ Ane zunta pa ndji turu kua ma mó ô ideia ô disidi nana kua ku tava pa dji.²⁹ Wê, Sun, ka pia pa miasa ane dá ane nkênu Ô fa lumba Ô ku turu fosa.³⁰ Ma ô sendê mó ô pa kula, i pa ndji sinali maravilha ni nome di nkênu santu ô Jizu.³¹ Ma é loké di fa lason, nga ma ane tava né zuntaru fo saguriru, turu ane fika xiaru di Supitu Santu, ba fa lumba Dêssu ku fosa.³² Da yô nkênu ku kêlê sa whã koso sô ku alima, ni whã nkênu fa kua sa di rê sa véré mé i di kué, tava turu kua si é ni kumu.³³ Mora mémé pôrê, apostulu plokama testemunhu ô serka di ressursisón di Sun Jizu, mémé grasa ta ku ané.³⁴ Ê na tia nkênu katxi ané ku pisisa di whã, punda turu nkênu ku ta ku likeza ka, ta lenderu bi ki lêlu di kua ma bëndê.³⁵ Depozité ni opé

Chapter 5

apostulu. I patxiru zunta kada whã, mora nesessidari ane. ³⁶ Zuzé, whã levita, di Xipre, ngê fo daru nome di Barnabé da apostulu, ixié sa ná konsolaru. ³⁷ Tê whã propriedade, bende bi ku lêlu pê opé apostulu.

Chapter 5

¹ Sô whã omé ma ka sama Anania, ku Safira, mengai rê, bendê whã lossa, sô é fika ku whã kiba lêlu mê bendê (megai rê ta turu kuê). ² Ê bi ku ôtô kiba lêlu sô bapê opé melu Jizu. ³ Sô, Peru punté: Anania, da kuai ma demono sia koso ô pa ô siriga da Supitu Santu sô fika whã kiba lêlu é losa! ⁴ Sô si ta sê bendê, é na ka sa di ô sô wha! Sô ola bô bendê, sô é na ka ta ni porê ô wha! Ma bô pensa kué ny koso ô! Sê na siriga da omé wha, mazi ra Dêssu. ⁵ Ma é ndê lumba é, Anania kiê só muê. Yô nkênu ku ndê kué é ané mendu fogaua. ⁶ Sô ané mosu lata, kubié pano, kégé békuê ba tia. ⁷ Sô dy tési ola, mengai rê turu letxia, na ta kua ku ta ka raua. ⁸ Peru fé: Bô ka tagaun bô bendê losa i ny pesu é! Ê kundjê: Ê é mbêndê pesu é. ⁹ Sô, Peru fé: Ra kuai sê luma povega Supito Sun! Pia ane nkênu ku tia ome ô ny potó, ane turu kabi ku ô. ¹⁰ Ta sô é kiê opé rê sô ane moso bi bê motxi, sô ane bé kuê ba tia kota ome rê. ¹¹ Sô turu ngêza ta ku mendu fogaua sô ku turu ane ku ndê kuê é. ¹² Yô sinali buaru ta ka ra katxi pôvô ny ane melu zi zu. Sô ane ta apendre dy Salomó zunto. ¹³ Pôvô po ta ka gôgô ku ane fogaua mé wha, nkênu na ta ku koso di zunta ku ane wha.

¹⁴ Sô yô krente ta kamotxi ny Sun, mora ome kuma mengai, ¹⁵ Dy mora atê doetxi a ta ka bé ku ane lua ba pê kama ô maka, mora ola Peru ka pasa ma sombla rê ka la diba whã whã ane. ¹⁶ Sô nkênu ta kabi zuntaru fô poso turu kiba Jeruzalem, ta kabi ku doetxi ku nkênu ma demono tua kota rê sô turu ane yógó loké. ¹⁷ Sô sefi ngêza lata, sô turu nkênu ku ta kuê, ¹⁸ (yesa, seta ane saduseu) sô ta tuá ouyêsia. Manha ane melu Zizu, pê ane pezu publiku. ¹⁹ Na suku anzu Sun biri poto pézu, txia ane pê lua sô fa: ²⁰ Sê ka ba plezenta ny ngêza ba fa turu nkênu turu lumba vira é. ²¹ Ola ane ndê kua é ane letxia ngêza pomonha seru sô komesa ka xina. Sô ane sefi ngêza ku nkênu ku ta ku ane zunta kose, ku turu sefi ngêza Israel sô manda ane nguara ba pezu ba tua ane melu Zizu bikuê. ²² Nguara bé atê nha, sô, ane bê ane melu Zizu pezu whã, sô ane tô ba fa tanga kue e: ²³ Nó bê pezu fisaru ku turu segurasa ku nguara ndjaru kota potó, sô ola nó biri é, nón na bê né whã nkênu wha. ²⁴ Ola sefi nguara ngêza ku sefi melu ndê fa é, ane tá kovoru fogaua ku kua ku ta ra. Sô nkênu sô viza ane! ²⁵ Ane ome ma ô pê pezu sa ngêza ka sina ngê. ²⁶ Sô kapitó bi ku sefi soré sô bi ku ane sê béta ane, punda ane ta ka mendu povô dy ra ane ku buru. ²⁷ Sô ola ane bi ku ane bi musa konselheru ane sefi ngêza punta ane. ²⁸ Fa, nón obliga sê pa sê na sina ny nome é wa, punda sê sia Jeruzalem ku kua si ma sê ka sina sô mese lukua sangi ane ome i pê diba nón. ²⁹ Sô, Peru ku ane melu kundji: Nó tê dileto di zi kua Dêssu ka manda masi dokê ome! ³⁰ Dêssu Tata nón ku tô kora Jizu ma sê mata, inhega pê kusu. ³¹ Dêssu pê món dileta i é sa Prisipe ku savaru, pa Ê da leplendimento da Israel y remisó dy pekaru. ³² Nó sa testemunha ane kua é, sô axié ma Supito Santo di Dêssu da nkênu si ku ka obdêsê. ³³ Ola ane ndê kua é, ane meblu kosê ta ku leva sô ta mêsê mata ane melu. ³⁴ Mazi whã farizeu ma a ka sama Gamaliel, dotoló Alê, ma turu nkênu ka lispeta lata da odji pa bi ku ane melu lua txó. ³⁵ Ta sô é fa ane: Ane ome Israel, tua yô ateso ku kua ma sê ka zi ane nkênu é. ³⁶ Whã dosu ria mema, Teuda lata fa ma é sa ngê fogaua sô yô ome kapo tê whã nake sento zunta kota rê. Ê muê sô turu nkênu ku ta ka lêlê бага wanga бага loké. ³⁷ Ku turu kua é, Zura galileia lata dia di senso ku yô nkênu ku ta ka lêlê. Êlê turu muê, sô turu nkênu ku ta ka zi kua ma é ta ka mé ta ka manda wanga. ³⁸ Nga fa sê, fo kota ané ome é sô desa ane, punda si kuasi ma ane pesa ô sê ka zi sa ri ome é ka loke. ³⁹ Ku turu kua é si é sa di Dêssu, sê na ka pô loké kuê whã pa sê na sa nkênu, ku sê ka ba peza kontla Dêssu. Sô a xié ane kuvesê. ⁴⁰ Tâ sô, á sama ane melu, da ane sikotxi manda ane pa ane na fa ny nome Jizu whã sô manda bê ane. ⁴¹ Ane desa konsê sô ta ku gozu punda ta ka pia ane ome ku toka parisê punda Nome Jizu. ⁴² Sô ola ane kua é pasa, turu dia, ane ta ngêza sô ny kai ny kai ane ta ka xina ka plega Jizu Klistu.

Chapter 6

¹ Ria si za, sô numeru na món ngêza ka ómenta, ba keixa Judeus di lingua grego kontra lingua hebraika, punda tava kese viuva patxi me rê turu ria. ² Ane, kuine dosu sama comunidade na món ngêza fa: Na sa seto pa no desa palavra Dessu pa no pê meza. ³ Sô, na món koiê sete omé ome no di bô reputasô, xiaru ku Supito di sabedoria, ixi ku sa sefi suvisu é. ⁴ Sô nón, dedika fa lason ministerio di lumba. ⁵ Fa me fa turu multidão ta ku gogo ku ané. Antó ané koiê Estêvão, ome xiaru di afé i dy Supito Santo, Filipe, Prokoro, Nikanor, Timon, Parmena i Nikolau, prozélito di Antiokia. ⁶ Plezenta perante apóstolos, ku fa lason so pe mô diba ané. ⁷ Ayé, palavra Dessu sa wangaru, numero na món ngêza omenta ni Jeruzalem, whã meme número sasedote é bi la yô á fé. ⁸ Estêvão, xiaru di grasa i porê, ka ndji prodigios me-me sinali katxi pôvô. ⁹ Lata nkênu ku sa dy Sinagoga di liberto i di sirineu di alexandrino, ku sa Cilicia i Asia. Ane nkênu ka dixikuti ku Estêvão. ¹⁰ Sô, na sa kapaze di resisti kontra sabedoria Supitu mora ma é ta ka fa. ¹¹ Antón ka paga ôtô ome pe fa: Nón ndê Estêvão pifili ngaba i fa mali kontra Mozé i kontra Dessu. ¹² Tasoru pôvô, ansiôn, eskriba: i bixiru kontra Êle, a bê ku-ê pa konse dy Judeus. ¹³ Abi kuê fasu sestemunha só fa: Ome xié na kansa di pifili lumba kontra Santu nga kontra Êle. ¹⁴ Punda nón ndê fa ngê sa Jizu Nazaré dana nga é ta muda mora ná Moze dá nó. ¹⁵ Anton turu nkênu ku tava nha tasoru ni Sinédrio fisa wê ané bê polo Rê, ku ka kô polo whã anjo.

Chapter 7

¹ Sô xefi saserdoti fa: ane kué sa axié mé? ² Sô é fa: Home, manu ktu táta, ndê: Dêsu re gloia plasê da táta non Abron, mê ta Mezopotâmia, antiji de bi ta Harã; ³ Farê: Xié fô tia ô, tia de ane familia ô, bi tia ma nga ba musa ô. ⁴ Sô é xié fô tia Kaldeu,

ba ta ni tia Harã. Ala ma táta rê muê, ê ba tia, mê sa né aié.⁵ Dêsu na jié leda néwã kua nha wa; maji Ê jié plomesa de dé likêza, antiji pê tê na.⁶ Sô Dêsu fa axi: Ximentxi ô ka ba nda ni ôtô tia, ane ka ba manha ane, ka ba bêta ane kuana kuin sentu anu.⁷ Naso ma ane ka ba xivi, Aun ka ba julga ane, (Dêsu fa).Ma kué ka ra ane ka xiê, ba xivi un ni lugué.⁸ Ê dê pactu de sirkusizo; Ê jera Izak, sirkunsidé naké ria, sô Izak jera jakó, jakó jera ane kuiné dôsu patriarka.⁹ Ane patriarka, ta ku inveja Juzé, bendê ra Egito; Maji Dêsu ta kuê.¹⁰ Tô livlê de turu afliso, dê glasa ku sabedoria ni uê Faraó, alê ejiptu; Pê govenarô ni ejiptu, ku turu kai rê.¹¹ Fome létxa tia de Egito ku Kannã, meme afliso; Tata na tê mé mé wa.¹² Maji Jakó ndê egito tê sereal, ê manda ane na rê banha pimêlu vê.¹³ Ku ji dôsu vê, Jozé bê ma ane mosu é sa namo rê, Faraó turu bê ane namo rê.¹⁴ Jozé manda sama táta rê Jakó, ku turu familia rê, sambari kuin nguê.¹⁵ Jakó ba Egito, muê nha; ane tata non turu;¹⁶ A bê ku ane Siken, ba tia ane nha ni kóbo Abrón, ku txó lêlu ane kopua tia mon ane na Emor ni Siken.¹⁷ Ala mê xiga tempo ma Dêsu ta fa Abrón, pôvô bila motxi pê Egito.¹⁸ A lata ôtô alê ku na ta konsê Jozé wa.¹⁹ Ixiê ku koso rê suzu komesa ka maltrata ane táta non, ka ji pa ane zeta ane na ane pê nha, pa ane na vévia wa.²⁰ Ni tempo xi za Muzeji nansê, ê sa wã nguê buaru uê Desu, têsî mêji ê ta kai ane táta rê.²¹ Ala ma mandê bê rê, na Faraó tué békuê kai rê ba kia mora na rê.²² Ane xina Muzeji turu sabedoria egipsio; Ê tia pôrê ni lumba rê, ni ane kua mê ka ji.²³ Ala mê ji kuana kuin anu, ê ta mêsê ba lêlê manu rê ku ane na Israel.²⁴ Ê bê wã ane guêrê ka padisê mon ejipsio, ê mata ejipsio é ta.²⁵ Ê kunda ma ane manu rê ka ta ma Dêsu ka ba liberta ane plovía mon rê; maji ane na kompeendê wa.²⁶ Tê ôtô ria, ane ta ka péza, ane bê, ê da ane konsê, fa: Sê sa lumon, kua sê sê ka ji ôtô mali ra?²⁷ Sô ixi ku ta ka mêsê ji ôtô mali empurê fa: nguê pê ô xefi ku zuxi diba non?²⁸ Bô té mêsê mata un mora mazó mô mata Ejipsio?²⁹ Sô ala mê ndê kuê Muzeji bê rê ni tia Midia, ligué mê ji dosu na né.³⁰ Ê ta nha kuana kuin anu, wã anzu sumu ba lêlê ni dezertu, ni monti Sinai.³¹ Muzeji, mê bê ane kué, ê gôgô ku vizo é; ê tô saia txô pê pia kuê buaru, ê ndê wã kua ka fé: Un sa Dêsu de ane tata ô, Dêsu de Abiron, Dêsu Izaki, Dêsu Jakó. Muzeji mendu, na mêsê pié wa.³³ Sô Desu fa rê: txia sapatu mô sa kuê opé, punda luguê mô sê ka pê opé sa wã tia santa.³⁴ Un sê ka bê padisê ma pôvô un sa né ni ejitu, Un dê zémê ane, un dêsê pa livla ane; Anto bi nga manda ô ba ejitu.³⁵ Muzeji ixi, ma ane ta zeta fa: Nguê ji ô xefi ku zuxi, Dêsu manda ô mora xefi libertarô, ni mon anzu ku ta uêrê ni sarsa.³⁶ Ê txia ane ni Ejitu ala mê ji milagri, ku xinali ni tia Ejitu, ni mionga bôru, ni dezertu, jina kuana kuin anu.³⁷ Ixiê sa Muzeji ku fa ane na Israel: Sumu, Dêsu sê, ka lata wã pofeta da sê ni katxi ane lumon rê, wã pofeta mora un.³⁸ Ixiê ku ta nguêza pôvô ni dezertu ku anzu ku ta fa ni monti Sinai, ku ane tata non; ane ixi ku resebê palava vira, pa ane ra non;³⁹ Ane kuaxi ma ane tata non zeta de ndê; ane zetê, coso ane bila da egitu;⁴⁰ Ane fa Arão: Ji ôtô dêsu da non, punda Muzeji ixi ku bê ku non lonji tia Ejitu, non na ta kua ku da kuê wa.⁴¹ Ni tempo xi za ane ji wã bezeru, ji fesa da idulu, tô ngôgô ku kuaxi ma ane ji.⁴² Dêsu bila kontla ane, pê ane xivi exersitu de ose, mora mê sa eskreveru ni livo Pofeta: Sê ka pia mê kai Israel, sê oferesê un xitu muêru, ku sakrifisio ni dezertu kuarenta anu?⁴³ Sê tua da sê guêza Moloki tu tetembu DêsuRenfã, ku turu kuaxi ma sê ji pa sê adora; kuê mé ma nga ba kôlê ku sê ba londji Babilônia.⁴⁴ Ane antipasaru, ta ku nguêza ri testemunhu ni dezertu, axi mora Dêsu fa ku Muzeji, pê ji mora mê ta bê.⁴⁵ Mora ma ane tata non tua kué, bê ku Juzué mora ane tua poxi gentiu ma Dêsu txia ni uê antipasru ane atê ria Davi.⁴⁶ Dêsu gôgô ku kuê, tô pindji pa ane ngolo luguê ri kai Dêsu de Jako.⁴⁷ Salomon ji wã kai ré.⁴⁸ Maji Dêsu na ka ta kai djiru mon home wa, mora pofeta fa:⁴⁹ Ose sa trono un, tia sa luguê opé un ka sa né; kali kai ma sê dji ra un?, Sumu fa; Kali luguê nga repasa né?⁵⁰ Sê na ta ma turu kuê un jié ku mon un wa?⁵¹ Sê, obstinado insirkunsizu re koso ku ôria! Sê ku semple ka bi kontla Supitu Santu! Mora tata sê sa, sa mora sê tambe sa!⁵² Kali pofeta tata sê na pesegui wa? Ane mata turu ane ixi ta ka anunsia seru ma justu s | e ka bi, aié sê mé tô mateta;⁵³ Sê ku ta resebê lei de patxi anzu, maji sê na lôkê wa.⁵⁴ Ma ane ndê áne kuê sô, ane tua leva pê koso, ta ka muê dentxi kontlé.⁵⁵ Maji êlê, xiaru ku supitu santu, lata uêrê pia ose, ê bê glora Dêsu, ku jizu ku ta direita Dêsu.⁵⁶ Ê fa: Sê ka bê ose biriru, Na Home, ku sa direita Dêsu.⁵⁷ Maji ane, ka nguita ku fosa, tapa ôria ane, ka kôlê zuntu mema rê;⁵⁸ Txíê fô poso, dê ku buru, nguê ku bê kué pê kabixi rê opé wã mosu ka sáma Saulu.⁵⁹ Ane ra Estêvão ku buru, ê ta ka nguita fa: Jizu recebê supiyu un.⁶⁰ Ê pê zunta so, ka nguita ku fôsa: Sumu, na kupa ane ku pekaru é wa. Ê fa kuê sô, ê muê

Chapter 8

¹ Saulu turu kunxitxi motxi rê. Nguêza ku ta Jeruzalem sofrê perseguisson, ane wanga ni region Judeia, ku Samaria, ane apostulu sô na kondêwa.² Wã dôsu home devotu bé zuntu ku Estêvão ba tié, plovía kuê ane nguita fogawa.³ Saulu ta ka ngolo moru бага nguêza, ka letxa kai, ka txia home ku mengai bé ku ane pezu.⁴ Ane ixi ku wanga, ta ka la ka fa re Jizu.⁵ Filipe, ta ka poso Samaria, ta ka fa ane re Clistu.⁶ Iô nguê ta ka presta ateso ka kêlê ni kua ma Filipe ta ka fa, ka ndê ka pia xinali mê ka ji.⁷ Punda supitu suzu, ta ka nguita, ka xiê ni onguê iô nguê; iô paralítiku ku nguê ta ku ope kebiaru kula.⁸ Ni poso é ane gôgô fogaua.⁹ Nha ta tê wã home, ka sáma Simon, ku ta ka ji mjia ni poso é, ta ka ji pôvô de Samaria fika admirado, ka fa de êlê mé é sa ngairu.¹⁰ Turu ane ka dé atenson, jina txororo atê ngairu, ka fa: Ixiê sa pôrê Dêsu.¹¹ Ane ta ka dé atenson, punda majia rê ta ka causa ane admiraso.¹² Ala ma ane kêlê ni Filipe, ku fa ane de evangelho de Lênu Dêsu, ku nome jizus kristu, ane sa batizaru, nê home né mengai.¹³ Atê Simon kêlê; ma ane sa batizaru, ane ta zuntu Filipe; ka pia xinali ku maravilha ku sa djiru, ane fika admiraru.¹⁴ Ane apostolu ta Jeruzalem, ma ane ndê ma Samaria resebê lumba Dêsu, ane manda Pêru ku Zon.¹⁵ Ku ji laso ra pa ane resebê supitu santu.¹⁶ (Punda ane na ta resebê supitu santu anda wa; Maji ane ta batizaru ni nome jizu):¹⁷ Sô a pê mon diba ane, ap ane resebê supitu santu.¹⁸ Ala ma Simon bê ma ane sê ka pê mon diba apostolo ka tua supitu santu, ane kia dé lêlu, tô fa:¹⁹ Ra un pôrê é pa ala ma ga pê mô diba kuakuali nguê ane ka resebê supitu santu.²⁰ Maji Peru fa ane: Lêlu sê ka sa ku sê pa sê ba pêndê kuê, punda sê kunda pôrê Dêsu a

na ka tué ku lèlu wa. ²¹ Sê na tê patxi né txô kua ni palava é wa; punda koso ô na sa buaru uê Dêsu wa. ²² Arependê de kua mali, ji laso da Dêsu, pa Ê pora kua kua sa koso ô; ²³ punda un ta mô na sa buaru wa. ²⁴ Sô Simon kundji, fa: ji laso ra un, da newã kua ma sê fa na ka kiê diba un wa. ²⁵ Ala mê da testemunhu tô fa kua Dêsu, ane tô ba jeruzalem, ni iô aldeia samaritanu ane fa de evangelho. ²⁶ Sô wã anzu fa Filipe: Lata ba sulu, mondja ma ka dêsê ri jeruzalem ba Gaza ku sa dezertu.

²⁷ Sô ê lata, bé, wã home etíope, eunuku, ku ta ka tua konta kua de rainha etíope, ê ta ka bi de jeruzalem bi adora; ²⁸ Sô ê ta ka bi, tasoru ni karuagem, ka lê pofeta Isaias. ²⁹ Sô supitu fa Filipe: Bi zuntu karuagem xiê. ³⁰ Sô Filipe kôlê, ndê mê ta ka lê pofeta Isaias ê fa: Bô ka ndê kuaxi mô sê ka lê? ³¹ Sô ê fa: ma nga poi xi nêwã nguê na ka xina un wa? Ê pindji Filipe pê subi taso kuê. ³² Luguê re eskritura mê ta ka lê sa ixiê: Mora ovelha ma bekuê ba mata, mora wã kordeiro ku na ka fa wa, sa mora ê na biri boka wa. ³³ Humilhaso rê ane txiê ni zugamentu; nguê ka ba fa de geraso rê? Punda vira rê a ka txiê ni tia. ³⁴ Sô eunuku kundji Filipe, fa: Nga pindji ô nguêi pofeta é sê ka fa? De êlê mé ô de ôtô nguê? ³⁵ Filipe biri boka rê fa kuê de jizu. ³⁶ Ma ane ta ka nda, ane xiga wã luguê ku tê áua; eunuku fa: kua ka impidi un de sa batizaru? ³⁷ Sô Filipe farê: xi bô kêlê de turu coso ô. Sô ê kundji, fa: Nga kêlê ma jizu sa na Dêsu. ³⁸ Sô ê manda dja karuagem, ane dôsu letxa áua, né Filipe né eunuku, ê batizé. ³⁹ Ala ma ane subi de áua, supitu Tata tua Filipe bekuê, sô eunuku na tô bê wa, punda ê bê ni mondja rê ka gôgô. ⁴⁰ Filipe bé até Azotu; ka pasa ka fa de evangelho ni turu poso, bé até Cezareia.

Chapter 9

¹ Sô Saulu, ta ka da fôgô anda ka pensa mali ku motxi pê ji ene maêlu jisu, ê bê até sumu sacerdoti. ² Ê pindji ane kata pê ba Damasku ê ka bé xi ê bê nguê ni mondja ê ka békuê pezu até jeruzalem. ³ Ni mondja ka bé ê xiga Damasku, sô wã kandja onse iêrê pê katxi. ⁴ Sô ê kiê so, ê ndê wã vosi ka samé Saulu, Saulu, da kuaí mô sa pisigui un? ⁵ Saulu kundji: Nguê mô sa? Sô ê fa: Un sa jizu, nguê mô sa pisigui. ⁶ Lata, letxa poso; inguê nga ba ô kua ma ô ka ba ji. ⁷ Sô ane home ku ta ka viaja kuê ndja ku mendu, ane ndê vozi maji ane na bê newã nguê wa. ⁸ Sô Saulu latá ni so, biri uê, ê na bê nêwã nguê wa, ane tê mon békuê Damasku. ⁹ Ê ta nha tési ria, na mé né bêbê wa. ¹⁰ Ni Damasku ta tê wã maiêlu jizu, ka sama Ananias; Dêsu fa kuê ni vizon: Ananias! Ê kundji: un sa inguê Sumu! ¹¹ Sô Sumu fa rê: Lata, ba wã luguê ma ka sama direita, puta da kai Zura da wã nguê ka sama Saulu de Tarsu; ê sa ka ora. ¹² Ê bê ni vizon ma wã home, de nome Ananias, ta ka létxa, pê mon diba rê, pa uê rê biri. ¹³ Ananias kundji: Sumu, un dê iô kua ma fa de home é, mali mê ji ni Jeruzalem; ¹⁴ Inguê ê tê ordem de xefi saserdote de pê pézu turu nguê ka fa nome ô. ¹⁵ Sô sumu farê: B^punda ixiê sa vazú ma kôlê de bê ku nome un da ôtô nguê, ane na Israeli. ¹⁶ Punda nga ba musé mora mê ka ba sofré punda nome un. ¹⁷ Ananias bê, letxa kai; pê mon diba rê, fa: Manu Saulu, Sumu jisu ku fa ku ô ni mondja, manda un pa un bi lèlê ô pa uê ô tô biri, pa ô sa xiaru ku Supitu santu. ¹⁸ Sô wã kua xiê ni uê rê mora kama, sô sô sô uê rê biri; ê lata b sa batizaru. ¹⁹ Ala mê mé é xintxi fosa. Sô Saulu ta nha wã dosu ria ka ane maiêlu jisu kuta Damasku. ²⁰ Ni Sinagoga ê fa de jizu, ma jizu sa na Dêsu. ²¹ Turu nguê ku ndê kuê gôgô kuê ka fa: Na sa homeé ku ni Jeruzalem ta ka mèsê mata turu nguê ku ka fa nomeé a? Na sa da kueé mê bi nguê, pê bé ku ane xefi saserdoti pezu a? ²² Maji Saulu, ni turu kueé ê ta ka prega ka konfudi ane zudê ku ka ta Damasku, musa ane ma home é sa Cristu. ²³ Sô iô ria pasa, ane Zurê zunta pa ane ngolo moru pa ane mate ta. ²⁴ Maji kuasi ma ane luma Saulu bi ta; Maji ane ta ka ngja poto pomonha ku suku pa ane bê moru mate ta. ²⁵ Sô ane maiêlu jisu tué suku pê lètu zonguê pa ane bekuê kondêru. ²⁶ Ala Saulu xiga jeruzalem, ê ngolo moru zunta ku ane maiêlu jisu nha. Maji turu ane ta ku mendo rê, ane na kêlê ma aie êlê turu sa maiêlu jizu wa. ²⁷ Maji Barnabas, tué bekuê ane apostolo, tô fa ane kua ku ra kuê ni mondja, mora ku sumu fa kuê, ni Damasku mora mê fa de jizu da pôvô. ²⁸ Ê ta zuntu ane, ka letxa ka xiê ni Jeruzalem; ²⁹ Mora me ka fa ni nome sumu, ka fa ka diskuti kontra ane Grêgo; Maji ane ta ka ngolo moro mate ta. ³⁰ Ane lumon ma ane persebê kueé, ane bekuê até Sezareia, pa ane mandé ba Tarso. ³¹ Sô turu nguêza judeia, ku Galileia, ku Samaria ta tê paji, era edifikado; ta ka nda ni temor Dêsu ni konsolaso de Supitu Santu, komesa ka motxi pê tia. ³² Sô Peru komesa ka pasa ni turu luguê, ane ta ka ta Lida turu bi. ³³ Nha ane bê wã home ka sama Enéias, tê nake ano mê ta duêtxi na ka pô lata wa. ³⁴ Sô Peru farê: Enéias jezus kristu ka kula ô; lata zunta kama ô. Sô ê lata. ³⁵ Turu ta ka vevia ni Lida ku Sarona bê turu kueé, ane tua vira ane da sumu. ³⁶ Ni Jope ta tê wã mengai ka sama Tabita ma ka traduzié a ka samé Dorka. Mengaiê ta ji iô kua buaru zura iô nguê ku ta mali. ³⁷ Sô ni tempo xi za, ê doêtxi, muê; ane tué békuê kuartu maxi diba. ³⁸ Ma Lida sa petu Jope, ane manhelu ndê ma Peru ta nha, manda dosu home pindjiê pê na langa wa. ³⁹ Peru lata bê ku ane. ê xiga ane békuê até kuartu maxi diba, turu mengai ku na tê home wa ku ta petu rê suá fogauata ka musé kabixi ku Dorka ji ala mê ta ku ane. ⁴⁰ Peru, manda turu nguê xiê; ê bila ra onguê, pê zunta só ji lason, fa; Tabita latá; ê biri uê, pia Peru, taso. ⁴¹ Ê ré mon laté; ê sama turu na Dêsu ku ane viuva, musa ené néé ⁴² vivo. Turu nguê ndê kuê ni Jope, iônguê kêlê ni Dêsu. ⁴³ Kuê ra ma ê ta Jope iô ria, ku Simon kurtido.

Chapter 10

¹ Ê tia wã home ni posô de Cesareia ka sama Kornelio, wã xefi sore kolo Italiano. ² Home buaru ku ka xivi Dêsu ku turu familia rê, ê tia ka ra yô jimola da pôvô, turu ria ê ka dji laçon da Dêsu. ³ Ê bê ni vizon, patxi tadjji, wã anjo de Dêsu ku ta ka bi lèlê, sô farê: Kornélio! ⁴ Sô ê bila wê pié ku mendu, ê fa: Kuai Sumú? Sô anju é fa: Laso ô ku turu kua mô ji buaru bi ntê Dêsu. ⁵ Aié manda home ba Jopi, ba sama Simon, ma ka sama Peru. ⁶ Ê sa kai ôtô Simon curtidor, Kai rê sa zuntu mionga. ⁷ Sô anju ku ta ka fa ku Kornélio bêrê, ê sama dôsu nguê suvisu rê, ku wã soré ku ka ta zuntu rê turu ria. ⁸ Ê conta ane turu kuê, manda ane ba Jopi. ⁹ Sô ôtô ria, ane ta ka bé ni mondja, xiga pétu poso, Peru subi diba kai pê ba ji laso, patxi

tadji. ¹⁰ Ê tē fome, ê kia mé; ma méé ta ka djia, ê tē wā vison komesa ka téme. ¹¹ Ê bē onsé biriru, wā kua ta ka dēsē mora wā lensolo ngairu manhnaru de quana ponta ka bi tia. ¹² Ê ta tē turu xitu ku tē kuana opé ni tia, xitu mau, ku bisu de Onse. ¹³ Ê ndē wā kua farê: Peru, matá mé. ¹⁴ Sô Peru fa: na ka ji kué wa, Sumu; Punda naxi mé newā kua suzu wa. ¹⁵ Ê tô ndē kué dingui ku fa: Kua ma Dêsu purifika, bô na ka pô samé suzu wa. ¹⁶ Kué ra tēsi vê; sô kué tô bêrê diba, onsé. ¹⁷ Ma Peru ta tapaiaru pê ta kua ma ene kué sa, ane home ma Kornélio ta manda ba lêlê, puta ra kai Simon, ndja poto. ¹⁸ Ane sama, puta xi Simon ma ka sama Peru sa ingué. ¹⁹ Peru ta ka pensa ni vizon ixi mē ta kué, supitu fa ré: tēsi home sê ka ngólo ô. ²⁰ Antó lata, dese bē ku ane, na mendu wa, punda Aun sô manda ane. ²¹ Peru, ba lêlê ane fa: Aun sô sa nguê ixi ma sê sêka ngolo; kua ma sê mēsê? ²² Sô ane fa: Kornélio, ku sa centurion, home justu ku ka témé ra Dêsu, ku tē bom testemunho ni turu Nason zurê, ma wā santu anzu fa pa sama sê pa ba kai rê, ba ndê kua mē tē fa. ²³ Sô a sama ane ba lētu kai. Maji ôto ria, Peru bē ku ane; ane bē ku ôto lumó re Jope. ²⁴ Ôto ria ane xiga Cezareia. Sô Kornélio ta ka wara ane, ê sama ane migo rê maxi petu. ²⁵ Ala ma Peru letxa, Kornélio bē, kiê ope rê adoré. ²⁶ Sô Peru lata, fa: Lata; aun turu sa home mora ô. ²⁷ Mē lumba kué, ê letxa; ê bē iô nguê zuntaru. ²⁸ Ê fa ane: Sê ta mē na sa buaru wā home zudê sa zuntu ku estrangeiru wa; maji Dêsu musa un ma non na ka pô sama nêwā nguê suzu wa. ²⁹ Sô ma sama un, un bi sê ji demanda. Un putá: da kuai sê sama un? ³⁰ Kornélio fa: Tē kuana ria ma, atê hola é un ta sê mé anda ka ji laso ni kai un. ³¹ Sô wā home ndja uê un ku wā kabixi ka brilha, fa: Kornélio, ndê laso ô, turu kua buaru mô ji ê sa lemblaru ni uê Dêsu. ³² Anto manda ba jope, ba sama Simon ma ka sama Peru; Ê ka ta kai Simon curtido zuntu mionga. ³³ Sô sô sô mô bi nguê, non sa zuntu ni uê Dêsu, pa non ndê turu kua Mē tē fa ra non. ³⁴ Peru, biri boka, fa: un ta mē sa véré ma Dêsu na ka kôlê ixi ku sa buaru ô poreru wa. ³⁵ Maji, turu Nason ku ka témé, ku ka ji kua buaru ê ka gôgô kuê. ³⁶ Sê konsê lumbarê ku bi ra pôvô Israel, ê fa kua nóvu ri paji ku ka bi plovía jizu; pa turu nguê ta mē sa Desu de veré. ³⁷ Turu nguê judeia ndê lumbarê, ku komesa ni Galileia, antiji ri batizumu ma Zon ta fa. ³⁸ Kua ku ta ra ku jizu de nazaré, mora ma Dêsu onté ku supitu santu, ku pôrê; Ê nda ka ji kua buaru, ka kula turu nkênu ma demônô tomenta, punda Dêsu ta kuê. ³⁹ Non sa nkênu ku ta turu kua mē ji, ni tia de judeia, atê jeruzalem; Ane maté ni kusú. ⁴⁰ Dêsu koré mē tē tēsi ria, tô ji pa turu nguê pô bê; ⁴¹ Na sa da turu pôvô wa, maji da turu nguê ma Dêsu mēsê. Non ixi ku mé tô bêbê kuê, ala mē tô kora. ⁴² Ê fa pa non bē ku lumba rê da pôvô, tô ji ane ta ma Dêsu sô mandé bi juga turu nguê ku vivo ku turu nguê ku sa muê. ⁴³ Pa turu pofeta ka fa né, de mora pa turu nguê ku ka kêlê ni nomi rê ka tē peró ri pekaru ma ane ji. ⁴⁴ Ala ma Peru ta ka fa ane kué, supitu santu dēsê diba turu ane ku ta ka ndê lekaru. ⁴⁵ Turu na Dêsu circuncidado ku bi ku Peru fika admirado, punda don de supitu santo té dēsê diba jintxi. ⁴⁶ Sô ane ndê zitxi ka fa ôto lingua, ka ngôgô ku Dêsu. Sô Peru kundji: ⁴⁷ Nkênu kutxi zeta aua, ra ane nkênu na sa batizaru wa, ane ixi ku sa siaru ku supitu mora non? ⁴⁸ Ê manda batiza ane ni nome jisu. Sô ane pindji pê ta ku ane wā dosu ria.

Chapter 11

¹ Ane apostolu ku ane manu ku ta ni judeia ndê ma ane jintxi té biri koso ane da Dêsu. ² Ala ma Peru ba jeruzalem, ane de sirkusizo kéta kuê fogaua, ³ fa: Bô letxa kai ane home insirkusizo, ba mé ku ane. ⁴ Pero komesa ka explika ane turu kua ni ordem, ka fa: ⁵ Un ta ka ji laso ni poso Jope, un tē wā vizon: Wā kua ta ka dēsê mora lensu, ni kuana ponta maxi basu osé, ka bi lêlê un. ⁶ Un ta ka pié ku atenso, un kunda kuana opé de tia ku bisu ku ka nda ni só, kua ane bisu osé. ⁷ Un dē wā vozi ku ta ka fa un: Lata Peru, maté mé. ⁸ Sô un fa: Na ka ji kué wa sumu; punda un naxi mé ane kué wa, né kua suzu ni boka un wa. ⁹ Sô ê dē wā vozi ni osé ôto vê: Kua ma Dêsu ji buaru, na jié suzu wa. ¹⁰ kué ra tēsi vê; Turu kué tô bêrê osé dingui. ¹¹ Sô tēsi home ku bi de Sezareia, ndja zuntu kai ma nta né. ¹² Supitu fara un pa mbé ku ane, sê mendu; Ane samanó manu turu bē ku aun, non letxa kai home é. ¹³ Ê fara non mora mē bē wā anzu Dêsu lētu kai rê, Tô faré: Manda wā dôsu home ba Jope, manda sama Simon, ma ka sama Péru; ¹⁴ Ê ka ba fa ô iô kua buaru mô ta, ku turu kai ô. ¹⁵ Ala ma komesa ka fa, supitu santu kiê diba ane, mora pimbelu vê. ¹⁶ Sô un lémbua de palava Dêsu, ma é ta fa. Vereme Zon batiza ku áua, maji ka ba sa batizaru ku Supitu Santu. ¹⁷ Sô, xi Dêsu da ane don mora non, ku kêlê ni Jizús Kristu; Nguê sa un, ka ba ndja Dêsu? ¹⁸ Ala ma ane ndê ane kué koso nae fia txo, ane gôgô ku Dêsu, fa: Anto Dêsu tē ra gentiu arrepimentu vira ane. ¹⁹ Sô ane ku ta wangaru punda pêsêguiso ku ane ji Estêvão, ane ba Fenícia, ku Chipre, ku Antiokia; na fa nêwā nguê palava wa xê na sa zudê sô wa. ²⁰ Ta katxi ane home cipriotas ku cirenenses ku létxa Antioquia, fa ane grêgo, anunsia ane Envangelho de Jizu. ²¹ Mon Sumu ta ku ane, iô nguê kêlê, mura koso ane da Sumu. ²² Sô nutixa xiga ória nguêza ku ta Jeruzalem; ane manda Barnabé, ba Antioquia. ²³ Ala mē xiga nha, glasa Dêsu ta kuê, N^gosô fogaua; Ê pindji pa ane tē Dêsu ku mon dizu. ²⁴ Punda é sa wā home buaru, xiaru ku Supitu Santu ku afé; iô nguê létxa nguêza. ²⁵ Barnabé ba Tarso, ba tua Saulu; Ala mē bē ê békuê Antioquia. ²⁶ Mē ra wā anu, ane zunta ni nguêza, ka xina yô nguê; Ni Antioquia pimêlu vê ma sama ane maiêlu jizu kriston. ²⁷ Ni tempu xi za iô pofeta ba Antioquia. ²⁸ A lata wā ane ka sama Ágabo, ku supitu fa ni boka rê, ma nha ta pa tē fome ni turu luguê. Ku bi ra ni tempu Cláudio Cézar. ²⁹ Sô ane maiêlu jizu fa wā wā ane, pa wā ka zura ôto ane manu non ku ka ta Judeia. ³⁰ Saulu ku Barnabé manda Ansion ba lêlê ane nha.

Chapter 12

¹ Sô na tempu siza, alê Elodi manha whā dôsú nkenu ngeza pa ê matrata ané. ² Sô ê mata Txagu, ná amón Zon ku supára. ³ Ma ê pia ma kué é bua ra ane Zurê, ê ngoló manha Perú turu kua-é kôlê na ria mpó sê fomentu. ⁴ Ola é manha Péru, ê pê pezu sô pê kuana ngupu dy kuana soré dy vigié ngoló bikuê ra povô katxi Pasukua. ⁵ Sô Péru ba ta whā pezu sô ngeza ta ka fa lason ra Dessu ré ku turu vonté. ⁶ Nsuku-é mé ola Elodi tá ka plezenté, Péru ta ka dumi katxi dôsú soré, pezu ku dôsú

lêngê, sô whê póto, nguara tá ka zongó pezu. ⁷ Sô anzu Sun bi séru, sô whã kandja yêrê letu pezu. Anzu é batê mbandji Péru, koré sô fa: lata séru. Sô lengê é kiê fô mon rê. ⁸ Anzu fé: pê kábisi ku ngasó ku sapatu. Péru zi kua-é. Anzu fé: pê kapa lêlê Un. ⁹ Péru lêlê anzu sô siê. Ê na tá ta si kua ma anzu seka zi sa setu wha. Ê kunda ma é ta ka sonha. ¹⁰ Sô ola ma é pasa pumbêlu tô pasa sêgundu nguara, ane vitxa puton félu ku ka ra rá posson, ku biri ra ane sô, ane siê desê whã lua, sô anzu desê seru. ¹¹ Ola Peru kiê kuê sô, é fa: Ayé ntá veré ma Sun manda anzu Rê ku libla Un ny mon Elodi ku turu kua ma zurê ta mesê. ¹² Ola é bi ta kua-é é ba kai Maia mama Zon, ma subli-nome sa Maku, ngá ma yô kliston tá zuntaru ka fa lason. ¹³ Ola é batê póto, whã ná kia ma a ka sama Ludi siê ba kundji. ¹⁴ Ola é bi ta vózu Péru é sia ku gostô ma é kesê biri póto. Pa é zi kua é, é kolê ba sala, ba viza ma Peru ta ndjaru, póto. ¹⁵ Sô ané fé: bô sa dôdô, sô é komesá ka pufia. Sô ané fé: Ê sa anzu rê. ¹⁶ Mazi Péru ta ka batê póto sô, ola ané biri póto, ane bê sô babaka. ¹⁷ Ê zi ane sinali ku mon pa ane kaboka, é tanga ané mora ma Sun txiê fô pezu. Ê fa: Pa kua-é ra Txagu ku ane ná amon. Sô é siê ba otô ngá. ¹⁸ Ola pomonha biri, nha ta ku yô demanda katxi soré dy kua ku ra ku Péru. ¹⁹ Sô ola ma Elódi ta ka ngolóé, é na pô bê wha é puta ane nguara sô manda ane pa ane maté. Elódi desê fô Zurê pê ba Sezarêa sô passa whã dôsu ria nha. ²⁰ Elódi ta satiaru ku an nkênu Tiru ku siron ma ane zunta ba kota rê sô bê apôio Blastu tabarô alê dy zura ane. Sô ane pindji paji, punda tia ane tá ka tua mé tia alê. ²¹ Sô whã ria, Elódi bisi kua bisi alê, ba ta son palaxu ka lumba ku ane. ²² Yô nkênu ngita: yé sa vogu whã dêsu, é na sa dy whã ome wha! ²³ Ême whã anzu Sun firié punda é na ra gloia ra Dêssu, sô ókoli mé, é muê. ²⁴ Ku turu kua é lumbá Dessu ta ka kula sô tá ka whanga. ²⁵ Banabé ku Salu bi ki otô kua sissikaru: ba Jeruzalem ola ma ane tia ziru misson ane, bê ku Zon, ki tê subnome era Maku.

Chapter 13

¹ Ta ku Whã dousso mese ku plofeta ny ngueza ny Antiokia. ku sa Banabé, Simion, ma a ka sama Nige, Lusu du Sirene, Manoé, na amón ma govenarô Elode adota ku Salu. ² Sô ma ane ta ka kongô ku Sun sô ta ka ta jizun, Supitu Santo fa ane ;txia Banabé ku Salu pa ane ba gi suvisu mã sama ane ra, ³ Ola ane jinzua, fa lason sô pê mon diba ane ome é manda ane bê. ⁴ Sô Banabê ku Salu kundji ku supito Santu, ane desê ba Selêusia ; yngé ane ba ilna Sipri. ⁵ Ola ane ta posón Salimina ane fa lumbá Dêssu ny sinagoga zurê. Ane ta ku Maku turu mora assitente ane ⁶ Sô ola ane pasa turu ilha Pafu, ane bê wha magu , whã fasu plofeta ma nome rê sa Barjizu. ⁷ Magu e ta ku prokonsulu Sêrgio Paulu, ku sa whã ome supitu. Ê manda sama Banabê ku Salu punda é ta mêsê ndê lumba Dessu. ⁸ Sô, Elima; magu , yê sa mora ma a bila ka samé, é ta ka obliga ane; é ta ka golo mura afe prokonsulu. ⁹ Mazi Salu ma bila ka sama Paulu, siaru ku supito Santu, pia wê ane , ¹⁰ Sô fa; bô nà demôno, sa síaru ku turu mora Siriga ku mali. Bô sa numigu turu mora zustisa. Sa ma nuka bô na ka poi ndja dana mondja buaru Sun wha. ¹¹ 11Aye mon Sun sa kontre o so boka ta segu, bo na ka to be solo wha dosu ria wha.Ta so umira ku kulu kie diba elima; So, e ta ka pindji nkenu pa ane be kue teru mon. ¹² Sô ola ma prokonsulu be kua ra, e kele punda e babaka ku kua ma a sina dy Sun. ¹³ So Paulu ku migu re ba Pafu so ane vitxa Perji, ny Panfilia. So ma zon desa ane to ba jiruzale . ¹⁴ Paulu ku anr migu re ji viaji fo Pergi so vitxa Antiokia kiba Pizidia. ynge ane ba sinagoga, ny sabado so ane tason. ¹⁵ Sô ola ane le livu ale pofeta, ane sefi sinagoga manda ane wha lekaru dy ra povo koson, fe. ¹⁶ Sô Paulu lata so pindji ku mon pa a kaboka, fa; ome Israeli ku se ku ka gogo ku dessu nde. ¹⁷ Dessu povo e Isrseli, koye ane nkenu non na kulu so zi ane ku pusu mon ku pore txia ane fo nha. ¹⁸ Ku Whã kuarenta anu, E ra ane me letu nga se ne whã kua. ¹⁹ Sô ola ma E loke ku sambari nason tia kana, E ra ane povo nom tia e pa ane leré. ²⁰ Turo ku è be masi de kuarto sentu ku sinkuenta anu. Sô dy turu kua e; Dessu ra ane zusi ate plofeta Samuéli. ²¹ O povo pindji wha ale so ny kurenta anu, Dessu ra ane Saulu, mossu kis ome dy familia Bejami. ²² E passa tempu, Dessu txie ale ra David mora ale. Ny david, Dessu fa; mbe David, mossu jesse; pa e sa wha ome ma kosson un tua; e ka zi turo kua ma nga me se. ²³ Dy jelason ome e Savaro ra Israeli, jizu mora ma E plomete. ²⁴ Antiji ma E ka bi, Zon fa ny butizimu leplende metu ra turu povo israeli. ²⁵ Ola Zon loke suvisu re, e fa; Ngei se ka kunda ma un sa. Na sa nkenu ma se ka kunda wha. Mazi E ka bi so amu, nkenu si ma na ka po lie sandalia Re wa. ²⁶ Manu na fa milia Abron ku nkenu sy katxi se ku ka gogo ku Dessu, Non so a manda lekaru savason e ra. ²⁷ So ane ku ka ta jiruzale ku pore ane na ta kua e, ne ta lekaru ane plofeta ma ane ka le turu sabaru. Mazi ane kumpli lumba plofeta kondena jizu ba motxi. ²⁸ Ane po na ta be ne wha lazon ra motxi RE wha, ane pindji Pilato pa a mate. ²⁹ Ola ane zi turu kua ku ta sisikaru Re, ane txie fo diba ba Pe wha Siminteli. ³⁰ Ku turu kua e Dessu to kore katxi motxi. ³¹ Ane nkenu ku bi kue fo galilea ba jirujale ba be yo ria, aye ene nkenu e sa sesteminha re ra povo. ³² So non biku lekaru ra se dy plomesa ma a zi ku ane nkenu non na kulu. ³³ Dessu zi plomesa e ra non,ku mosu ane, ma E kora jizu katxi motxi. ³⁴ Ye turu sa ma a sisika ny segunda salmu;Bo sa Na Um, oze Un gera O. ra kua e me turu ma E to kore katxi motxi, pa onge Re na poto wha, E fa axiç; nga ra o benson David. ³⁵ Punda kua e, E to fa ny oto salmu; Bo na ka plomete pa santu O ka poto ni siminteli wha. ³⁶ Sô ma David sivi ny jeleson re kua ma Dessu ta mese, e mue a ba tie kota ane tata re ku ta mue. ³⁷ Mazi Ele ma Dessu ta kora na to mue wha. ³⁸ Sô sê ta kua e, na amon ma punda Ome e ma a fa sê dy peron pekaru. ³⁹ Punda Elê turu nkênu ku kêlê sa zustifikaru dy turu kua ma sê na ka poi sa zustifikaro ny alê Muze wha. ⁴⁰ Sô sê ka sa ku kuiraru pa kua ma ane plofeta ta fa na ra ku sê sê wha. ⁴¹ Ane kasuarô, ka pia ma sê sêka dimira sô seka muê, punda un sêka zi wha kua dia sê ma sê na kêlê ma nkênu pô fa sê êlê. ⁴² Sô ma Paulu ku Banabe ta ka siê, povô ta ka logo ane pa ane tô fa lumba e ningi ny sabaru ka bi. ⁴³ Ola ma reunion sinagoga loke yô zurê ku ane nkênu ku ta ku ane ta ka lêlê Paulu ku Banabe, ta ka fa ane, ka ra ane konsê pa ane vevia ku klasa Dêssu.

⁴⁴ Nôtô sabaru, kuaji turu posson ta zuntaru pa ane ndê limba Sun. ⁴⁵ Ola ane zurê bê yô nkenu, whê sia ane ma ane be kotrê kua ma Paulu ta ka fa a komesa ka keta kuê. Ola ane ndê kua e zintxi fika ku gost ⁴⁸ Ola ane ndê kua e ,zintxi fika ku

gostô ka gogô ku lumba Sun. Sô turu nkênu ma Dessu koiê ra vira até até kêlê.⁴⁹ Lumba sun whanga ba turu tia e.⁵⁰ Sô ane zurê fabkunane mengai masi plisizu ku ome ku ta sefi ny posson, ane komesa ka tua konta Paulu ku Banabe kolê ku ane fô posson.⁵¹ Mazi Paulu ku Banabe saguri opo fô ope kotrê ane. Sô ane ba posson Ikonía.⁵² Sô ane mêlu ta ku ngosô foga wha ny Supitu Santu.

Chapter 14

¹ Ê bi ra ma Ikonio ma Paulu ku ku Banabé letxa ane dosu ny ngêza zurê, sô ane fa whã mora ma yô nkênu zurê ku gêgu kêlê.² Mazi zurê ku na ta mesê wha, komesa ka ndjinga ntê ane zintxi ma ane bila kontê ane ná amon.³ Asyé ane tá nha yô ria, ka fa ku porê Sun, ma Ê ta ka ra vonté pegason ku vonté Rê, desa ma sinali ku kua ma ê ta ka zi ka sa punda Paulu ku Banabé.⁴ Sô masi motxi poson tá patxiru: whã dosú nkênu ku zurê sô otô ku sigirô.⁵ Zintxi ku zurê tua patxi ku sefi ane, kolê ku vonté zi mali sô ka ra ane sigirô ku buru:⁶ Ola ane ta kua é, ane fuzi ba poson Likaônia, Lista ku Debi ku turu kiba fêgêjá.⁷ Ane plega lumba Dêssu nha.⁸ Ane bê whã ome tasóru ny Lистра, sê fôsa opé lezaru jina ê nansê rê ma ê na nda wha.⁹ Ome é é ndê Paulu ka fa. Paulu sumba whê pê sô ê bê ma ê tia ku afé pa ê whogó.¹⁰ Sô Paulu fé ku fosa: Lata pê opé ô ndja. Asyé ome é sata sô komesa ka nda.¹¹ Ola yô nkênu bê kua ma Paulu zi, ane lata fogô ane fa ny lungua ane Likaônia: ane dêssu bi até non mora ane ome.¹² Ane sama Banabé Zeu sô Paulu dy Ermis, punda elê sô ta ka fa.¹³ A sefi ngêza Zeu ma ngêza tá whê posó, ane biku buê ku glinara whê puton. Êlê ku yô nkênu ta mesê saklifika.¹⁴ Mazi ola sigirô Paulu ku Banabé, ndê kua é ane fonó kabisi ane sô ba katxi yô nkênu seru, ngita.¹⁵ Sô fa: Ane ome ra kuay ma sê seka zi kua é ra! Non turu sa ome mora sê. Non bi ku lekaru buaru pa sê fuzi fô ane kua mali é sô pa sê bila ra Dêssu vivu ku zi osé ku tia, mionga ku turu kua ku sa né.¹⁶ Ná-kulu Ê pimiti pa turu nkênu tia ká nda ny modja ane plopi.¹⁷ Ku turu kua é Ê na Desé mé sê seseminha, ka zi buaru wha, Ê ra sê suba fô osé sô ku ola ma turu pó ka ra mé, sia kosó sê ku mé ku gosô.¹⁸ Ku lumba é mé Paulu ku Banabé na ta poy ndja yô nkênu dy saklifika.¹⁹ Sô whã dosú zurê Antiokia ku Ikónia bi konvesê ane nkênu. Ane ra Paulu ku buru lasté fô posón, ta kunda ma ê muê.²⁰ Ane mêlu tá kondoké, ê lata sô letxa posó. Otô ria elê ku Banabé syê ba Debi.²¹ Sô ola ane plega Vangéliu posó é sô zi yô mêlu tô ba Lista Ikónia ku Antiokia.²² Ane tô sigi ka ra ane mêlu fosa ntê ka ra ane kosó pa ane ka vevia ku afe, Ane fa ane ma ku turu aflison sô non ka letxa Lenu Dessu.²³ Sô tô pê ane patoru kara ngêza, pa ane ka fa lason ku jinzú ka kunfia ny Sun, ane ku kêlê.²⁴ Sô ane lá Pisidia, vitxa Panfilia.²⁵ Sô ane plega lumba ny Pergi sô dêssê ba Italia.²⁶ Sô yngé ane zi viaji ba Antiokia, nga ma ta kunfia ny glasa Dêssu ra suvusu ku loké zi.²⁷ Ola ane vitxa Antiokia sô zunta ngêza, ane fa turu kua ma Dêssu tá zi punda ane, sô mora ma póto afé biri ra zintxi.²⁸ Ane ta yô ria ku ane mêlu.

Chapter 15

¹ Whã dossu ome desê fô Zurê sô ta ka sina ane ná amon ka fà; pelu menu sê ka sa poraru mora Muze ta kustumaru ka zi, sê na ka sava whã.² Ma Paulu ku Banabé ta ku whã divizón ngairu ka pufia ra kua é ku ane apostulu ku pisbiteru e ane ta pa subinba jerusalé ku kué.³ Punda kua é ngeza manda ane ane la Feníxa ku Samaia ba fa dy koveson ane zintxi, sô biku gostô foga whã ra turu na amon.⁴ Ola ane vitxa zerusalé ngeza tua ane punda apostulu ku prisbiteru sô tanga ane turu kua ma Dessu ta zi punda ane.⁵ Sô whã dôsu ome dy glupu fasu mése ku kêlê latá sô fa ane; Ê plisiza pa ane puru sô pa a manda ane kumpli alê Muzé;⁶ Ane apostulu ku plijibiteru zunta pa ane dy kua é.⁷ Sô ku yô pufia, Peru lata fá ane; Ná amon sê ta ma whã dosú ria mema, Dessu koiê katxi sê, ma punda boka un ane zintxi vangana lumba vangélu sô kêlê.⁸ Dessu ku ta kossó, fá favólô ane, tô ra ane Supitu Santu, mora non.⁹ Sô na pia pólo pumbê katxi non, sô laba kossó ane pundá afé.¹⁰ Sô ra kuai ma sê seka pápá Dessu, ka pê ane melu rê kega ma ne sê ne ane tãta sê ká poi kegé whã.¹¹ Non kêlê sô ma nó sa savu punda ngasá Sun jizu, mora ma ane fô.¹² Turu nkênu ka boka punda ane ta ka ndê banabé ku Paulu ka fa dy sinali ku kua buaru ma Dêssu tá zi katxi ane zintxi punda ane.¹³ Sô ola ane loké dy fa, Txagu kundji fa; Ná amon vangana Un.¹⁴ Simon fa ma Dêssu zura ane zintxi ku kuiraru pumbê sô pa Ê tua whã povô katxi ane ra nomi Rê.¹⁵ Lumbá plofeta kundji ku kua é sa sisikaru.¹⁶ ku kua é, Nga tô bi zi kilala david ma a bagá. Nga tô lata sô tô dêtê nga rê ku potó.¹⁷ pa otô ome ka goló Sun, ku turu zintxi ma Un sama ra nomi Un.¹⁸ Sun sô fa, pa a ta turu kua ysi ma Ê zi na kulu.¹⁹ Sô disizon Un sa pa non na tlaza ane zintxi ku ka bila ra Dêssu.²⁰ Mazi sisika ra ane pa ane goló na raná ku fegula ne me kani fokaru ku sangi rê wha.²¹ Punda na yô jelason, Muzé ta plegá turu sabaru ny sinagoga dy turu posson.²² Sô ane apóstulu ku plisbiteru ku turu ngeza bê ma ê sa buaru, ane koiê zura, ma a ka sama barsabá, ku Sila, ku tá sefi ngeza, sô manda ba Antiokia, ku Paulu ku Banabé.²³ Sô ane sisika; apostulu, presbíteru ku ná amon, ra ane ná zintxi ny Antiokia, Siria ku Selísia fa sê mantxa.²⁴ Non ndê ma whã dôsu ome, ma na tá ra ne wha odji wha siê fô kotá non ba tazá sê ku lumbá tapaiaru ka ngana alima sê.²⁵ Ê kakô buaru non siga whã disison, koiê ome manda ba lêlê sê zuntaru ku na amon non Banabé ku Paulu.²⁶ Nkênu ku liska vira rê punda nome Sun non jizus klistu.²⁷ Non manda, Zura ku Sila ku ka tô tanga sê kua é mé.²⁸ Punda ê ka kô buaru ra Supitu Santu ku non na pê kega demaru diba sê wha dokê ane kua si plisisu;²⁹ Ma sê ka ta lodji kua ma aka zi ra fêgula, sangi sitú fogaru ku dumi ku otô matu. Sy sê loké ra ane kua é turu kua ka sa buaru ra sê. Un bé Un bê.³⁰ Sô ola ane dispiji, ane tuka ba Antiokia sô zunta yô nkênu ra ane kata.³¹ Ola ane lê kata, ane gogo foga whã punda kossó ma a ra ane.³² Zura ku Sila ku plofeta turu ra ane kossó ku fôsa ku yô lumbá.³³ Ola ma ane pasa wha dosu ria nha, a manda ane ku paji ba lêlê ane ná amon ma tá manda.³⁴ Mazi é sa buaru Sila ta nha.³⁵ Sô Paulu ku Banabé fiká Antiokia zuntaru ku yô otô, nga ma ane ta ka siná ka plegá lumbá Sun.³⁶ Sô whã dosu riá Paulu fa banabé; ban tô ba pia ane ná amon kara poson ngá non ka bá plegé lumbá Sun pa non bê mora ma ane sá.³⁷ Banabé turu tá mesê bé ku Zon,

ma a ka sama Maku.

³⁸ Mazi Paulu na bê buaru dy bé kuê punda Panfilia tá siê fô kotó ane sô na tá lêlê ane ny suvisu wha. ³⁹ Sô ê bi ra yô divizon ku бага whã ku otô , sô Banabé tua Maku kuê sô ba Shipi. ⁴⁰ Ku turu kua é Paulu koiê Sila sô siê , ola ane ta kunfiá ny ná amon ngara Sun. ⁴¹ Sô la Síria ku Silísia ka ra ngeza fôsa.

Chapter 16

¹ Paulu turu ba Debi ku Lista: Sô nha tá ku whã mêlu ma a ka sama Timote, ná whã mengay judia kente, tata rê sa glegu. ² Sô ane ná amon ku ta Lista ku Ikóni ta ka ra ben rê. ³ Paulu ta mesê pa é ka lêlê, Antó é tué porê punda ane zurê ku ta ngá siza, punda turu ane tá ta ma tata rê sa glêgu. ⁴ Ma ane tá ka lêlê mondja poson rê ane ta ka manda ngeza kundji kua ma é tá ka fa, ysy ma ane sigirô ku pastoru sisika dy Jeruzalé. ⁵ Asyé, ngezã ta ka omentá afé sô tá ka motxi kara ria masi. ⁶ Paulu ku ane ramon rê ta ka kolê turu fegejá Frígia ku Galásia whã vê ma a tá taza ane ny supitu Santu dy plega lumbá ny Ásia. ⁷ Ma ane tá pozê Misia, ane tenta letxa ni Bitínia, magi Supitu Santu na desa ane wha. ⁸ Ola ane tá ka pasa Mísia, ane desê ba poson Trôade. ⁹ Nsuku têlu, Paulu tá ka bê whã kua: Whã ome Masidônha tá ndjaru sô a samé sô fa: bi Masidonha bi zura non. ¹⁰ Asié ma Paulu tá ka bê whã kua, sô non ba Masidonha séru ba lokê kua ma Dêssu tá sama non ra pa non plega vanghelu ra ane. ¹¹ Sô, ma ane syê fô Trôade, ane zi viaji retu ba Samotrásia, sô otô ria, ba Neápoli, ¹² Dy nha ane sigi ba Filipu, poson Masidonha, distitu masi buaru sô whã kolenha roma sô nha non fika yô ria. ¹³ Ny sabaru, non ba lua poson zuntu whã oyô, nga ma non bê ku sa wha ngá pa non fa lason né. Non tason sô non fa ane mengay zunta bi. ¹⁴ Whã mengay ma a ka sama Líría, ku ka bendê kabisy fina, pason Tiatira, ku ta ka lispeta Dêssu ndê non. Sun biri koson rê dy tua atenson ku kua ma Paulu tá ka fa. ¹⁵ Ola ma é butiza elê ku turu familia rê é ngolo fa: Sy sê ka kunda ma nga kunfia Sun, letxa kay un sô fika nha. Sô é loga non ra kua é. ¹⁶ Ê ra ma ola non ta ka ba nga ma a ka fa lason né whã ná karête ku tá ku whã supitu luvíá, bê non. Ê tá ka ra patrô rê luklu punda luvía é. ¹⁷ Mengay é ta ka lêlê Paulu ku non sô tá ka ngita ka fa: Ane ta ka fa sê mondja savason. ¹⁸ Ê ta ka zi kua é yô ria. Mazi Paulu, ta satiaru kuê foga wha, é bila sô fa supitu é: Nga manda ô, ny nome Jizu, syê fô né. Sô supitu syê né seru. ¹⁹ Ola pató mengay é bê ma kua ma é ta ka whará ganha tá bêre, ane manha Paulu ku Sila sô beku ane lêtú fela whê ane soré. ²⁰ Ola a biku ane ra sefi govenu ane fa: Ane ome é sa zurê sô ane sêka zi yô mali poson non. ²¹ Ane sêka sina kustumu ma non na mesê pa ane romanu tuá ô bê. ²² Sô turu nkênu lata kontrê Paulu ku Sila, Ané sefi govênu fono kabisy ane sô manda pa a ra ane ku sikotxi whã vala. ²³ Sô ola ane ra ane yô sikotxi yô vê, ane zuga ane ome é pê pezu, manda guara lokê ane buaru. ²⁴ Ma ane tua ordé é sô pê ane lêtú pezu fundu sô manha opé ane pê whã ngundji. ²⁵ Ola é ndu katxi nsuku, Paulu ku Sila ta ka fa lason ka kata vungu Dêssu sô otô pezu tá ka ndê. ²⁶ Ta sô, whã kiba tia wlukuá, sô ngundji pezu komesa ka témé, ta sô turu póto biri sô lengê ma a manha ane kuê sota. ²⁷ Nguara lata fô sóno, sô ane bê poto pezu biriru, Ane tua supara pa ane mata ongê ane punda ane kunda ma pezu tá fuji. ²⁸ Mazi Pauli ngita ku fosa fa: Na mata ongê sê wha punda turu non sa yngé. ²⁹ Sô soré pindji kandja, é letxa seru sô komesa ka temê ku mendu, sô é pê mpuna són kota Paulu ku Sila. ³⁰ Sô bé ku ane lua sô fa: Ane sungê kauy ma nga pô zi pa un sava! ³¹ Ane fa: kêlê ny Sun Jizu Klistu sô bôka sava bô ku kay ô. ³² Ane lumba lumbá Sun ra ane, zutzru ku kay rê. ³³ Sô soré tua ane ola é mé nsuku, laba kitó ane, sô ane ku turu kay rê ba butiza ola é mé. ³⁴ Ê bé ku Paulu ku Sila letu kay sô pê mé whê ane, Sô é tá ku ngosô foga wha ku turu kay rê punda é kêlê ny Dêssu. ³⁵ Ola pomonha biri ane sefi manda ane sefi manda ane nguara fa: Desa ane ome é bé ane: ³⁶ Soré fa lumba é ra Paulu fa: Ane sefi manda un pa un desa sê bé sê, sô syê bé sê ny paji. ³⁷ Sô Paulu fa ane: Non sa nkênu Roma sê ra non sikotxi letu lua sê kondena non, sô pe non pezu, sô ayé sê mesê sota non konderu! Mora é wha! Ma ane mé ka bi txia non fô yngé. ³⁸ Ane nguara bé ku lumba é ra sefi, Sô ane ta ku mendu ola ane ndê ma Paulu ku Sila sa nkênu Roma. ³⁹ Ane sefi bi sô pindji ane disiskupa sô ola a txia ane fô, pezu ane pindji pa Paulu ku Sila ka desa poson. ⁴⁰ Sô Paulu ku Sila syê fô pezu sô ba kay Líría. ola ane b~e ane ná amon, ane ra ane kosó sô asié ane syê fô poson.

Chapter 17

¹ Sô é kole até poson Afipolis Apolónia, vitxa Tessalónika, nga ma wha sigagoga judeu sa né. ² Paulu, mora é sa kostume, rê é bé até nha ku tesi sábaru, pufia ku ane serka dy Eskritura. ³ Biri Eskritura, sina ku sa pisiza ma Klistu soflê, ressusita ny motxi. Ê fa: Ixié sa Jizu ma nga plokama da sê é sa Klistu. ⁴ Whã whã zurê bé nganaru zunta ku Paulu y Silas, ku yô nkênu dy divota grego, yô mengai ku tê influênsia. ⁵ Sô judeu ikredulu, moviru ku sumi, tuaOme impio dy fela, zunta multidon luma ni poson. Sata kai dy Jason a tia bi ku Paulu ku Sila y até povô. ⁶ Sô, ane na béua, arrasta Jason ôto ná mon rê ba wê sfi soré poson, tava ka fa: Ane ome xié bila mundu intê ba kosi, vitxa ingê. ⁷ Ixié, sa ngê Jasom tuá pê kai ane sá kontra dekreto dy Sêzar y ane ka fa ma êtê ôto Alê, Jizu. ⁸ Sô yô nkênu ku sefi soré poson é ndê kua si é, fika satiaru. ⁹ Sô tua lêtú dy Jasom y dy ôto ane txia anefô pesu. ¹⁰ Unsuku si za, ane ná mon manda Paulu ku Sila ba Bereia. Siga nha, é ba sinagoga dy judeu. ¹¹ Ni Bereia, nkênu sa maxi buaru ku nkênu Tessalonika, sô lesebê lumba ku turu dispuzison dy ntê, turu ria ane ka examina Eskritura, pa ta si dy veré ku kua si é sa axi. ¹² Sô kua si é yô ane kêlê, ku ôto mengai grega influenti ku yô ome. ¹³ Dy mora é sô judeu dy Tessalonika bi tá ma Paulu sa plokama lumba Dêssu ny Bereia, bé até nha ba insita multidon. ¹⁴ Wêlé wêlé mé, ane ná mon manda Paulu pa litoral, mazi Sila y Timotio fika ingê. ¹⁵ Nkênu si ku nda Paulu bé kuê até poson dy Atena ka tô bi, ku kuê da Sila Timotio bé até êlê masi séru possivel. ¹⁶ Sô Paulu sa whara ane ny Atena, supitu rê satia sô mê bê poson xiáru dy idolo. ¹⁷ Sô é ta ka fa sinagoga ku ane judeu ku nkênu ku ka gôgô ku Dêssu, sô ku êlê by turu ria ny fela. ¹⁸ Turu kuê whã ane filôzofo epikure estoiko, turu débatê kuê, fa: Ku ixié sa ma tagarela ta mêsê fa!

Ôtô fa: Ê ko pregaro dy dêsu estranho, punda ê sa fa dy Jizu y ressursion rê.¹⁹ Ané tê Paulu bé até Areópago, fa: Non mêsê ta mora sina navu ma bô fa!²⁰ Punda bô sêka bi ku kua estranhu da ôdia non. Sô nón mesê ta kua ma kua é sa.²¹ (Turu antiniense strangeiro ku vivê ingê na gasta tempo rê ku neua kua konta ô ndê novidade).²² Anto Paulu lata ndja ny katxi dy Areopago fa: Ome ateniensi, un ta ma sê sa yô religiozu ny turu mora.²³ Sô, Un ta ka bê kua dy adorason sê, aun bê whã altar ku seguinte sixi ka: Dêssu ma nón na konsêua. Sô bê, nkênu ku ka adora sê ta ngê ma sê sa fa mé.²⁴ Dêssu ku kia mundu y turu kua ku sa né, Sun dy osê dy tia é, na ka tá ngêza wha jiru ny mon ome.²⁵ Né serviru ku mon ome, mora si sê mêsê kua si é a bê whã ane ku Êlê mé da nkênu vira, respirason turu kua si é.²⁶ Whã ome sô Ê kia turu rasa omém ku ka ta ny kosy dy tia é, sa determinado tempo limite dy habitason rê.²⁷ Sô ane tê ku ba ngóló Dêssu é lugê talivê sê ka pô bê ta nga embora Ê na sa longi kada wha nón.²⁸ Punda nón ka ta Né, ka nda Né, ka existi Né, mora whã poeta rê fa: Nô sa gerason Rê.²⁹ Non sa gerason Dêssu, na ka pô pensa ku divindade sa mora ôlô, prata ô buru imagem kiaru dy aty imaginason dy ome.³⁰ Axi ma Dêssu na tê konta tempo dy ignoransia wha, mazi aie Ê manda pa turu ome, ny turu nga, leplendê.³¹ Punda Ê manda whã ria ma Ê ka bi julgá mundu ny justisa katxi dy ome ku Ê koiê. Dêssu da plovera ndji na ome turu, ressusita katxi motxi.³² Sô ane ome dy Atena ndê lumba dy ressursion dy motxi, whã whã zomba dy Paulu, mazi ôtô fa: Nón ka ndê sobre assunto xi é.³³ Sô dy kua xi é, Paulu desa ane.³⁴ Whã whã ome, sô, zunta kuê, kêlê, ku Dionizio, membru konsê dy Areopago, whã mengai ka sma Damary, ku ane maxi ôtô.

Chapter 18

¹ Sô turu kuê, Paulu desa Atenas bé até Korinto. ² Ê bé nha Judeu samaru Akila, zigetxi dy Panto, ku bi wêlé wêlé mé ny Italia ku mengai rê Prisila, sôKlaudio manda turu judeu desa Roma. Paulu ba lêlê ane. ³ Punda ane ka taba zuntu kuê, Paulu fika ka taba ku ane, punda ane ka zi tenda é. ⁴ Paulu ta ka fa ny sinagoga turu sabaru, ka konvesê yô judeu ku grego. ⁵ Ku turu, sô Sila Timotio desê ny Masadonia, Paulu bé impulsionado por Supitu pa testifika judeu ma Jizu sa Klistu. ⁶ Sô judeu na kêlê wha i insulta Paulu saguri kabisi rê fa: ku sangy sê ka sa diba intê sê, Aun na ta néwha kua wha. Aie, nga bê ba lêlê gentxi ba whê. ⁷ Ê xiê fô ingê, ba kai Tito zuntu, whã ome ku tia ka adora Dêssu. Kai rê sa zuntu ngêza. ⁸ Krispo, sefi ngêza, turu kai rê kêlê ny Sun. Yô dy korintio ku ndê Paulu tô kêlê y butiza. ⁹ Sun fa Paulu nsuku, telu whã vizon: Na tê mendu-whã, mazi fa na kaboka wha. ¹⁰ Sô aun sa ku bô, né whã nkênu na ka taka ô wha punda un tê yô nkênu poson é. ¹¹ Paulu tá ingê whã ano sembari nvezi ka sina lumba Dêssu katxi ane. ¹² Sô, ola ma Galio tua govenaru dy Akaia, ane jurê zunta kontra Paulu i bé kuê tribunali, ¹³ Ane é fa: Ome ka fa nkênu pa adora Dêssu, kontra alê. ¹⁴ Sô ola Paulu ta kiola pê fa, Galio fa judeu: Dy vére ndê whã krimi ô, publema gavi, ka sa buaru traté ku nón. ¹⁵ Mazi mora sa kua dy lumba nomy dy ploi alê sê, rezovê kuê da sê mé, na mêsê sa jusi ny kuê wha. ¹⁶ Galio manda ane xiê ny tribunali. ¹⁷ Ku turu, a tê Sostenes, sefi dy ngêza ku fosa ku pankara wê tibunali sô, Galio na liga kua ma ane zi wha. ¹⁸ Sô pasa whã ria, Paulu desa ná mon rê navega ba Sira, ku Prisila Akila. Antji desa portu, ny Senkreia, é kokola intê rê punda a zi whã votu dy nazireu. ¹⁹ Ma siga Efeso, Paulu desa Prisila Akila ingê: sô, êlê mé ba ngêza ba fa ku judeu. ²⁰ Ola ane pindji Paulu pê ta whã tempo, kuê Ê na aseita wha. ²¹ Mazi dispidji ané é fa: nga tô bi lêlê sê, si é sa vontê dy Dêssu. Antó é siê ny Éfeso. ²² Ola paulu dezembarka ny Sezarea, é subi Jeruzalém, y, é sauda ngêza, desê ba Antiokia. ²³ Sô pasa whã tempo ingê, é bi pasa lugê dy Galasia dy Frigia, korajá turu melu nha. ²⁴ Nha tinha whã Judeu ka sama Apolo, é nasêru Alexandria, ku bi Éfeso. Ê sa elokuênte é tê purê ny Eskritura. ²⁵ Apolo fô instruido ny xina dy Sun. Ê sa ferveroso dy Supitu, ka fa ka xina akuradamente kua konsernente a Jizu, sô, é konsê apena butizimu dy Zon. ²⁶ Apolo komesa ka fa ku ousadia ny sinagoga, sô, ma Prisila y Akila ndê, bi ku rê ka siné ny modja Dêssu ku masi exatidão. ²⁷ Ê mesê pasa ny Akaia, ane ná mon enkorajê dy xikêvé da ane melu ny Akaia ku lesebé. Sô é xiga, zura imensamente nkênu ku ka kêlê ny gasa. ²⁸ Apolu publikamente vense judeu ku purê rê habilidade, ka mosa Eskritura ma Jizu sa Klistu.

Chapter 19

¹ Sô olá Apolu letxa korintu, Paulo ba kiba zagaru sô poson Efesu sô whã dossu melu rê bi bê inguê. ² Paulo tuta ané: "Sê tua Supítu Santu ola sê Kêlê?" Ané kudji; " yngá yngá non na tu é wã. Nê no na ta ma Supitu Santu say wã". ³ Paulo fa: " Sô kuli botismo ma sêr batizá, ané kundji. butismo di Zon. ⁴ Paulo fa: Zon butiza ku butismo di lependimentu, sô fa ané nkênu ku toka kêlê ny nkênu ku ka bi sô êlê, yé sa ny Jizu. ⁵ Olá ané ndá kuaê, ané bá butiza ny nomi Sun Jizu. ⁶ Sô paulo pê mon sô Supitu santu bi diba ané, sô ané fá Otô lunguá sô fa yô kua. ⁷ Turu ané fô kuazi kuynê dossu Ómé. ⁸ Paulo bá Sinagoga sô fa fosa lêtu tesi mezi. Ê ta ka fá masi ka góló kuvesê nkênu ku ka fa di govênu Dêsu. ⁹ Sô whã dossu zuré ku kosô rizu ta ka fa mali dy modja Klixtu katxi yô nkênu. Paulo desa ané sô bé ku ané melu rê ludji ané. Ê komesa ka fa turu ria ni skola Tiranu. ¹⁰ Kua é bé até dossu anu, sô asiê turu nkênu ku ta ka vevia ny Asia ndê lumba Sun, tantu Zuré ku ma Glêngo. ¹¹ Dêsu ta ka zi kua suvisu rê ku porê mon paulo. ¹² Sô até duetxi mé é ta ka kula sô sutitu mali ta ka si é ané ola é ta ka tê lesu ku vetali onge Paulo. ¹³ Sô nha ta ku Zuré ku ta ka nda turu nga. ka tua nome Jizu diba ané nkênu ku ta ku supitu demonô, ka fa: Ga kólê ku se ny nome Jizu, nkênu si ma Paulo ka plega. ¹⁴ Ané nkênu ku ta ka zi kua é sa sabari ná Seva, sefi sasedoti. ¹⁵ Sô supitu demonô kudji: " Ntá Jizu sô ta nguê sa Paulo, mazi sê, ngey sa sê"? ¹⁶ Ané si ka ta ku supitu demonô sata diba rê dê pankará dy mora ma é kolê fô kay unu firiru. ¹⁷ Turu nkênu bi ta kua é ne Zuré me glego ku ta ka vive Efesu. Turu ané ta ka mendu ma ané ta ka gaba nomi Jizu. ¹⁸ Yô krenti ta ka bi, ka kofesa sô ta ka kusintxi suvisu ma ané ta ka zi mali. ¹⁹ Yô ané ku ta ka baya ta ka zunta livlu ané ka bi kuê pa kémé ny wê turu nkênu. Sô pa ané tanga valê

ma livlu ê ta ka valê ê ndu sinkuenta mili lêlu.²⁰ Asuê lunba Sun ta ka whâga ku poré turu mora.²¹ Olá paulo lokê suvisu rê ni Efesu, sô Supitu mandê ba Jerusalê sô ê pesa antiji ba pia ané krente macédônia ku Akaia. Paulo fa: " Sô olá nga ba Jerusalê nga ba Roma turu.²² Ê manda dossu mêlu rê, Timótio ku Erastu , ba Macedônia. Sô Paulo ta poson Efesu tia Ásia.²³ Tempu ê mé whã revota latá gay lento Éfesu punda modja.²⁴ Sô whã orivi planta ma ka sama Demétrio, ku ta ka zi nixu Artimi, ku ta ra yô luklu ra artifi. ²⁵ Sô ané zunta artifi mara suvisu ê mé, sô fa: Ané ómé ê sé ta me ma no te yô luklu negoxó ê. ²⁶ Sô sé be buaru sô nde ma ê na sa Éfesu sô whã. mazi kuaji turu Asia Paulo ê ta ka kovesê tô бага yô nkênu. Ê sé ka fa ma dêsú ziru ku non na say wa. ²⁷ Kuaê sa pligu ra non dy na kêlê ny kua ma non kêlê ne whã, mazi antê ngueza dêsú non Atimis ka poi bi sa tatadu mora ne whã kua. Asiê ê ka pendê poré rê, ysi ma turu Asia ku turu tia ka kunfia nê. ²⁸ Olá ané ndê kua ê ané keta sô ngita fa: Diana Efesió sa ngay! ²⁹ Turu poson ta sê ta kua ku sê rá sô turu nkênu kôlê zunta ra teatu ê. Ané saya ané mêlu Paulo, Gaio ku Aristaku, ku bi fô Macedônha ³⁰ Paulo ta mese letxi katxi povô, sô ané mêlu rê na ta mesê wha. ³¹ whã dossu ané soré tia asia ku ta migu rê manda whã lekaru pindji ê pa ê na letxi tiatu ê whã. ³² Hun wa dossu ané ta ka pindji dy whã mora ôto dy ôto ané na ta punda kuai ma ané zunta whã. ³³ Ané zurê txia Alixandre fô kota ané nkênu ê dy kuê katxi yô nguê. Alixandre zi sinali ku non ta mesê fá povô whã kua. ³⁴ Sô olá ané bi ta ma ê sa Zurê ané gita ku fosa kuaji dossu olá: Atimis Efesu sa ngay! ³⁵ Sô sklivon poson kaluna ané nguê ê fá: Ané Ómé Efesu, kuali óme ku na ta ma poson Efesu sa guardiô ngueza ngairu, Artimis sô maji rê kiê fô ócé? ³⁶ Sô ané bê ma kua ê sa siriga ané pindji povô sosega nazi ne whã kua wa. ³⁷ Sô sé bi ku ané ómé whã, meané na zi mali kontli dêsú non wa. ³⁸ Sô si Dimetrio ku ané tabarô ku sá kuê zi wa mali kontlé nkênu ê tê prubulano ku sefi ku ka zuga ané ³⁹ ku turu kua ê sé ka zi fitxi dy kua kuali kua ku kara ôto kua, a tê ki ziê ku semblea biriru. ⁴⁰ Kua veré até non ka sa pligo dy sa kuzaru ra kua ê demanda ê ma non na ka pô fe wã. ⁴¹ Sô olá ê fá kua ê бага semêa ê tá.

Chapter 20

¹ Ola ma kua ka luma, Paulu sama ane melu, da ane kuragem tô dispidji dy ane ba Masedonia. ² I passa ba lugê ka zi whê dizu yô kliston dy nha ê xiga glesia. ³ Sô passa tesi mezi ingê, whã Zure ka zuge ku kumpi ola ma ê ta kuazi embarka ba Siria, anto, ê desidi bila ba Masidonia. ⁴ Ane lêlê até Asia ta: Sópater, na dy Pirro dy Bereia, Aristarko Sekundo, ane dosu dy Tessalonika, Gaio dy Derbe, Timotio alem dy Tikiko Trónfimo dy Asia. ⁵ Ku turu ome é bi antizi ta ka wara ny Troade. ⁶ Non navega dy Filipo sô Fesa dy Mpon sê Fomentu, y, tano ria sô, non zunta ku ane ny Troade. Non ta nha sambari ria. ⁷ Ny pimelu ria dy somana, ola non ta zunto pa non patxi mpon, Paulu fa pôvô, ê pletendê dy berê ôto ria pomonha, anto, kontinua ka fa lumba até mia notxi. ⁸ Yô kandja sa yêreru ny diba kai nga ma nó sané zunto. ⁹ Tasoru whã zanela ta ku whã jovem ka sama Êutiko ku kiê whã sono londji. Ma Paulu sendê diskurso, jovem, na ta ka domi anda wha, ê kiê ny tesêru andali, y, Ma latê, ê ta motxi. ¹⁰ Sô Paulu dêsê, inklina da mosu é, búie fa: Na vugua, sô ê sa vivo. ¹¹ Ê subi ka patxi mpon, mê fa Yô tempo, até até pomonha ê bê rê. ¹² Y a béku mosué vivo i kuê sa buaru. ¹³ Non mé bé até wê Paulu, ku vapô, ka navega até Assôs, nga ma tua Paulu ny bordo, axi mora mê determina, sô ê planeja ba tia é. ¹⁴ Ola non bê ny Assôs nón tué ny bordo y nón ba Mitilene. ¹⁵ Antón, nón navega ingê y, ria seguinte xiga boro apostu dy ilha dy Kuio. Ôto ria nón xiga posó Mileto. ¹⁶ Paulu ta desidi na xie ny Efeso wha dy mora pê na dana yô tempo rê ny Asia wha, punda ê tava ku pressa pa ê xiga Jeruzalê ria Pentekoste, dy whã mora ka sa buaru. ¹⁷ Mileto, ê manda ome ba Éfeso, manda sama Presbitero ngeza. ¹⁸ Ola ê xiga é fa: Sê mé ta, djina plimelu ria má aun piza ny Asia, mora simpli passa tempo un ku sê. ¹⁹ Xivi ka xivi Sun ku turu humildade ku awã wê ny padissê ku da ku aun poviata konspirason Zur. ²⁰ Sê ta ma na desa dy prega ny whã kua wa ku na fô provetaru wa, mora ma sina sê ny publiku sô kai ny kai, ²¹ Ta ka testifika yô Zurê mora grego dy leplendê whê Dessu ku afê ny Jizu Sun nón. ²² Aié forsado ny Supitu, nga ba Jeruzalê, sê na ta kua ku ra ku aun nha , ²³ Supitu Sun Santu ka testifika ny turu poson, pezu ma sofrimentu sê ka whara un. ²⁴ Kuturu kuê na konsidera vira un buaru wha, si xi aun ka poi dji kuê kole loke ministerio ma un tua dy Sun Jizu, pa un da testemunho dy Evangelho dy vontade Dêssu. ²⁵ Aié un ta ma newhã sê, ny lugê ma un passa prega Alê, sê na ka bê polo un va. ²⁶ Sô , ozé sê ka testifika ma un sa nosêntxi dy sangui dy kuali keru ome. ²⁷ Punda na ka desa dy deklaratu turu konsê Dêssu wha. ²⁸ Sô, sê ka tua kuraru sêmé dy turu rebanho sô kuali Supitu Santu ku dji sê bispo, pa pastoria ngêza dy Sun, di setu Ê kompa ku sangi rê plopi. (Ê vezi dy ku plopi sangi Rê, whã dosu kopia djina txitxi bi. Ku sangi dy plopi ná rê.) ²⁹ Aun ta ma aun sê ka bê, lobu mau ka letxa ny katxi sê, na ka popa rebanho wha. ³⁰ Aun ta ma sê whã dosu ome ka lata kevetê veré, dy mora sawa ba nha ane melu ka txiê b~e ku kuarê. ³¹ Sô, biri whê, sê ka lembbla ma djina têsî ano na dja whã ka sina advirti kara whã sê ku suwha pomonha ku suku. ³² Whô, nga enkomendo sê da Dêssu ku lumba rê grsa rê sa kapazi dy edifika sê ny Likeza ny turu ku ka santifikaru. ³³ Na tê whê da plata, né ôlô ô kabisi dy whã dosu ome. ³⁴ Sê ta ma non siê ka sivi da nesesidade un da nesesidade nkênu ku sa ku aun. ³⁵ Ny turu kua é, sê ka sa zemplo dy mora zuda flaku taba, y mora lembbla dy lumba dy Sun Jizu, lumba ma Êlê mé fa: Mazi sa buaru ma kua ma a ka da doke ma bô ka tua. ³⁶ Sô me fa, ê pê puna son fa lason ku turu ane. ³⁷ Turu ane suwhã yô y, buaya Paulu, dé bejnhu. ³⁸ Ane ta triste prinsipalmente punda kua mê fa, ku nunka magi ane ka bê polo dingi wha. Anto ane lêlê até vapô.

Chapter 21

¹ So ola non бага fo kota ane non zi viagi non kolé retu ba poson kos so oto ria non ba Rodi so la poso Pataro. ² Non be wha vapo ku sye ba Fenixa, non be ne so lele viagi. ³ Non ba ra whe Ilha Xipi, so dese ba skeru, zi viaji ba Siria so ndja pontxi poson Tirus punda vapo ta se kega. ⁴ Olá non be ane melu non ta ku ane sambari ria. Ane melu ku Supitu, ane fa

Paulu pa e na poto Jiruzalé wha. ⁵ olá non siga ria, non desa nga é so lele viaji. Turu ane lele mondja non ba lua pososn zuntaru ku mengay ku na pikina ane. ⁶ So non pe mpuna son pa a fa lason so non dispidji oto. Non zi viaji vapo so ane to ba kay ane. ⁷ Non loké viaji fo Tiru non vitxa Ptolemaida, so ola non fa ane na amon mantxa, non pasa wha ria ku ane. ⁸ Oto ria non sye so ba Sezarea. Non letxa Filipi evangelista, ku ta wha ane sambari so non ta kue. ⁹ Ome e ta ku kuana na ku viji ku ta ka fa kua seka bi ra. ¹⁰ Non ta nha wha dosu ria si e bi ra ma wha ome bi fo tia zure, wha pofeta ma a ka sama Agabu. ¹¹ Ê bi kota non, ê tua xintu Paulu, manha plopi ope rê ku mon re so fa: Supitu Santu so fa kua é: Mora e ma ane zure Jeruzalé ka manha ome ku te xintu é so trege pê mon zintxi. ¹² Ola non nde kua e tantu non kuma ane ane nkenu ku ka vevia nga e, no ka pindji pa Paulu na subi ba Jeruzalé wha. ¹³ So Paulu kundji: kuay ma se seka zi un sua so kebia koso un ra. Na sa plontu pa a manha un wha mazi pa un mue Jeruzalé punda nome Sun turu. ¹⁴ So ma non na po konvese Paulu wha, non ndja na po fa. so kua ma non fa ximpli sa: Sun so ka zi vote Re. ¹⁵ So ane ria e pasa, non koye turu kega non so non ba Jeruzalé. ¹⁶ Zuntaru ku non wha dosu melu Sezarea. E lata kue wha ome ma a ka sama Mnason nkenu shipi wha melu na kuku, ku nkenu sy ma no ka fika kay re. ¹⁷ So non vitxa Jeruzalé, ane na amon pe non kota ane ku ngoso foga wha. ¹⁸ Oto ria, Paulu sye ku non ba be Txagu ku turu pastoru ku ta nha. ¹⁹ So ola e fa ane mantxa e viza ane wha wha wha kua ma dessu zi katxi ane zintxi punda suvisu re. ²⁰ Ola ane nde kua é ane kata ra Sun so ane fe: Bo be, na amon kuantu milagi katxi zuré ma ane kele ku turu ane ma a koye ri loke Ale. ²¹ Afa ane kua vira ô: ma bô sêka sina turu zuré ku ka vevia katxi zintxi ka bandona Muzé, ri na pora na ane wha so na lele mora na kulu wha. ²² kuay ma non ka zi. Ane ka bi nde me ma bo vitxa. ²³ Zi mora ma non ka fa o aye: No te kuana ome ynge ku zi wha votu. ²⁴ Tua ane ome e, dipa o me ku ane so paga divida ane, pa ane txia nté, Asyé ane ka ta ma kua o ma a fa sa fasu ma bo turu sa nkenu ku ka loke ale. ²⁵ So re ane zintxi ku kele, nó ka sisika so sina ane pa ane fuzi kua ma a ka saklifika ra maji ku sangi kua sy ma ka mata so zunta ane ome é kaza. ²⁶ So paulu tua ane. e ba ngeza, ba fa turu ria ma a ka dipa ate ma a ka zi pezentxi ra wha wha ane. ²⁷ Ola ma turu sambari ria ta kuaji loke, wha dosu zeru Azia be Paulu ngeza, so ndjinga turu nkeunu so ka beta ane. ²⁸ Ane ta ka ngita: Ane ome Israeli zura non. Ome é seka sina turu nkenu turu kiba, kua ku ka bé konte ale ku é. To bi ku gegu ngeza e to fa mali nga santu é. ²⁹ Punda non ta be Tofimu ri Efeziú kue poso naria so ane ta kunda ma Paulu ka pe ngeza. ³⁰ Turu poso ta ndjingaru so ane nkenu ta kole zunataru pa ane ba te Paulu. Ane wne be kue lua ngeza, so poto fisa seru. ³¹ Ma ane ta ka ngolo maté lekaru e vitxa seru oria sefi nguara, ma Jeruzalé ta ku fitxi foga wha. ³² E tua soré ku nguara seru kolé ate katxi yo nkenu. Ola ane nge be sefi ku ane soré ane ndja pantaru ku Paulu. ³³ Sô é vitxa manha Paulu so manda pa a pe pezu ku dosu lenge. Puta ngey ma é sa sô kuay ma e ta zi. ³⁴ Wha dosu ane nkenu ta ka ngita wha kua so oto, otot kua. Ma sefi na be mora ta ane kua é wha punda kyo yo e manda pa a ka be ku Paulu fotaleza. ³⁵ Ola ane vitxa skara soré keze punda revolta povo. ³⁶ So ane nkenu ta ka lele ka ngita. Txie fo ynge. ³⁷ Mora ma a ta ka be ku Paulu fotaleza, e puta sefi: nga po puta ane wha kua. E kundji: Fa gegu; ³⁸ Bo na sa egipsiu sy ma wha dosu ria mema, ku ta ka govena wha liberi ku be ku kuana mili kiminosu letu nga se wha kua ne. ³⁹ Paulu fa: Un sa zure poson Tasu, ny silisia. Un sa nkenu wha poson buaru. Nga pindji o pa bo kundji un fa ane povo é: ⁴⁰ Ola sefi kundji ane, Paulu lata foto nga zangaru so zi povo sinali ku mon. So ola turu nkenu kaboka e fa ane ny lungua hebilaiku. so fa:

Chapter 22

¹ Ná amon ku táta ndê defêza ma un seka musa sê ayé. ² Ola ane nkênu ndê Paulu ka fa ane ku lungua ane hebêu, ane kaboka pipipi. Sô é fa: ³ Nsa zurê Un mansê Tazu Silisia, mazi nkênu ku sina un posó é sa kota Gamalieli. Ê sina un mora Alê ná kulu plopi. Un ta ka zi vonté Dêssu, mora ma turu sê sa ozé. ⁴ Un ta ka kontê modja é atê motxi: ta ka manha né ome né mengay ka pê pezú. ⁵ Sefi ngeza ku turu ane ngê tamé ka pô fa kua ma ntá ka zi ma un tua kata ane ba kota ane ná amon Damasku pa nga zi viaji ba nha. Mpô ka bi ku ane manharu ku lengê ba Jeruzalé turu mondja sy ma ane ka sa né pa nga manha ane. ⁶ Ê ra ma, ola ma nta ka zi viaji, un vitxa kota Damasku vota mê ria, ta sô, whã kandja ka luzi ndé é fô osé komesa ka luzi kiba un. ⁷ Nkiê son sô ndê whã vozu ku fa un: Sálu, Sálu, ra kuay ma bô sêka tua konta Un! ⁸ Un kundji: ngê sa Bô Sun! Ê fa un: Un sa Jizu Nazaré ma bô seka tua konta rê. ⁹ Ane nkênu ku tá ku ân bê kandja, mazi ane na ta vozu ku tá ka fa ku ân wha: ¹⁰ Un fa: Kuay ma nga zi Sun! Sun fa un, lata ô sô ba Damasku: nhá a ka fa ô kua ma bô ka poy zi. ¹¹ Na ka poy bê wha punda luzi ma kandja é ta ka luzi, antó mba Damasku, têru mon ane ku ta ka bé ku ân. ¹² Nha un mbê whã ome ma ka sama Naninha, ome ku ka kumpi alê ma turu zurê ku ka ta nha ka ra ben rê. ¹³ Ê bi kota un ndja whê un, sô fa: Ná amon Salu tô bê. Ola é mé mbê. ¹⁴ Sô é fa: Dêssu ane nkênu na kulú koyé ô pa bô ta vonté Rê, pa bô bê Zustu sô pa bô ndê vozu ku ka bi fô boka Rê plopi. ¹⁵ Punda boka sa seseminha Rê ra turu ome ra kua ma bô bê tô ndê. ¹⁶ Sô ayé kuay ma bô seka whara! Lata butiza sô laba pekaru ô fa nomi Rê. ¹⁷ Ola ma un tô fô Jeruzalé, ma un ta ka fa lason letu ngêza, un tá ka bê whã kua. ¹⁸ Un mbê ka fa un: Zi séru fô Jerulê, punda ane na ka kundji kua ma bô ka fa ri Ân wha. ¹⁹ Nkundji: Sun ane mé tá un manha tô ra ane nkênu kara ngeza ku tá kêlê ny Bô sikotxi. ²⁰ Ola ma sangi Stêvy, seseminha Ô tá lukua, an turu tá né tô kusintxi sô tô loke kabisi ane ku maté, ²¹ Sô, Ê fa un: Bé, punda nga manda ô ba londji zintxi. ²² Ane nkênu kundjié atê pontu é sô, antó ane ngita fa: Txia ngê é fô tia punda é na toka vévia wha. ²³ Ola ane ngita ane zuga kabisi ane ku puêra ba riba. ²⁴ Sefi nguara manda pa a ka beku Paulu fotaleza, tô manda pa a puté ri sikotxi, pa ane ká ta ra kuay ma ane ngita kuê mora é. ²⁵ Sô ane manhé pê ngundji, Paulu fa ane soré ku tá nha: bô ka pô tê oji ra whã nkênu posó Roma sikotxi sê kondené! ²⁶ Ola soré ndê kua é é ba lêlê kapiton sefi sô fa: Kaury bô tê pa bô zi! Punda ome é sa whã nkênu posó Roma. ²⁷ Kapiton sefi bi sô fé: Fa un, bô sa nkênu posó Roma! Paulu fa: Ê é! ²⁸ Kapiton sefi kundji: ku yô lélú, bô nganha sa nkênu Roma. Sô Paulu fa: Un nansê nkênu posó Rora. ²⁹ Sô ane ome ku tá ka puté, soté seru. Kapiton sefi turu tá

ku mendu, ola ê ndê ma Paulu tá nkênu posó Roma, punda ê tá manhê. ³⁰ Otô ria, kapiton sefi ta ka mesê ta verê ri kuzason ane zurê kontê Paulu. Sô ane sota lengê rê sô manda pa ane sefi saseroti ku turu kosê zurê ká zunta. Asyé ane bi ku Paulu plezenté whê ane.

Chapter 23

¹ Paulu pia retu ra memblu konsê zurê sô fa: Ná amon un, un vevia whê Dêssu ku kuxensa limpu atê ria é. ² Sumu saseroti Anania manda ane nkênu sy ku tá kotá Paulu pa é ka firié boka. ³ Sô Paulu fé: Dêssu ka firi ô mpere ziaru. Bô sa tasoru ynge pa bô zi un zugamentu mora alê, mazi manda pa a firi un kotê alê. ⁴ Ane ku tá yngé fa: Ma bô ka keta ku sumu saseroti Dêssu. ⁵ Paulu fa: Na tá tá wha ná amon, ma e sa sumu saserdoti wha. Punda é sa sisikaru: Na mali whã sefi povô ô wha. ⁶ Ola bê kualí kiba konsê ma saruseu sô otô kiba ku sa ri fariseu é fa ku fosa ny konsê. Na amon un sa whã fariseu, ná farizeu. Sô ra kuay ma a seka zi un zugamentu ku kunfiansa ria ma motxi ka tô kora. ⁷ Ola, é fa kua é, ane farizeu ku sadusêu komesa ka pufia katxi ane sô sembleia patxi. ⁸ Punda ane saduseu ka fa ma motxi na ka tô kora wha, ne ane anzu ne supitu, enkuantu ane farizeu kundji turu kua é. ⁹ Asyé ane zi whã revota ngayru rá sô whã dosu skriba ku toka ane fasu lata sô ane komesa ka pufia, ka fa: Non na bê ne whã mali ma omé é zi wha. ngê tá sy é sa whã supitu ô whã anzu ku fa kuê. ¹⁰ nha ta ku whã pufia, sefi ta ka mendu pa ane ká sasa Paulu. Sô é manda ane soré dêsê sô ka txia Paulu ku fosa katxi membu konsê sô bi kuê fotaleza. Nsuku otô ria sun tá kuê sô fa: tê kosó, punda mora ma bô fa ri un Jeruzalé, mora é mé toka pa bô fa kua é Roma: ¹² Ola pomonha tá ka biri whã dosu zurê zula banku réu ri mali ma é zi, ane fá ma ane ka me ne bêbê kua kualí kua atê ma ane ka mata Paulu. ¹³ Ê tá masi rô kê kuarenta ku ta zula. ¹⁴ Ane ba sefi ngeza ku ane soba sô fa ane: non zula pa a kondena mali é, non na ka me netxó kua wha atê ma non ka mata Paulu. ¹⁵ Ayé sê ka viza sefi ku konsê pa ane bi ku Paulu ra sê pa sê ka puté kazu rê ku masi porê. Pa non nó sa plontu pa non mate antiji pa é vitxa yngé. ¹⁶ Mazi sublinhu Paulu, ndê ma ane sêka luma whã demanda é letxa fotaleza sô ba viza Paulu. ¹⁷ Paulu sama whã ane soré sô fa: bé ku mosu é ra sefi, punda é tê kua tanga ane. ¹⁸ Sô soré tua mosu é sô bé kuê ra sefi sô fa: Paulu, pezu, sama un ba kotá rê sô pindji un pa un biku jové é: Ê tê kua pa é fa ô. ¹⁹ Sefi tê mon bé kuê whã nga kondêru sô puté. Kuay ma bô tê pa bô fa un! ²⁰ Mosu é fa: Ane zurê luma puta ô sy bô ka bé ku Paulu ra konsê mora ma bô ka ba puté ku masi vonté ri kazu rê. ²¹ Sô na ndê wha, punda masi rokê kuarenta ome tá ka ngoló maté. Ane zula, pa a kondené ra mali ma é zi, ma ane na ka mé né bebê wha atê ane ka maté. Ayé mé, ane sa plontu, ka whara pa sê kusintxi. ²² Sô sefi desa jove syê ola ma é siné: Na tanga né whã nkênu ma bô fa un ane kua é. ²³ Sô é sama dosu ane soré sô fa: desé sa plontu na tési ola nsuku, duzentu soré infantaria, stenta ri kabalu duzentu ku supara, pa ane bé atê Sezarêa! ²⁴ Elê turu manda ane luma soré pa Paulu, ka poy zi viaji sô bé kuê ra govenarô Feli lokêru. ²⁵ Ayé é sisika whã kata: ²⁶ Kauri Liza ra sefi govenarô Feli, bondjá! ²⁷ Ome é tá pezu ku zurê sô a ta pa ane ká maté, Ola un vitxa ku soré sô un txié ola un bi ta ma é sa nkênu roma. ²⁸ Un tá mesê tá ra kuay ma ane tá kuzé, Antó un bé kuê ra konsê ane. ²⁹ Un bi ta ma a tá ka kuzé ra kua ku toka plopi alê, mazi a na toka kuzé ra kua ku toka motxi ô pezu wha. ³⁰ Mbi ta ma whã siriga kontê ome é tá katxi é turu. Asyé un mandé seru ra ô sô un sina ane nkênu ku ta ka kuzé pa ane plezenta kua ma ane kuzé ra whê rê, bondja. ³¹ Antó ane soré ndê kua ma é manda: ane tua Paulu sô bé kuê katxi nsuku Antipátride. ³² Otô ria, ane soré ku ta kabalu bé ku Paulu sô otô soré tô ba fotaleza. ³³ Ola ane ku ta kabalu vitxa Sezarea sô ane ra govenarô kata, tô plezenté ra Paulu. ³⁴ Ola govenarô lê kata, é puta kualí tia ma Paulu sa. Ola é ndê ma é sa ri Silisia. ³⁵ é fé: Un mesê ndê ô ola ma ane nkênu ku kuza ô ka vitxa ynge. Sô é manda pa Paulu ká ta Palaxu Erodi.

Chapter 24

¹ Sô ri tanó ria Anania sefi ngeza na kulu, ku whã dosú pastoru ku whã divogaru ma a ka sama Tétulu ane desê atê Sezarêa. Ane ome é bi ku kuzason kontrê Paulu ra govenarô. ² Ola Paulu tá whê govenarô, Tétulu komesa ka kuzé ka fa: govenarô, punda ô nó tê yô paji, sô punda porê ô bô ka bi ku mora buaru ra nkênu tia non. ³ Asyé ku turu vonté non bi ta turu kua ma bô ka zi, sefi Féli. ⁴ Sô pa nón na traza ô dingi wha, nga pindji ô ma whélemé bô ka ndê un ku vonté. ⁵ Punda non mbê ma omé é sa whã pagá sô nkênu ku ka bé ku zurê turu tia ka bi levota. Ê sa whã sefi Seta Nazarenu. ⁶ Sô atê é ngoló mura ngezá, Sô non pê pezu. ⁷ Sô Lija komandanti bi ku fosa txié fô mon non. ⁸ Ola bô ka puta Paulu ri turu kazu é, bô turu ka pô bi ta kua sy ma non kuzé né. ⁹ Zurê turu kuza Paulu zuntaru sô fa ma kua é sa veré. ¹⁰ Sô ola govenarô zi Paulu sinali pa é fa, é kundji: nta ma ku yô anu ma bô sa zuxi ane povô é sô nsa ku ngosô foga-wha ma bô spika un ra ô. ¹¹ Bô sa plontu ri pia ma é na ka zi masi rokê kuine dosu ria ma un banda pa un ba gogô ku Dêssu ny Jeruzalé. ¹² Sô ola ane bê un ngeza, na pufia ku né whã nkênu wha, sô na ndjinga ane nkênu, né ngeza sô né poson wha. ¹³ Sô ane na poy pova ô kuzason ma ane ka zi ayé kontê un wha. ¹⁴ Mazi nga dimiti yé ra ô ku ku ma non kundji ku mondja ma ane ka sama seta, ku mondja é mé ma nga sivi Dêssu ane nkênu non na kulú. Nsa plontu ra turu kua ku sa sisikaru ny alê pofeta. ¹⁵ Nseka whara Dêssu é mé, mora ane ome é ku sêka whara kua é mé, ma motxi ka tô bi kora, tantu zustu kuma inzustu. ¹⁶ Sô ny kua é nga goló sa ku whã kuxensa sê kupa whê Dêssu ku turu ome ku turê. ¹⁷ Sô ri yô anu nga bi ku zura ra povô un ku pezentxi lélú. ¹⁸ Ola un zi kua é ane zurê Azia bê un ny fesa ri laba ny ngeza, na sa ku yô nkênu ô whã kioyô wha. ¹⁹ Ane ome é toká sa whê ô ayé, pa ane fa kua ma ane tê kontê un sy ane tê kua fa. ²⁰ Ô antó ane ome é toka fa kua ma ane ka kunda mali un, ola ane tá whê kosê ane zurê. ²¹ Pa é na sa ra kua é ma un ta whê ane ma un fa: Punda ra ola motxi ka korá ma a seka zuga un óze ku sê. ²² Féli sô tá ta buaru ri mondja, sô asyé é kontê liunion é. Ê fa: Ola komandanti Lisia ka tô bi fô Jeruzalé nga tua disizon kazu ô. ²³ Antó é manda pa soré ka manha Paulu, mazi ku yô demanda sô é na tlaza ane

migu rê ri zurê ô bi lelê wha. ²⁴ Sô whã dôsu ria, Feli tô bi ku mengay rê Druzila, zurê, sô mandê bi ku Paulu sô ta ka ndê ri afê ny afê ku Kistu Jizu. ²⁵ Sô ola Paulu tô fa kuê ri zustisa, ku domini plopî ku zugamentu ku ka bi, Feli fika ku mendu sô kundji: Ayê bê ô. Mazi ola nga tê tempu masi ngosi, nga sama ô. ²⁶ Tempu é mé ê tá ka whara pa Paulu ká ré whã lèlú, ra kua é é manda samé masi seru sô lumba kuê. ²⁷ Ku turu kua é ola dôsu anu pasá Pósiu Festu, bila govenarô sô Feli, sô mesê búara ane zurê, ta ku Paulu pezu.

Chapter 25

¹ Festu letxa fegêja sô ri tezi ria é syê Sezarêa ba Jeruzalé. ² Sefi ngeza na kulú ku zurê tô bi ku kuzason ra Festu kontê Paulu. ³ Sô ane pindjié mora whã favolô kotê Paulu, pa ka sama pa é ba Jeruzalé, sô asyé ane ká poy maté mondja. ⁴ Sô Festu kundji ma Paulu tá pezu Sezarêa, sô pa elê mé ká syê seru ba nha. ⁵ Sô nkênu sy ku ka poy ká bé ku non. Sy kua mali sa kua ome é a ka kuzé. ⁶ Sô ri ta ku ane na sa masy rokê náke ô kuin ria, ma é tuka ba Sezarêa. Otô ria é tua nga tubulanu sô manda pa ane ka bi ku Paulu. ⁷ Ola é vitxa, ane zurê Jeruzalé fika vota rê sô bi ku yô kuzason ma ane na ka poy povê wha. ⁸ Paulu defendê sô fa: Na zi né whã kua mali kontê alê zurê, kontê ngeza ô kontê Sezalu wha. ⁹ Sô Festu, ta ka mesê nganha favolô ane zurê, sô kundji Paulu: Bô mesê ba Jeruzalé pa un mba zuga ô ri kua é! ¹⁰ Paulu fa: Ayê nsa lètu tubulanu Sezalu nga ma a tê zuga un né. Na zi ane zurê kuakuali mali, mora ma bô mé ta verê. ¹¹ Sô sy un zi kua mali ô sy zi kua ku toka pena motxi na ka mendu muê wha. Mazi sy na tê né whã kua ma ane ka kuza un wha né nkênu na ka poy trega un mon ane wha. Nga fa ra Sézalu: ¹² Sô Festu puta ane konsê rê, sô kundji: Bô pindji ra Sezalu ra Sézalu bô ka bé. ¹³ Sô ri whã dôsu ria, alê Agipa ku Berenisi vitxa Sezarêa ba zi whã vizita biriru ku Festu. ¹⁴ Ola é ta yô ria nha, Festu pezentê kazu Paulu ra alê: A desa whã ome yngé ku Feli mora pezu. ¹⁵ Ola é ta Jeruzalé, sefi ngeza na kulu ku sôba zurê bi ku kuzason kontrê ome é sô pindji pa kondênê. ¹⁶ Un fa ane ma ane romanu na sa kustumaru ka trega whã ome pa é muê sê pa nkênu ma a kuza sa ku nkênu ku kuzé pa é pô defendê ri kuzason ma ane zió. ¹⁷ Sô ola ane bi yngé, na wharé, sô otô ria, ntason tubulanu sô un manda pa ane bi kuê. ¹⁸ Ola ane nkênu ku kuzé lata ri kuzé, na bê né whã kuzason sétu katxi ane nkênu ku bi kuê wha. ¹⁹ Ri otô mora é ta ku whã dôsu pontu ma ane patxi katxi ane punda religion ane plopî sô ku whã sétu Jizu ku tá motxi, ma Paulu ka kèlê ma Ê ka vevia. ²⁰ Un ta kunfundiru ku mora nga ngoló ta kazu é sô un puta sy é ka poy ba Jeruzalé pa a zugê nha ra ane kua é. ²¹ Mazi ola Paulu pindji pa nguara Alê ta kuê, un manda pa é ka fika ny kontrolî atê nga mandê ra Sezalu. ²² Agipa fa Festu: Un ta mesê ndê. Festu fa: Mungu bô ka ndê. ²³ Sô otô ria Agipa ku Berenisi ta bi ku yô pompa sô letxa sala audiensia ku sefi soré ku ane ome masi fotxi poson. Festu ra komendu sô ane bi ku Paulu. ²⁴ Festu fa: Alê Agipa, ku turu ome rê ku sa yngé ku non sê bê ome é mora ma ane ta puta un yngé, un samé ma é na poy tô vevia wha. ²⁵ Mazi un tô vevié ma é na zi né whã kua ma é toka muê wha. Sô ma é loga Alê ngoló mandê. Punda na bê kua sétu pa un sisika ra alê ri vira rê wha. ²⁶ Punda kua é mbi kuê masi ra ô. Alê Agipa, mora ma nga poy tê kua sisika ra kua é. ²⁷ Punda é na kakô sétu un manda whã pezu sê ngoló ta kuzason kontrê wha.

Chapter 26

¹ Ba whê, Agipa fa Paulu: bô ka pô fa ra ô mé. Sô Paulu sendê mon sô defendê vira rê: ² Nga sa ku ngoso, Alê Agipa pa mpôy kundji oze whê ô, turu kuza ma ane zurê zi: ³ Masi buaru sa punda bô ta turu kua ma ane zurê kustama né. sô nga pindji pa bô ndê un ku paxensa. ⁴ Kua verê turu ane zurê ta mora ma nga vevia zinz un ta masivi katxi nkênu tia un ku Jiruzalé. ⁵ Ane ta un na komesa sô toka dimiti ma ngá vevia mora wha fasu, whã gupu plontu ny lîgion nó. ⁶ Ayê un sa yngé pa a zuga un punda nga whara pomesa ma Dêssu zi táta non. ⁷ Ra lazon é, kuini dôsu tibu ka whara ka sivi Dêssu nsuku ku pomonha sô non ka whara ganhê. Sô punda whara é ma ane zurê ka kuza un, alê Agipa! ⁸ Ra kuay ma bô ka zuga ma é sa siriga ma Dêssu ka tô kora motxi! ⁹ Zina whã tempu un ta ka pensa ku an mé ma un toka zi whô kua kontê Nome Jizu ri Nazaré. ¹⁰ Un zi kua é Jeruzalé. Un pê yô ngê Dêssu pezú punda porê ma un tá kuê ane sefi ngeza na kulu pa un zió asyé: sô ola ane tá motxi, nta ka bé ku ane sefi é kotê ane. ¹¹ Sémpe ntá ka pê ane pezu ny turu sinagoga, sô tá ka tenta zi pa ane ka fa mali, ntá ku leva ku ane sô nta ka tua konta ane atê posó stangeru. ¹² Ma ntá ka zi kua é, mba Damasku kosi porê kuu oji ane sefi ngezâ na kulu. ¹³ Sô ny mondja, mê ria, sô alê mbé whã kandja ku bi fô osé, luzi masi rokê sólo yerê pê ongê un ku ane ku tá ka zi viaji ku an. ¹⁴ Ola nón kyê son ndê whã vozu ku lungua hebêu, ka fa ku an, ku ta fa: Salu, Salu, ra kuay bô seka tua konta un ra! Ê ka kusta ô peza ku ngion. ¹⁵ Sômputa: ngey sa ô Sun! Sô Sun kundji: Sa Jizu, ma bô seka tua konta Rê. ¹⁶ Ayê bô ka lata ndja. Punda ra kua é ma mbi ra ô pa nzi ô na kia ku seseminha kua ma bô ta ri Un ku ka ma nga ba musa ô masi ngosi. ¹⁷ Nga liva ô mó povô é ku ane zintxi, ma nga manda ô. ¹⁸ Pa bô biri whê ane, liva ane ni kulu pê kandja dy porê demono ba Dêssu dy mora ma sê ka tua peron pekaru món Dêssu ku ledêlu ma Nga ra nkênu sy ma Un zi santu ku afê ku An. ¹⁹ Sô, Alê Agipa, na bila mema ra kua ma mbê fô osé wha. ²⁰ Ri otô mora, ma mprega pa turu nkênu ka lependê bila ra Dêssu, ka zi suvisu buaru ku lependementu. Pumbê ra ane Damasku, sô ri Jeruzalé ku turu fegeja zurê ku zintxi turu. ²¹ Ra kua é ane zurê pê un pezú ngeza sô ngoló mata un. ²² Dêssu zura un atê dié, antó nga lata fa kua, tantu ra nkênu ximpi kuma buaru ma pofeta Muzé tá fa ma é ka bi ra. ²³ Ma Kistu toká parisê sô ka sa pumbêlu tô kora motxi sô ba musa kandja ra povô zurê ku zintxi. ²⁴ Ola Paulu kopeta defeza rê, Festu fa ku fosa: Ê sa malokô. Ane kua sy ngayru ma bô tá ka zi ô bila malokô. ²⁵ Mazi Paulu fa: Na sa malokô wha soba Festu, mazi nga lumba verê ku kosó ku whã ntê buaru. ²⁶ Punda alê ta turu kua é, manda nga fa biriru punda nta ma né whã kua na sa kondêru wha: Punda né whã kua na ka ra konderu wha. ²⁷ Bô ka kèlê ane pofeta, Alê Agipa! Nta ma bô ka kèlê. ²⁸ Agipa fa Paulu: Ê fa ta txo sô bô sêka mesê zi un sa kiston! ²⁹ Paulu fa: Nga fa lason ra Dêssu ma ra pokô ô motxi na ra ô sô wha mazi ku

turu nkênu ku ka ndê un oze ka sa mora un mazi sê lengê é.³⁰ Sô alê lata ku govenarô ku Berenisi ku turu ane ku ta tasoru kuê.³¹ Ola ane desa salon, ane fa whã ku otô: Ome na zi ne whã kua ma é toka muê ô ta pezu wha.³² Agipa fa Festu: A toka sota ome é sy é na ka apela Sezalu wha.

Chapter 27

¹ Ola a tua disizon pa non ba Itália, ane ra Paulu ku otô pezu ra whã sefi soré ma a ka sama Julio, ku ta toka fotxi Govenarô Agostô.² Nón bé ku vapô Adamíti, ku ta kuaji siê begá Ázia. Sô nón ba mionga, Aristaku nkênu Masidónha kiba Tésalónia tá bi ku nón.³ Sô otô ria non tuka ba pason Sidon, nga ma Julio tlata Paulo buaru foga wha sô desê ba até kota ané migu rê ba tua kua ma é tá mesê.⁴ Sô ola non siê fô nha, non ba mionga sô siê ba kondoka ya sipi, ku tapa non ra ventu, punda é ta ka venta kotê non.⁵ Ola non siê non tuka ku aua petu Silisia ku Panfilia, sô non Mirra whã poson Lísia.⁶ nha sefi soré bê whã vapô Alexandria, ku ta ka ba Italia ku bé ku non.⁷ Non bé leve-leve yô ria sô ola non vitxa araska, petu ku Snido, ku turu kua é, ventu na desa non lelê mondja wha. Sô non bé kiba kreta taparu ra ventu ku bé ku non Samona.⁸ Non bé bega-bega araska até ma non vitxa whã nga ma a ka sama Bons Portu, ku sa petu pason Lazaia.⁹ Non ta gasta tempu foga wha, non ta pasa tempu ku jizun zurê, ku bila pigú pa non siê. Sô Paulu viza ane,¹⁰ sô fa: Ane Ome, un bê ma viaji sy ma non seka bi zi ka bi raná sô ku pendê foga wha, ne ku kega ô vapô sô wha mazi ku vira non turu.¹¹ Sô sefi soré tua atensó masi ra mése ku donu vapô dôkê kua ma Paulu fa.¹² Pontxi na ta buaru pa a pasa ngavana wha, masi motxi manhêlu ra non konsê pa non fô nha, sy non tê meu ô non ka poy vitxa poson Fênix, pa non pasa ngavana. Fênix sa whã pontxi kreta, ku bila ra notxi ku sulu.¹³ Ola ventu sulu komesa ka sopua leve-leve, ane melu kunda ma ane tá mesê. Sô ane saya buru kolá sô ka ba pozê kreta petu ntary.¹⁴ Mazi ta sô whã ventu ketxi tovara ma ka sama Euroakilon ku bi fô ilha komesa ka sagury non.¹⁵ Ola é komesa ka ra pê vapô ku fosa sô non na poy zi fosa ku ventu wha non desê bé ku non.¹⁶ Non la whã ngá ma whã ilha ma a ka sama kauda tapa non, sô ku yô vugu-é non tua botxi sava-vira.¹⁷ Ola ane lata botxi ane tua kóro rê pa ane ba manhê pê memê vapô. Ane ta ka mendu pa ane na ba kiba banku nsekê sirte, antó ane mata leva sô ka lema.¹⁸ Non ta turu kansaru punda tovara é. Sô otô ria ane nkênu ka ta ka zi viagi komesa ka zuga kega fô létu vapô.¹⁹ Dy tesi ria, ane manhelu turu sata ba mionga ku plopi mon ane, ku kabisi vapô.²⁰ Sô ma sólo ku tetemba na tô yerê diba non yô ria wha, ma non ta ka tua pankara ndjigi tovara é, non na tô konta ku vira wha.²¹ Ma ane tá yô ria sê mé, Paulu lata katxi manhelu sô fa: Ome sê toka ka ndê un, na ba kreta wha pa non na ka pendê yô kua é wha.²² Sô ayé, nga ra sê fosa tê kosó punda sê na ka tô pendê vira wha, mazi vapô sô sê ka pendê.²³ Punda whã nsuku pasaru, whã anzu Dêssu ma nga toká, tô sivi ndja bóro un.²⁴ Sô fa: Na mendu wha, Paulu. Bô ka ngolo bê Sêzalu, sô Dêssu ka ra ô vira ku turu ane ku seka zi viagi ku bô.²⁵ Sô, ome, tua kosó! Punda nga kufiá Dêssu ma é ka ra mora é ma Ê fa un.²⁶ Mazi non tê zi viagi ba kuakuali ilha.²⁷ Sô ola kuyne kuana nsuku bi, ma non ta ka bé mondja é, ku tá mionga Adriatiku, katxi-katxi nsuku ane nkênu ku ta ka zi viagi kunda ma ane tá ka pôzê kuakuali tia.²⁸ Ane zi sonda sô ane bê vintxi basa, ta sô ane tô zi sonda ane bê kuyne tanó.²⁹ Ane tá ku mendu sota pê begá ntary, sô ane mata kuana ponta vela, sô fa lason pa pomonha biri séru.³⁰ Ane manhelu ngolo whã mora desa vapô sô ane desê botxi pê mionga ku vonté manha kabu kola pê plôa.³¹ Mazi Paulu fa sefi soré ku soré: Ameno pa ane ome é ta létu vapô sê na ka poy sava wha.³² Sô ane soré kota kota kóro botxi sô desê berê.³³ Ola pomonha biri, Paulu kora turu ane pa ane mé. Ê fa: Yé sa kuyne kuana ria ma sê ta ka whara, sô sê na mé netxó wha.³⁴ Sô nga pindji sê pa sê mé, punda yé sa pa sê tê fosa, sô né whã pena ntê sê na ka pendê wha.³⁵ Ola é ba kua é, é tua mpó sô ra Dêssu gasa whê turu ane, Sô patxié komesa ka mé.³⁶ Asyé, turu ane ta ku kosó sô mé turu.³⁷ Non tá tanon sentu ku kuyne kuy samano nkênu letu vapô.³⁸ Ola ane mé siaru, ane zi pa vapô ka fika masi lévé zuga tigú pê mionga.³⁹ Ola pomonha biri ane na tô ta tia wha, mazi ane bê whã béga ku whã paá, sô komesa ka pufia sy ane ka beku vapô até nha.⁴⁰ Antó ane kota ka bi kolá sô sifa pê mionga. Ola é mé ane sota koro lemu sô lata vela ra ventu, Sô antó ane lelê ba paá.⁴¹ Mazi ane ba whã nga ma ane ta bê dosú kolentxi sô vapô bé rumu ra paá. Plôa vapô kunha pê paá sô kebea punda mionga buri.⁴² Ane soré ta pa ane mata ane pezu pa né whã ane na ka landa sô fuzi wha.⁴³ Mazi sefi soré ta mesê sava Paulu, antó é na desa ane wha sô manda pa ane ka poy landa pa ane ka sata fô vapô pumbê sô vitxa paá.⁴⁴ Sô otô ome ka toka lelê whã-whã ane diba tába, ô kuakuali kua vapô. Dy mora é, turu non vitxa sosegaru paá.

Chapter 28

¹ Sô ola ane sava, non ta ma ilha é a ka sama Malta.² Ngê nha tlata non ku amolê sê mindjira. Ane junta whã fogo sô kuvira non punda suba turu riá ku fiô.³ Mazi ola Paulu ta ka koyê txó ninhã pa é pê fogo, whã kiongo syê punda kalolô sô morê mon rê.⁴ Ola ane nkênu nha bê situ é pegaru pê mon rê, ane fa otô: Ome é sa whã kiminozo ku skapa fô mionga, sô zustisa na desê véviá wha.⁵ Mazi sô é saguri situ é pê fogô sô é na parisê né whã mali wha.⁶ Ane tá ka whara ma é ka bi sya ku fébé ô kiê son motxi. Mazi ola ane bi pié whã dosú ola, ane bê ma é na ta ku netxó dolô wha, ane mura sintxiru sô pasa fa ma é sa whã dêsú.⁷ Ny whã nga petu nha, ta ku whã kiba ku tá toka whã ome sefi ilha, ma nome rê sa Públio ku tia ki txo bém rê, ki tua non buaru tesí ria ni kai rê.⁸ Ê da ma tata di Públio tia ni kama doetxi di fébé i zenteria. Ola Paulu ba kotá rê é fa lason ré tô pê mon sô kulé.⁹ Sô ola kua é ra,¹⁰ Yô nkênu turu ta ka gaba non foga wha. Ola non ta ka luma zi viagi ane ra non turu kua ma non tá mesê.¹¹ Sô dy tesy mbêzi non syê ku whã vapô Alixandia ku ta ka pasa gavana ilha é ma plôa rê ta ka bi ku Diókuru (Nota: Ny metologia gregu ka fa dy ane ná amon ngêva, kastor ku Pólux).¹² Sô non tuka ny Sarakuza sô non ta yngé whã tési ria.¹³ Sô nha, non zi viagi sô non vitxa poson Régio. Sô ri wha ria, ventu sulu ta ka sopua otô ria non vitxa poson Putéoli.¹⁴ Nha non bê whã dosú ná amon ku kuvira non pa non sa ku ane sabari ria. Asyé

Chapter 1

non vitxa até Roma.¹⁵ Dy nha, ane ná amon, ola ane ndê vira non, ane bi bê non fela Ápio sô ny Têsy Venda. Ola Paulu bê ná amon é ra Dêssu gasa sô ba tê kosó.¹⁶ Ola non letxa Roma, Paulu tua odji ta sô, ku whã soré ku ta nguara rê.¹⁷ Sô, ê pasa têsý ria, ê sama whã dosú ome ku ta sefi katxi zurê. Ola ane bi, ê fa ane: Ná amon un pô na zi né whã kua mali kontê povô ô kustumu ane nkênu náku lu wha a manda un mora pezu Jiruzalé até mon romanu.¹⁸ Sô ola ane puta un, ane ta mesê sota un punda na tá lazón pena motxi wha.¹⁹ Mazi ola ane zurê ngolo kua é, un ta obligaru fa ra Sezalú, un pô na ta lazón kêxa kontê gelason un wha.²⁰ Ra kua é, un kuvira sê pa un bê sê pa non lumba, punda é sa punda kua ma Israel seka whara ma un sa pezu ku ane lengê é.²¹ Sô ane fé: Né non na tua kata tia Zurê dy kua ô wha. Né néwhã ná amon na bi yngé bi whanga ô ka fa kua kualí mali ô wha.²² Mazi non mesê ndê ô kua ma bô ka pia ri seta é punda non ta ma ane ta fa kontê turu kiba.²³ Ma ane ta marka whã ria dy sa ku Paulu, mazi nkênu ba pié kai rê. Ê plezenta ane kua ku ka fa ri govenu Dêssu. Ane ngoló konvesê ri Jizu, sô mora alê Muzé kuma ane pofeta na pomonha até nsuku.²⁴ Whã dosú ane konvesê ra kua ma é ta ka fa, enkuantu otô na kêlê wha.²⁵ Ma ane na kundji katxi ane wha ane syê sô ola ma Paulu fa ane lumba é: Supitu Santu fa buaru, ri kua pofeta Izaia ra ane nkênu nakulu ane.²⁶ Ola é fa: Bá lêlê povô é sô fa ane: Sê ka ndê ndê mazi sê na ka ta né whã kua wha, Sô sê ka pia, mazi sê na ka bê wha, sô né whã mora sê na ka ta kua wha.²⁷ Punda kosó povô é bila dizu sô ku oria sê ndê mazi sê na tua atensó wha sô fisa whê sê: Dy otô mora ane ka bê ku whê ndê ku oria ta kua ku koson sô mura sô ngá kula sê:²⁸ Sô sê toka tá ma savason Dêssu a tá mandé ra zintxi sô ane ká ndê.²⁹ Ola é fa ane kua é ane zurê syê, tá ku whã pufia katxi ane mé.³⁰ Paulu vevia kua ri dosú anu têlu létu kay ma é luga sô é ta tua turu nkênu ku ta ka bi lêlê.³¹ Ê ta ka plega govenu Dêssu sô ka sina kua Sun Jizu Kistu ku turu azaria sê né whã atázu.

Romans

Chapter 1

¹ Paulo, sevo dy Jizu Kistu samro pê sa apostulu pataru ra Envangelhi dy Dêsu, ² Ma é plometê antigí povia dy profeta Rê ny Eskritura sagrada, ³ dy lixipetumosu Rê ku bi né gelason Davi né kani. ⁴ Povia resurison dy motxi, Ê bi musaru ny porê mosu dy Dêsu dy supitu dy santidade, Jizu Kistu, Sun nó. ⁵ Punda Elê nó lesebê glasa dy suviso dy apostulo pa obidêsê afê katxi turu nkênu, punda nomi Rê. ⁶ Né katxi ané nason é, sê té sa samari pa sa dy Jizu Kistu. ⁷ Turu sê, amaro dy Dêsu ku sa ny Roma sô ku sa samro pa sa santo, glasa ku pazi dy kiba dy Dêsu, tata nón, sô dy Sun Jizu Kistu. ⁸ Pimelo, nga fa obigado Dêsu un poviata dy Jizu Kisto, ra turu sê, punda afê sê sa faru ny turu mundu. ⁹ Sô Dêsu, nkênu ma an nga xivi ny supitu un ny Envangelho dy Mosu Rê, sa sesemunha un dy mora sempli nga zi ku sê. ¹⁰ ny orasón un, nga pindji dy mora dy vontê dy Dêsu, an un pô vizita sê.

¹¹ Punda mêsê bê sê, pa un zunta ku sê dy lumba ku sê ny porê supitu pa sê sa buaru. ¹² Ixié é sa pa sê sa un a ku otô té koraje, de afê dy kada un whã, dy sê sô dy un. ¹³ Sô na mesê na mom, pa sê satia wha punda yô vê pa mba visita sê (maji aié un sa impedidu) pa un bé katxi sê kua buaru mora katxi ane otô zintxi. ¹⁴ A un sa dêvêrô tanto grego mora ane estragero tanto sabio mora ane keno ku na ta kua, ¹⁵ Punda kua é, ra a un, un sa prepararo pa fa ny evangelho tuzé da sê ku sa ny Roma. ¹⁶ Punda a un na tê vegonha dy Evangelhu wha, punda é sa porê dy Desu ra salvasón dy turu nkeno ku kêlê, pimelo ra ane zurê sô pa ane grego. ¹⁷ Punda Ê sa Justisa dy Desu sa bêru dy afê ny alê, mora mê sa sisikaru: Ené justu ka vevia ny afê. ¹⁸ Punda leva Desu é sa beru onsá kontra turu mali ku kua kontrario dy ane kua ku na ka desa verê ny katxi kua sê zustisa. ¹⁹ Sô kua sa konsêro Desu é sa biriru ené, sa Desu ngê ené bê. ²⁰ Punda ene kua dy Desu sa konderu, masi porê Rê ku mora Mê sa musaru dgina Ê gi mundo, re ene kua sa giru punda kua, ene sa sê kupa. ²¹ punda mora ma ené konsê kua Desu, na ka glorifika Desu mora Desu wha, né ene na ka Desu glasa wha. Ra kua é ane bila malôko ne pensa ene, ne koso ené dizo bila kulo bêrê. ²² Ka mussa ma ené ta iô kua, bila malôkô. ²³ Ené mura gloria Desu ku na ka muê wha ny whã image mora home ku ka muê mora bisi situ kuwhã ná opé ku situ ka saia só. ²⁴ Sô Desu da ené, paxon kosó ené pa domi ku otô, sa dana y onguê katxi ené, ²⁵ sô mura vérê dy Desu, ny siriga, adora tô sivi nguê ny nga Desu, mora Mê sa buaru até até, Amém. ²⁶ Punda kué é, Desu da ené vontê sê vegonha y sô mora ené mengai ené mura kofison buaro né ma kosó, ²⁷ mora tê ené homé lega vevia ku mengai mora ma Desu mêsê aié ku ené otô, homé ku homé, ngi kua ku na sa buaro wha, bila mali ku mali é. ²⁸ Pa ane na liga kua Desu wha, plope Desu da ane whã pensamento mali pa ene dgi kua ku na sa buaru wha. ²⁹ Sa siaro ku turu mali, kua poreru, whê sia ku mali, ka tê whê siaru ki mendo, ku na ka ndê wha ma pensamento, ³⁰ ka fa vira nkênu numigo de Desu, tapaiaru, ka zi home wê xia, ka pensa kua mali, na ka liga tata wha, ³¹ Sê juizo, kenu ma na ka pô kunfia né wha, sê tê pena. ³² Ené konsê stensa dy Desu, ri nkenu ku ka zi ene kuaé sa nkênu ku toka motxi maji ane na ka gi kua é sô wha, maji té ene ka kundji nkênu ku zi ené kué.

Chapter 2

¹ Antó bô sa sê kupa, ku zuga, so, né kua xi ma bô ka zuga otô, punda bô ku zuga, ka gi ené mora kua mé. ² Maji nó ta ma zugamento de Desu é sa a kora ku verê kontra nkênu ku ka gi ene kué. ³ Maji pia kué é xi bô, ku zuga nkenu ku ji ene kua é, ka ji ene mora é mé, ma bô ka sa fa zugamento Desu! ⁴ Ô na liga ene likeza rê, Ré buaro, ku amolê Rê ku pasensa rê, na ta ku ene vontê Ré é sa dy bê kuê ba lependê! ⁵ Maje koso dizo sê lependê ku sa lumaru riba ô mé ka bé ne ria ku ria ku ria da revelasó dy justo Juiz dy Desu. ⁶ Ê ka rekompesa kara nkênu dy mora midjira ry ene kua ma ene zi, ⁷ ene ku, tá ny kua buaro, ku ngolo goia, lespeito ku na dana vira ene wha, Ê ka ra vira até até. ⁸ Maji ane ka bi ku leva, ku leva fogawha ra nkênu ku ka mêsê kua ra ené sô, ku na ka kundji vérê wha, madji ka kundji kua ku na sa verê wha. ⁹ Desu ka bi ku

Chapter 3

afison ku dôlô ra turu alima homé ku zi mali, pimelo ené zurê ku ané gêgo turu.¹⁰ Maji fama ma ene tê, lespeto ku page ka bi re turo nkênu ku ka gi kua buaro, mora zurê mora ené glego.¹¹ Sô Desu na ka patxi nkênu wha.¹² punda turu nkênu ku zi mali sê alê, sê alê ka muê. Turu nkênu ku zi mali ny kosy alê ku alê ka sa zugaro.¹³ punda ê na sa ené nkênu ku ka ndê alê ku sa seto wê dy Desu, maji ené girô alê ka ba sa justifikaru.¹⁴ Punda mora ené gentxi, ku na tê alê wha, ka dji kua ry alê, ene sa alê ra ané mé, mora nkênu sê alê.¹⁵ Ené ka musa ky ené kua alê sa sisikaru ny koso ené. Kunxensa ané turu ka musa, ené plopi pensamento ene ka kuza ené ka défendê ané.¹⁶ Kué é ka ba sa ny ria ma Desu ka ba zuga ene seguêro dy turo ene nkênu, mora ma evangelho rê sa ku Jizu Kisto.¹⁷ Maji sy bô ka sama zurê sô ka vévia ny alê,¹⁸ sô ka da fama ny Desu, sô konsê vonté Rê, zuga kua ku sa buaro, punda bô sa sínaro ny alê,¹⁹ sô sy bô sa konvesêro ma bô sa whân kolarô dy nkênu ku na ka bê wha, whân kandja ra nkênu ku sa ny kulu,²⁰ whân Desu bluto, whân meste sê vegonha, sô ku tê alê mora kua ma ene tá veré anto mora kua é ka zi ny mora vivê rê!²¹ Bô ku ka sina ôtô, na sina bô mé wha! Bô ku plega pa na futa wha, ka futa!²² Bô ku fa pa nkênu kazru na tua ôtô wha, bô mé ka tué! Bô odia figula, futa ngueza!²³ Bô ku tê fama ny alê, na ka lespeta Desu wha punda bô viola ny alê!²⁴ Sô mora êsa sisikaru-sô Nomy Desu sa sê lespeto ny katxi de gentxi punda sê.²⁵ Sô sirkunsizón, ê tê valoro, dy zura ô, sa xi bô obidêsê alê, maji, xi bô viola alê, sirkunsizón ô ka bila insirkunsizu.²⁶ Xi whân insirkusizu lokê komeso alê sirkunsizu rê na sa konsiderado sirkunsizu wha!²⁷ Sa êsa vedadeiru insirkunsizu, xi ê lokê alê na ka kondena ô wha sô ku sikitura ku sikunsizon, bô sa viola rô alê.²⁸ Punda ê na sa zurê lua sô wha, né sa sirkunsizu ku sa ny lua dy kane wha.²⁹ Maji zurê sa nkênu ku sa ry veré sempe, sô sa sirkunsizu sa kosô Supito, na sa segundo leta wha. Louvouru nkênu na ka bi homé wha, madji ry Desu.

Chapter 3

¹ Anto kuali luklu ma ane zurê tê? Sô kuali luklu ane kaparu? ² Ku turu sintxiru ê sa ngairu. Sô pumbêlu ane zurê ta ka kunfia kua ma Dêsu ta ka fa. ^{3 4} Sô xi ôtô zurê na kêlê wa, mali rê ka bila buaru pa ri Dêsu sa mali? Inga ra kua é ma Dêsu sa veré, sô turu ome ka siriga. Mora ma ê sa sisikaru: Pa a bê mora zustu ni lumba rê, sô pê ngê ta ola bô ka bi zugamentu. ⁵ Maji xi injustisa non musa justisa Dêsu, kua ma non ka pô fa? Non ka pô fa ma Dêsu sa injustu pê bi ku leva rê diba non? (Nga fa mora ome) ⁶ Inga! Sô anto ma Dêsu ka zuga tia? ⁷ Maji xi veré Dêsu ku siriga un ka bi ku maxi lovo rê punda kuai ma a ka zuga un mora pekarô? Ra kuai ma non na ka fa mali ôtô ku ka kêlê kua ma non fa: ⁸ Non ka ji mali pa kua buaru bi?Kondenason ane sa justu. ⁹ Aié ma? Non sê ka disikupa non mé? Ku turu mora inga. punda non musa ma turu zurê ku ma gêgu turu ane sa kosi pekaru, ¹⁰ Mora ma ê sa sisikaru. "Né wã justu na sai wa ni wa sô mesê". ¹¹ Ê na tê nkênu ku ka ndêwa, Ê na tê nkênu ku ka ngolo Dêsu wa. ¹² Turu ane ba ôtô mondja, turu ane zuntaru bila póreru. Ê na tê nkênu ku ka zi buaru wa, ni wã sô. ¹³ Ngogonó ane sa mora wã ximinteli biriru. Punda ane ka nga. Nbaga kiongo s létu boka ane. ¹⁴ Boka ane sa siaru ku mali ka manga. ¹⁵ Opé ane ka kolê ri tu kua sangi. ¹⁶ Destruison ku aflison sa mondja ane. ¹⁷ Ane na ta mondja paji wa. ¹⁸ A na ka lispeta Dêsu wê ane wa. ¹⁹ Aié non tá ma turu kua ma alê ka fa a ka fé ra ane ku sa kosi alê, pa turu boka ka fisa, sô turu tia ka bila kosi zugamentu Dêsu. ²⁰ Punda newã nkênu na ka sa justifikaru ni kua ma alê ka zi wê rê. Punda ku alê ka bi ku kuxensa pekaru. ²¹ Maji aié, sê alê justisa Dêsu ka musa seminha ku alê ku pofeta. ²² Kué sa justisa Dêsu, ni afé ri Jizu kistu, ra turu nkênu ku ka kêlê, Punda ê na tê koiê wa. ²³ Punda turu nkênu ji pekaru sô a lokê ku ane ni góia Dêsu. ²⁴ Sa justifikaru ngasa punda lédêru ku sa kistu Jizu. ²⁵ Sô Dêsu ra non Jizu kistu mora pagamentu ni sangi rê, punda afé: Ê ra kistu mora wã pova justisa rê sô, ku pomesa rê na manha pekaru ma ê zi nária wa. ²⁶ Kua é kôlê pa ê musa justisa rê ni tempu aié pa ê sa justu sô justifikaru kualifikaru ri kua kuali wã ku tê afé ni jizu. ²⁷ Wê sia ô? A lôkê kué. Ma? Ni kua ma ê zi? Inga, maji kosi afé. ²⁸ Non zié lôkê sô ma wã nkênu sa justifikaru ku afé sê kua ma alê ka zi. ^{29 30} Dêsu sa Dêsu zurê sô, ê na sa Dêsu zintxi turu wa? Ê sa de zintxi turu. Xi veré ma Dêsu sa wã, Ê ka ji zugamentu poraru ku afé, sô sê pora ku afé. ³¹ Antô non nula alê punda a fé? Inga! ri ôtô mora, non fimé.

Chapter 4

¹ Anto non ka pô fa ku Abron, antipasaru non ni katxi kani ê bê? ² Sô, xi Abron bi justifikaru ni obla, ê ka tê lazón pê ngaba, maji na ni wê de Dêsu wa. ³ Kua ma xikitura ka fa? Aron kêlê ni Dêsu, sô kua é bikuê, dé mora justisa. ⁴ Pia, ra ane ku ka taba, pagamentu ane na sa pagaru mora wã kua daru wa, maji mora wã divira. ⁵ Sô ane kua na ka taba wa, maji en veji di ixi, kêlê ni nkênu ku ka ra justisa ane impiu, afé ane ka sa daru mora justisa. ⁶ De mora é, Davi ta fa ma benso turu ane home ma kênú Dêsu ra justisa independente de obla. ⁷ Ê fa. Filipe sa kênú ma mali rê sa poraru, sô ku ane pekaru sa poraru. ⁸ Feliz sa ane ome ma Dêsu na atribui pekaru wa. ⁹ Pia, kué sa da ane sirkunsizu, ku támbê ra insirkusizu? Sô non ka fa ma afé Abron sa daru mora justisa. ¹⁰ Ma a dé? Ma ê ta ni sirkunsizon ô ni insirkunsizon? Naun ni sirkunsizon, maji ni insirkunsizon. ¹¹ Abron resebê ane xinali de sirkunsizó, de kuali bi wã me ka de justisa de afé ku êlê ta têza ala é ta ni insirkusisó. Sô resultaru de xinali é sa ku êlê bila Táta de ane nkênu ku kêlê, ma ane na sa sirkunsiraru wa. Kua é sa ni justisa bi ra ane atribuiru. ¹² Sô té ka sa ku Abron sa bila Táta re sirkunsizó, na sa punda ane nkênu ku sirkunsiraru maji, de mora é mé, ane ku lêlê turu pasu de afé de Táta non Abron ala ma ane na ta sirkunsiraru anda wá. ¹³ Punda ê na sa ni Alê ku ane pomesa ma ta da Abron ku ane descendencia rê, pomesa ma ane ka ba leda tia wa. Ni kué é, ê bi daru ra justisa de afé. ¹⁴ Sô xi ane ku ka vévia ni alê ka leda, afé sô bila sê ni wã kua ane pomesa sê nalôru. ¹⁵ Punda alê ka bi ku leva, maji andji na tê alê wa na tê trangreson wa. ¹⁶ Sô lazo é, ixi é sa de a fé, pa ku pomesa ka bi ni gasa, sô pe ji xiga ra turu ane lasa de Abron. Sô ane lasa ka xiga na sa ra kenu ku konsê alê sô wa, maji té ane kênú ku sa ri afé de Abron. Punda ê sa sa Táta de turu non, ¹⁷ (mora mê sa xikêvêru. "Un koiê ô pô sa Táta de iô nkênu"): Abron tinha ni wê de ngê xi

mê ka kunfia né, ô axi, Dêsu, ku ka ra vira ane motxi ku ka sama ane kua ku na ka ezisti ka ezisti.¹⁸ De Turu ane kua é, ni vóta rê Abron, kêlê tlega futuru rê ra Dêsu, sô antô é bila Táta de iô ngê(nkênu), ra mora mê ta fa. Axi é ka ba sa lasa ô.¹⁹ Ê na bê flâko ni a fé wa. Abron ta ku ôngê rê plopi na sa pa tê na wa punda é tia ku kuiné sentu anu de idade. Êlê té pia ku ni bega de Sara za na ka pô ra na wa.²⁰ Maji punda ane pomesa Dêsu, Abron na ta ni duvira wa. A inveje de kua é, a fé rê subi, é ra gloria Dêsu.²¹ Ê txia turu konvensiru ma Dêsu ka ji kua ma Dêsu ta pomete.²² Sô, kua té be adimitiru ré mora justisa.²³ Na sa punda favolo rê mê sa xikêvéru ku Dêsu dimitié justisa.²⁴ Magi té é sa xikêvéru ra favôlô non, punda Dêsu²⁵ jié na justu, non ku kêlê ni ixi ku muê tô kora ra justifikason non.

Chapter 5

¹ Sô, justifikaro ny a fé, nó té pa je ku Desu punda Sun Jizu Kisto ô, ² sô punda Êlê, nó ka letxa ku afé ny graça xi ku zinó sa seto. Ta ku gosô ny kua Desu té ra nó ola Ê ka bi, konfiansa ma nó ka patxi ny goia Desu. ³ Na sa kuê sô wha, nó turu ka tê ngoso ne katxi padisê, nó ta né katxi padisê ka bizi nó whara. ⁴ Sô wara ka bi aplovasón sô ku plovasón ka bi kêlê até até. ⁵ Konfiansa na ka tô ponta nó wha, punda amolê dy Desu sa lukuaru ny koso nó punda supito santi, mê tá da nó. ⁶ Sô ola nó ta flako, Kisto muê ra impio né tempo. ⁷ punda é ka kusta pa whân nkênu muê ra whân justu, kua é katxê nkênu ka pô muê ra whân nkênu buaru. ⁸ Maji Desu pova amolê Rê plope ra nó, punda Kistu muê ra nó, ola nó tava pekarô. ⁹ Yô maji aié ma nó sa justifikaro punda sangue Rê, nó sa salvo Né ra levs Desu. ¹⁰ Punda, nó tava mora numigo, nó by setaro ku Desu né motxi moso Rê, sô maji sô ola ma no ta setaro kuê, nó ka ba sa salvo ny vira Rê. ¹¹ Na sa punda kua é wha, maje nó té ku tê ngoso ny Desu so ry Sumu Jizu Kistu nó, punda Êlê aié nó rekonsilia kuê. ¹² Punda mora ma pekarô létxa ny mundo punda whân homé, ry mora é mé motxi letxa punda pekarô. sô ma motxi whanga da turu nkênu, punda turu nkênu peka. ¹³ Punda até alê, pekarô tia leto mundo maje pekarô na sa daro konta alê wha. ¹⁴ Sô axié motxi sa djina Adón alê Moseis, até turu nkênu ku na gi pekarô mora ane rasa dy Adón gi, ku sa mora nkênu ku sa ba bi. ¹⁵ Maje, axié mé, dón rê dy gasa na sa mora mali wha. Punda si turu nkênu muê né mali ry whã maxi iô glasa Desu sa ofeta ra gasa whã uniko homé, Jizu Kisto, whanga ra iô nkênu. ¹⁶ Punda dón na sa mora pagamento ry pekarô ry homé wha, magi whân kiba zugamento ra kondenason bi punda pekarô de whân homé sô, magi, dy ôto kiba dón dy gasa bi sô ry iô mali, ra justifikason. ¹⁷ Punda motxi bi sa punda pekarô whân sô, maxi nkêno ku ka tua kua motxi dy gasa ku dón dy zustisa ka ta né vira da whã nkênu sô Jizu Kisto. ¹⁸ Sô axi mora turu nkênu ta kondenaro ra whã pekarô, turu kua dy justisa é bi justifikason ra vira dy turu nkênu. ¹⁹ Punda ry diszobidiensa dy whã homé sô iô nkênu bila pekarô, ry mora é mé punda obidiensa dy whã, iô nkênu sa giru justu. ²⁰ Maje alê letxa pa mali bila motxi. Anto andje pekarô bila mothi, gasa bila masi motxi, ²¹ kuê ra, ra mora ené ma pekarô ta ni motxi, axié té gasa ka pô ta, ni punda justisa até alê pa semple ra ny Jizu Kisto, Sun nó.

Chapter 6

¹ Antô, kua ma non ka fa? Non ka sa ni pekaru pa gasa ka motxi? Inga! ² Non ka muê ra pekaru, ma non ka pôi vévi né anda? ³ Sê na ta ma mora ma non fô batizaru ni kistu jizu, turu non sa butizaru ni rê wa? ⁴ Ê manda, ma non sa tiaru kuê ni butizumu ni motxi; Ku'ra pa, mora kistu fô koraru katxi motxi ra goia ri Tata, axé non turu ka pôi nda ni novirari vira. ⁵ Punda xi non zuntaru ku Ê ni mora motxi Rê, turu non ka sa zuntaru kuê ni resuresó Rê. ⁶ Non ta kuê: mora non na kulu ta pézu ku Ê, pa ôngê ri pekaru sa danaru. Kuê ra pa non na sa pézu ni pekaru dingi wa. ⁷ Nkenu xi ku muê é sa justu sê pekaru. ⁸ Maji, xi non ka sa muêru ku kistu, non ka kêlê ma non ka vévia kuÊ. ⁹ Non ta ma kisto tô kora katxi motxi. Ê na tô sa muêru dingi wa. Motxi na tê pôrê nê dingi wa. ¹⁰ Sô, mê muê ra pekaru, Ê muê wã vé sô. Ê manda vira mê ka vivê aié sa ra Dêsu. ¹¹ Di mora é mé pia sê mé muêru ra pekaru, maji vivo ra Dêsu ni kistu Jisu. ¹² Sô na desa pekaru nda ni ôngê sê muêru wa, di mora ma bô ka kundji paso rê. ¹³ Na pezenta patxi di ôngê sê ra pekaru wa, pa sê sa stumentu mali wa. Maji pezenta ra Dêsu mora muêru ku sê ka vévia aié. Sô pezenta patxi ôngê sê ra mora stumentu ma ka taba kuê ra justisa. ¹⁴ Na kuxintxi pekaru tua konta sê wa, punda sê na sa koxi alê wa maji kosi gasa. ¹⁵ Antô kuai? Non ka p | o ka ji pekaru punda non sa ni koxi al | e, maji koxi gasa? Inga! ¹⁶ Bô na ta nkênu ma sê mé pezenta mora sévu sa nkênu ma bô ka pô kuxintxi, nkênu ma bô kundji? Xi sa vere: ô bô sa sevu pekaru ku ka ba muê, ô sevu ku ka kundji ri bê ku justisa. ¹⁷ Maji gasa ra Dêsu! Punda bô fô sévu pekaru, sô bô kundji ri koso ra mora dotrina ma da sê. ¹⁸ Bô fô live ni pekaru jiru sikavu justisa. ¹⁹ Nga fa mora ome, punda flakeza sê ni kani. Sô mora ma sê pezenta patxi ôngê sê mora sikavu suzuru pa mali, mora é me aié pezenta mora sikavu zustisa ra santifikason. ²⁰ Pia ma, ola ma ô ta sikavu pekaru, sê ta livi zustisa. ²¹ Tempu xi za, kali kua buaru ma bô ta ka ji ma aié bô sa ku vegonha rê? Punda fin ane kua é sa motxi. ²² Maji aié bô fô livi pekaru sô sa sika Dêsu. Sa ku mé sê ra santifikasô ku luklu sa vira até até; ²³ Punda pagamentu pekaru sa motxi maji pôrê ngasa Dêsu sa, vira até até ni kistu jisu Sun non.

Chapter 7

¹ Ô sê ta ane na amon ma alê ka kontola omé, ma é sê ka vevia wha! Punda nga fa ra nkênu ku ta alê. ² punda ni alê, mengai kazaru sa bandekaru ku omé rê ola ma é sê ka vevia, mazi si omé rê muê, y sa livi ra alê kazamenti. ³ Anto si é bandeka ku ôto omé ku omé rê ka vevia a ka samé aduteru. so si omé rê muê, é ka sa livi alê, mora ma ena tô sa adultera si é ka za ku ôto omé wha. ⁴ Sô ane ná amo un, sê turu ta motxi ra alê, mora ongê kistu, mora ma sê na ka pô toka ôto ku

sa Nkênu si ku ta kora katxi motxi, mora ma non ka ra me ra Dêsu.⁵ Punda ola non ta ni kani vonté pekaru ma a ta fanri alê, ta ka musa ongê non ri zi me ra motxi.⁶ Ku turu, aié non sa livi alê. non muê ra kua si ma non ta pezu né, sô pa non sivi ê nuvirari Supitu, ne ni lêta na kulu wha.⁷ Kua non ka fa aié! Alê sa pekaru! Ynga. Sô, na ka ta pekaru si ê na ka sa punda alê wha. Punda na ka ta whê sia si alê na ka fa: na tê whê wha.⁸ mazi pekaru povete nga punda mandamentu, bi ku turu mora whê sia ongê un. punda sê alê, pekaru sa muêru.⁹ Naria nta ka vevia sê alê, ma zi ola mandamentu bi pekaru tô vevia so un muê.¹⁰ Mandamentu ku ta ri bi ku vira, bila motxi ran.¹¹ Punda pekaru poveta nga punda mandamentu, ngana un. sô punda mandamentu ê mata un.¹² sô, alê sa santu, ku mandamentu santu zustu buaru.¹³ Sô kua ku ta buaru bila motxi ran! Ynga. Mazi pekaru pa ê ka musa pekaru punda kua ku sa buaru, povega motxi rân. Yé ma punda mandamentu pekaru ka musa masi pekaru, motxiru.¹⁴ punda non ta ma alê sa ni supitu mazi un sa kani bëndêru mora kavu pekaru.¹⁵ Punda kua ma nga zi, na ta ka ta verê wha. Kua nga mêsê zi na ka zié wha, so isi ma nga mêsê wha sô nga zi.¹⁶ Mazi si nga zi kua ma nga mêsê wha, nga kundji ma alê sa buaru.¹⁷ Mazi aié ê na sa un ku sê kazi kuaé wha, mazi pekaru ku sa lētu un.¹⁸ nta ma lētu un, ye sa, ni kani un, na ka tê kua buaru wha, punda vonté zi buaru sa ku ân, masi na ka po zié wha.¹⁹ Punda kua buaru, ma nga mêsê zi, na ka zi é wha mazi mali ma na mêsê wha, yé nga zé: ²⁰ sô si nga zi kua ma na mêsê wha antó ê na sa un ku sê ka zié wha mazi pekaru ku sa lētu un.²¹ Antó, nga ta, ma lētu un, alê ri mesê zi kua buaru, mazi sêtu ma mali sa ku an.²² So ku omé ma un sa, nga kusintxi ku alê Dêsu.²³ Ku turu nga bê whã ôto alê lētu ongê un ku ka peza kotrê whã alê novô lētu koso un. Kué sô ka zi un pezu ni alê pekaru ku sa sêtu ongê un.²⁴ Nsa whã omé mizeri! Ngê ka livia un ongê dy motxi é!²⁵ Nga ra Dêsu punda Jizu Kistu Sun non! Asié, sô, nga sivi alê Dêsu ku koso un ku turu kani nga komesa ka sivi pekaru.

Chapter 8

¹ Sô aié, na tô tê ne whã kondenason ra nguê ku sa ku Kistu Jizu.² Punda alê Supitu di vira ni Kistu Jizu sô livia un alê pekaru ku ri motxi.³ Punda kua ma alê na pô ka zi wha, punda ê fô flaku punda kani, Desu zié. Ê manda plopi ná Rê mora onguê kani pekaru, pa ê sa whã pêsenti ra pekaru, sô Ê kondena pekaru ni kani.⁴ Ê zi kua é ra kua ma alê ta ka obligê ê ka kumpi ni non ku na kanda mora kani wha mazi mora supito.⁵ Nguexi ku ka vevia vonté kani ka tê sintxiru ni kua kani mazi nguexi ku ka vevia mora Supitu, ku kua Supitu.

⁶ Punda vonté kani sa mothi, mazi vonté Supitu sa vira ku pazi,⁷ punda vonté kani sa numigu Dêsu punda ê na sa kosi mon Dêssu, ma ê ka pô sa wha.⁸ Nkênu ku ka pôzê kani na ka poi buara Dêsu wha.⁹ Moraê, sê na sa ni kani wha, mazi ni Supitu, si ê sa ma Dêsu ka vevia sê. Mazi si nguê na tê Supitu Kistu wha na toké wha.¹⁰ Xi Kistu sa ni sê, onguê sa motxi amizari pekaru, mazi Supitu ka vevia ku zustisa.¹¹ Si supitu Nkênu si ku kora Jizu fô motxi ka vevia sê, Elê ku kora Kistu fô motxi turu ka ra ongê sê motxi vira punda Supitu Rê ku ka vevia ni sê.¹² Antó, namó, nón na sê ka devê ni kani wha, pa non vevia ku kani wha.¹³ Punda , xi sê vevia vonté kani sê ka muê, mazi, si ê sa supito sô mata vonté onguê, sê ka vevia.¹⁴ Punda nkênu ma Supitu Dêsu ka nda kuê, yé sa na Dêsu.¹⁵ Punda sê tua supitu pezu dingui pa sê sa ku mendu wha, mazi sê tua supitu di adoson, ixi ma non ka ngita Aba Tata.¹⁶ Sô plopi Supitu ka ra seseminha supitu nón ma non sa ná Dêsu.¹⁷ Si nón sa ná nón ka lera Dêsu sô tô lera ku Kistu, si ê sa setu ma non ka parisê kuê pa a ka ngaba nón kuê turu.¹⁸ Punda nga pia ma parisê tempu sié na sa setu pa non mindjé ku goia si ma a fa nón wha.¹⁹ Sô kua masi ma kiason si ka wara sa revelason ri nan Dêsu.²⁰ Punda ane kiason ta kosi ane vairari, na sa punda vonté ane wha mazi punda vonté nkênu si ku nguêta ka wara.²¹ Mora ma plopi kiason ka sa livi ri pekaru ku kua suzu ra liberari ra goia Dêssu.²² Punda non ta ma turu kiason sêka zemé sa sintxi dolô pari ózé anda.²³ Ê na sa elê sô wha, mazi nón ku tê pumbêlu un kuê supitu-asié non mé ka zemé lētu ka whara adoson nón, ku lereson onguê nón.²⁴ Punda ka wara nón sa savu. Mazi kua nón ka whara pê bira, ê na si bi anda wha, punda ma ka whara isi ma a nasi bê wha.²⁵ Mazi si nón whara ixi ma nón na bê wha, ku paxensa nón ka waré.²⁶ Ri mora é mé, Supitu turu ka zura nón ni fakeza. punda non na ta mora nó ka fa lason wha, mazi plopi supitu ta pindji ra non ku zemé letu rê.²⁷ Elê, ku ka pia lētu kosó sô ka ta pensamentu supitu, punda Ê ka pindji ni favolô ane santo, dy kundji ku vonté Dêsu.²⁸ Non ta ma turu kua ka zunta ra ben dy nkênu ku ka ama Dêsu ra ane ma a sama kundji ri vonté Rê.²⁹ Punda, kua ma nón ta ta naria, Elê turu distiná pa ê sa mora fegula Na Rê, fa ê sa pumbê katxi yô ná món.³⁰ Ane ma adistina yé turu ma a sama ane ma a sama yé mé ma a zustifika ane ma a zustifika yé turu ma a gorifika.³¹ Sô kua ma nón ka pô fa sobli ené kuê! Se Dêsu sa ku nón, nguê ka sa kontla nón!³² Elê, ku na popa plopi Na rê wha, mazi ra nón ni favolo dy turu nón, ma nón na ka pô ra Elê té turu ené kuê!³³ Guei kabi ku kusason kontla ene koiêro dy Dêsu! Sa Dêsu sô ka zustifika ené.³⁴ Nguê ka kondena ené! Klistu sô muê ra nón, sô, maxi ku kuê, té tô kora. Ê sa lētu dy Dêsu, ixi-té ka pindji ra nón.³⁵ Nguê ka tia nón dy amolê dy Kistu! tibulason, leva, fomy, pligo ô supara!³⁶ Mora ê sa sisikaru: Punda ô, nó sa mothi turu ria. A zi nó mora ombo pa bê ku matarô.³⁷ Ni turu ené kuê, nón sa maxi vensêro poviata nguê ki gogo nón.³⁸ Punda sa setu ma né mothi, né vira, né anzu, né alê, né kua aié, né ku kabi, né purê,³⁹ né kuanda, né kosi, né neuwhã ôto kua kiaru ka txia nó dy amolê dy Desu, ku sa ni Kistu Sun nón.

Chapter 9

¹ An nga fá verê ri Kistu, an na ka siriga whã. Kuxensa un ra sesemunha an, ny Supitu Santo,² Ku ra un sa whã mêmê leva ku dolô ny kosó un.³ Sô an dezeja ku an mêmê fô mali whangaru ri Kistu ra amolê ri na mon un, ku sa familia un ny kani.⁴ Ane sa Israelitas. Pêtesê adoson, y goia, aliansa, y kundji ri odji, y adolason ri Dessu, y ku plomessa.⁵ Ane sa patriarka, kuali sa Dessu diba turu, ku sa Ê bendito sa atê atê. Amém.⁶ Mazi na sa lumba ri Dessu ku falha whã. Sô ne turu ane ri

Israel sa dy Israel. ⁷ Mora é me na sa turu na mon ri Abron sa ná rê veré wha. Mazi, punda Izaki, ma sama desédensa. rê. ⁸ Ié, sa na dy kani na sa ná dy Dessu wha. Mazi ane ná dy plomessa sa konsiderado mora desendensa. ⁹ Sô kué sa lumba dy plomessa: tempo é an nga bi, da Sara whã ná. ¹⁰ Y na sa kué sô wha, mazi sô whô ma, Rebeka konsebê dy tata nu Izaki. ¹¹ Ane na rê na ta nasêru wha né ta ziru kua buaru ô mali wha dy popozito dy Dessu ku akodo ku koié ô ku ka ta, na punda obla wha, mazi punda ra nkenu si ku ka sama, ¹² Kué é fô faru dénê: Masi vê ka xivi masi novu. ¹³ Axié ma é tá sisikaru! An ngogô ku Jakó, mazi an odiá Ézau! ¹⁴ Kua ma ka fá, anto! Ê tê inzustisa ri paxi dy Dessu! Nunka! ¹⁵ Sô Ê fa Mozé: An tê pena dy nkênu si ma an mesê tê pena, y tê kompaxô dy nkênu si ma an mesê tê kompaxô! ¹⁶ Punda, kué é na ka dependê dy nkênu si ku mesê wha, ne dy nkênu si ku ka kolê, mazi dy Dessu, ku tê pena. ¹⁷ Sô Eskritura fá Faraó: Ra kué é mê an lata, pa nga pô musa ô purê un, pa Nome Un kasa faru ny turu tia! ¹⁸ Ê tê pena dy ngê ma Ê mesê, na yogo ra ngê si ku mesê. ¹⁹ Anto, bô fa An: Punda Ê ka kupa nkenu anda! Sô nkênu si ku nguêta vontê Rê. ²⁰ Otô mora omé, nguê sa ô ku ka kundji contra Dessu! Kua ma bô ka fa mavu pa nkenu si ku zi ô: nguê manda ô zi un axi! ²¹ Na tê oleiro detu diba mavu dy zi massa é me wha jara pa sivi kué katxi nguê buaru wha, y otô jara é pa sivi ané mé. ²² Si Dessu, mesê musa leva Rê, zi sê kosê purê Rê, ma Ê supota ku yô paxênsa ku jara dy léva, plepara pa dana, ²³ Fim dy Ê zi konsê likeza ri goia Rê ny jara ri pena, ku pa goia Rê pepara na-na-na, ²⁴ Turu kué sa nó, nguê tu zé mé sama, na sa sô ané zurê, mazi ane zintxi turu! ²⁵ Mora Ê fa tuzê ra Ozeia: An sa pôvô Un nkênu ku na sa pôvô Un wha, y amaru, nkênu ku na sa amaru wha. ²⁶ Sa, ny nga andji fô ma fa pa ane sê na sa pôvô Un, nha ane sa samaru: na ri Dessu vivo. ²⁷ Isaías sama lispetu Israel: Anda ku numeru ri ná ri Israel sa mora nsêkê y mionga, a ka bê un whã remanesenti ku sa salvo, ²⁸ Sô Sum ka sina lumba Rê ra tia, whelémê y ka kompleta. ²⁹ Y mora Isaías antiji pê fa: Si Sum dy exersito na ka tê desaru nó ku ané ná mon, nón kabila mora Sôdoma y sa Gomora. ³⁰ Antó kua, ma nón ka fá! Ku zintxi ku na ka tua justisa bê justisa, y justisa ra afé, ³¹ mazi Israel, ku tua alê dy justisa, na bê wha. ³² Punda kuay! Ane ná ba tua kué é ra afé wha, mazi ra obla. Ane ra tope dy buru dy buru, ³³ Mora é mé sa sisikaru: punda An pê ny Sião un whã buru dy tope, un whã rocha dy demanda. Nguê ka kêlê né na ka sa ku vegonha wha.

Chapter 10

¹ Na mon, nga desja dy koson un y pindji Dessu ny favolo ane pa ane ka sa salvo. ² Sô nga da sesemunha ma ane tê zelu ra Dessu, mazi ná dy seto ku konse wha. ³ Punda ane na ta kosê zustisa dy Dessu, ba tua establesê plopi zustisa ane, na sujeta zustisa dy Dessu. ⁴ Sô Kistu sa kumprimento dy alê pa zustisa dy turu nkênu sy ku ka kêlê. ⁵ Punda Moisés sisika ra zustisa ku ka by dy alê: Ome ku ka zi zustisa ku ka plova alê vivê ra zustisa é. ⁶ Mazi zustisa ku ka by dy afé fá: Na fá ny koso ô wha: Ngê ka subí ba osé! Kué sa, pa by ku Kistu pa kosi, ⁷ Ô: Ngê ka tuka ba fenu! Yé sa, pa lata Kistu katxi motxi! ⁸ Mazi kua ma é ka fá! Lumba sa kota ô boka ku ku koso ô. Yé sa lumba ma non ka fá. ⁹ Punda sy boka ô kofesa Jizu ku ma Sun, sô koso ô kêlê ma Dessu koré katxi motxi é ka sava. ¹⁰ Punda ku koso a kêlê ra sustisa sô boka ka kofesa ra savason. ¹¹ Punda livu ka fá: turu nkênu ku kêlê ná ka tê vegonha wha. ¹² Punda é na tê Zure né gegu wha, Punda Sun né sa Sun ry turê tô sa liku ra turu nkênu ku ka ngogo kué. ¹³ Punda turu nkênu ku ka ngôgô kué ka sava. ¹⁴ Ma ane ka ngôgô ku Nkênu ma ane ná kêlê ne whã! Sô ma ane kêlê ry nkênu ma ane ná ndê fá ne whã! Sô ma ane ka pô ndê sy nkênu na say ry pega wha! ¹⁵ Sô ma ane ka pô, pega, sy a na manda ane wha! Mora ma é sa sisikaru: kua buaru sa opé ku ka fá kua buaru! ¹⁶ Mazi ne turu ane ku ndê vagelhu wha punda ysaia ka fá: Sun nón, ngê kêlê ny lekaru non! ¹⁷ Punda afé ka by ry ndê, sô ndê lumba Kistu. ¹⁸ Mazi nga puta: ane na ndê wha! Ê Ê Ê vere. Fogo ane whanga ba turu tia, ku lumba ane até fim mundu. ¹⁹ Ra kuaé é, nga punta: Israel na ta wha! pumbêlu, Muzé fá: nga povega sumi ra sê ku ane ku ná sa nason wha, Nga povega leva ra sê. ²⁰ Sô Isaia tô fá: Nkênu ku ná tá ka ngolo un wha bê Un. Musa ane ku na ta ka puta ra Un wha. ²¹ Ra Israel, Ê fa: turu ria Un mon Un ra whã pôvô riberi ku na ka ndê wha.

Chapter 11

¹ An puta anto: Dessu zeta pôvô Rê! Netxo kua. Sô an tuze sa whã israelita, whã dessendente dy Abraão, ri tribo dy Benjamim. ² Dessu na zeta pôvô Rê wha, a ngê dy antemão konsê na tá ku Eskritura ku ka fa sobre Elia, mora é pindji Sun kontra Israel! ³ Sun ane mata plofeta Rê, kebia altare Rê, y só an fika, y ane ba tua txia vida aun! ⁴ Mazi, má Dessu kundji! An txi é ra An me sete mili omé ku na dobra zunta ra Baal! ⁵ Axé tusê tempo é presente. Ê tê whã remanesente, punda ra eleson dy gasa. ⁶ Mazi, si sa ra gasa, Ê na sa masi ra obla wha, otô mora, gasa na sa gasa wha. Whã whã kopia nanana zi: Turu, kué é sa ra obla, anto na sa obla wha. ⁷ Y anto! Kua ku Israel ka ngolo, kué é na bê-wha, mazi ane eleito bê, y ane maxi fô oria dizu. ⁸ Mora é mé mê ta sisikaru: Dessu da non whã supito mali wha, ri whê pa ku na bê, y oria pa na ndê wha, até ria dy ozé. ⁹ Antó Davi fá: Má meza ô ka bila whã lêlê y whã téla, whã buru dy tropesa y whã patxi pa ane. ¹⁰ Ma whê ane ka sa kulu pa na bê, méma ô ka sa pezu até até. ¹¹ Anto nga puta: ane tropesa pa ane kiê! Di néwhã mora. Punda kué é, punda flakesa ane, an bi ku savason pa ane gentxi, dy mora dy povega sumi. ¹² Whô, sy flakesa ane si sa likesa dy mundu, é sa pendê ô y likesa dy gentxi masi mémê sa plenitudy ô! ¹³ Mazi aié nga fla sê, gentxi, whã vê ma sê sa whã apostulo pa ane gentxi, goia ministerio un. ¹⁴ Êpoja an nga poveka sumi nkênu ku sa dy plopín kane un, y, epoja otô otô ka sa savu. ¹⁵ So, si, rejeison ane sa rekonseliason dy mundu ma kundji ô sa, xiê na sa vira katxi motxi, ¹⁶ Xi pimelu fruto sa santo, massa turu sa, si leji sa santo, tango turu sa mora é. ¹⁷ Mazi, si whã whã tango fô kebiaru, y bô, whã tango dy oliveira silvestre, fô tasaro katxi ane, y bô bila partisipante ku ane dy liku leji dy oliveira, ¹⁸ na ra goia konta tango wha. Mazi si bô goia, nta ku, na sa bô ku guêta leji, mazi leji sô ka guêta ô. ¹⁹ Anto bô ka fá: Turu tango fô kebiaru pa an fô

exartaru!²⁰ Vera! Punda ra inkredulidade ané, ané fô kebiaru, mazi bô guêta ra afé ô. Na pensa yô whã dy ô mé, mazi temé.²¹ Punda, si Dessu na popa ane tango wha na txitxi, tusé na popa ô wha.²² Pia, anto, bom koso siveridade dy Dessu. Sô whã kiba, severidade bi ri ane zurê ku kiê, mazi punda ôtô kiba, bom koson dy Dessu bi ra an, si guêta ny bom koson rê. ôtô mora, bô tuzé ka sa kotaru.²³ Y ane turu, si na ta ny inkredulidade ane, sa enxertaru dingi. Sô Dessu sa kapazi dy pê sê enxerta sê dingi.²⁴ Punda, sy sê fô kotaru dy olivera silvetre ra natureza y, kontrario natureza, fô enxertaru ny oliveira buaru, kanto masi JUrê, ku sa ny tango na txi txi, sa enxertaru dingui ny plopi oliveira rê.²⁵ Punda, ná mon, un na mese pa sê tá dy misterio é, di mora ku ná sa buaru ny plopi pensamento. Misterio é sa ku kolê whã koson dizu parsial ny Israel, atê ku ka siga ny plenitude dy gentxi.²⁶ Axé, turu Israel sa savu, mora é sa sisikaru: ka bi dy Sion whã Libertaru Ê ka txia turu mali dy Jakó.²⁷ Ysié sa alinsa un ku ane, ma An ka txia pakaru ané.²⁸ Ma Vangelho, ane sa odiaru punda sê: mazi, ma Dessu koiê, ane sa amaru punda djina txitxi.²⁹ Punda don sa samaru dy Dessu sa sê é na ka mura wha.³⁰ Punda, dji na txitxi, fô oria dizu a Dessu, Mazi aié, lesebê pena punda dy odia dizu ane.³¹ Dy mora é mé, ane Jurê whô tá ku odia dizu. Resultaru fô, punda dy pena mosaru ra sê, ane tuzé kapô lesebê pena whô.³² Punda Dessu pê turu lētu dy kundji, y fim dy ku Ê tá ku pena dy turu ane.³³ Kosi dy likeza é, dy sebê ri ta kua dy Dessu! Kuan insondavel sa juizu Rê, mondja ô sa inkomprensivel!³⁴ Punda ngê konsê mente dy Sun! Ô ngê bila ka sa ngê ka ré konsê!³⁵ Ô ngê pimelu ku dé whã kua, pa Dessu tô dé!³⁶ Punda Ê, ra Ê y pa Ê sa turu kua. Ê sa goia pa simple. Amé

Chapter 12

¹ Punda, ná mon, an tema ku, ra pena ri Dessu, plezenta ongê sê mora sakrifisio vivo, santo ku aglada Dessu, ku sa kutu sê lasionali.² Na konteta ku mundu é wha, mazi transforma ô bila ô ra ntê sê pa sê konsê kuali kua ku sa buaru, yé un sa buaru y vonté ri Dessu.³ Punda, ra gasa ma da un, an nga fa sê ku kara whã sê na pô pensa ri sê mé yô masi ma sê ka poi, mazi si, pensa buaru, segundo midjira afé ku Dessu patxi kara whã sê.⁴ Sô nó tê yô memblo ri whã ongê, mazi né turu memblo tê suvisu é mé wha.⁵ Axé mé sô nó, ku sa yô zunta whã ongê sô ri Kistu é, un un, nó sa memblo whã ri ôtô.⁶ Nó tê ôtô don ri seto ku ngasa ma da nó. Si don ri nkênu sa profésia ku sa mora djira ra afé ô.⁷ Si don sa suvisu, ku xivi é. Si don sa pa xina, ka xina.⁸ Si don é whê dizu, whê dizu. Si don sa pa zunta, zunta bon koso. Si don é sa pa manda, manda ku vonté. Si don é sa pa tê pena un, tê pena un ku alegria.⁹ Ku amolê sa sê whê sia. Odia mali, tê kua buaru.¹⁰ Ma amolê buaru, sa pifili whã pa ku ôtô. Ma ka fa lason lispeta whã a ôtô.

¹¹ Dy zura, na sa tapaiaru. Sa fervoroso ny supitu, xivi Sun.¹² Sa ku goso ny kunfiasa ku tê ny futuro. Tê paxesa ny padisê. Fa lason turu ola.¹³ Patxi nesiesirari dy santo sa hospitaleiro.¹⁴ Fa lason ra nkênu si ku zi ô mali, zi é bém na zi é mali wha.¹⁵ Sa ku gôso ku nkênu ku ka sa gôso, sua ku nkênu ku sa sua.¹⁶ Tê whã pena é mé ku whã ku ôtô. Na pensa ri mora ku odjo, mazi kundji nkênu masu. Na gaba whã ny plopi whê sê.¹⁷ Newhã nkênu na ka paga mali ku mali wha. Zi kua buaru ny whê ri turu nkênu, turu ria.¹⁸ Si sê mesê, mora ma sê mesê, tê pazi ku turu nkênu.¹⁹ Amaru, na vinga sê mé, mazi dá lugê a leva ri Dessu. Punda é sa sisikaru: Vingansa pentesê an un, An un nga ra sê, fa Sun.²⁰ Mazi si numigu sê sa ku fomi, da ane mé. Si é sa ku sede, da ri bêbê. Punda si zi kuê é, bô pê banza ri fôgo ntê rê.²¹ Na desa mali vensê sê wha, mazi vensê mali ku buaru.

Chapter 13

¹ Ku turu nkênu sa ka kundji a alê buaru, punda na tê alê, a meno ku ka bi ri Dessu, mazi ku a bê fô mandaru dy Dessu.² Punda nkênu ku ka resiste alê ka resiste manda ri Dessu, nkênu ku ka resiste é ka tê zugamentu ra êlê mé.³ Sô govenarú ná sa mau ra whã obla buaru, mazi ra má obla. Sê na mesê tê mendu ra alê! Zi kua buaru, sê ka nga ba ô.⁴ Punda é sa whã ngê ri Dessu da buaru rê. Mazi, sy bô zi kua mali, nga temé, punda é na ka kega supada sê lazon, punda é sa whã ngê ri Dessu, whã vingaru ra leva kontlê nkênu ku ka zi mali.⁵ Punda, bô tê dlētu kundji, na punda leva wha, mazi punda kunxensa ô.⁶ Ra kuê é, paga tribu toé. Punda alê sa ngê ri Dessu, ku ka zi turu kua si é.⁷ Paga turu kua ku sa devêru: ngê sa tributu, sa tributu, ngê sa imposto, sa imposto, ngê sa temé, sa ri tema, ngê sa honra, sa honra.⁸ Na devê newhã nkênu kua rê wha, tê amolê whã ôtô. Punda nkênu ku ka tê amolê ku nkênu ku ka sa zuntu rê sa kumpli alê.⁹ Mandamento: Na zi kua adulteru wha, Na mata wha, Na futa wha, Na tê whê sia wha, si sa kuali keru ôtô mandamento sô, turu a ka pié ny ôtô alê: tê ngê ku sa zuntu ô mora ô mé.¹⁰ Amolê na ka zi ngê ku sa zunto ô mali wha. Punda, amolê sa un primelo dy alê.¹¹ Punda kuê é, bô konsê tempo, ku sa ola pa ô biri whê ri sono. Sô whô savason nó sa masi petu ri ria ma nó kêlê ny komesa.¹² Nsuku sê ka passa, y ria bi zuntu un. Ba mó, desa obla ri nsunku, pô bisi ra alima ri kandja.¹³ Bamu nda ri mora buaru, mora ny ria, na ny orgias ô beberá, na ny prostituiso wha ô deprava~so, na dy demanda ô whê sia.¹⁴ Mazi bisi ri Sun Jizu Kistu, na mé kany, ny vonte ô.

Chapter 14

¹ Tua nkênu ku sa flaku ny afé, mazi sê zuga nkênu ku sa mali.² Whã nkênu ku sa ku afé pa é mé kali keru kua: ôtô, ku sa flaku, ka mé peparu sô.³ Nkênu si ku ka mé dy turu na bandona nkênu si ku na ka mé wha, nkênu si ku na ka mé ri turu na zuga ku ka mé wha, sô Dessu ka tué.⁴ Ngê sa bô, ku ka zuga whã mélu buaru! Whê ri plopi mese rê é lata ndja ô kiê. Mazi é lata ndja, sô Sun sa poderoso pa é pê sê retu.⁵ Whã nkênu ka kobla whã ria masi buaru ku ôtô, ôtô ka kobla ria iguali. Desa ku kara nkênu ka pesa ku plopi ntê rê.⁶ Nkênu ku ka pia ria, ka pia ria ra Sun, nkênu ku ka mé, ka mé ra Sun,

sô da gasa ra Dessu. Ngê si na ka mé, punda Sun na mé, sô da gasa Dessu. ⁷ Punda newhã sê na ka vivê ra sê mé wha, y newhã nkênu na ka muê ra ê mé. ⁸ Sô si nó vivê, nó ka vivê ra Sun, y si nó muê, ka muê ra Sun. Logo, si nó vivê ô muê, nó sa ri Sun. ⁹ Punda, pa poposito, si é Kistu muê y revivê, pa Ê ka pô sa Sun dy motxi y mora dy vivo. ¹⁰ Mazi bô, zuga ná mon ô ra kuay! Y bô bandona ná mon ô ra kuay! Sô turu nó ta whê ri pometaru ri Dessu. ¹¹ Punda é sa sisikaru: Ta seto mora ma sa vivo, fa Sun, An un turu zunta si dobra, y turu lingua da louvoru a Dessu. ¹² Axi kara whã ri nón ka da konta ri non mé ra Dessu. ¹³ Punda na zuga masi whã ô ôtô, mazi, invêzi ri kué é, sa ri poposito ku newhã nkênu na ka pê whã praza ô pê tela whê ri ná mon ô. ¹⁴ An un ta ma sa setu ri Sun Jizu ri newhã kua ra an mé sa suzuru, nkênu si ku ka kobla kuali keru kua suzuru, pa é sa suzuru. ¹⁵ Si, sa punda mé, ri na mon ô sa ku leva, na ta masi lêlê mondja ri amole. Na dana ku mé ô whã nkênu si ma Kistu muê ra. ¹⁶ Anto, na ka kundjinku kué é ku ka kobla buaru sa whãgaru. ¹⁷ Sô lêno ri Dessu na sa ra mé y bêbê wha, mazi ra zustisa, pazi ku gosto ny Supitu Santo. ¹⁸ Sô nkênu si ku ka xivi Kistu modo é sa kundjiru ra Dessu, plovaru ra nkênu. ¹⁹ Anto, nga tua kua ri pazi y ku ka zi whã ôtô buaru. ²⁰ Na dana suvisu ri Dessu punda mé wha. Turu kua é sa lipuru, mazi é sa mali pa nkênu ku ka mé ku ka ngolo ra topi. ²¹ Milhó na mé kani, bêbê vi, né kuali keru kua ku ka zi ná mon ô ra topi. ²² Loke bô ku Dessu ngê ku ka Kêlê lispetu kué é. Abensuaru sa nkênu ku na si kondena kua si ma ka gaba. ²³ Nkênu si ku na ka kêlê sa kondenaru si mé, punda na sa segundu afé, y ku na plova ra afé é sa pekaru.

Chapter 15

¹ Whêlême non, ku sa ku fosa, non toka goêta flakeza dy flaku y na, toka pindji obrigaru ra non me. ² Ku kada whã dy non toka zi kua buaru ra vindja punda kué é sa bua pa edifikason rê. ³ Punda kistu tuze na zi kua buaru ra Ê me, mazi, mora é sa sisikaru: Ynsultu ri nkenu si ku insulta ô ka kié riba ô. ⁴ Punda kua ku fô sisikaru djina txitxi fô sisikaru ra xina non, ku mora dy ku, punda ra paxensa dy kuraji dy Escritura, pa non tê kunfiasa. ⁵ ku Dessu ri psênsa dy koraji kara non goenta ku untê é me, ku whã ôtô, dy noro ku Kistu Jizu, ⁶ pa pô adora whã voji sô Dessu Tata ri Sun non Jizu Kistu. ⁷ Punda non koiê whã ôtô, mora kistu tuze koiê sê, pa goia dy Dessu. ⁸ Sô nga fá kistu fô zirú whã ministro da sirkunsison ny favolo dy vere dy Dessu, pê seta da plomessa daru ra turu tia, ⁹ y pa ane gentxi ka ra goia Dessu ra pena sê. Axê mora ma tá sisikaru, Anto konfesa ra Rê ny katxi dy gentxi, y kanta Re louvoru ri nome Rê. ¹⁰ Sô nga tô fá: Legela, gentxi, ku povô rê. ¹¹ Y an tô fá: Lova sun, turu sê, gentxi, lova turu povô. ¹² Anda y saia ka fá: Lezi Jessé ka nda y ka lata pa ogi ra ane gentxi. Ane, gentxi ka konfia Né. ¹³ Whê ku, Dessu ra esperansa sê xi ku turu gosô y pazi ny ngê si ku ka kêle, ku ka pô sia dy whara ra porê dy supitu santo. ¹⁴ An mê tuzé ta konvensiru dy sê sa na mon un, sô nta siaru dy kua buaru dy turu sebe. An ta konvensiru ma sê sa kapazi turu dy sama whã ôtô anteson. ¹⁵ Sô ayê sô nga sisika masi fosa ra whã ôtô kua ku mora dy lembua sê dingi, punda dom ku Dessu ra un. ¹⁶ pa sa whã sevo dy kistu Jizu ka manda ra gentxi, pa da un mora whã sasedote dy vangelho dy Dessu. Aun toka zi kué, anto, pa ofeta dy, gentxi ka passa sa buaru, santificado ny supito santo. ¹⁷ Tê, anto, whê siaru ny kistu Jizu ny kua pertinentes ra Dessu. ¹⁸ Axê, na ka pô fá newhã kua whã, kua ma kistu zy ra un intermedio pa bô koson dy gentxi, ra lumba y ra obla, ¹⁹ Ra porê dy sinali buaru, ra porê dy supitu santo, dy mora ku, dy Jerusalém y zuntu antê yliko, an tá ka fá ry vangelho dy kistu. ²⁰ Dy mora, é an nga zi fosa pa bá fá vangelho, na nga kistu fô faruza pa an nga pô zi na pê xina kua mali whã. ²¹ Axê mora ma é tá sisikaru: Nkenu sy sa ngê na fô faru á masibi, y nkênu si ku na naê ra ka ta kua ma fá whã. ²² Punda, an turu fô puviru yô vê dy bê atê sê. ²³ Mazi whêleme, na tê masi né whã lugé ny regiões y tê ansiaru ra yô ano ma visita sê, ²⁴ Anto, ma an nga ba Espanha, nga whara ra dy pia sê, dy passage y sa mandaru sê, sô poviata dy kompanheiru ra whã tempo. ²⁵ Mazi welémé, an sa ba Jerusalém pa un xivi turu santo. ²⁶ Sô Makedôia y Akaia ta ku vonté zi whã kontrubison seto ra turu pobli katxi turu santo ny Jerusalém. ²⁷ Desidi axié punda, dy ane, sa deverô, sô, si turu gentxi tê patxi turu kua espirituáli ku ane, toka xivi ny kua tia tia tuzé. ²⁸ Anto, ma an ta zirú suviso é, y ta ku seteza ma ane kundji oferta é, passaru ra sê, nga ba Espanha. ²⁹ An ta ma nga ba atê sê, ny plenitude ry bênsa dy Kistu. ³⁰ Y sê, na món, nga pindji, ra Sun Jizu Kistu, y ra amolê dy Supitu, ku luta zuntu ku an un ny lason sê ry Dessu ra an un. ³¹ Fa lason pa an un sa txiaru nkênu sy ku sa ôdia dizu ny Judêia, y ku suviso un ra Jerusalém sa kundjiru ra turu santu, ³² Pa ane ka pô bê atê sê ny gôso, ra vonté dy Dessu, y ku kapô zunta ku sê, pa ane bê deskanso. ³³ Ku pazi dy Dessu ka sa ku turu sê. Amém!

Chapter 16

¹ An nga manda na mon non Febe, ngê ngeza ku ta ri sensreia, ² pa sê pô kundji sun, wha mora buaru ri santo, ma sê zuré ri kuali keru kua ku é ka mê pisiza ri sê. Sô é me bila wha ri yô, mora é me. ³ Fa Prisila Akila kompanheru rê mantxa ri taba ny Jizu Kistu. ⁴ Punda vira un anê liska poi vira anê. An nga pidji ô, na sa da an un, wha mazi sô turu ngeza ri guntxi. ⁵ Nga fa ngeza mantxa ku ta ri kaiane. Fa mantxa da Epêneto, pimelu fruto ri Asia ra kistu. ⁶ Fa Maria mantxa, ku taba yô ra sê. ⁷ Fa Andoniko ku Junias mon un mantxa damo pezu, un ku sa plimeilos zunto ane apostolo, ma tuzeta ny kistu pimelu ku an un. ⁸ Fa Ampliato, amaru un ny sun. ⁹ Fa Urbano, damo ô ri taba ny kistu, mantxa y amaru un Estaki. ¹⁰ Fa Apeles si, ku pasaru ri kistu mantxa. Fa mantxa ra nkenu ku sa ri familia ri Aristóbulo. ¹¹ Fá familia Herodião mantxa. Fa nkenu ri familia ri Narciso, ku sa ri sun mantxa. ¹² Fá Trifena y Trifosa, ku taba turu ria ny sun mantxa. Fá amaru Pérside, ku taba yô ny sun mantxa. ¹³ Fá Rufo, ma sun koyé mantxa mama ré de an turu. ¹⁴ Fá Asicrito, Flegote, Hermes, Pátrobas, Hermas y ane ná mon ku sa ku é mantxa. ¹⁵ Fá Filólogo y Júlia, Nereu y na mon rê mantxa. Olimpás y turu ane santo ku tá ku ane. ¹⁶ Fá Wha ôtô sê mantxa ku whã bezinho santo. Turu ngezanri kistu ka fá sê mantxa. ¹⁷ Whô, nga têma ku sê, ná mon ku ka

peniza ra nkenu si ku tá ka goló whānga y topi, ku ka bá londji dy xina kua sô ta. Fô zuntu ane.¹⁸ Sô mora nkenu é na ka xivi sun Jizu Kistu non wha, mazi pôpi ventre rê, ku pôpi lumba doxi y mali, ka gana ane ku koso ane nosentxi.¹⁹ Sô mora vivê no ma ndê ka kua ma ka fá kobla turu ngê. An nga sa ku goso, sô ny sê, mazi, an mese pa ta kua ny relason ri buaru, y limpuru ny relason ri mali.²⁰ Dessu ri paji wheleme ka dumu demono ku kosi opé sê. ku ngasa ri sun Jizu kistu non ka sa ku sê.²¹ Timoteo, un kompanheiro dy taba, ka fá sê mantxa, buaru mora na mon un Lúcio, Jasão y Sospatro.²² An, Térsio, ku sisika sié, fá sê mantxa ny sun.²³ Gaio, hopedeiro r an y ra turu ngeza, sê fa mantxa. Erasto, tzoureru poson, y sô na mon kuana fa sê matxa.²⁴ [Ku gasa ri sun Jizu kistu non ta ku turu sê. Amém. Megai kópia djina txitxi kopia veso sié.²⁵ Whô, nkenu si ku sa kapazi ri zi sê sa djaru, dy akordo ku Evangelho un y ku plegason dy Jizu kistu, segundo revelason ri mistério lokeru ny segeru djina tempo si.²⁶ Mazi ku whô fô biriru, é bila konseru ra turu nkenu ra Eskritura plofétika segundo mandamentu ri Dessu eterno, pa kundji ri afé.²⁷ Uniku seberu sa Dessu, ri katxi ri Jizu kistu, ku ka sa goia pa simple. Amém.

1 Corinthians

Chapter 1

¹ Paulu, ma Jizu Kistu sama pa é sa wha apostulu ku sa vontê Dêsu ku Sosteni naamo non. ² Ra ngesa Dêsu ny korintu, ane ma Jizu Kistu bila santu, ma a sama ane pa ane sa santu. Non turu sisika ma turu ma a sama ny nomi Sun non Jizu Kistu ny turu nga, Sun ane ku ri non. ³ Ma gasa ku pazi ku sa ku sê kiba Dêsu Tata non ku ri Sun Jizu Kistu. ⁴ Nga ra gasa simple ra Dêsu um ra sê punda gasa Dêsu ma Jizu Kistu ra sê. ⁵ Ê zi sê liku ku turu, lumba sô ku turukua ma sê ta. ⁶ Asye mora sesemunha Kistu ma a bi ta mora vere katxi sê. ⁷ Ku mora ma é na ka fata sê né whā porê supitu ma sê ka whara ku vontê ra kua ma sê ka bi ta ri Sun non Jizu Kistu. ⁸ Êlê turu ka ra sê fôsa ra infin, pa a na tô viza sê ria Sun non Jizu Kistu. ⁹ Dêsu sa buaru ma é sama sê pa sê sa kota Ná Rê Jizu Kistu Sun non. ¹⁰ Ayé nga loga sê ná amon ku nomi Sun non Jizu Kistu, pa sê vevia kota otô sô ma sê na pô patxi wha. Nga loga sê pa sê ka sa zuntaru ku whā pensamentu ra whā kua é mé. ¹¹ Punda é ta klalu ra un, ná amon un ma ngê kay Kloy fa ma katxi sê té divizon ku otô. ¹² Na ka mèsê pa whā whā sê ka fa: Un sa ri Paulu. ô un s ri Apolu, ô un sa ri Sefa ô un sa ri Kistu. ¹³ Kistu sa patxiru! Paulu sô ba kusú ra sê! Sê sa butizaru ny nomi Paulu! ¹⁴ Nga pindji Dêsu ma na butiza né whā sê wha Krispu ku Gaiu sô. ¹⁵ Pa né whā nkênu na fa ma an sô butizé ku nomi un wha. ¹⁶ Un butiza kay Stéfana. Alen ri yé na ta si un butiza whā otô wha. ¹⁷ Punda Kistu na manda un pa un butiza wha, mazi pa un plega vangelho. Né ku lumba ma omé ta wha, pa kusú Kistu na nula wha. ¹⁸ Punda lekaru kusú sa siriga ra ané ku sê ka pendê. Mazi katxi ané ma Dêsu ska sava, sa porê Dêsu. ¹⁹ Punda é sa sisikaru: Nga loké ku kua ma ané nkênu ku ka ra ma ané ta kua foga wha ta sô nga tapaia supetu ané ku sina ané. ²⁰ Ngê ta kua ô! Ngê ta lê ô! Ané ku ka pufia ra kua mundu é ô! Dêsu na bila seberô mundu é maloko a! ²¹ Bê ma mundu, ku kua ma ané ta, na ta Dêsu, ka pova Dêsu ku plegason malokô, ku ka sava ané ku kêlê. ²² Punda ané zurê ka pindji milagi sô glegu ka ngolo ta kua. ²³ Mazi non ka plega Kistu ku muê ni kusu sô malokô ra zurê ku zintxi. ²⁴ Mazi ra ané ma Dêsu sama, tantu zurê kuma gêgu, non ka plega Kistu porê ku kua ma Dêsu ta. ²⁵ Punda malokô Dêsu sa masi sêbêrô rkê ané omé sô fakêza Dêsu sa masi demaru rokê omé. ²⁶ Ka pia ané ná amon sê ma a sama. Na masi motxi sê tá ta kua mora kustumu omé, né masi motxi sê tá ku porê, né masi motxi sê nasê buaru wha. ²⁷ Mazi Dêsu koyê kua tapayaru mundu ri zi nkênu ku ta kua tê vegonha, sô koyê ku sá flaku mundu ri zi ku sa fotxi vegonha. ²⁸ Dêsu koyê ku sa soségaru ku dispezaru mundu, tô koyê kua ma a ka bê mora né whā kua, pa a lokê ku turu kua ma a ka fa ku valê. ²⁹ Ê zi kua é pa né whā ngê na tê mora gaba whê Rê wha. ³⁰ Mazi sê ku Kistu Jizu punda kua ma Dêsu zi. Ê bila kua ma Dêsu ta ra non, zustisa, santifikason ku redenson. ³¹ Punda kua é kua ma a sisika ka fa: Nkênu si ku ka ra goya ka ra goya ra Sun.

Chapter 2

¹ Ola un bi lêlê sê, ná amon, na bi ku luxu ku fa motxi ô ku kua un ma un ta wha, ka kô nkênu ku seka whanga suvisu kondêru ri Dêsu. ² Punda un tua disizon na ta né whā kua ola un ta katxi sê, si é na ka sa Jizu Kistu ku Êlê kusu. ³ Sô nta ku sê ku fakêza, ku mendu ka témé foga wha. ⁴ Sô lumba un ku kua ma un whanga na fô ku lumba ri gana nkênu ku kua ma un tá wha. Ra kua é ê fô ku kua ma Supitu musa sô ku porê. ⁵ ri mora ma afé sê na ka sa ku kua ma omé tá wha, mazi ku porê Dêsu. ⁶ Ayé non ka fa ku kua ma non tá katxi ané bobôru, mazi na kua ma mundu é ta wha, ô ri ané govenu ayé ku sêka kiê. ⁷ Mazi non ka fa ku kua ma Dêsu tá ku verê kondêru ku kua kondêru ma Dêsu tô distina na kulú ra goya non. ⁸ Né whā govenu ayé na ta kua é wha, punda si ané ka té tempu siza ané na ka pê Sun ri goya kusú wha. ⁹ Mazi mora é sa sisikaru: kua ma né whā whê na bê wha né whā oria na ndê wha né whā ntê na pensa wha, sa kua ma Dêsu pivini ra ané ku ka amé. ¹⁰ Yé sa kua ma Dêsu musa ra non ku Supitu. Punda Supitu ka ta turu kua até kua lêtu Dêsu. ¹¹ Punda ngê ta kua ma whā nkênu ka pensa si é na sa supitu ri nkênu ku sa né wha! Asyé turu, ma né whā nkênu na ta kua lêtu Dêsu si é na sa Supitu Dêsu. ¹² Mazi non na tua supitu mundu wha, sô verê Supitu ku sa ri Dêsu, pa non ka pô ta kua biriru ma Dêsu ra non. ¹³ Non ka fa ané kua é ku lumba ma kua ma omé ta na ka poy sina, mazi ma Supitu ka sina non. Supitu ka tô lumba kua Supitu ku kua ma Supitu ta. ¹⁴ Nkênu ku na tê supitu wha na ka tua kua ku toka Supitu Dêsu wha punda é sa kua vaji ra ané. Sô ané na poy té wha, punda é ka fa ku supitu. ¹⁵ Nkênu ku sa ku supitu ka zi zugamentu turu kua, mazi é na ka dépêndê zugamentu otô wha. ¹⁶ Punda ngêy ka pô ta kua Sun ka pensa, ku ka pô siné! Mazi non tê pensamentu Kistu.

Chapter 3

¹ Ná amon un, na ka poy fa sê mora nkênu ku supitu wha, mazi mora nkênu ku kany, mora na pikina ny Kistu. ² Un ra sê lêtê, na ku mé aua wha, punda sê na sa plontu wha. Sô né ayé sê na sa wha. ³ Punda sê sa kany anda. Punda si sê saku sumi ku demanda anda, sa sê na sêka vevia ku kany wha sô sêka nda mora omé! ⁴ Punda ola ngê ka fa: nga lêlê Paulu, sô otô ka fa: nga lêlê Apolu. sê na sêka vevia mora omé wha! ⁵ Ngêy anto sa Apolu! sô ngêy sa Paulu! Ná kia ma sê ka kêlê, mora suvisu ma Sun ra kara whã. ⁶ Un kuna, Apolu minha, mazi Dêsu ré fosa. ⁷ Sô né ku ka kuna né ku ka minha na sa né whã kua wha. Mazi Dêsu sô ka zié kula. ⁸ Ayé ku ka kuna sô ku ka minha sa whã, sô kara whã ka tua luku mora suvisu rê popi. ⁹ Punda non sa nkênu ku ka zura Dêsu. Sê sa nga fori sô kay ma Dêsu zi. ¹⁰ Mora gasa Dêsu ma a ran mora whã nkênu ku ta zi kua, un lema, sô otô zi pê riba rê. Mazi ma kara omé ka tatê mora ma é zié pê riba rê, ¹¹ Punda a na ka poy zi otô mora si é na sa mora ma a lemé ku sa Jizu Kistu. ¹² Ayé si nkênu zi pê riba rê ku ôlô, plata, buru ngavi, pó otô kua ô paya. ¹³ A ka ta suvisu ma kara ngê zi, punda kandja pomonha ka bi musé. Punda a ka bi ta ku fogô: fogô ka bi plapa mora ma kara whã zié. ¹⁴ Si suvisu nkênu fika, yé ka tua pagamentu. ¹⁵ Mazi si suvisu nkênu kema é ka pêndê. Yé ka sava, mazi mora ma é skapa ku fogô. ¹⁶ Sê na ta ma sê sa ngêza Dêsu sô ma Supitu Santu Dêsu ka vevia ku sê wha! ¹⁷ Si nkênu loké ku ngêza Dêsu, Dêsu ka loké kuê. Punda ngêza Dêsu ku sa sê sa santu. ¹⁸ Ma né whã ngê na ka ngané mé wha, si ngê katxi sê ka kunda ma é ta kua tempu é, ma é ka bila whã malokô. pa é bila ka ta kua. ¹⁹ Punda ta kua mundu é sa malokô ra Dêsu. Punda é sa sisikaru: Ê ka manha supetu kua supêtêza rê. ²⁰ Sô é ka tô fa: Sun ta ma kua ma sêbêrô ta sa duri. ²¹ Sô na tê whê ra nkênu wha! Punda turu kua é sa ri sê. ²² Ê pô sa Paulu, ô Apolu, ô Sefa, ô mundu, ô vira ô motxi ô kua ayé, ô kua ku sê ka bi. Turê sa ri sê. ²³ sô sê sa ri Kistu, sô Kistu sa ri Dêsu.

Chapter 4

¹ Ê sa asyé ma whã nkênu toka pia non, mora ná kia Kistu sô nkênu ku ka zi suvisu Dêsu. ² Di mora é sa whã vonté ma nkênu ku ka zi suvisu ka tê lispetu ku kunfiansa. ³ Mazi ra un é sa sê sintxiru pa sê ô kuakuali tubulanu omé ka zuga un. Punda, né un mé na ku zuga un wha. ⁴ Na tê kuxensa pa né whã kuzason ka sa ziru kotê un wha: Mazi yé na ka sa ma un sa nosêntxi wha. Sun sô ka zuga un. ⁵ Sô na zuga kuakuali kua antizi tempu, atizi pa Sun bi wha. Ê ka bi ku kandja ra kua kondêru kosi kulu, sô tô biri turu vonté koson sô, kara whã ka tua bensa rê patxi Dêsu. ⁶ Ayé, ná amon, un komesa kua é ku an mé sô ra Apolu punda sê, pa sê siné ku non: Na bé masi rkê kua ku sa sisikaru wha, asyé né whã nkênu na ka sêka pê whê favolô whã ka bandona otô wha. ⁷ Punda ngê ka bê whã dêfetu katxi sê ku otô! Kuay ma sê tê ma sê na tué ngasa wha! Si sê tué ngasa, ra kuay ma sê sêka zi luxu mora kua ma sê na tué wha! ⁸ Sê tê turu kua ma sê ka mêsê za! Sê bila liku za. Sê komesa ka manda non! Di mora ma un mêsê pa sê ka manda, antó nga poy manda ku sê. ⁹ Punda un pensa ma Dêsu pê ra non ané mêlu, ny utimu nga, sô mora omé ku sentexa ra motxi. Non bila whã tiatu ra mundu, ku anzu sô ku ané omé. ¹⁰ Non sa malokô punda Kistu, mazi sê ta kua ku Kistu, Non sa flaku, mazi sê sa fotxi. A ka gaba sê, mazi a ka dispeza non. ¹¹ Atê ola é non sa ku fomi ku sêji, non sa ku yô mizeria bisiru, a ka ra non pankara butu, sô non na tê kay wha. ¹² Non taba duru ku non popi foga wha. Ola a ka zi non mali, non ka zi ben. Ola a ka tua konta non, non ka ngueta. ¹³ Ola a ka fa mali non, non ka ben. Non tô bila sô a tô pia non mora kua suzu mundu sô poreru ri turu kua. ¹⁴ Na ka sisika ané kua é ri zi sê vegonha wha, mazi pa un menda sê mora né un ma nga ngosa rê. ¹⁵ Punda, sê pô ka tê kuyni mili pisôru ry Kistu, sê na tê yô tata wha. Punda un bila tata sê ku kistu punda vangélhu. ¹⁶ Asyé nga vugu pa sê ka mindji un. ¹⁷ Ra kua é, un manda sê Timotiú ma nga ngosa rê sô sa ná un plontu ku Sun. Ê ka lembua sê mondja un ku kistu mora ma nga sina turu nga sô kara ngeza. ¹⁸ Whã whã sê bila ka zi luxu ka zi kua mora ma ná ka ba pia sê wha. ¹⁹ Masi ngosi nga ba lêlê sê, si Sun mesê. Sô nga bi ta né turu kua ma ané ka fa ku yô luxu, ma nga bi pia pôré ané. ²⁰ Punda lênu Dêsu na sa ku lumba sô wha mazi ku porê. ²¹ Kuay ma sê mêsê! Nga ba lêlê sê ku whã vala ô ku amolê ku supitu ku ka yêngê!

Chapter 5

¹ Non ndê lekaru ma katxi sê otô ka dumi ku otô, whã mora dumi ku otô ma né zintxi na ka kundji kua é wha. Lekarú sa ma whã sê sêka dumi ku mengay tata rê. ² Sê ka zi luxu foga wha! Ra kua é, sê na toka ngô wha! Nkênu ku zi kua é toka pa txié katxi sê! ³ Sô un pô ka sa londji sê ku ongê, mazi masi petu ku supitu, un zuga nkênu si ku zi kua é za, mora ma nga sa yngé. ⁴ Ola sê ka zunta ku nomi Sun non Jizu, sô ku supitu un ku sa yngé turu ku porê Sun Jizu. ⁵ Da ané omé é ra demono pa é loké ku kany, sô asyé supitu rê ka pô sava ria Sun. ⁶ Whê sia na sa buaru wha. Sê na ta ma txo fomentu sô ka sia turu masa wha! ⁷ Laba turu fomentu vé pa sê sa whã masa novu, mora ma sê sa ayé, mpó sê sia. Punda Kistu ombô non Paskal a pê kusu. ⁸ Asyé non ka zi fesa sê fementu vé, fementu ku ka poto mali sô ku turu mali, mazi ku mpó sê sia ri vonté ku veré. ⁹ Un sisika ku leta un pa sê na zi sosi ku né whã nkênu ku ku dumi ku otô wha. ¹⁰ Ri né whã mora nga mesê bandiru mundu é, ô ané ku ka tê ngana, ané tapasêlu ô ané nkênu ku ka sivi fegula, whã vé pa sê ta londji ané sê ka pisiza siê fô mundu. ¹¹ Mazi ayé un sêka sisika ra sê pa sê na zi sosi ku nkênu ma a ka sama ná amon, mazi ku sêka vevia ka dumi ku otô, ô ku ka tê ngana, ô ku ka sivi fegula, ô ku ka fa mali otô ô ku sa whã beberaru ô whã tapaselú. Né na mé whã mé ku nkênu é wha. ¹² Punda mora ma nga pô sa musturaru ku zugamentu ané ku sa lua ngêza! Pa kua é a na ka zi zugamentu ku ané ku sa lêtú ngeza wha! ¹³ Mazi Dêsu ka zuga ané ysi ku sa lua: Txia nkênu mafé katxi sê.

Chapter 6

¹ Ola ma whã sê tê whã demanda kontrê otô ná amon, ma sê ka tivi ba tubulanu whê zuxi mundu ma ê na sa whê santu wha! ² Sê na ta ma Santu ka zuga mundu wha!

³ Sê na ta ma non ka zuga ané anzu wha! Kuntu masi kua ku ka toka vira é! ⁴ Sô si sê tê ki zi zugamentu ku ka pô sa ra vira, ra kuay ma sê ka pê kazu é whê nkênu si ku na ka ra ku ngêza wha! ⁵ Nga fa kua é ra vegonha sê. Katxi sê na tê nkênu ku ta kua buaru ri rezovê demanda katxi ná amon wha! ⁶ Sô si whã kenti ka ba tubulanu ku otô kenti sô yé sa pê whê wha zuxi mundu. ⁷ Ri mora pa é tê demanda zugamentu katxi kenti sa vegonha ra sê. Ra kuay ma sê na ka parisê mali ra wha! Punda sê na ka pimiti pa sê mé sa nganaru wha! ⁸ Mazi sê zi mali sô ngana otô ku sa popi ná amon sê! ⁹ Sê na ta ma nkênu ma fé na ka lera Lenu Dêsu wha! Na ngana wha: ané nkênu ku ka dumi ku otô naé ku ka sivi fegula, ané bandiru, ané lifiron sô ané omé ku ka dumi ku otô omé. ¹⁰ ané ladlon, ané golozu, ané beberaru, ané ku ka fa mali ku ané ku ka futa, né whã ané na ka lera Lenu Dêsu wha. ¹¹ Si é sa kua kuakuali sê. Mazi a laba sê zi sê santu sô fika sê zustu ku Dêsu ny nomi Sun Jizu Kistu sô ku Supitu Dêsu non. ¹² Turu kua é sa pa un zié: mazi né turê ku sa buaru ra un wha, Mazi na ka romina né whã rê wha. ¹³ Mé sa pa stômagu, sô stomagu sa ra mé, mazi Dêsu ka loké ku dosu re. Ongê na sa pa a dumi kuê a tôa wha, mazi ra Sun sô Sun ra ongê. ¹⁴ Dêsu tô kora Sun sô ka tô kora non ku porê Rê turu. ¹⁵ Sê na ta ma ongê sê sa memblu Kistu wha! Sô a ka tua memblu kistu sô zi sosi ku whã puta! nta ma ynga! ¹⁶ Sê na ta ma nkênu ku ka zunta ku puta ka bila whã ongê kuê wha! Mora ma bibilia ka fa: Dôdôsu ka bila whã kany sô. ¹⁷ Sô nkênu ku ka zunta ku Sun ka bila whã supitu kuê. ¹⁸ Fuzi ka rumi otô a tôa! Kuakuali pekaru ma nkênu ka zi sa fora ongê, mazi nkênu bandiru puta ka zi pekaru kotrê popi ongê rê. ¹⁹ Sê na ta ma ongê sê sa templu Supitu Santu, ku ka ta ku sê, ma sê tua mon Dêsu, sô ma sê na sa ri sê mé wha! ²⁰ Punda a kopua sê ku whã pesu. Sô gaba Dêsu ku ongê sê.

Chapter 7

¹ Ku kua ma bô sisika: Ê sa buaru pa omé na tua mengay wha. ² Mazi punda visu ku tentason, kara omé tê dêtú tê mengay rê popi sô sô kara mengay tê dêtú tê omé rê popi. ³ Omé tê dêtú ra mengay dêtú ku toké mora é mé ma mengay tê dêtú ra omé dêtú ku toké. ⁴ Na sa mengay ku tê porê riba ongê rê wha mazi omé mora é mé ma omé na tê porê riba ongê rê wha mazi mengay rê. ⁵ Na puvi otô wha mora ma si kuxensa dodôsu ka say ku tempu setu masi buaru sa pa ané ka zi lason. Sô ola kua é, sê ka tô zunta ningi. Asié demono na ka povega sê punda fata kontrolu. ⁶ Punda nga fa sê kua é mora whã konsê na punda un sêka manda wha. ⁷ Un ta ka mêsê pa turu sê ka sa mora an: ku turu kara whã ka tê popi porê rê ku Dêsu, whã ri whã mora otô ri otô. ⁸ Nga fa ané omé sôlê kua ané mengay sôlê ma é sa buaru pa sê ta sê kaza asyé mora un! ⁹ Mazi si ané na ka pô tê porê wha tê ki kaza. Punda é sa masi buaru kaza rôkê venxa. ¹⁰ Ayé ra kazaru nga manda, né an wha mazi Sun, Mengay na pô бага ku omé rê wha. ¹¹ Mazi si é бага ku omé rê, é pô ta sê kaza, ô é ka pindjié peron. Sa mó omé na ka pô бага ku mengay rê wha. ¹² Mazi ra otô nga fa, né sun wha ma si otô ná amon tê whã mengay mundu sô si é sa ku ngoso vevia kuê é na ka бага kuê wha. ¹³ Si whã mengay tê whã omé mundu sô é sa ku ngoso vevia kuê é na ka бага kuê wha. ¹⁴ Punda omé mudu ka sa limpu punda mengay rê sô mengay mundu ka sa limpu punda omé rê sa kiston. Otô mora ná ané ka pô sa suzu ola ma ané verê sa kiston. ¹⁵ Mazi si mêlu mundu bêrê desé bé. Mora é ná amon na sa pezu ku kua ma é zi wha. Dêsu sama non ri vevia ku paji. ¹⁶ Punda mora ma bô ta si mengay ka ba sava omé rê! Ô mora ma bô ta si omé ka ba sava mengay rê! ¹⁷ Sô kara whã ka vevia vira ma Sun ka ra sô ra kua é ma a sama ô ra. Yé sa kua nga manda turu ngêza. ¹⁸ Nkênu ta poraru ola a sama a samé pa é kêlê! Ê na pô ngolo kondê maka ma a poré wha. Nkênu ta sê pora ola Dêsu samé pa é kêlê! Ê na pô pora wha. ¹⁹ Ra kua é ne poraru ne sê pora na ka pota wha. Kua ku ka pota sa lispêta kua ma Dêsu ka manda. ²⁰ Kara whã ka ta mora ma a samé ma é ta ku Dêsu pa é kêlê. ²¹ Bô ta pezu ola Dêsu sama ô! Na mendu ku kua é wha. Mazi si bô bila livi zi buaru. ²² Ra nkênu ma Sun sama mora ná kia, yé sa whã omé livi ra Sun. Mora é mé, nkênu ku sa livi ola a samé pa é kêlê, sa na kia Kistu. ²³ A kopua sê ku whã pesu na tô bila ná kia omé wha. ²⁴ Ná amon mora ma kara whã non ta ola a sama non ri kêlê, ban ta asié. ²⁵ Asyé ra ané ku nasi kaza wha, na tê whã odji Sun wha. Punda nga ra whã punhon ma nkênu ma punda pena Sun é ka kunfia. ²⁶ Punda nga kunda ma punda parisê si ku sa ingé é é sa buaru pa omé ka ta mora é sa. ²⁷ Bô sa ku kumpimisú ku whã mengay! Na ngolo бага wha. Bô sa livi whã mengay! Na ngolo бага wha. ²⁸ Mazi si bô sa kazaru, na zi pekaru wha. Sô si whã mengay sôlê kaza, é ka zi pekaru wha. Asié nkênu si ku kaza ka tê yô demanda ma é sê ka vevia, sô un mesê popa ô ku kua é. ²⁹ Mazi yé nga fa ô ná amon: tempu sa kutu. Ayé ba whê desa ané ku sa ku mengay ka vevia mora ma é na tê wha. ³⁰ Ané ku ka sua mora nkênu ku na sêka sua wha, ané ku sêka legéla, mora ma é na sêka legela wha. sô ané ku sêka kopa, mora nkênu ku na tê posi kuakuali kua wha. ³¹ Sô ku sêka zi nogoxo ku mundu, mora nkênu ku na sêka zi nogoxo wha, punda mora mundu ayé sa ligaru ku fin. ³² Untá mesê pa sê ka ta livi pokupason. Omé sê kaza ka pokupa ku kua Sun, mora ku ka bua Ré. ³³ Mazi omé kazaru ka pokupa ku kua mundu ri mora ku ka bua ra mengay rê. ³⁴ Ê sa patxieu. Mora é turu ma mengay sê kaza ô ku viji sê ka pokupa ku kua Sun, ku mora sa santa ku ongê ku Supitu. Mazi mengay kazaru ka pokupa ku kua mundu pa é buara omé rê. ³⁵ Nga fa kua é ra povetu sê popi, sô é na sa ri obiga sê wha mazi sa buaru pa sê ka seka zi kua Sun sê kêsê né whã kua wha. ³⁶ Mazi si nkênu ka kunda ma é na sêka tlata mengay rê ku lispêtu wha, sô si é sêka bila vé ri kaza, sô si é tê ku sa asyé, zi mora bô mêsê. Ê na ka zi pekaru wha, ma é ka kaza. ³⁷ Mazi si é sa setu kosó rê sô é na sa kosi mó wha, mazi ka lègula vontê rê popi sô si é tua disizon ku kosó rê popi zi kua é, pê mengay ô popi ku viji, bô sê ka zi buaru. ³⁸ Sô nkênu si ku kaza ku mengay ô viji zi buaru, sô ku ka koyê na kaza wha, zi masi buaru. ³⁹ Whã mengay sa ku omé rê turu ola ma é sêka vevia. Mazi si omé rê muê é sa livi pa é kaza ku nkênu ma é mêsê, mazi ku Sun sô. ⁴⁰ Ku zugamentu un anda é ka sa ku masi

ngoso vevia mora é sa. Nga kunda ma untê Supitu Dêsu.

Chapter 8

¹ Ayé ra mé ma a zi ra fêgula, non ta ma turu non ta. kua ma non ta ka mura, mazi amolê ka zi. ² Si nkênu ka kunda ma é ta kua, nkênu é na ta moara ku toka pa é ta anda wha. ³ Mazi si nkênu ka ama Dêsu, Ê ta nkênu é. ⁴ Sô ra mé ma a ka zi ra fêgula, non ta ma whã fêgula na sa né whã kua wha, ma dêsu na say si é na sa uniku Dêsu wha. Nga fa kuê é da vegonha sê. ⁵ Ê na tê né whã nkênu katxi sê ki ta kua pa baga demanda ni sê wha. ⁶ Ku turu ra non, whã Dêsu Tata sô say ri nkênu si ma turu kua toké, sô ra ngêy non ka vevia ra é sa whã Sun Jizu Kistu, punda ngê turu kua say sô punda kua non ka say. ⁷ Sô né turu nkênu ku ka ta ané kuê é wha. Ri otô mora, whã nkênu na kulú ta ka sivi fêgula, sô ané ka mé mé é mora kua ma ané zi ra whã fêgula. Asyé kuxensa ané sa kolomperu punda é sa flaku. ⁸ Mazi é na sa mé ma non ka pezenta whê Dêsu wha. Non na sa piolo si non na mé wha né buaru si non mé wha. ⁹ Mazi tua kuiraru pa liberari sê na bila whã lazo ri zi nkênu ku sa faku ku afé ra topi wha. ¹⁰ Si nkênu bi lêlê sê ku ta kua, mê whã mé lêtú whã ngêza fêgula, kuxensa ô na ka sa faku ri ra ô koso mé mé ma a ra fêgula é wha! ¹¹ Sô ra kua ma sê ta ri fêgula ku say veré ka mata na mon masi faku ma Kistu muê ra. ¹² Ri mora é, Ola bô ka zi pekaru kontê na amon sê, ka firi kuxensa faku rê, ka zi pakaru kontê Kistu. ¹³ Sô si mé ka zi na amon un ra topi, na ka tô mé kany, pa na zi na amon un kiê wha.

Chapter 9

¹ Na sa apostulu wha! Sa sa livi wha! Na bê Sun non Jizu wha! Sê na sa suvisu un ny Sun wha! ² Si na sa whã apostulu ra otô wha pelu menu un sa ra sê, punda sê sa plover apostuladu un ny Sun. ³ Yé sa refeza un ra ané ku ka pova un. ⁴ Non na tê dêtu me ku bêbê wha! ⁵ Non na tê dêtu tua whã mengay kenti, mora ma ané apostulu ku ané ná amon Sun ku Sefa ka zi wha! ⁶ Ô é sa Barnabé ku an sô tê ki taba! ⁷ Nkênu kutxi ku ka sivi mora soré ku kusta rê popi! Nkênu kutxi ku ka kuna whã vinha ku na ka mé mé rê wha! Ô nkênu kutxi ku ka tua konta whã gupu ombô ku na ka bebê letê rê wha! ⁸ Nga fa kua é mora soré omé! Alê na ka ka kua é mora alê turu wha! ⁹ Punda é sa sisikaru alê Muzé. Na manha boka buê ola é sê ka dumu ynkuê wha. Ê sa ku buê veré ma Dêsu ka mêsê! ¹⁰ Ê na sêka fa ri non wha! A sisiké ra non punda nkênu ku ka kuna pê son, tê ki kuna ka whara sô ku ka koyê tê ku koyê ka kunfia ri mé kua ma é koyê. ¹¹ Si non kuna kua Supitu katxi sê, é ka sa masi koyê kua ma a ka bê ri sê! ¹² Si otô ka tê dêtu é punda sê, non na ka tê masi anda wha! Ê na sa pa no ngolo dêtu é wha, mazi non ka ngêté turê punda é na sa pa non ka sa whã atlazu ra vangélhu Kistu wha. ¹³ Sê na ta ma nkênu ku ka sivi ngêza, ka tua mé rê ngêza wha! Sô nkênu si ku ka sivi atali ka patxi kua ma ra atali wha! ¹⁴ Di otô mora Sun manda ané ku ka plega vangélhu ku ka vevia ri vangélhu. ¹⁵ Mazi na ngolo ta né whã dêtu é wha, sô na sêka sisika kua é pa é ka sa ziru ran wha. Posi nga muê rôkê nkênu ka txia un whê é. ¹⁶ Punda si nga plega vangélhu, na tê lazon zi luxu wha punda un tê abigason zi kua é. Sô a ri un si na plega vangélhu wha. ¹⁷ Punda si nga zi kua é bon vonté un, untê whã pagamentu, mazi si é na sa ri vonté wha, un tê whã kumpimisú ma a kunfia un né. ¹⁸ Antó kuali ku sa pagamentu un! Ma ola nga plega nga pô ra vangélhu sê lêlu, sô antó na ka tê dêtu un ku vangélhu wha. ¹⁹ Punda un pô sa livi turu kua, nga tô bila ná kia turu kua, pa nga poy nganha nkênu masi. ²⁰ Ra zurê un bila mora zurê pa nga nganha zurê. nkênu si ku sa kosi alê bila un mora nkênu kosi alê pa un ganha ané punda alê. ²¹ Ra ané ku sa sê alê, un bila mora sê alê, un pô na ka ta sê alê Dêsu wha sô sa kosi alê Kistu. Un zi kua é pa un ganha ané sê alê. ²² Un bila flaku ra flaku ku vonté nganha flaku. Un bila turu kua ra turu nkênu, pa nga poy, ri turu mora sva whã dôsu. ²³ Nga zi turunkua punda vangélhu, pa nga sa ku bensa rê. ²⁴ Sê na ta ma whã korida turu nkênu ka kôlê, mazi whã sô ka nganha pemi! Antó kôlê pa bô nganha pemi. ²⁵ Whã nkênu ku ka kolê ka tontola turu tempu rê. Ané ka zi kua é pa é tua whã klôa ku ka rana, mazi non ka kolê pa non nganha whã klôa ku na ka rana wha. ²⁶ Sô na ka kolê sê vonté otô wha, né na ka peza ka txia nkomê atôa wha. ²⁷ Mazi nga peza ku ongê un sô zi mora ná kia pa ola nga plega ra otô, an mé na ka sa sê piara wha.

Chapter 10

¹ Un mêsê pa ané ná amon ta, ma ané tata non turu ané ta kosi ombosi sô turu ané la mionga. ² Muzé sô butiza ané ku ombosi ku mionga. ³ Sô turu ané mé whã mé supitu é mé, ⁴ sô turu ané bêbê whã b^bê supitu é mé. Punda ané bêbê ri whã loxa supitu ku ta ka lêlê ané, sô loxa é sa Kistu. ⁵ Anto, Dêsu na ngosta masi motxi ané wha, sô kavera ané poto pê whã nga sê né whã kua né. ⁶ Ané kua é sa whã zempu ra non, pa non na ka mesê zi mali mora ma ané zi wha. ⁷ Na sivi fêgula mora whã whã ané ta wha. Mora ma é sa sisikaru: Ané nkênu tason pa mé tô bêbê, sô lata pa ané trêbê. ⁸ Non na ka ba dumi ku otô atôa mora ma yô ané zi, bêru ma, punda kua é, vintxi tési mili nkênu muê whã ria. ⁹ Né non na ka papa Kistu, mora ma yô ané zi, sô ma kiongô loké ku ané. ¹⁰ Na ngungunu turu, mora ma yô ané zi, sô anzu motxi loké ku ané. ¹¹ Sô ané kua é ra ku ané, mora zempu ra non. A sisika ané ri viza non, punda fin tempu sêka bi. ¹² Sô kuakuali ngê ku ka kunda ma é sa ndjaru tua kautela pa é na kiê wha. ¹³ Né whã povegason na bi ra non ku na sa pisizu ra turu nkênu wha. Mazi Dêsu sa fieli. Ê na ka desa povega sê masi rôkê ndjira ma sê ka poy kuê wha. Êlê ka ngolo mora ma sê ka poy ngêta. ¹⁴ Sô, ané ná amon, na sivi fêgula wha. ¹⁵ Nga fa sê mora nkênu ku ta kua, Asyé sê ka poy kêlê kua ma nga fa. ¹⁶ Kalsi bensa ma non ka ra bensa, na ka zunta non ri sangi Kistu wha! Mpó ma non ka patxi na ka zunta non ri ongê Kistu wha! ¹⁷ Punda é tê whã mpó sô, non ku sa motxi non sa whã ongê. Turu non ka zunta ra whã mpó sô. ¹⁸ Pia pôvô Israeli: na sa ané ysi ku ka mé sakifisiu ma a ka zunta atali wha! ¹⁹ Anto kua ma un sê ka fa! Ma fêgula sa whã kua! ô ma mé si ma a sêka

sakifika ra fêgula sa whã kua! ²⁰ Mazi nga fa ma kua ma ané diskrenti ka sakifika, ané zi ané kua é ra demona na sa pa Dêsu wha. Na mèsê pa sê ka zunta ku demono wha. ²¹ Sê na pô bêtê kasi Sun ku kasi demono wha. Sê na pô zunta meza Sun ku meza demono wha. ²² Ô non sêka povéga sumi ku Sun! Non sa masi fotxi rôkê! ²³ A pô zi turu kua, mazi né turu kua ku sa buaru wha. A ka pô zi turu kua, mazi né turu kua ku sa buaru ra nkênu wha. ²⁴ Né whã nkênu na ka pô ngolo kua buaru. Ra kua é, kara whã ka ngolo kua buaru sô ra whã nkênu ku sa vota rê. ²⁵ Sê ka pô mé kuakuali kua ma a ka bêtê fela, sê ngolo kuxensa. ²⁶ Punda tia ku turu kua ku sa né sa ri Dêsu. ²⁷ Si whã diskrenti kuvira sê ri mé whã mé sô bô mèsê bé, mé turu kua ma a pê méza ra sê, na puta né whã kua wha punda kuxensa. ²⁸ Mazi si nkênu fa: Mé é sa ri fesa fêgula, na mé wha, punda a viza sê sô punda kuxensa. Punda tia ku turu kua ku sa né sa ri Sun. ²⁹ Na ka fa kua é ra kuxensa sê wha, mazi kuxensa ôtô nkênu. Punda kuay ma liberari un ka pô sa zugaru punda kuxensa ôtô! ³⁰ Si nga mé mé ku vonté ra kuay ma a ka keta ku un ra kua si nga ra gasa!

³¹ Punda, bô mèsê mé ô bêtê ô zi kuakuali ôtô kua, zié turê pa goya Dêsu. ³² Na zi pa zurê, ô gêgu, ô ngêza Dêsu tapaya wha. ³³ Mora ma nga ngolo bua ra turubnkênu ra turu kua, na ka ngolo ben ra un sô wha mazi ri yô nkênu pa ané ka pô sava.

Chapter 11

¹ Zi mora un, asyé mora ma un sa ri Kistu. ² Ayé nga ngogô ku sê punda sê lembua un ny turu kua sô sê tua turu mora ma un sina sê. ³ Ayé é, un mèsê pa sê ka ta ma Kistu sa ntê turu omé, ma omé sa ntê mengay sô ma Dêsu sa ntê Kistu. ⁴ Kuakuali omé ku ka fa lason ô ka fa kuakuali kua Dêsu ku ntê taparu na ka lispeta untê rê wha. ⁵ Mazi kuakuali mengay ku ka fa lason ô fa kuakuali ua Dêsu ku ntê biriru na ka lispeta ntê rê wha, é sa mora ma ntê ka sa kokoloru. ⁶ Punda si whã mengay na tapa ntê rê wha, é tê ki kota pena ntê kutu, si é sa vegonha ra mengay saku pena ntê kokoloru ma é ka tapa ntê. ⁷ Punda whã omé na pô tapa ntê rê wha, é sa fêgula ku goya Dêsu. Mazi mengay sa goya omé. ⁸ Punda a na ka zi omé ku mengay wha mazi mengay ku omé. ⁹ Punda tambê a na kia omé ra mengay wha, mazi mengay ra omé. ¹⁰ Ra kua é, mengay tê dêtú tê whã meka ri odji ntê rê, punda anzu. ¹¹ Sô, ra Sun, mengay na sa livi omé wha né omé livi mengay wha. ¹² Punda mora ma mengay ka bi ri omé, mora é mé ma omé ka bi ri mengay. Sô turu kua ka bi ri Dêsu. ¹³ Pensé ku sê mé: Ê sa buaru whã mengay fa lason ra Dêsu ku ntê rê biriru! ¹⁴ Nkênu tia ra ané mé na ka sina sê ma, si whã omé tê pena ntê longô, sa whã vegonha ré wha! ¹⁵ Nkênu tia na ka sina sê ma si whã mengay tê pena ntê longô, yé sa ngavi ré wha! Punda pena ntê rê a ré êlê nga véu. ¹⁶ Mazi si nkênu mèsê ngolo demanda ra kua é, non na tê mora é wha, né ngêza Dêsu wha. ¹⁷ Ny kua ma nga sina sê sô na ka gaba sê wha punda ola sê ka zunta, é na sa pa kua buaru wha, mazi ra piolo. ¹⁸ Asyé, ny pumbê nga, ndê ma ola sê ka zunta ngêza, é tê kara nkênu mó rê katxi sê, sô nga kêlê kua é. ¹⁹ Punda é sa bua ma kara nkênu ka sa mó rê katxi sê, ri mora ma nkênu ku sa povaru ka pô sêka bê. ²⁰ Punda ola sê ka zunta, na sa sêia Sun ma sê sêka mé wha. ²¹ Ola sê ka mé, kara whã ka mé mé rê popi antiji pa ôtô zi mé rê. Whã sa ku fomi ôtô ka sa bebéraru. ²² Sê na tê kay nga mé ku bêtê wha! Sê ka dispéza ngêza Dêsu sô ka baxa ysy ku na tê né whã kua wha! Kuay ma nga pô fa sê! Un toka ngaba sê! Na ka gaba sê ra kua é wha! ²³ Punda kua ma un tua ri Sun sa kua ma nga pasé ra sê, ma Sun Jizu, nsuku ma a pê pezu Ê tua mpó: ²⁴ Sô ola ma Ê ré gasa, Ê patxié sô fa: Yé sa ongê Un ku sa ra sê, zi kua é ka lembua Un. ²⁵ Ri mora é mé, ola sê, Ê tua kasi sô fa: kasi é sa Liansa Novu ri sangi Un. Zi kua é turu ola ma sê ka bêtê, ka lembua Un. ²⁶ Punda turu vê ma sê ka mé mpó é sô bêtê kasi é, whanga motxi Sun, antê ma Ê ka bi. ²⁷ Sô, nkênu ku mé mpó é ô bêtê ri kasi Sun ri mora mali ka saku kupa ri ongê ku sangi Sun. ²⁸ Ma nkênu ka pia ongê rê pumbê, sô asyé sô é ka mé mpó é sô bêtê ri kasi é. ²⁹ Punda nkênu ku ka mé ô bêtê sê ta ma é sa Ongê Sun, ka mé tô bêtê ra zugamentu rê. ³⁰ Punda kua é katxi sê tê yô faku ku duêtxi, sô é tê whã whã ku muê za. ³¹ Mazi si non ka zuga non mé a na ka zuga non wha. ³² Ola ma Sun ka zuga non sa non sêka tua konsé pa non na sa kondenaru ku mundu wha. ³³ Sô, ané na amon un, ola sê ka zunta pa sê mé, whara ôtô. ³⁴ Si nkênu sa ku fomi pa é ka mé fô kay, pa mora ola sê ka zunta na sa pa zugamentu wha. sô ra ôtô kua ma un siska ra sê, nga sina sê ola nga vitxa.

Chapter 12

¹ Ra don dy supitu, na amon, na mèsê pa sê ka ta sê wha. ² Sê ta ma ola sê ta pendêru, sê ta ka lêlê fêgula mumu. ³ Sô un mèsê pa sê ta ma né whã nkênu ku fa ku Supitu Dêsu na pô fa: Jizu sa marisuaru. Sô né whã nkênu na ka pô fa. Jizu sa Sun. Si é na sa ku Supitu Santu wha. ⁴ Ayé tê ôtô mora don, mazi ku Supitu é mé. ⁵ Sô é tê ôtô mora ministeriu mazi Sun é mé. ⁶ Sô ôtô mora suvisu mazi Dêsu é mé sô ka zi buaru ku turu kua. ⁷ Kara whã ka zi kua ma a ka bê ri supitu ra ben ri turê. ⁸ Sô ra whã a ka ré supitu ri ta kua ma é ka lumba, sô ôtô zi kua ku supitu é mé. ⁹ Ra ôtô afé ku supitu é mé, sô ôtô ta kula ku supitu é mé, ¹⁰ sô ra ôtô ku porê, sô ra ôtô ka fa kua Dêsu, ra ôtô abirari ri ta supitu, sô ôtô, yô mora lingua sô ra ôtô ta kua ma a sêka fa. ¹¹ Mazi supitu é mé ka taba ku turê ka ra mora ma kara whã sô mora ma Ê mèsê. ¹² Punda mora ma ongê sa whã sô tê yô memblu sô turu ané sa memblu ongê é mé, asyé sa mora Kistu. ¹³ Punda ku whã supitu sô, turu non ku whã ongê sô: Ê pô sa zurê, é pô sa glêgu, é pô sa pezu, ô livi, sô a zi turu ané ri bêtê whã uniku Supitu. ¹⁴ Punda ongê na sa uniku memblu wha, mazi motxi. ¹⁵ Si opé ka fa: ma na sa mon wha, na sa kiba ongê wha, ané na ka desa ri sa kiba ongê wha. ¹⁶ Sô si oria fa: Punda na sa whê wha na sa kiba ongê wha. é na ka desa ri sa kiba ongê wha. ¹⁷ Si turu ongê ka sa whê andji ma oria ka sa né! Si turu ongê ka sa oria andji disi ka sa né! ¹⁸ Mazi Dêsu ngolo kara kiba ongê mora ma Ê manda. ¹⁹ Sô si ané ka sa turê memblu é mé andji ongê ka ta né! ²⁰ Punda é tê yô memblu, mazi whã ongê sô. ²¹ Whê na ka pô fa mon: na pisiza ô wha. Né ntê ra opé: na pisiza sê wha. ²² Masi memblu ongê ku kakô masi faku sa pisizu. ²³ Sô kiba

ongê ma non ka kunda ku na sa buaru wha, ê ka valê masi sô kiba ongê non ma a na ka liga wha ka sa masi buaru. ²⁴ Ayé memblu non ku ka musa na pisiza pa a traté ku masi lispetu wha punda ané tê za. Punda Dêsu kontrola turu memblu zuntaru, sô Ê gaba ysi ku sa fata rê. ²⁵ Ê zi kua é mora é pa ané na patxi ku ongê wha, mazi pa ané emblu é ka tlata otô ku whã mora é mé. ²⁶ Sô ola whã memblu ka sufi, turu memblu ka sufi kuê zuntaru. Ô ola a ka ngaba whã memblu turu ané ka sa ku ngoso kuê zuntaru. ²⁷ Punda sê sa kiba ongê Kistu sô kara whã memblu Rê. ²⁸ Sô Dêsu ra ngêza pumbêlu apostulu, segundu pofeta, tisêru mészé, sô ku ka zi milagi, sô mora kula, ané ku ka zura, ané ku ka zi suvisu ngêza sô ané ku tê yô mora lungua. ²⁹ Turu non sa apostulu! turu non sa pofeta! turu non sa mesé! turu non ka zi milagi! ³⁰ Turê tê mora kula! turê ka fa lungua! Turê ka ta lungua! ³¹ ngolo ku vonté masi buaru. Sô nga musa sê whã mondja masi buaru.

Chapter 13

¹ Un pô ka fa lungua ané omé ku ri anzu, si na tê amolê wha, ê ka sa mora whã xinu ô whã tambôlô ku ka toka. ² Un pô ka tê jêtu ri fa kuakuali kua setu sô ta turu veré kondêru sô ta turu kua sô tê turu afé ri mura mundu, si na tê amolê wha na ka sa né whã kua wha. ³ Sô un pô patxi turu kua ma nga tê ra pobli mé sô un pô ra ongê un pa a kemé, mazi si na tê amolê wha ê na dienta né whã kua wha. ⁴ Amolê ka tê paxensa sô buaru. Amolê na ka pê whê wha na ka tê whê riba nkênu wha: na ka zi luxu wha, ⁵ na ka sa má fé wha, na ka ngolo turu kua ré sô wha, Na ka satia seru wha, na ka pê ngê kosó wha. ⁶ Na ka sa ku ngoso ku mali wha, mazi ka sa ku ngoso ra kua veré. ⁷ Amolê ka sufi turu kua, ka kêlê turu kua, ka whara turu kua sô ka ngênta turu kua. ⁸ Nunka amolê ka loké wha. Si ê tê nkênu ka fa turu kua ê ka pasa, nkênu ku ka fa lungua ê ka ndja, nkênu ku ta kua, ê ka pasa. ⁹ Punda non ta whã kiba sô ny whã kiba non ka fa: ¹⁰ Mazi ola kua ku sa buaru ka bi, ysi ku sa patxi ka pasa. ¹¹ Ola un tá ná pikina un ta ka fa mora ná pikina, ka pensa mora ná pikina ka zi zugamentu mora ná pikina. Ola un bila ngê tamé un desa kua ná pikina. ¹² Ayé non ka bê mora supé sê kerari, mazi sô non ka bê polo polo. ¹³ Ayé un ta kiba, mazi sô nga bi ta turu kua mora ma a bi ta un setu. Ayé tesi é ka ta: afé whara ku amolê, mazi masi ngay ané sa amolê.

Chapter 14

¹ Sigi amolê sô mesê ku vonté mora supitu, masi buaru sa ri fa kua Dêsu. ² Punda nkênu ku ka fa lungua na ka fa ra nkênu wha mazi ra Dêsu. Punda né whã nkênu na ka té wha, punda ê ka fa misteriu ny Supitu. ³ Mazi nkênu ku ka fa kua Dêsu ka fa ra nkênu ri zi, ra kosó sô anoma. ⁴ Ané ku ka fa lungua ka kosetê mé, mazi ku ka fa kua Dêsu ka koseta ngêza. ⁵ Ntá gosta pa turu sê ka fa lungua. Sô masi motxi rô kê yé, nta mesê pa turu sê ka fa kua Dêsu. Nkênu ku ka fa kua Dêsu sa masi ngay rokê ku ka fa lungua. (a ménu pa nkênu ka tô fé pa ngêza koseta). ⁶ Sô na amon, si unvitxa kota sê fa lungua, kualu kua buaru ma nga bi kuê ra sê! né whã ! Pa ê na sa pa nga fé pa sê bê ô tô siné. ⁷ Si strumentu sê vira ka lonka mora pitu ô koneta, ê na ka lonka otô mora lonka mora ma nkênu ka ta kualu toki ma pitu ô koneta sêka toka wha! ⁸ Punda si buzina toka whã mora tapayaru ma nkênu ka ta ma ê sa ola luma ra ngêla! ⁹ Asyé sa mora sê: Si sê komesa ka fa kua ma a na ta wha ma nkênu ka ta kua ma sê sêka fa! Sê ka fa mazi ne whã nkênu na ka ta kua ma sê sêka fa wha. ¹⁰ Si duvira ma ê tê yô mora lungua lêtú tia mazi né whã ané na sa sê pa a té wha. ¹¹ Sô si na ta kua ma lungua é sa wha, nga sa mora nkênu tokaru ra nkênu ku ka fé, sô ê ka sa nkênu tokaru ran. ¹² Mora é mé ku sê: ma sê sê ka mészé pa Supitu zi kuakuali kua, vugu pa ê zié pa ngêza sa buaru. ¹³ Sô ngê ka fa lungua tê fa lason pa a pô tô fé pa a tá. ¹⁴ Punda sy nga fa lason ku otô lungua, supitu un sê ka fa lason mazi ntê un sa sê mé. ¹⁵ Kua nga zi! Pa nga fa lason ku supitu un, mazi mazi ku ntê un turu. Nga kata ku supitu un sô ku ntê un turu. ¹⁶ Sô si sê ka kata ra Dêsu ku supitu, ma otô nkênu ka kundji "Amé" Ola bô sê ka ra gasa, sy ê na ta kua ma bô sê ka fa wha. ¹⁷ Sê veré ka ra gasa bua foga wha, mazi otô nkênu na ka zi mora é wha. ¹⁸ Nga pindji Dêsu ra mora nga fa lungua masi rokê turu sê. ¹⁹ mazi si ngêza nta mészé fa tanon kua ma nta pa nga sina otô, ka fa kuyini mili lumba ny lungua. ²⁰ Ná amon na sa ná pikina wha. Masi, ra ané mafé, sa mora ná pikina, mazi ku kua ma sê ka pensa sa bobôru. ²¹ Ny alê sa siskaru: Ra omé otô lungua sô ku lungua tokaru nga fa ra pôvô é Asyé mé, ané na ndê un wha, Sun sô fa. ²² Sô lungua na sa whã sinali ra kiston wha mazi ra ané na sa kiston wha, mazi fa ku Dêsu sa whã sinali ra ané ku na sa kiston wha mazi ra ané kiston. ²³ Sô si turu ngêza ka zunta sô turu ané ka lungua si ané kusa lua ô ku na sa kiston wha vitxa, ané na ka fa ma sê sa dorô wha! ²⁴ Mazi si turu sê ka sê ka fa Dêsu sô whã ku na sa kiston wha ô nkênu ku sa lua vitxa ané ka kuxintxi ku turu kua ma ané ndê sô ané ka zuga turu kua ma a fa. ²⁵ A ka sêgêru koson ô, mora kua ma é ra, ê ka baza ntê pê son ngôgô Dêsu, sô ka fa biriru ma Dêsu sa ku sê veré. ²⁶ Sô ma ná amon! Ola sê ka zunta, ka ra whã tê whã salumu, whã kua ma s ka sina, whã kua ma a bi tá whã lungua ô whã kua ma ô tô fa. Zié turê pa ngêza sa buaru. ²⁷ Si nkênu ka fa ku whã lungua, ma ê ka sa ra dôsu ô tészé masi, sô whã kara vê, sô nkênu tê ki tô fa turu kua ma a fa. ²⁸ Sô si nkênu na sa ri tô fé wha, ma kara whã ka ta suraru lêtú ngêza. Desé pa é ka fa kuê mé ku Dêsu. ²⁹ Ma dôsu ô tészé pofeta ka fa sô ma otô ka ndê ku kuiraru kua ma é fa. ³⁰ Mazi si nkênu ku sa tasoru bi ta whã kua ku bi ntê rê ny kutu, ma nkênu ku sêka fa ka kaboka. ³¹ Punda kara whã sê ka pô pofetiza, whã whã whã pa kara whã ta, sô turu sê ka tê kosó. ³² Punda supitu pofeta sa kotolaru ku pofeta. ³³ Punda Dêsu na sa Dêsu demanda mazi ri pazi. Yé sa oji turu ngêza santu. ³⁴ Ané mengay tê ki kaboka lêtú ngêza, punda a na pomêté ané fa wha. Sô ra kua é ê tê ki ta kosi oji mora ma alê ka fa turu. ³⁵ Si ê tê kuakuali kua pa é sina é ka desé pa é puta omé rê kay. Punda é sa vegonha pa mengay fa lêtú ngêza. ³⁶ Lumba Dêsu bi ra sê! Sê sa uniku ku tué! ³⁷ Si nkênu ka kunda ma é sa whã pofeta ô ku supitu, é toka ta ma kua ma un sisika ra sê sa kua ma Sun manda. ³⁸ Mazi si nkênu na ka ta kua é wha, ma é na ka té wha. ³⁹ Sô ná amon, ngolo ku masi vonté pofetiza, sô na puvu nkênu ku ka fa lungua wha. ⁴⁰ Mazi ma turu kua ka sa ziru ku lispetu sô ku odji.

Chapter 15

¹ Nga lenbua sê ané ná amon, ku Vangelhu ma un manda sê ma sê tua, sô sê ta né. ² Ma vangelhu é ma sê sa savu, djina sê têt buaru lumba ma un plega pelu menu ma sê na kélê sô wha. ³ Sô ma un ra sê pumbêlu lugé ma an turu tué, ma Kistu muê ra pekaru non mora ma a sisiké. ⁴ Sô ma a Tié sô é têt kora ri têsî ria mora ma a sisiké. ⁵ Sa é vitxa sê fa sô ané kuini dosu. ⁶ Sô é têt vitxa masi rokê kinhentú ná amon whã vê ma masi motxi ané ka vevia anda, mazi whã dosú muê sa sa. ⁷ Sô é têt vitxa Txagu sô masi ngosi ra turu mêlu. ⁸ Sô utimu Ê vitxa un, mora ra whã ná pikina ku nansê antiji tempu. ⁹ Punda un sa masi txoororo ané mêlu, ma na toka pa a sama un mêlu wha punda un pisigi ngêza Dêsu. ¹⁰ Mazi punda amolê Dêsu un sa kua ma un sa, sô amolê rê ku an na fô sê wha. Ra kua é, un taba masi mtxi rô kê turu ané, é pô na ka sa an wha, mazi amolê Dêsu ku sa ku an. ¹¹ Ê pô ka sa an ô ané, asyé non ka plega sô sê ka kélê. ¹² Ayé si a ka ba plega ma Kistu sô têt kora motxi, má otô ka pô fa sê ma a na ka têt kora motxi wha! ¹³ Mazi si a na ka têt kora motxi wha ató né Kistu mé na kora motxi wha. ¹⁴ Sô si Kistu na kora motxi wha, antó plegason non na valê wha sô afé sê turu na valê wha. ¹⁵ Sô a ka pia non fasu sesêminha ra Dêsu, punda non sê ka fa kua kontê Dêsu ka fa ma é kora motxi. ¹⁶ Punda si motxi na kora wha antó Kistu també na kora wha. ¹⁷ Sô si Kistu na kora motxi wha, afé sê na valê wha sô sê sa pekaru sê anda. ¹⁸ Antó, ané ku muê ku Kistu turu na ka têt kora wha. ¹⁹ Si non ka kunfia ku Kistu ku vira é sô, non sa masi mali turu nkênu. ²⁰ Mazi ayé Kistu têt kora katxi motxi, sô sa pumbê mé ané ku muê. ²¹ Punda non bê ma motxi bi ra whã omé, ra whã omé têt kora motxi bi. ²² Punda mora ma turu nkênu ka muê ku Adon asyé mé ma turu nkênu ka vevia ra Kistu. ²³ Mazi kara whã ku vê rê popi: Kistu pumbê mé sô ané ku muê ku Kistu, ola Ê ka bi. ²⁴ Sô é ka loké, ola Kistu ka trega alê ra Dêsu, Tata, sô ka loké ku turu porê ku turu lênu, ku turu fosa ku porê. ²⁵ Sô Ê ka lena atê, Ê ka pê turu numigu Rê kosi opé Rê. ²⁶ Utimu numigu ma Ê ka loké kuê sa motxi. ²⁷ Punda Ê pê turu kua kosi opé Rê. Mazi ola a ka fa: Ê pê turu kua, é sa biriru ma yé na sa ku ysi ku sujetê turu kua. ²⁸ Ola turu kua ka sa sujeitu Rê, antó Ná ka sa sujeta Nkênu ku sujeta turu kua pa Dêsu Tata ka pô sa turê ku turu. ²⁹ Ri otô mora, kay ma ané ku butiza ra motxi ka zi! Si motxi na ka têt kora mora é wha ra kuay ma ka butiza ra ané! ³⁰ Sô ra kuay ma non ka sa pigu turu ola! ³¹ Nga vugu ku motxi turu ria, yé sa sêtu ma nga fa ku vontê ra sê ma ntê ku Kistu Jizu Sun non. ³² Kaury nga nganha ra vontê omé, un peza ku situ pigu ny Efezu si motxi na ka kora wha! Non ka mé ka bêtê punda mungu non ka muê. ³³ Na ngana wha. Má ramo ka raná kustumu buaru. ³⁴ Bila supetu! vevia buaru! Na zi mali wha. Punda whã sê na ta dy Dêsu wha. Nga fa kuê ra vegonha sê. ³⁵ Mazi nkênu ka fa: Ma motxi ka têt kora. Ku kuali ongê ané ka bi. ³⁶ Sê sa ignorantî foga wha. Kua ma sê ka kuna ka pô muê. ³⁷ Sô kua ma bô ka kuna na sa ongê ma é ka sa wha mazi whã ná ynkuê ku ka bila tigu ô otô pó. ³⁸ Mazi Dêsu ka ra whã ongê mora ma Ê koyê, kara ynkuê ka ra ongê rê popi. ³⁹ Turu kany na sa kany é mé wha, mazi whã sa kany omé otô kany situ otô kany kikê. ⁴⁰ Êtê ongê osé sô ongê tia. Mazi buaru ongê osé sa whã mora sô buaru ongê tia sa otô. ⁴¹ Ê têt buaru soto, otô buaru mbêzi otô buaru têtêmbu punda whã têtêbu ka sa otô mora buaru goia. ⁴² Kara motxi sa mora é mé turu: ma a ka kuna ka muê sô ku ka kora na ka têt muê wha. ⁴³ Ma a ka kuna na valê wha mazi é ka kora buaru. ⁴⁴ Ma a ka kuna flaku ka têt kora ku fôsa. Ma a ka kuna kany kany ka têt kora whã ongê supitu. Si é têt whã ongê kany, é têt whã ongê supitu turu. ⁴⁵ Ê sa sisikaru asyé turu: pumbê omé Adon, a zié alima ku vevia. Utimu Adon bila supitu ku ka vevia. ⁴⁶ Ku turu, supitu na bi pumbê wha, mazi kany, sô supitu. ⁴⁷ Pumbê omé sa ri tia ziru ku opó sgundu omé sa ri osé. ⁴⁸ Mora omé ma a zi ku opó sa mora ané ma zi ku opó turu, mora omé osé, sa mora ané ku sa ri osé turu. ⁴⁹ mora ma non ka kega fêgula omé opó, non ka kega fegula omé osé turu. ⁵⁰ Na fa sê kua é, na amon ma kany ku sangi na ka pô lera lênu Dêsu wha né ku ka muê ka lera vivu. ⁵¹ Ya whã sêgêru ma nga fa sê: turu non na ka muê wha, mazi turu non ka mura. ⁵² Non ka mura whã stanti, ku whã biri ku fisa whê ku utimu toki. Punda toki ka sua sô motxi ka têt kora na ka têt muê wha sô non ka mura. ⁵³ Punda ongê si ku ka muê ka têt bisi ku na ka muê wha sô ongê motxi é ka têt bisi ku na ka muê wha. ⁵⁴ Mazi ola ongê si ku ka muê ka bisi ka na ka muê wha, sô ongê si motxi ka têt bisi ku na ka muê, antó ku sa sisikaru ka bi. A têt bi ku motxi ku porê. ⁵⁵ Motxi porê ô ô! Motxi lengê ô ô! ⁵⁶ Lengê motxi sa pekaru, sô porê pekaru sa alê. ⁵⁷ Mazi nga lova Dêsu, ku ka ra non porê punda Sun non Jizu Kistu. ⁵⁸ Sô migu un ná amon un sa plontu sô na tapaya wha. Sémpé ku fosa ny suvisu Sun punda sê ta ma suvisu sê ku Sun na sa sô wha.

Chapter 16

¹ Ayé ra koleta ra Santu, mora ma un manda ngêza Galásia, zié mora é mé turu. ² Pumbê ria somana, kara whã sê бага kua ma bô ka poy sô pê alimanzé, pa é na têt koleta ola nga bi wha. ³ Sô ola nga vitxa kua si ma sê pova, nga manda sê ku kata pa sê ra pezextxi sê Jeruzalê. ⁴ Si é sa pmbé popi ané na ka bé ku an wha. ⁵ Mzi nga ba lêlê sê ola nga la Masedonha. ⁶ Katxê nga pô ta ku sê ô pasa ngavana ku, pa sê zura un ku suvisu, nga ma nga mêsê bé. ⁷ Punda na ka mêsê bê sê ayié txo wha punda nga whara pasa txo ku sê, si Sun plomêtê. ⁸ Mazi nga fika Efeziú atê fesa Pentekosti. ⁹ Punda whã poto ngayru biri ran buaru, sô é têt yô numigu. ¹⁰ Sô ola Timotiu ka vitxa, ngolo pa é sa ku sê sê mendu, punda é sêka zi suvisu Sun ora un. ¹¹ Sô pa né nkênu na bila méma ré wha. Mazi bé kuê ku paji pa é bi lêlê un punda un sêka wharé ku ané ná amon. ¹² Ola ná amon Apolu, ku un ku fosa ku kuraji ba vizita sê ku ané ná amon dy kuali kéro moru é mêsê aié, ku turu êlê ka bé ola mêtê opotunidari. ¹³ Biri whê ta fimi ny afé têt kosó sa fotxi. ¹⁴ Turu kua ma ô ka zi zié ku amolê. ¹⁵ Sê ta ané dy kay ry Estefana sa pumbê ku konvertê ny Akaia ku suvisu ry ané Santu. Aié an nga loga na mon, ¹⁶ Bô umilha ra ané nkênu é y kara whã ku ka taba y ka zunta ku non. ¹⁷ Sô nga ta ku ngosô ku ola Estefana, Futunatu ku Akayku. Ané ka lispêta mema sê. ¹⁸ Punda ané zura supitu un ku ri sê. Antó ta mora nkênu mora yé. ¹⁹ Ngêza Azia ka fa sê mantxa. Akila ku Pisila ka fa

sê mantxa ku sun motxi foga wha, ku ngêza ku sa kay ané.

²⁰ Turu ná amon ka fa sê mantxa. Fa otô mantxa ku bêju buaru. ²¹ An Paulu, sêka sisika kua é ku popi mon un. ²² Si nkênu na ka ama Sun wha a pagé ku mali, Sun sêka bi! ²³ Ma favôlô Sun Jizu ka sa ku sê. ²⁴ Amolê un ka sa ku turu sê ku Kistu Jizu. Amé. Pumbêlu kata ra korintiu a sisiké ny Filipu, mandaru ra Estefana, Akaiku ku Timotiu.

2 Corinthians

Chapter 1

¹ Paulu, apostulu dy Kistu Jizu punda vonté dy Dêssu, manu nó Timótio, ra ngeza dy Dêssu ku sa ny korintiu y turu santu ny turu regiô dy Akaia. ² Ky gasa kasa ku sê, y padji dy Dêssu, Tata nó, dy Sun Jizu Kistu. ³ Ku Dêssu ku Tata dy Sun nó Jizu Kistu ka sa lovaru: Ê sa Tata dy misekodia y Dêssu dy turu konsolason. ⁴ Dêssu ka konsola nó ny turu afison, pa nó té mbeté konsola ngê xy ku sa ni afison, no ka konsola otô ku mora konsolason ku Dêssu ka da nó. ⁵ Sô axié mora sofimentu du Kistu sa yô punda kupa nó, axié ta mbé konsolu nó sa yô punda katxi dy Kistu. ⁶ Mazi sy nó sa afligigu, sa pa konsolu sê y savason, y xy no sa konsolaru, sa pa konsolu sê. Konfotu é sa buaru ola sê pa patxi ku paxensa ku sofimentu é mé sa nó. ⁷ Kufiansa nó ny sê sa setu, no ta ku axi mora sê patxi sufimentu, ta mbé sê ka patxi konsolu. ⁸ Punda nó mesê, manu, pa sê ka nglimi a serka dy tibulason ku nó tinha ny Asia. Nó tinha xiaru dy yô kega alén dy kua ma nó ka supota, sô ma nón tinha tô pensa dy vivê. ⁹ Sô ma, nó tinha setensa dy motxi ny nó. Sô, ixié sá pa ky nón ná pê kufiansa nó ny nó wha, mazi ny Dêssu, ky kora ngê motxi. ¹⁰ Ê txia nó ny pligu dy motxi, ka txia nó dingi. Nó ka pê kufiansa nó Né, ma é libeta nó dingi. ¹¹ Ê txia nó nha punda sê zura nó punda lason sê. Anto, yô ngê ka bi ra gasa ra favolô gasiosu ku da nó punda lason yô nguê. ¹² Nó ogulha dy kuê é: seseminha dy kuxensa nó. Sô sa ra lason limpu y setu, ra patxi Dêssu ka sigui, ny tia, ra sê, na ku sebê dy tia, mazi ra gasa dy Dêssu. ¹³ Na sisika ra sê kuakuali kua ku sê na ka pó lê ô ka poi wha. Nga whara ma sê ndê dy turu setu, ¹⁴ mora ma sê taza ny patxi. Antó ny ria dy Sun nó Jizu, nó sa lason dy orgulhu sê, axé mora sê ka sa dy nó. ¹⁵ Punda an tava ka kunfia ny kuê é, an mesê bê até sê pimelu, pa sê tua benefisio dy dôssú visita. ¹⁶ An tinha mesê vizita sê ola ka ba Masedônha, sô nga ba sisita sê dingi ola an bi na, antó sa bé ku sê a zurê. ¹⁷ Ola an tinha mesê kuê, sô ka mendu! Punda, nga planeja kua dy mora ku kua umanu, dy mora nga fa: veré, veré, ô inó, inó, ny tumpu é mé! ¹⁸ Mazi axé mora Dessu sa fieli, nó na ka fa ny tempu é mé, ve' r ô inó. ¹⁹ Sô, ná Dêssu, Jizu Kistu, ngê sy savanó, Timotio y an ka fa katxi sê, na sa veré y ino, mazi sa semple veré. ²⁰ Punda turu pomesa de Dêssu sa veré mé. Anto ta mbé punda Elê nó ka amé, pa goia dy Dêssu. ²¹ Sa Dêssu ngê ku aseta ku sê ny Kistu, é kumisa nó. ²² Ê pê selu rê ny nó y ny koson nó, y da nó Supitu mora whã penhu. ²³ An tua Dêssu mora seseminha an lason ra kua ná tava ny Korintu mbê ma popa sê. ²⁴ Na punda nó mesê pia afé sê wha, mazi punda nó ka taba ku sê pa legia sê, sô ra afé, vugu pa sê sa fimi.

Chapter 2

¹ Disiri ra an me ku na ka bi até sê dingi wha tamali. ² Sy an ndji sê sa ku dolô, ngê ka poy anima un sy é na sa nkênu ku fô ku leva ra an! ³ Sisika dy mora é ra ku, ma vizita, an na ka sa ku leva pe ka sa ne zi regozija. An kunfia ku gostô ô mé ku turu sê. ⁴ Sô sê sisika ny mémé aflison, ku leva koson, ku yô a wha whê. An na mesê pa sê sa ku dolô wha, sô kua é, an mesê konsê fundu amolê ku ntê ra sê. ⁵ Sy ngê zi sê sa ku dolô, na zi an wha, mazi ny whã ndira, turu sê, pa na sa mau. ⁶ Punison nkênu si é ra yô sa bua. ⁷ Whô, envêja dy punison, non ka poré pê sa buaru, pa é na sa ku yô leva wha. ⁸ Anto ndji é whê dizu pê fa ku, fosa whê yô ngê ra amolê sê ra elê. ⁹ Ysié fô kua ma sisika, pa an kapoi pia kopendê ma sa ka ndê turu kua. ¹⁰ Sy nga pora nkênu é, sô nga pora ane nkênu. Peron, sê sa poraru whã kua, sa poraru punda, sê ny whê Kistu, ¹¹ Pa demono na ngana sê wha. Sô non na sa lifiron dy kua ô wha. ¹² Whã potô fô biriru ra Sun ma ba poson Troade pa plega Vangelhu Kistu. ¹³ Anda axé, na ta ku pazi Supitu wha, punda na bê ná amon un Titu wha. Anto an desa tô ba Masedônha. ¹⁴ Mazi, ngasa sa daru Dêssu, ku Kistu semple ka nda ku un turu ria. Ny katxi non. Ê ka whanga doxi aroma dy sebê rê ny turu nga. ¹⁵ Sô non sa dy Dêssu doxi pufimi Kistu, ma nkênu ku sa savaru mora nkênu ku sa muê. ¹⁶ Pa ku sa muê, sa whã aroma dy motxi pa motxi. Pa ku sa savaru, sa whã aroma dy vira pa vira. Ngê tê turu kuê é! ¹⁷ Sô non na sa mora ane nkênu ku ka bëndê lumba Dêssu ra luku whã. Turu kuê é, ku mora ma ka fa ny Kistu, mora ma é manda Dêssu, a whê dy Dêssu.

Chapter 3

¹ Nó komesa ku goia turu! Na plisiza kata dy mandaru ra sê ô dy sê, mora whã whã, ku ka mesê! ² Sê mé sa kata non mandaru, sisikaru ny koson konseru glavi ra turu sê. ³ Musa kata si é dy Kistu, ma da non, sisikaru na ku txinta, mazi ra Supitu Dêssu vivu. Na sisikaru ny taba ku buru, mazi taba dy koson humanu. ⁴ Kuê é sa kunfiasa ku non tê ku Dêssu intermedio dy Kistu. ⁵ Na sa bua, ra non mé, pa ta kali keru kua ku ka bi dy non, ra otô, kompetênsia ku ka bi dy Dêssu. ⁶ Fô Elê ku lata non pa non sa sevu novu liansa, na dy letla, mazi dy Supitu, sô letla ka mata, mazi Supitu ka ra vira. ⁷ Ola, misterio dy motxi, ku letla gavaru ny buru, bi ku yô goia ku pôvô Israeli na ka pô pia diretu ny pólo Muzéji, punda goia dy pólo rê, kualiti pederu blilhu rê. ⁸ Kua di ji sa goia sa misterio dy Supitu! ⁹ Sy misterio dy kondenasen txia goia, ma diji yô misterio dy justifikason ny goia! ¹⁰ Dy mora ma whã kua é fô zirur whã vê goia, ny mora é desa dy sa, punda goia ku ka yêre. ¹¹ Sô, xi kua é ku ta penderu blilhu ta ku goia, yô diji goia txia kua ku sa até até! ¹² Ma non tê konfiasa, non ka zi ku

Chapter 4

туру vonté: ¹³ Na mora Muzeji, ku pê whã véu tapa pólo rê, pa pôvô Israeli na ka poi ta fim dy goia ku ta pederu blilhu. ¹⁴ Mazi mente ô sa fisaru, sô anda, ozé mé véu ta ny letura antigu liansa. Véu si é ka mantê punda, sô Kistu, sa removiru. ¹⁵ Ozé mé, turu ria ma Muzeji ka lê, whã véu é é ka pê koso rê. ¹⁶ Sô, ma whã nkênu ba lêlê Sun, véu é removê. ¹⁷ Sô Sun sa Supitu y, nga ma Supitu Sun ta, whangaru. ¹⁸ Turu non, ku pólo biriru, ka bê goia Sun. Non ta muraru, goia ny goia, imagem me goia, mora patxi dy Sun, ku sa Supitu.

Chapter 4

¹ Dy mora é, non tê ministeru é, mora ma te pena un ma lesebê, na dizanima wha. ² Ra ôtô, na kundji mondja vegonha ô kuto. Na vivê ra astusia, na kopia lumba Dêssu wha ka plezenta veré, ma non manda ku kuxensa du turu ome, whê Dêssu. ³ Mazi, Vangelho non ta taparu, ta taparu ra nkênu ku ta ka ta. ⁴ Ny kazu rê, dessu tia é sega mente ane ku kredu, punda kua é, na ka poi pia kandja vangelho dy goia Kistu, ku sa magem Dêssu. ⁵ Sô na fa no mé, mazi Kistu Jizu mora Sun, non mé mora sevu sê, punda Jizu. ⁶ Punda Dêssu sô fa: Whã kandja bilha ny kulu! Ê bilha ny koso pa ê musa konsê goia Dêssu ny pólo dy Jizu Kistu. ⁷ Sô, non tê likeza é dy jara mavu, pa é sa klalu ku memé porê ku ka petesê Dêssu na sa non. ⁸ Non sa mali dy turu mora, mazi na sa derotaru, perplexu, mazi na sa dizesperaru, ⁹ pisigiru, mazi na sa bandonaru, abatiru, mazi na sa distruiRU. ¹⁰ Kegaru turu ola ny ongê motxi dy Jizu, pa vira rê tuze sa mosaru ongê non. ¹¹ Non, ku vivê sa turu ola tlega motxi punda Jizu, pa vira Jizu ka sa mosaru ny ongê non humanu. ¹² Mora ma motxi zi ny non, mazi vira sê. ¹³ Mazi non tê Supitu é mé dy afê, dy kundji ku ta sisikaru. An nga kêlê, manda an fa. Non tuze kêlê: punda kua é, sô an fa. ¹⁴ Non ta ma nkênu si ku muê tô kora Sun Jizu tuze ka muê tô kora ku Jizu, ka sa ku sê whê rê. ¹⁵ Turu kua sa punda sê, pa mémé gasa abundante y yô ason dy gasa ka sende ra goia Dêssu. ¹⁶ Anto, na vugu wha. Mora é mé ku até até non sa penderu, até até non sa renovarU ria ria. ¹⁷ Sô sa levê momentanea dôlô na pepara wha até até dya ma goia ku ka yêrê turu djira. ¹⁸ Na tenta non turu kua ku ka by, mazi turu kua é ku na ka by turu kua é ku ka pô pia sa até até.

Chapter 5

¹ Non ta ku, si vivê tia é ny ku non vivê ka fô danaru, tê whã nga ri patxi Dêssu, whã kai ziru na ri non nkênu wha, mazi até até, ny osé. ² Kai ngeza non ka zené, sô sia fôgo sa bixiru ku habitason selestial. ³ Non tê vonté sié, sô ra bixié, na sa pa na bê non sê ka bisi wha. ⁴ Ma, sô ta ngeza é, zene ku yô kega. Na mesê sa bagaru, ra ôtô mora, bisiru, pa motxi sa bila ra vira. ⁵ Nkênu ku pepara pa kua é fô Dêssu, ku dana non Supitu mora kua ku sa pa bi. ⁶ Sô sa sempli ka kunfia. Pa ku ma é ka kai ny ongê ka tê, ta lonji Sun, ⁷ Sô non ka nda ra afê, na ra dy whê wha. ⁸ Ra kua é, non ka kufia. Pifili ta londji dy ongê, ny vivê ku Sun. ⁹ Axé mesê ny kai non, un mesê ta londji, no dji kuê é meta non: ngaba. ¹⁰ Sô turu non mesê bê whê ri jusi ri Kistu, pa kara whã tua ku sa punda ra kua é ziru ri ongê, un mesê pa buaru, un mesê pa mali. ¹¹ Punda, un konsê pemi ri Sun, pesigi nkênu. Ma non sa setu beru ra Dêssu, nga whara ku kuê sô ta setu pa kunxensa sê. ¹² Na sa tentaru wha konvesê dingi ri fa setu non, punda turu kua é non sa da ô whã lazon pa non tê whê sia ri non. Mora é, sê ka tê whã lesposta ku ka sa ku goso ny whê whê, mazi na ny ku ta ny koson. ¹³ Sô si non bila maloko é sa ra Dêssu, si lokê juizu é sa punda amolê ri sê. ¹⁴ Sô amolê ri Kistu ny kompele, punda non sa setu kua é: ku whã nkênu muê ra turu, longo, turu ane muê. ¹⁵ Kistu muê ra turu, ra ku ka vivê na ku ka vivê dingi pa é mé, mazi pa nkênu ku muê fô lesusitaru. ¹⁶ Punda lason é, ri whêlêmé, na zuga né whã nkênu wha ku seta ku padron humanu, anda ku whã vê ta konsidera Kistu ri mora é. Mazi, whô, na zuga né nkênu axé wha. ¹⁷ Punda si nkênu ku ta ny Kistu, sa kiatura novu, kua vé ka pasa. Turu kua bila novu! ¹⁸ Turu kua é ka bir ri Dêssu, ku bila bua ku non mé punda Kistu, ku danô fosa pa non pô pora ôtô. ¹⁹ Kuê é, sa ny Kistu, Dêssu ta nda non fosa, non pora ôtô ny mundu ku non mé, na bê ny turu mali ô. Ê ta ku konfia lumba ri pora ôtô. ²⁰ Anto, non s adisignaru mora leplezentante ri Kistu, mora si Dêssu sama ateson punda nó. Ra amolê ri Kistu, ku non pindjê: pora ku Dêssu! ²¹ Ê zi Kistu nkênu si ku né whã ria peka wha, sakifisu ra pekaru non, pa nkênu si ku ka bila zustisa ri Dêssu.

Chapter 6

¹ Axé, non ka taba zuntu ku Ê, non ka pindji ku na tua glasa Dêssu vãn. ² Puna Ê fa: Ny tempu sy za An ndê ô, ria savason an zura ô. Ola yô ny tempu buaru, ola whô sa ria ra savason. ³ Non na pê whã buru dizu whê me whã nkênu wha, punda na mesê ma misteru non ka kiê mali. ⁴ Sô kua é non pova ra ason non ma non sa ná amon Dêssun: ra meme plesevera ny katxi aflison, ku digosto, ny pezu. ⁵ Ku xikotxi ny pezu, ny londê, ny taba dizu, ny suku sê sonó, ku fomi. ⁶ Ra pureza, ra sebê, ra paxensa, ra bon kosó, ra whã Supitu Santu, ra amolê sê findji. ⁷ Ra lumba ra veré ra porê dy Dêssu, ra alima ra zustia ra mon gletu ku skedu. ⁸ Ny ola ny dezonra, ny fasu ny obla buaru, mora nganaru, mazi non sa veré, ⁹ Mora ma na konsê ô wha, mazi non sa konsêru buaru, mora ma muê, moara ma vivê anda. Mora ma non ka poi ra ason non, mazi na mora kondenaru ra motxi. ¹⁰ Mora ma sa ku leva, mizi turu ola ku gostô, mora plobi, mazi yô liku, mora na tê né whã kua wha, mazi a tuê turu. ¹¹ Nó fa sê turu veré, korinti kosó non sa biriru. ¹² Koson nón na fô fisaru ra non, mazi ta fisaru ra popi kuxensa non mé. ¹³ Ola whô, ra whã kua buaru zuntu, nga fa mora na pikina: biri kosó non turê. ¹⁴ Na sa whã zugu mali ku indulu, sô ku assosiason té zustisa ku kua mali! Ô kuuntu kandja tê ku kulu. ¹⁵ Ngê sa ku Kistu ka pô tê ku Belial! ô ku whã klenti tê komu ku whã krédulu! ¹⁶ Kuali seta ku sa katxi kai Dêssu é sa demonó! Punda nón sa kai Dêssu vivu, mora Dêssu fa: An nga vivê katxi ane ka nda katxi ane. An ka sa Dêssu ô, ku ane ka sa povô un. ¹⁷ Sô an xiê katxi ane, sa pataru, fa Sun. Y na tê kua suzaru wha. An nga fa sê. ¹⁸ An ka sa whã Tata sê, sê ka sa na un, fa Sun turu Poderosu.

Chapter 7

¹ Amaru, za ma tē plomesa é, sa limpu dy turu kua ku ka zi sê sa suazaru ny agê non sipitu. ba tua turu ka buaru ny tleme Dêssu. ² Zunta sê ny koson non. Non na zi mali ô zi nkênu mali na txia kua buaru dy nkênu wha. ³ Na fa kua é wha pa kondena, punda an fa za ku ta ny koson non, pa zunta sô muê y zunta sô vivê. ⁴ Ntê mé kunfiasa ny sê, an sa ku yô goso, me ri turu demanda sê. ⁵ Ma non bi Masedônha, ogê non na tē sosegu wha. punda kua é, fô tometaru ri turu mora: demanda ny exterior tleme ny letu. ⁶ Mazi Dêssu, kaluma dizanimu, kaluma ku siga Titu. ⁷ Na sa punda bô bi wha ku Dêssu kaluma non, mazi sô ra kaluma ku ê tua ri sê. Ê konta non ri meme afison sê, pesa sê pekupason sê fundu ra an, punda kua é nga sa ku goso masi anda. ⁸ Mora é mé ma kata un ta ku leva, na ka lependê rê wha, ma an ta lependê ma an bi kuê desa sê ku leva anda ra whã ola é sô. ⁹ Whêlemé an sa goso, na punda ta ku leva wha mazi punda leva sê bi ku sê ba lependê. Sê pova whã tisteza segundu Dêssu, anto na sofe pende né whã punda non wha. ¹⁰ Punda tisteza divinu ka bi ku lependê ku ra savason sê kupa, tisteza ri mundu, sô kabi ku motxi. ¹¹ Bi ku meme manda tisteza si é segundu Dêssu ku klese ny sê. Kua meme sa mandá sê pa pova nôsêntxi sê. Kua me me sa dignason sê, temé, vonté, zela, ku disizon dy pia zustisa sa ziru! Ny turu pova sa nosêntxi ny kua é. ¹² Ma an ta sisikaru, na sisika punda ngê mau, né punda nkênu ku padisê mali, mazi pa non fa veré ku non mé fô konseru ra sê whê Dessu. ¹³ Punda kua é, non sa ku koraji. Punda popi ku buaru non, non ka sa goso masi anda ra goso ri Titu, punda supitu ô fo renovarar ra turu sê. ¹⁴ Sô sa ku ôgulhu sê whê rê na fô vegonharu wha, ra ôto, mora ma turu kua ma fa sa veré, ôgulhu non ri sê Titu sa veré. ¹⁵ Afison rê ra sê sa meme, djira kuê é ka lembra ri kundji ri turu sê ri mora lesebe ku teme tetete. ¹⁶ An sa ku goso punda punda ntê kunfiasa kumpletu ny sê.

Chapter 8

¹ Non mesê pa ane ná mon ka ta gasa Dêssu ra ngeza Masidonha. ² Ku yô aflison, ri yô goso sô ku pobli ma ane sa bi ra yô likesa ma ane ta kuê ri patxi. ³ Punda nga ra seseminha ma ane ra masi motxi rokê ma ane ka poi masi rokê yê ri vonté ane. ⁴ Ane loganón pa ane ka tē meu zi suvisu é ku ane klente. ⁵ Kuaé na ra mora ma non ta ka whara whã, ra kuaé ane ra Sun êlê pumbelu, sô ra non ku vonté Dêssu. ⁶ Sô non loga Titu, ku ta komesa suvisu é pa é ka kompleta kuaé ku vonté katxi sê. ⁷ Sô, sê tē turu kua: ku afé, ku lumba, ku kua ma sê ta, ku vavana ku amolê sê ra non, asyé sê sa setu ma sê turu ka sa siaru ku suvisu é buaru. ⁸ Na sê ka ra sê odji ra kuaé whã, mazi ri povô amolê sê setu, ka mindji ku vonté ôto nkênu. ⁹ Punda sê ta gasa Sun Jizu Kistu ku pô ka sa liku pa sê sa buaru é pa sa bila pobli, pa ra pobli Rê sê ka bila liku. ¹⁰ Ra kuaé, nga ra sê whã konsê ku ka zura sê. Whã anu mé ma sê na komesa zi kua sô wha, mazi sê ta mesê zié. ¹¹ Ayé kopity. Mora ma sê ta ku penhu zié naria, ma sê turu ka kopeté, mora ma sê ka poi. ¹² Punda sê tē penhu zi suvisu é, sa buaru, sô a ka kundji. Mazi ri mora ma ka ra whã tē, ne mora ma é na tē wha. ¹³ Punda suvisu é na sa suvisu pa ôto ndja pa sê ka sa taba wha, mazi whã nzira é mé. ¹⁴ Tempu ma sê ka tē masi ayé ka zura kua ma ane ka mesê. pa masê tempu ane turu ka zura sê ku turu kua ma sê ka mesê, pa é sa whã ndjira. ¹⁵ Mora ma é sa sisikaru: nkênu ku ta kuaé motxi na soveza netxo wha, nkênu ku ta kuaé txo sô na fata wha. ¹⁶ Mzi gasa ra Dêssu, ku pê letu koson Titu vonté ma ntê ku sê. ¹⁷ Punda é na kundji kua ma non fé sô wha, mazi é ta ku vonté ra kuaé, bé atê kota sê ku turu vonté. ¹⁸ Non manda na mon kuê katxi turu ngeza ku ta gogô ku suvisu rê ri whanga Vangelhu. ¹⁹ Na sa kua é sô wha, mazi ngeza musé turu pa é zi viaji ku non sô kupi suvisu non ku vonté, ra goia Sun sô musa mpenhu ku zura non. ²⁰ Non mesê vita tempu ma nkênu ka sê ngo ri buaru ma non sa ku suvisu. ²¹ Non sê ka biri whê ri zi kua buaru, ma é na sa whê Sun sô wha mazi whê nkênu turu. ²² Sô ku ane turu non vita ôto na mon. Non papê fogo whã, sô non bê ma é sa ku yô suvisu. Ayé é sa, ku ma sê kuiraru ku vonté punda masi kufiasa ma é tē ku sê. ²³ Ra Titu, é sa melu un ku suvisu ra bê sê. Ra ane na amon non, ngeza manda ane, punda Kistu gogo kuê. ²⁴ Sô musé amolê sê, sô musa ngeza ra kua y ma non pê whê riba sê.

Chapter 9

¹ Ma ka fa ri ministerio ra klente na pisiza sisiké ra sê wha. ² Un ta vonté sê ku ane ma nga pê whê riba pôvô Maseronha. Un fa ane ma Akaia ta ka luma na anu pasaru vonté sê ra masi lazon ra masi motxi ane. ³ Manda ane ná amon pa vonté ma non tē ku sê na sa sê lazon sô pa sê ka sa pontu, mora ma nfa pa sê ka ta whã. ⁴ Ôto mora sê ôto nkênu Masironha ka bé ku an sô ka bê sê luma, non, pa non na fa sê whã non ka sa ku vegonha punda non kufia sê foga wha. ⁵ Sô un pesa ma non toka kovesa ane ná mon pa ane bi atê kona sê pa ane luma kua ma sê pometê ku vonté. Ê sa pa é ka sa ziru ku bensa sê obligason. ⁶ Kua é sa mora é: nkênu si ku kuna pokô ka koyê pokô, sô nkênu ku ka kuna ku vonté ra bensa turu ka koyê besa. ⁷ Ma kara nkênu kara kua ma é pesa koso rê. Ne ku leva ô kanharu whã, punda Dêssu ka gogô ku nkênu ku ka ra ku ngoso. ⁸ Dêssu sa kapazi dy zi turu besa mutipikaru pa sê, pa sempli, ny turu kua, tē turu kua ma sê pisiza, pa axé non ka poi mutipika turu obla buaru. ⁹ Mora é ta sisikaru: Patxi likeza rê é da plobi, zustisa rê ka ta atê atê. ¹⁰ Nkênu ku da xemetxi ximiarô y pôn pa alimenta turu supi dji é sa yô ximetxi sê pa ximiarô ka sa yô kolheta ra zustisa sê. ¹¹ Sê ka sa liku ri turu moru pa ka sa buaru, y kuê é ka sa rezutaru ra ason ri gasa Dêssu punda non. ¹² Punda ane nkênu zunta na ka kundji nesesirari ri Santu sô, mazi sô lila yô ason ri gasa Dêssu. ¹³ Sô ma sa mindjiru buaru ra suvisu é, sô ta ku gostô ku Dêssu ra kundji ku ma non kofesa dy Vangelhu ri Kistu ra bô koson doason sê ri ane turu. ¹⁴ Ane ny seia ka fa lason ra sê, punda bô, gasa ri Dêssu ku ta ku sê. ¹⁵ Gsa Dêssu ra sebe sê buaru.

Chapter 10

¹ An, Paulu nga loga sê, ra pesensa pena ri Kistu, an ku sa mansu ri whê sê, mazi uzaru ku sê sô masi lonji, ² Nga pindji sê ku, ma nga sa whê sê, na pizisa sa uzaru ku masi kunfia. Mazi nga pindji ku sê tê ki sa uzaru ma an kapô ma ku non sa ka vivê mora kani. ³ Mora é mé ku nda ny kani, milita mo ri seta ku kani, ⁴ Punda pingêra ku non luta kuê na sa kani wha, masi tê porê divinu pa dana fosa, kua mali ku argumentu nganaru. ⁵ Non turu dana kuali keru kua ativu ku ka lata kontli selve ri Dêssu, non ka bê ku pesu turu pensamentu ku kundji ri Kistu. ⁶ Non sa pepara pa non tê turu mali ri ôria dizu, ta whêlêmê kundji sê sa setu. ⁷ Pia kua ku sa klalu ny whê sê. Sy nkênu si ku ta konvêsiro ku sa ri Kistu, lembla êlê me ri ku, ra mora é mé ku sa ri Kistu, asié ma non sa. ⁸ Mora é mé ku an ma sa ku whê sia ntso masi ra fa ku fosa non, kua ma Sun nda pa zi sê buaru y na pa dana sê wha, na né pa zi sê vegonha. ⁹ An na mesê pa sê ku ta kundji ku kata un. ¹⁰ Punda whã whã ane ka fa: turu kata rê sa é ka sa alê tia, mazi ongê rê sa flaku, y fa rê na sa buaru pa nkênu ndê wha. ¹¹ Nkênu si za kapô ndê ku ma non sa ny lumba ri kata non, ma non ta londji, é sa pa non sa ny ason ma non sa ingê. ¹² Na siga petu ri ka gaba non ô mindji non ku nkênu si ku ka kata ra é mé mazi, ma ka mindji axé a ka mindji ku whã whã, na ntê wha. ¹³ Non, sô, na goia motxiru wha, mazi non zi sô ndjira ku Dêssu manda, kuali ma ka tua. ¹⁴ Punda na sêdy ma tua, fô pimelu non tua ku Vangelhu ri Kistu. ¹⁵ Non na goia motxiru wha, non taba alêyu, ra otô mora, whara ku, sô afê sê ka klesê, nseke taba non si supanda, letu ri ndji ri zi kua é. ¹⁶ Non whara ra kua é, pa non pô pega Vangelhu nga é mé punda ra sê. Non na ka goia whã ri taba ziru ny nseke ri otô. ¹⁷ Mazi nkênu ku ka ra goia, goia ny Sun. ¹⁸ Punda na sa kua ma manda bô mé ku sa buaru, mazi nkênu si ma Sun manda.

Chapter 11

¹ Nta mesê pa sê ka guêta un ku whã whã kua ma nga zi, sô mora ma sê ka nguêta! ² Punda nga pisiza sê mora ma Dêssu ka mesê, punda an pomete sê kazamentu pa sê ka musa mora whã megay kazaru ma ome rê sa Kistu. ³ Mazi nga mendo punda, mora kiongô ngana Eva ku supetêza rê, ma sê ka kunda ry whã mora ry zi kua buaru ku vontá ra Kistu. ⁴ Punda sy nkênu by sô fa ry Jizu otô mora ysy ma non ka plega, ô sy sê tua whã otô supitu otô mora ma sê tua za, ô whã vagelhu ry otô mora ma sê ta kundji za, ane kuê é na ligé wha! ⁵ Punda nga pia ma na sa tazaru ra ane fa wha. Superapostulu. ⁶ Mazi apô na sina lumba mora é wha, a sina un ta kua. Ku turu mora non zi sê ta kua é. ⁷ Sô un zi pekaru, pa un baxa pa sê boywha! Punda un prega vagelhu Dêssu ra sê ngasa. ⁸ Nzeta lêlu otô ngeza, pa mpô sivy sê. ⁹ Ola nta ku sê sô ka pa sa nsirary, na dema mewha nkênu wha, punda ane ná mon non ku by fô Maseronha zura un ku ka ma ta mesê. Ku turu kua é nvita dema ra sê, sô nga tô nvita. ¹⁰ Ku verê Klistu ku sa ku un na ka ta sê gaba kua é tia Akaia wha. ¹¹ Sô ra kua ra kua y! Punda na ka ama sê wha! Dêssu ta ma nga ama. ¹² Mazi kua ma nga zi nga sê ka zié, pa mura tempu ane ngê ku ka mesê gaba: ma ane sê ka zi ka ma ane sê ka zi. ¹³ Punda ane ngê é sa fasu apostulu ku tabaru ku ka gana ngê, ka findji ma ane sa apostulu Klistu. ¹⁴ Sô kua é na si é wha punda atê popli demono ka findji sa kandja. ¹⁵ Ê sa aiwe ma ane na kia rê turu ka findji sa ná kia zustisa, ane toka kua ma ane sê ka zi. ¹⁶ Nga tô fa: né whã nkênu na ka kunda nsa dodô wha. mazi sy sê ka kunda ma sa dodô, tua un mora whã dodô sô asyé sê ka pô gaba un txó. ¹⁷ Kua ma sê ka fa na sa kiba Sun wha, mazi nga fa mora whã dodô, ka kunfia ry gaba un. ¹⁸ Ma yô nkênu ka gaba ku kany, an turu ka gaba. ¹⁹ Punda sê ku bon vonté tonera ane doru, ma sê mé ta kua za. ²⁰ Punda sê guêta ma nkênu pê sê kosi mon ane, ka papa sê tô dispeza sê, ka tô sia pê riba sê, sô tô ra sê suru poló. ²¹ Ra vegonha non, nga fa ma non siê levê. Nkênu pô sê ka ngaba, nga fa mora whã doru, an turu ka sê ka gaba. ²² Ane sa hebreu! An turu sa. Ane sa israelita! An turu sa. ²³ Ane sa sevu Kistu! nga fa mora doru, an sa yô. un taba foga wha, nta pezu masi, un tua sikotxi motxi foga wha sô un pasa pigu motxi foga wha. ²⁴ Ane zurê beta un tanó vê kuarenta sikotxi menu whã. ²⁵ An tua pakara tesi vê ku valapô. A rân ku buru whã vê. Tesi un siê ku vapô un pasa whã nsuku sô whã ria ku mionga biriru. ²⁶ nta pa parisê turu ola, ku pigu ôyô, ku ladron, ku pigu by fô povô un plopi ku ane zurê, ku pigu poson, letu matu ny mioga, sô ku pigu ane fasu ná nón. ²⁷ Nta ka taba tapayaru foga wha, na ta ka rumi nsuku wha, ku fomi sô ku seeri, nta ka sa ny jinzu turu ola, ku fiô sô unu. ²⁸ Sô ku turu kua é, whã txufu ta ka ra un turu ria ma an ta ka vugu ra turu ngeza. ²⁹ Xy nkênu sa flaku, an na ka sa flaku wha! Xi a bé ku nkênu pa é kiê, na ka ta satiaru wha. ³⁰ Xi nga pô gaba, an ngaba ny flakeza un. ³¹ Dêssu sa Tata dy Sun Jizu. Nkênu ma ka ngogo ayê atê ta ma na sê ka siriga wha. ³² Ny Damasku govenaru ku sa konsi oji alê Areta ta ka zogo poson pa a manha un. ³³ Mazi a tuka ku an lêtu whã zogé ny whã zanela ny mulu, sô un skapa mon ane.

Chapter 12

¹ Nga pô gaba, mazi é na valê wha. Anto nga pô fa kua bê sô ta dy Sun. ² Un ta whã ome ku Kistu, ma ku katôzê anu mema, ma adjié bê kua é masi diba osé si é sa ku ongê ô ku supitu na ta wha, Dêssu sô ta. ³ Sô un ta ma ome é - si é sa ku ongê ô ku supitu na ta wha, Dêssu sô ta. ⁴ A digié bê kuê osé, sô a ndê kua buaru pa nkênu fa. ⁵ Ra ome é nga pô ngaba, mazi ra un na ka ngaba wha, punda fakeza un. ⁶ Si nga mesê ngaba, é na ka sa malokô wha, punda nga seka fa verê, mazi na ka ngaba wha, pa nkênu na pesa dy un masi doke kua ma bê ô kua ma ndê dy un. ⁷ Na ka fô nga ba punda kua foga ma a bê wha. Sô pa na ngaba pasa wha, a rân whã pinha kany ma whã na lekaru demono bi tometa un pa na nha whê whã. ⁸ Tesi vê ma mpindji Sun ra kua é, pa é ka pô txié fô ongê un. ⁹ Sô Ê fa: ngôgô ra ô, punda porê ka musa ny fakêza. Sô, posi ngaba ny fakêza pa porê Kistu ta ku an. ¹⁰ Ra kua é, nsaku ngosô ku fakêza un, ku keta, ku remanda ku pusigi, sô dizaste, punda Kistu. punda ola un sa faku, sa nsaku fosa. ¹¹ Mbila malokô! Sê ra un fosa ra kua é, punda sê toka ka zura an mpô na ka

valê pa a sama un apostulu ngai wha, mpô na ka sa né whã kua wha. ¹² Neka veré ri un apostulu sê zié katxi sê ku turu paxensa, sinali, kua buaru ku milagi. ¹³ Sô ma sê na valê masi rokê ôto ngeza wha, ma na sa whã kega ra sê wha! pora un ra mali é! ¹⁴ Un sa plotu pa mbila ra sê zi tesi vê nigi. Na sa whã kega ra sê wha, punda na mesê kua sê wha, mesê ra sê ôto punda ane na toka lokê likeza ra tata wha, mazi tata ka lokê ra ane ná. ¹⁵ Nga gasta kua ma te ku goso sô nga desa gasté ra alima sê si nga ama sê masi, ma sê ka ama un txo sô! ¹⁶ Mora é na ka pê kega riba sê wha, mazi ma sa whê riba, ngana pê sê pezu. ¹⁷ Sô papa sê ra nkênu ma un manda! ¹⁸ Un loga Titu pa è ba lèlê, sô manda ôto ná amon kuê. Sô Titu papa sê! Nô na ka nda ku whã Supitu é mé a! Non na kara whã pasu é mé a! ¹⁹ Sê kunda na turu tempu é non ta ka defendê whê sê! Whê Dêssu, non ta ka fa turu kua é ri zura sê. ²⁰ Punda nga mendu, ma ola nga bi, na ka bê sê mora ma un mesê, sô sê na ka bê un mora ma sê mesê wha. nga mendu pa remanda, whê sia, ôdjo, ambison, leva, vugu ku ôto, fa motxi, luxu, zi ku sô, whagaru. ²¹ Nga mendu ma, ola nga bi, Dêssu un ka sosega un whê sê, sô katxi nga tô fa ra yô ane nkênu si ku ta zi pekaru, sô na lependê ri suzu, ri ta ku ôto atô wha ku manha ma ane ka sa né.

Chapter 13

¹ Yxié sa tesi vê ma an nga bé atê sê. Turu kuzason ka sa lozoviru ra lumba ri dosu, tesi sesemunhu. ² An fa za pa nkênu ku zi mali nanana pa turu demai, ma nga sa ku sê ra segundu vê, nga fa dingi ola ma nga bi dingi, na ka pora sê wha. ³ An nga fa sê kua é punda sa ngolo mora ma Kistu ta fa punda an. Ê na flaku ku sê wha. Ôto mora, Ê buaru ku sê. ⁴ Sô a pê, kusu ra flaku, mazi ta vivu ra porê ri Dêssu. Sô non puzê sa faku Né, mazi non ka vivê ku Ê ra porê Dêssu ku sê. ⁵ Pia sê mé pa ta si sê sa ny afé. Plova sê mé. Na ta ma Jizu Kistu ta ku sê! Na ta ma za ta sumbaru za wha. ⁶ An pa na kufia ma kunse ku na sa sumbaru wha. ⁷ Fa lason ra Dêssu pa na zi mali wha. Na fa lason pa non na kô sumbaru wha. Punda kua sié, fa lason pa zi kua buaru, ma ta katxi non fô sumbaru ny testi. ⁸ Sô na poi zi kua é wha kontre veré, mazi non ka poi fa veré. ⁹ Sô non sa ku goso ma nó sa flaku y sê sa ku fosa. Non turu fa lason pa ka sa buaru. ¹⁰ Nga sisika kuê é sô ta londji i sê, pa nga, sa ku sê, na pisiza si liba ku rigor ri uzu fa ku fosa un, kali ku Sun da un, pa an ka zi sê buaru, na pa zi sê mali wha. ¹¹ Ola whô, ná amon, an sa ku goso. Taba pa sa buaru, sa ku koson, kundji whã ôto, vivê ny pazi. Ku Dêssu ku amolê pazi ka sa ku sê. ¹² Nga fa sê matxa whã ôto ku whã bejinho santu. ¹³ Turu Santu ka fa sê matxa. ¹⁴ Ku gasa dy Sun Jizu Kistu, amolê dy Dêssu, sa zuntaru ku Supitu Santu ka sa ku turu sê.

Galatians

Chapter 1

¹ Paulu, un wa apóstulu - na sa un wa apóstulu di patxi ome, ne nê un ome wa, magi punda Jizu Kristu i punda Desu, Tata, ku lata motxi -, ² i turu manu ku aun, ngueza Galácia: ³ Glasa y pagi da sê, di patxi Desu Tata y di Sun non Jizu Kristu, ⁴ ku ê da non punda pekaru non pê livra ni tempu xie di demônô, ku vonté Desu y Tata. ⁵ Ê ta ka turu glória pa sempe y sempe. Amé. ⁶ Un sa pantaru ku seé sa muda seru fogawa pa ôto Ivangelhu, zeta ungue ku sama seé ni glasa Kristu. ⁷ Ê na tô tê ôto Ivangelhu, magi ê tê nguê ku ka ngolo fintxi ra sê, me sê dana ivangelhu Kristu. ⁸ Magi, ê pô sa non, ô un anju ku bi onsé ka bi fara un ua Ivangelhu ôto mora di isé ku non ka faiva ma ka pindji paga ré. ⁹ Ma non fa naria, sô nga fa di non si ôto nguê fa un an ôto ivangelhu ku sê kundji. Sê ka pindi paga ré. ¹⁰ Aié, un mesê aseitason di omé ô di Desu? Ô un ka ngolo dji vonté ome? Xi sê ka tenta dji vonté omé na sa sevidouru Kristu wa. ¹¹ Punda un mesê pa ta ua manu, ku Ivangelhu ku fa na sa kua omewa (gina komesu di ome). ¹² Na tué di ome uwa, ane na xina wa, mazi, di vègi kué, a danbele punda Jizu Kristu. ¹³ Sê ndê lumba di vira un antigi ni judaísmu, mora ma ta persegui ngueza di Desu ku yô fosa. ¹⁴ Un vansa ni judaísmu mazi ku yô judeu anu anu, an sa montxi zwlozu fogawa ne traison di ane zina uw. ¹⁵ Mazi, ola Desu ki gôgô kua un na lega mama un é sama un ni glória ré. ¹⁶ Pa musa na Rêni un, pa fa katxi zintxi, Aun na kosultá nê kani nê sangue, ¹⁷ Na ba Jerusalén ane ki tava apóstulu antji un, magi un veji di kué un ba Arábia é tô bila ba Damasku. ¹⁸ A ntô, tési abu bauê, banda Jerusalén ba lèlê Cefas un ta kué kuin tanô ria. ¹⁹ Magi na bê nê ua ôto apostulu, sela Tiagu, namo Sun. ²⁰ Kua nga screvê da sê, sa setu, ni wuê Desu, ki aun na sa xirigawa. ²¹ Zô aun bé region di Siria ku Cilícia. ²² An na ta konsêru inguê ni nguesa Judia ki tava ni Kristu, ²³ Maji ane ta ndê: "Ixi ki naria ta persegui non aié sê ka fa ni fé ku é ngolo dana". ²⁴ Ane glorifika Desu punda un.

Chapter 2

¹ Sô, ola endó kiné kuana ano, zó un zo an tô ba Jeruzalém ku Bernabé, bé ku Titu ku an un turu. ² Un bé punda kua mambê, sô un fa da onsé envangelhu nansê ka lumba katxi ndinxi. Un fa kondeiro da ané guêxi ku ka ta ki maxi vonté, pan ta setu ma na sa koleuwa, ô nsêka kolê dudi. ³ Mazi né Titu ku ta kua un, ku sa grego, sa mandaru pê sá sirkunsidadu. ⁴ Demanda da puna ane fasu ná mó Ki bé konderu pa ine zongo liberari ma nón tê ni Kristo Jizu. Ané ta ka meseê pá no tô letxa ni eskraivon. ⁵ Maji, non na letxa koxi ané wua, ne ola xié pa veré envagelhu, pê sa rê mora é mé da sê. ⁶ Ané ixi ku fá ma ané sa sefi, ané na zura un né txo. Kuma sefi ané na liga unwa. Dêssu na ka dji jugamentu ka pia poló wa. ⁷ Atô mora ané pia ma tia mandaru ba lumba envangelho dá ané insirkusizu, ⁸ sô ku Dêssu ku mura Peru pê sá apostulu ané ku sa sirkunsidadu. Ê té mura vira un di dji suviso ku zintxi. ⁹ Ola Tiago, Sefai Zón, ane sa konsêru mora ané ngudji nguêza, ane bê glasa ku a dáun, ane sendê mon letu, di bondari da un ku Barnabé. Ané zi kué é, é, pan mon ba lèlê ané zintxi, pa

ane ba zunta ku ané nkênu ku tava sirkunsidadu.¹⁰ Ané turu ta mesê pa ka lemba pobli. An turu tava ku gosto fogaua pagi kuê.¹¹ Sô, ola Sefa bi Antiokia, un pufia ku ané fogaua, punda ané na ta sétuwa.¹² Antigi pa ané bi otô homé di patxi Tiagu, Cefa ka ta mé zuntaru ku zintxi. Mazi, ola ma ané homé bi, ê bê rê i ta longi zintxi punda omé tinha mendu nguê ta ka pindji sirkunsizón.¹³ Sô, oto Judeu zunta ku Cefa ni sirigué. Ê da kua até Bernabé turu da odia ni siriga ané.¹⁴ Ola man bê ma ané na se ka lelê veré envagelhu wua, un lumba ki Sefa katxi turu nguê: Si sê sa Judeu magi kagi kua mora zintxi i na mora Judeu má sê ka pô obiga ané vivê mora zurê.¹⁵ Nón, ku sa Judeu nasiru i na sa pekaru zintxi,¹⁶ nón ta ma niuã nkênu na sa zustu ni kua ma Alê ka zi mazi punda fé ni Kristu Jizu. Nón bi ni afé de Kristu pa nó sa justu ni afé Né, punda ê na sa né kua ma Alê ka zi wua. Punda si ê sa pa Alê sô néunwa kane ka sa justifikaru.¹⁷ Mazi, nó ka zi kua pa nó sa zustu ni Kristu, punda nó bê ma nó sa pekarô, axié Kristu ka tô bila ministru pekarô! Ê na sa seto wa!¹⁸ Si ingazi kua si maun бага за, sa punda ê sê ka бага Алê tá.¹⁹ Un, ta ni wê de Alê muê da Alê npa un vivê da Dêssu.²⁰ Apê un kusu ku Kristu, sô na ka tô vevia da un wua, mazi Kristu ka vivê letu un. Aié vira ma nga vivê ni kane, nga vivê ni fé ku Ná Dêssu, ku ka gôgô ku an un, ku da vira rê da un.²¹ Na ka pô nega glasa Dêssu, punda sê justifikason ka sai punda Alê, Anton Kristu moê rê dudi.

Chapter 3

¹ Galata dôdô, nkênu kutxi ku zi kua ra ô? Bô na ta ku jisu cristu ku vivê wê mé? ² Mê sê ta kuê di sê: Sê tua supitu de alê sê? Mê sê ta kuê di sê: Sê tua supitu de alê ô sê sêka kêlê ni kua ma sê ndê? ³ Sê sa dôrô a xié? Sê ku mê sê ku supitu sê ki lôké ku kani? ⁴ Sê na ri sê turu kuê dudi? Vêrê keé na valê wa! ⁵ Nkenu xi ka da se sê supitu ka zi turu kua ku pôrê katxi sê ka zi kée punda alê ô punda kua ma sê ndê ku afé. Kua é ê ka kêlêpunda justisa. ⁶ Mora Abron kêlê Desu, é zi kuêé ku justisa. ⁷ Sê ta ma turu nkenu ku ka kêlê sa mora Abron. ⁸ Kua sisika kuê xia a sié ma Desu sa ma Desu ka zi jugamentu ku zintxi ku afé, mora é mé, é fa kuê da Abron fa : Punda ô turu tia ka sa ku bensa. ⁹ Turu nkenu ku sa de afé sa ku bensa mora Abron, omé afé. ¹⁰ Punda turu nkênu ku ka kunfia ni Alê sa koxi mali, punda é sa sisikaru: Turu nkenu ku na ka zi kua ma alê ka manda wa sa kosi mali. ¹¹ Aié é sa clalu ma Desu na ka zi zugamentu punda alê wa; Punda zustu ka vevia ni afé. ¹² Alê na sa de afé wa , mazi , da kua é nkenu xi ku ka zi kua ma Alê ka manda, ka vevia né. ¹³ Jisu kopua ô ni madison alê, pa sa madisuadu da nom , punda é sa sisikaru: Nkenu ka sa nhegaru sô sa mali. ¹⁴ Di mora ma bensa Abron ka pô bi da zintxi ni kistu jizu de mora, punda afé nom ka pô tua kua ma supitu ka ra nom. ¹⁵ Manu, nga fa mora ome . Ê po sa turu ome , newã nkenu na ka muré né ome té wapunda afé ni alê. ¹⁶ Aié a fa Abron , êlê ku ané nkenu rê tia rê Ana té da ane nkenu tia rêwa. Mazi da turu ané. Whon ané ku sa ni kistu. Xi sê ka lera kua ma alê maura, anto é na bi ma Desu pometê wa, punda Desu da Abron eransa ni nan pomesa. ¹⁷ Aié, kua ga fa: sa Iê: Alê, bi kwana centu, ku tési kuiné anu mema, sô é na desa lekaru ma Desu fa wa . ¹⁸ Punda xi likeza bi punda Alê, antó é na ka bi pomesa wa. Punda Desu da Ablon likezaplovía wã pomesa. ¹⁹ Antó kuali kua sa popozitu de Alê? Antó a tô pê punda lasa Ablon ka bi da ane nkenu xi ma likeza ta ziru da, anzu da wã meria dô. ²⁰ Mazi wã mediadô ka tô nê da maxi rokê wã nkenu: A siê Desu sa wã. ²¹ Antó, alê sa ôtô mora da kua ma Desu fa? Netxo! Punda xi a ka da wã alê é ka sa kapazi da vira, justisa ka bi punda alê. ²² Magi kua ku sa sisikaru ka sa pezu turu kua kosi pekaru. Sô Desu zié lokê da pomesa savason ka sa punda afé ni jizu a ka ré ra ane nkenu ku ka kêlê. ²³ Maji antiji ma afé ni kistu ka bi, non ta pezu manharu kosi alê antê a ka bi fa de afé. ²⁴ Antó alê tapaia non antê ma kistu ka bi , pa non ka pô sa zustu punda afé. ²⁵ Aié kuai ma afé bi, non na tô sa tapaiaru wa. ²⁶ Punda turu sê sa na Desu punda kistu jizu. ²⁷ Turu sê ku sa batizaru ni kistu tô bisi di kistu. ²⁸ Ê na tê zurê né glêgu né na kia né livi né ome né mengai ; turu sê sa wã ni kistu jizu. ²⁹ Xi sê sa di kistu antó sê sa lasa Ablon, ku ka lera pomesa.

Chapter 4

¹ Nga fa ma nguê ka leda sa anzu, é pô sa dono de turu kua é sa servo. ² Magi é tê nguê diba rê até tempo xi ma tata rê ka bi. ³ Axié sa non, ala ma non ta na pikina, non ta manharu basu mon nguê xi ta ka leda tia. ⁴ Magi ola mê ndu ria cetu, Desu manda na rê ku nancê ri mengai, ni basu alê, ⁵ pê txia turu nguê ku ta koxi alê, pa non pô tua nome mora na. ⁶ Punda sê sa na, Desu manda supitu de na rê pê côsô non, ki nguita "Aba Tata". ⁷ Punda bô na tô sa escravo wa, magi wã na. Xi bô sa na , aié bô ka lêda punda Desu. ⁸ Ala bô na ta konsê Desu wa, bô ta ka xivi ôtô kua ku na sa Desu wa. ⁹ Magi aié, bô consê Desu, magi dô kê ixi é Desu consê ô, da kuai sê bila flaku, demaru ku kua de mundu, sê tô mêsê sa eskravi dingui? ^{10 11} Sê sê ka lokê ria, mêji, tempo ku anu. Aun nga mendu sê, pê na bi da kua ma un sê ka taba da sê sô wa. ¹² Nga loga sê, áne lumó un, pa sê sa môra aun, an un té ka sa mora sê. Newã male sê na dji wa. ¹³ Sê ta man ta duêtxi ala xi ma bé ba fa sê evangelho pimelu vê. ¹⁴ Sê na dji un vegonha wa, sê tua un mora wã mensageru Dêsu, mora Jesus Cristu. ¹⁵ Alegria sê ô? Punda un sê ka da sê testemunhu xi nga tê moru nga tukua sê wê tua kua un. ¹⁶ Un sa numigu sê punda un fa sê vére? ¹⁷ Áne ta ka ngolo sê, na sa da kua buaru wa; Áne mêsê бага sê ku aun, pa sê lêlê áne. ¹⁸ Maji é sa buaru pa sê vugu ku kua buaru, maji é na sa óla ma un sa katxi sê wa. ¹⁹ Áne na un, aun sa lêndê ku dôlô pari da sê dingui, antê cristu ka nansê lêtú sê. ²⁰ Vonté un sa pa un sa zuntu sê, pa un mura mora un de fa, nga gôgô ku sê. ²¹ Kundji un sê, ku mêsê sa koxi alê: Sê na ndê kua alê ka fa wa? ²² Punda é sa escreveru ma Abron ta tê dosu na: Wã de mengai escrava, ôtô de mengai ku na sa scrava wa. ²³ Ixi de escrava nansê vonté cani maji ixi ku na sa escrava wa sa de promessa. ²⁴ Ane kuê sa lumbaru mora simbulu punda áne dosu mengai é sa sa mora dosu aliãsa. Wã re sa de monte sinai, ku ka pari ane na rê escravu, ku sa Agar. ²⁵ Pia, Agar xié sa monti sinai, ni Árãbia, ku sa Jeruzalem de aié, punda é sa escravizada ku ane na rê. ²⁶ Maji Jeruzalem ku sa londê sa live; Ieié sa mama non. ²⁷ Punda é sa escreveru: Gôgô bô ku na ka pari wa; Ngita, lata de gozo bô

ku na xintxi dôlô pari wa; punda na de mengai ku a zeta sa maxi motxi dô kê ixi ku tê home.²⁸ Aié sê manu mora Izaque, sê sa na promessa.²⁹ Sô, axi mora tempo ixi ku nansê vonté cani ka kôlê mema ixi ku nansê vonté supitu, aié sa mora é mé³⁰ Kua ma lumba D |esu ka fa? Kolê ku escrava ku na rê, punda na escrava na ka léda ku na live wa.³¹ Sô, namoun, non na sa na escrava wa, maji na live.

Chapter 5

¹ Sô, ê sa pa liberdade ma Kristu dji da non aié ta firme ê na tô bila lentxa ni lêtu pekaru wa.² Pia an Paulu fa ô si ô circuncidar, Kristu na ka paga ô ua.³ An tô fa ane owên siê ku ka circunciar, ê sa obligadu kundji turu alê.⁴ Sê sa bagaru ku kristu, sê ku kungi alêza, sê na ka papa glasa ua.⁵ Sô, punda Suplitu, ku afê, non na tê sô na bê ka wada julgamentu ê.⁶ Ni Kristu Jizu nê poraru nê sê porána sa ua kua wa magi afê ma nô ka ta ba kuê ku amolê.⁷ Sê ta ka kolê buaru fogawa nguê ta zuntu sê ndê verê?⁸ Kuê na ka bi de nkeni si ku sama sê wua.⁹ Txô fomentu é sô kagi turu masa kula.¹⁰ Nga kunfia ni Sun masê na ka tobé ôtô kua wua.¹¹ Na man, sê nga fá ni pora da kuai ma sê a ka twa kanta mun?¹² Punda kuê vengonha kusu fô txindu. Mazé da turu ane ku sê ka fa sê pa sê pora nta mesê pa ane ka pora!¹³ Punda sê na non fô samado pa sê sa libre, sô sê na ka twa liberdade pê katxi pekaru wua, da kwaê ôtô ka xivi ôtô ku amolê.¹⁴ Non ka kundji turu alê Desu punda ê sô kua ma Desu fa: "gogo ku turu nguê ka sa boro ô mora bô mê au".¹⁵ Si bê komesa ka murê ô ka taia ôtô ka biri uê pa sê na nguri ôtô wa.¹⁶ Kua nga fa sê, ta ni Supitu na zi mora pekarô wa.¹⁷ Sô vonté pekarô mora da Supitu, punda Supitu na sa vonté pekaru wa, punda ane ka zê demanda ku ôtô. Bô da pa sê na zi kua ma bê mesê wa.¹⁸ Punda si Supitu ka nda ku bê, sê na sa kosi alê wa.¹⁹ So turu suvixo de pecado sa Imoralidade sexual, suzo, luxo, ane nkeni ka sivi²⁰ oto Deçu, fitiselo, golo demanda, peza, sumi, leva, odjo, numigu, disenson, divison.²¹ ue xia, bebera, siriga, mora kue. nga fa se, mora ma fa se mema ma turo ngue ku ka zi turo kue na ka lera goveno Deçu wa.²² Ma zi futo Supitu sa amole, gosto, pagi, paxensa, nkeni.²³ ku ka zi kua buaru, nkeni mansu, me ma ane kue na te ale wa.²⁴ Ngue toka Cristu Jizu pe turu pekarô ni kuçu ku turu vonté ku kua me ka mese.²⁵ Si non vive ni suplito no te ki nda ni suplito.²⁶ No na ka te ue xia ka povoka oto o ka pe ue da oto wa.

Chapter 6

¹ Si ate un ua ome ka zi male, se ku te bom koço ka lumba kue sosegaru, tua kuidado ku se me, pa bo turo na bi zi kue me wa.² Kega kega oto, so axe bo sa cumpli ale de Cristo.³ So se nkeni ka kunda me esa kua foga ne un ua kua na sa wa, e se ka ngana ele me.⁴ Kada nkeni ka zongo vira de, anton bo se ka gi luxo, se ma ka konta oto.⁵ So kada nkeni ka bi kega kega re.⁶ Kua kuale nkeni ma o ka xina lumba sela bo sa konta re de turu kua buaru da nkeni ma o se ka xina.⁷ Na ngana o ngue ce wa, a na ka zomba Deçu wa. Turu kua se ma ome ka kuna so e ka koie.⁸ So nkeni si ki ka kuna da pecaro re kue me e ka koie, magi nkeni isi ku ka kuna da Suplito ka kuie vira longo da Suplito.⁹ No na toka kansa de zi kua buaru wa, so ni tempo setu no ka kaga kue, si no na pala ku me mawa.¹⁰ Axie ola no ka poi, no ka gi kua buaru da turu nkeni, mazi da ane na mono de afe.¹¹ Se ka pia mora ma un se ka sisika ku letra ngairu ki popi mo un.¹² Nkeni si ngolo manha ni cani ka manda se pora un ua mora ma na ka bi tua konta re punda kusu Kristo.¹³ So ne ane ngue ku ka para kua kumpli ale wa, magi ane ka mese pa se pora pa a te lazo ni pe uie ni cani se.¹⁴ Me e na ka da pa pe uie, pe na sa de kusu de Sun Jizu Kristo, de mora ma mundu sa ku Sun da mu da mu e amu da mundu.¹⁵ Punda ne poraru ne se pora, sa un ua kua, magi e sa oto ngue.¹⁶ E turu ngue ki ka vive ki mora kue, ki pagi e mixikoji ka sa ki ane, e ki Israel de Deçu.¹⁷ Aie ba uie, ne un ua nkeni na ka to vugo ki un wa, punda nga kega meka de Jizu ni onge un.¹⁸ Ki glaça de Jizu Kristo ka sa ki suplito se, mano. Amem

Ephesians

Chapter 1

¹ Paulo apóstulu dy klistu Jizu, da vonté dy Dessu, a Santo dy Dessu ny Efeso, ku sa fiéli ny Klistu Jizu.² Glasa sê, paji ku kabi dy Dessu Tata non ku Sun Jizu Klisto.³ Ku Dessu Tata non Sun Jizu Klisto ka sá lovaru, ku bensua nón ku turu bensa espiritali ny nga selestiali ny Klisto.⁴ Antizi dy kriason dy mundo, Dessu koiê non ny klisto pa sa santo sê kupa ny whê rê.⁵ Dessu distina nón tô adota nón ny narê Jizu Klisto, mora bondade dy vonté rê.⁶ Adota nón ny resulta dy louvoru dy glasa gloia rê ma Ê da nón livremente ny Amado.⁷ Ny Jizu Klisto, non tê redenso ny sangue rê, peron dy pekaru, mora likeza dy glasa rê.⁸ Ê ulukua abundante glasa rê diba nón ku turu sabedoria ku entendimento.⁹ Dessu ji pa nón konsê proposito ku sa konderu ny vonté rê, dy mora Mê mesê ka zi kua buaru, ma é apresenta ny Klisto.¹⁰ Ku dji wha plano pa plenitude dy tempo, ma ka zi konvergir turu kua, ny osé mora tia, diba whã intê, Klisto.¹¹ Ny Klisto, non fô lumiado herdeiro, kowêru antiji, dy seto ku plano nkênu ku ka zi turu kua da designio vonté rê.¹² Dessu zi non herdeiro pa nó sa pimelu ka tê kunfiasa esperasa ny Klisto, dy mora ma non kapoi existi pa lova goia rê.¹³ Ny Klisto, bô ndê també lumba dy verê, Evangelho dy salvason, kêlê Né, fô selado ku Supito Santo ku tava plometiru.¹⁴ Kuali sa garantia dy heransa non, até ma nón ka tê posse kompleto rê, pa lovoru da goia rê.¹⁵ Punda kua si é, djina andê fa dy afê sê ny Sun Jizu, da amolê sê da turu povô santo dy Dessu,¹⁶ Na ndja dy agradese Dessu da sê y fa nome sê ny lason un wha.¹⁷ Aun nga fa lason da Dêssu dy Sun Jizu Klisto, Tata dy goia, ka da sê whã supito dy sebe y dy revelason ny konhesimento Rê.¹⁸ Nga fa lason pa whê dy

Chapter 2

koson sê ka sa luminaru, pa ta kuali ku sa konfiante esperansa pa kuali Ê sama sê da likêza dy goia heransa Rê entre turu povô Santo dy Dessu.¹⁹ Ny lason un, nga pindji pa sê konsê ngairu y m'mé ma porê sa ku sa ny nó ku kêlê mora obla dy meme fosa Rê.²⁰ Y sié mé sa porê ma ku Dessu opera ny Klisto ma ê ressusita ny motxi ku zié tason direta Rê ny nga selestiali,²¹ Diba dy turu ngovenô, autoridade, porê dominio y turu nome ku sa fa. Klisto na ka manda tempo ai só wha mazi també ny ixi ku sê ka bi.²² Dessu sujeta turu kua basu opé dy Klisto, y letxa ny ngeza mora inté diba turu kua.²³ Ngeza sa ôgê rê, plenitude nkenu si pleêxe turu ny turé.

Chapter 2

¹ Sô sê, ta motxi ny transgreso pekaru sê. ² Ny kuali antizi sê nda né, dy mora mondja mundo é, segundo autoridade dy ari. Yié sa supitu nkênu si ku sa opera ny ná dy tema. ³ Turu non ta antizi entre inkedulo sié, nó ta ka zi mora ma desejo dy kane nón dji vonté dy kane nón dy ntê. Nó tava pú natureza ná dy leva mora otô nkênu. ⁴ Mazi Dessu sá liku ny miserkordia, pô viata dy mémé amolê Rê ku Ê ama nón. ⁵ Sô non ta motxi ny transgresson Ê bi ku vira non zunto ku Klisti. Punda glasa ma sê salva. ⁶ Dessu ressusita non ku Ê zi non tasó zunto mé ny nga selestiale ny Klisto Jizu. ⁷ Pa tempo xi ku sê ka bi, Ê ka poi mosa non likeza motxi dy glasa Rê ku bondade rê ny Klisto Jizu. ⁸ Punda ny glasa sê sa salvo ny katxi dy afé, isié na ka bi dy sê wha é sa don dy Dessu. ⁹ Na sa dy obla, pa né whã nkênu na goia-wha. ¹⁰ Punda nón sa feitura dy Dessu, kiaru ny Klisto Jizu pa pa zi obla buaru, ixi ma Dessu planeja nanana pa non, nda né. ¹¹ Sô sê ka lembla, ma sê sá gentxi ny kane, ma ka sama, insirkunsizon da nkênu ku fô sinkunsidado ny kane ny mon homé. ¹² Tempo si za sê ta whã ngaru sê Klistu. Tava mora estrangeiro povô Israeli pová dy alinsa dy plomessa, ná tê esperansa serka dy futuro sê Dessu ny mundo. ¹³ Mazi aié ny Klisto Jizu, sê ku antizi ta longe dy Dessu, abi ku sê peto Rê ny sangue dy Klistu. ¹⁴ Punda Ê sa paji nón. Ê dji nón dosu whã sô. Ny kane Rê dana mulo dy demanda ku whãnga nón. ¹⁵ Isié sa Ê aboli alê dy mandamento y legulamento pa kia whã homé novo Né y to estabelesê pagi. ¹⁶ Klisto rekonsilia ny dosu povô ku Dessu ny whã ongê sô ny katxi kusu tô mata inimizade. ¹⁷ Jizu bi y plokama paji pa sê ku ta longe paji ra nkênu ku ta pétu. ¹⁸ Punda ny katxi Jizu, non dosu tê asesso ny Tata whã supitu sô. ¹⁹ Antó aié, sê, gentxi, ná sa estrangeiru y forasteiru. Dy veji ysié sê sa konsidado ku Santo povô dy Dessu, nón samemblo dy familia dy Dessu. ²⁰ Sê fô edifikaru ra fundamento dy maelu plofeta ku sa plopi Klistu Jizu buru ngola. ²¹ Né turu kai ka sa enkaixaru y ka da mora ngeza Sun. ²² Né també sê ka sa edifikaru zunto mora whã kai pa Dessu ny Supitu.

Chapter 3

¹ Punda kua si é an un, Paulo, sa pesu dy Klistu Jizu punda sê, gentxi. ² Aun tá ma sê ndê suvisu ma dá un dy bé ku glasa Dessu da sê. ³ Aun xikeve segundo revelason m a manifesta da un. Isié sa veré konderu dy kuali ma an un xikeve txo ny otô kata. ⁴ Ola sê ka lê sobre kué, sê sa kapazi dy entende disernimento dy veré é konderu ny Klistu. ⁵ Ny, oto gerason, vere é na fô manifestaru da ná dy omé wha, mazi aié, ê té sa revelaru ny Supitu konsagraru Rê melu y plofeta. ⁶ Veré é konderu sa pa gentxi tuzé sa herdeiro memblu dy ônge. Ané sa partisipante ny plomessa ny Klistu Jizu, ny katxi Evangelho. ⁷ Punda kua si é é zi aun whã servu dy vangelho da don da glasa Dessu, ma ra un ra obla porê Rê. ⁸ Dessu daun dom sié, anun pôsa txoórôro dy turu Santu, pa aun plokama da gentxi vangelho insodavel likeza Klistu. ⁹ Dom dy Dessu lumina aun turu misterio ku fô konderu ná dy sékulo ny passaru dy Dessu, ku kria turu kua. ¹⁰ Dy mora aié ra ngeza, plinsipadu potestady ny nga selestiali bi konsê multiforme sebi dy Dessu. ¹¹ Kué é ra segndo eteno, ploposito ku Ê kumpli ny Klistu Jizu, Sun nón. ¹² Da kué nón tê osaria y asessu ku konfiasa, punda afé nón Né. ¹³ Punda aun ka pindji sê pa na fika sê koragem ny sofrimento un da sê, kuali sa goia sê. ¹⁴ Punda kua si é, aun ka pê un puna só da Tata un, ¹⁵ dy kuali kara familia ny onsê, ku tia ka tua nome Rê. ¹⁶ Nga fa lasó pa Ê konsedê sê segundo likeza dy goia rê, ku ka sa ku fosa ku pôrê, dy Supitu Rê ku sa ny sê. ¹⁷ Nga fa lason da Klistu pa é, vivê ny koso sê ku afé, pa sê tê leji y sa alisersaru ny amolê rê. ¹⁸ Nga fa lason pa tê intendimentu ku turu klente, kuali largura, komplimentu y altura profundidade ny amolê dy Klistu. ¹⁹ Nga fa lason pa sê konsê amolê dy Klisto, ku xia dy sêbê, pê sa plexiru ku turu plenitude dy Dessu. ²⁰ Nga fa lason, nkênu ku sa kapazi dy ndji turu kua infinitivamente alem dy kua ma non pindji pensa segundo pôrê rê ku ka opera ny nón. ²¹ Ê ka sa goia ny ngeza ny Klistu Jizu da turu gelason, pa turu simple. Amém.

Chapter 4

¹ Aun, sa mora pezu ny Sun, nga pindji sê ku favolo nda dy mora buaru dy samaru ma sê lesebê. ² Ka vivê ku mémé humildade, mansidão y paxesa, kundji whã ku otô ny amolê. ³ Dji kua buaru dy sê pa mantê unidade dy Supitu ny vinkulo dy pazi. ⁴ Existe whã ongê y whã Supitu, axé mora ma sê fô samaru ny whã expetativa dy konfiansa smaru sê. ⁵ Ê tê uan Desu, whã afé whã butizimo sô, ⁶ y whã Dessu y Tata dy turé. Ê sa diba turu ny katxi dy turu nkênu. ⁷ Pa ka ra whã dy nón fô daru whã dom dy akordo ku midjira dy dom dy Klistu. ⁸ Moara xikitura ka fa: Ola Ê subi diba londê, bé ku kativo, kativeru y da dons ane nkênu. ⁹ Kual signifikaru dy (Ê subi,) Ê tuze dese ba kosi dy tia. ¹⁰ nkenu ku dese é mé tô subi buaru diba dy tury nkênu ny onse, pleenxe turu kua. ¹¹ Klistu da aun pa sa apostulo, plofeta, evangelista otô mora pastoru y mese. ¹² Ê da suviso pa whã glupu Santo povô rê pa desempenha suvisu Rê, pa edifikasó dy onge dy Klistu. ¹³ Ê kontinua edifikaru onge rê até ma turu nón ka alkansa unidade dy afé ny konhesimento dy Dessu até ma nón ka bila boboru mora nkênu ku alkansa plena estatura dy Klistu. ¹⁴ Fin dy nón na sa dinge mora nápikina ku sa zugaru ba méma wha pa whê dy

basa, ma ventu dy xina ka be kue da truki nkênu ny eskima ardilosu.¹⁵ Turu kua é, fa veré ny amolê, nón ta ka lata ny turu mondja ny dereson rê, ku nte Klistu.¹⁶ Klistu edifika turu onge, kuali sa zuntu uniru da zura ligaru, y, sô kara kiba suvisu zunto ka taba ié ka zi onguê klese edifika êlê mé ny amole.¹⁷ Sô aun ka fa, nga tema ku kua é, ny Sun: ma sê na ka vivê mora gentxi ka vivê wha ny futilidade dy nte rê.¹⁸ Ane sa kulu ny pensamento ané, alienado ny vira dy Dessu ny ignoransa ku sa ny ané, punda kosó dizu dy ane.¹⁹ Ane na ka sitxi vegonha wha, sa tegaru ny sensualidade, y ane sa kontinuaamente ka dji turu tipo dy impureza.²⁰ Mazi é na sa axi wha ma sina sê respeiti dy Klistu.²¹ Aun ta ma sê ndê sobri Êlê y sê fo xinaru Né, mora veré sa ny Jizu.²² Sê xina y despidi dy pertense mora ma sê ta ka vivê antiji txia omé vé é. Ysié sa omé vé ku mali sa né punda ané desejo enganoso.²³ Sê fô xinaru dy bila novo ny Supitu dy ntê sê:²⁴ Bixiru dy omé nóvu ku kia ny image Dessu, ny vere zustisa y santirari.²⁵ Sô desa dy ngaba fa veré ku vinja ô, punda nón sa memblu whã ku ôto.²⁶ Leva mazi na peka wha. Na ka desa sólo ka pê diba leva sê wha.²⁷ Na desa oportunidade da demono wha.²⁸ Nkênu ku ka futa na ka tô futa wha: sê ka pô taba, ndji kua buaru ku mon ô, dy mora ku kapô kompartilha ku turu nkênu ku tê nesesirary.²⁹ Na kundji pa ôto lumba mali xié ny boka sê wha, fa lumba ku sa buaru pa edifika ôto, mora nesesirary.³⁰ Na ofendê Supitu Santo dy Dessu, dy kuali sê fo selaru da dia dy redensón.³¹ Dessa dy dji turu mali, kolera, leva, gita insulto, zuntu ku turu tipo dy mali:³² Sa buaru ku whã ôto, tê paxesa, porá whã ku ôto, axié mora Dessu ny Klistu pôra sê.

Chapter 5

¹ Sô sê ka bila mora imitadoru dy Desu, mora Ná mon rê amaru.² Ê nda ny amolê, mora Klistu ka ama non mora êlê mé si intrega ra non, mora whã oferta y saklifisio dy aroma buaru Dessu.³ Na ka pô tê katxi sê kua dy imoralidade sexual ô kuali keru impureza sô kubisa mora kua ku sa plopi da santo.⁴ Ê na ka pô sa indikaru obsenidade ny konvesa dôdô sê povô ka dy imoralidady ku na sa kua buaru wha ny vegi dy tê asón dy glasa.⁵ Sô é sa setu pa newhã nkênu suxualmente imoral, impura, kobisosu, ku sá idolata, tê kali keru heransa ny leno dy Klistu y dy Dessu.⁶ Na desa newhã nkenu ngana sê wha ku lumba seku wha. Punda turu kué, leva Dessu ka bi diba ná rê ku sa oria dizu.⁷ Sô na patisipa ku ané whã.⁸ Sô antiji sê ta kulu, mazi aié sê sa kandja ny Sun. Anto nda mora ná dy kandja.⁹ (Sô mé dy kandja sa ny turu kua buaru, zustisa y veré),¹⁰ Ka ngolo turu ola ta kua sa buaru da Sun.¹¹ Na tê newhã patisipason ku obla dy mali dy kulu wha, mazi leplové,¹² Sô kua ziru da ane ny segreru sa yô vegonha até mê kasa biriru.¹³ Turu kua sié, ola e ka sa biriru ny ka birié.¹⁴ Sô turu kua ka biri ni kandja. So kua é só a ka fa: Biri uche nkenu si ka domi, lata katxi motxi, y klisto ka brilha ny bo.¹⁵ So se ka te kuraru ny mora ma se ja nda na mora maluko wha, mazi mora nge ta kua.¹⁶ Remido tempo, punda ria sa mau.¹⁷ Na sa doro wha, mazi ndé kuali sa vonte dy sun.¹⁸ Na bebera ku vin wha kué ka zi se mali. Di kue xia ku supito santo,¹⁹ Ka fa wha o oto ny salmo, yno kantiku supito, kanta louvoru ku turu koson se ny sun.²⁰ Semplé da glas dy turu kua sie ny Dessu Tata non, ny nome dy sun Jizu klisto non,²¹ Se ka sujeita oto ny temor dy klisto.²² Esposa ka sujeito omé se mora sun.²³ So Omé sa inté dy mengai, mora klistu sa inté ngeza. E sa salvaru dy ongé.²⁴ Mazi axe mora ngeza sa sujeitu dy klistu, Anto tuze megai ka sa sujeita omé re ny turu kua re.²⁵ Omé, ka te amolé ku mengai se mora klistu te amole ku ngeza y Ele me trega de.²⁶ Ê zi kue pe bilé santa to purifiké ny kantxi dy labe ku awha lumba.²⁷ Dy mora ma kopa plezenta pa Ele me wha ngeza Gloriosa se manxa ne ruga ne kua mali mazi santa irrepleensivel.²⁸ Dy mora é me ome te ku te amolé plopi ku megai re mora onge re mé. nkenu si ku té amolé ku mengai te amolé kue mé.²⁹ So newha nkenu na ka odia plopi onge re wha. Di vegi é ka me e té kuira re mora klistu tuze ka kuira dy ngeza.³⁰ Punda non sa memblo dy onge ré.³¹ Punda lazon é omé ka desa tata re ku mama re ka zunta ku mengai re y ane dossu ka zunta wha ngee so.³² Yié sa wha meme misterio mazi anun se ka fa sobre klistu ku ngeza.³³ So kara wha se toze ka te amolé ku plopi mengai mora ele me, mengai ka respeita omé ré.

Chapter 6

¹ Na un, obdesa tata sê ny Sun, Punda kué sa sentu.² Obdesê tata ô ku ma sê. Isié sa pimelu mandamento ku plomesa,³ Pa sê nda buaru, tê vira longo ny tia é.⁴ Sê tata na, poveka na sê leva wha, sô dy ku[e, kia ane ny dixipina y mondja Sun.⁵ Xikravo, kundji kua ma Sun dy tia sê ka fa témé tétété ny vere dy konsô sê. Obdesê kua ma ane ka fa, axié mora Klistu.⁶ Kundji kua ma ka fa é na sa pa sê fingi ré wha dy mora agrado wha sô veji sié, kundji kua ma ka fa mora xikavo dy Klistu, kuali, dy konsô, ndji vonté Dessu.⁷ Xivi ku turu konsô, sê, mora Sun y na nkênu wha,⁸ Punda nón ta, ma kuali keru obla buaru kara nkênu ndji, ê ka lesêbê whã lekompensa dy Sun, ê po sa xikavo ô livi.⁹ Sê Sun ane, ndji kué mé ra xikavo sê, sê miasa. Ta ma nkênu si ku sa Sun ane sa dy sê sa ny onse, y ku na ka koié nkenu dy kiba Rê.¹⁰ ATê kefin, sa forte ny Sun ny fosa dy pôrê Rê.¹¹ Bixi turu armadura dy Dessu, pa sê poi guênta mali demono.¹² Punda luta nón na sa kontla kane ô sange wha, mazi kontla plinsiparu, kontla potestade, kontla ku ka ngana maligno ny leno kulo, kontla Supitu demono ny nga selestiali.¹³ Sô dy kué bixi dy turu armadura dy Dessu, pa sê sa kapazi dy lizisti ny tempo mau pa, pia sê zi turu kua é ndja fimi.¹⁴ Sô, ta fimi, depoge dy pê xintu dy veré kourasa dy zustisa.¹⁵ Pê sapatu opé ku prontidão pa plokama vangelho dy pazi.¹⁶ Ny turu lugué, tua eskudo dy afé, ra kuali bô ka sa kapazi dy paga turu mali giru dy maligno.¹⁷ Pê kapasête dy salvasó y supara dy Supitu, ku sa lumba Dessu,¹⁸ Ku turu lasó ku suplika, fa lasó turu tempo, ny Supitu, pa sê sa semple ka vijia, ku turu perseveransa ka fa lasó ra turu Santu.¹⁹ Fa lasó ra un tuze, pa mensagem ka pô sa faru ola nga biri boka un. Fa lasó pa un sa ki gosto ka pô zi ane konsê veré kondeiru dy vangelho.²⁰ Ra vangelho ma aun sa whã embaxaru ny pezu, dy mora ku, ny pezu, aun ka pô ka ku kurazi, mora nga pô fa.²¹ Tikiko, amaru na mon un y fiéli sevo ny Sun, ka zi sê turu konhesiru, pa toze sê ta kua ma sê ka zi mora é mé.²² An un mandé pa sê ku plopozitu é, pa sê ta rispeitu un, pa êlê Ê

konforta kosó sê. ²³ Ku pazi ka sa ku ná món, ku amolê ku afé dy patxi dy Dessu, Tata y dy Sun Jizu Klistu. ²⁴ Ku glasa sa ku turu nkênu ku ka ama Sun nón Jizu Klistu ku whã amolê ku na ka moê wha.

Philippians

Chapter 1

¹ Paulu ku Timoteo na kia Jizu Kistu, ra turu santu ny kistu Jizu ku sa Filipu, ku ane bispu ku diakunu. ² Gasa ra sê, ku pagi Dêsu, Tata non, ku sun Jizu kistu. ³ Nga pindji, Dêsu un turu vê ma nga lembua sê. ⁴ Turu ria ma nga zi lasó ra sê sa ku ngoso ma ga zi lasó. ⁵ Nga ra gasa ra mora ma sê sêka zunta ny vanghelhu, na pumbêlu ria até aye. ⁶ Nsêka kunfia kua é: Nkênu sy ku komesa suvisu buaru ku sê ka kopeté até ria Jizu kistu. ⁷ Ê sa justu pa un sintxi kua é ra lispetu turu sê, punda un sa ku sê koson un. Turu sê ta sa mêlu un ku gasa ma nta pezu ku défêza ku kua ma un ta ri vanghelhu. ⁸ Punda Dêsu sa sêsêmunha un ri mora ma ntê vonté ra turu sê ku pena kistu Jizu. ⁹ So nga fa lason é: Ma amolê sê ka kula masi ny konsêmento ku kua ma nga kunda: ¹⁰ Pa sê ka pova kua ku sa buaru ku mora ma sê ka sa sêtu sê lepenso até ria kistu. ¹¹ Nga fa lason turu pa sê sa siaru ku mé zustisa, ku ka bi punda Jizu kistu ra pore ku louvoru Dêsu. ¹² Aye un mèsê pa na amon, ka ta ma kua ku ra ku un ka sivi foga wha ra suvisu vanghelhu. ¹³ Mora luku pezu un ku kistu bi rá ma turu nguara palaxu, ku ra ma turu ôtô nkênu bi ta, ¹⁴ So masi motxi ane ná amon bila ka kunfia masi ku sun punda pezu un pa un pô fa lumbá Dêsu sê mendu. ¹⁵ Whã wha, ane veré ka whanga lumba kistu punda whê sya ku fitxi, sô otô, sô ka zié ku tensó buaru. ¹⁶ Nkênu sy ku ka whanga lumba kistu punda amolê, ta ma a tá pê un yngé mora defeza Vangélhu. ¹⁷ Otô ka whanga lumba Kistu punda ambison ku whê sya, sô na ku vonté, ka kunda ma ane seka kastiga un ma unsa pezu. ¹⁸ Mazi, kua nga pota! Di kuakuali mora, é ka sa ra siriga ô veré, a ka fa ri Kistu sô ku kua é nga sa ku ngosó. Ê é nga legêla. ¹⁹ Punda nta ma kua é ka ra luku ra savason un punda lason sê ku vonté Supitu Jizu Kistu, ²⁰ Ku vonté un sô ma nga kunfiá whara ma na ka tê vagonha sô ku turu fosa anda mora sémpe, kistu ka sa boyaru onge un é pô sa ra vira ô ra motxi. ²¹ Punda ra un vevia sa kistu sô muê sa luku. ²² Mazi, sy bô se ka vevia ku ongê ngolo zi suvisu un buaru, ma nga poy koyê! na ta wha. ²³ Punda nsa pezu dosu kiba. Vonté un sa syê sô ba ta ku Kistu, ku sa masi buaru: ²⁴ Sô vevia ku ongê sa mazi pisizu, punda sê. ²⁵ Pa nseka kunfia kuaé, nta ma nga ta tô sêka sa ku turu sê, ra suvisu ku legêla ri afé. ²⁶ Punda un ra mora ma sê ka motxi ri fa masi ri Kistu, ola nga tô bi até kota sê. ²⁷ Ku turu kua é, vevia mora buaru ri Vangelhu Kistu, pa ola nga ba pia sê ô sa londji, nga pô ndê ka fa ri sê ma sê sa plontu, ku whã supitu sô ku whã alima sô ka peza zuntaru ku afé Vangelhu. ²⁸ Sô sê na ka mendu né whã kua ma numigu sê ka zi wha. Yé sa whã sinali ri loké ku ané. mazi ra sê whã sinali savason ra ola Dêsu ka bi. ²⁹ Punda a ra sê gasa ri kêlê Kistu sô, mazi parisê punda Êlê turu. ³⁰ ka peza mora ma sê bê Un sô ma ayé sê ndê ma é sa ku an.

Chapter 2

¹ Sy é tê whãwhã nkênu ku tê koson ku kistu, whãwhãwhã konsoli ku amolê rê whãwhãwhã zuntamentu ku Supitu whãwhãwhã pena ku sintximentu. ² bila legêla un setu ra whã pensamentu mé tê whã amolê mé sa zuntaru ku supitu sô ta ku vonté zi whã kua mé. ³ Na zi né whã kua ku whê sya ô luxu wha mazi soségaru ka pia otô masi buaru roke sê mé. ⁴ Na tua tenson ra kua ma sê mesê sô wha, mazi ku ri otô nkenu turu. ⁵ Sitxi lêtu sê whã mora é mé kua sa ku kistu Jizu. ⁶ Ma é sai mora Dêsu, é na musa mora Dêsu ku kua ma é toka sa wha. ⁷ Envez kua é, Êlê mé baza, tua mora ná-kia bila mora omé, a bi té mora fegula omé. ⁸ Êlê mé baza ta ka zi kua buaru até motxi sô motxi kusu! ⁹ Sô Dêsu Boyé turu mora é sô Ê Ré whã nome ku sa riba turu nome. ¹⁰ Pa nome Jizu turu mpuna ka robuá osé ku tia ku ku kosi tía. ¹¹ Sô ra ma turu lungua ka kofesa ma Jizu Kistu sa Sun, ra goya Dêsu Táta. ¹² Sô migu un, mora ma sê simple ka ndê un ny whê un sô wha, mazi masi ayé mema un turu, bé ku savason sê ku lispetu ku mendu. ¹³ Punda Dêsu sô ka zi sê mora ma é mesê ma é ka zi, ku vonté Rê. ¹⁴ Zi turu kua sê ngungunu né pufia. ¹⁵ Zi mora é pa sê bila sê lepenso mora ná Dêsu sê kupa. Sô pa sê ka luzi mora kandja lêtu tia turu, katxi whã jelason sê lispêtu ku leva xumbaru. ¹⁶ ka lokê Lumba vira buaru pa ntê lazon gaba ria Kistu, punda un ta ma na kolê sô wha né na taba ngasa wha. ¹⁷ Mazi a pô whanga un mora wha pezentxi ri masara ku suvisu afé sê nga legela ku turu sê. ¹⁸ Sô mora é mé turu sê ka legela tô sa ku ngosó ku an. ¹⁹ Nga whara ku Sun Jizu, manda sê Timoti seru, pa an turu ka tê kosó ola nga tua lekaru sê. ²⁰ Punda na tê né whã nkênu ku sintxi mora elê mé, tua kuiraru ku ku kua ma sê mesê ri veré. ²¹ Punda turu ané ka ngolo kua ma ané plopi mesê, né kua Jizu Kistu wha. ²² Mazi sê ta mora sê sa povaru, punda mora whã ná pikina ka sivi táta rê asyé ma é sivi ku an ny Vangelhu. ²³ Sô nga whara mandé ola nga tá kua ku ka ra ku an. ²⁴ Mazi nseka kunfia Sun ma an mé ka bé seru turu. ²⁵ Ku turu kua nga pensa ri pisizá tô manda sê Epafóritu. Ê sa na amon un, ku ka zura un tô sa mêlu un pezã, ná lekaru sê ku nkênu ku ka zura un ku kua ma nga mesê. ²⁶ Punda é ta satiaru sô ku vonté tá ku sê punda sê tá ma é tá ka doetxi. ²⁷ Veré é tá ka duetxi kuaji moê. Sô Dêsu tá ku pena rê né pena rê sô wha mazi ku anturu pa na satia riba satia wha. ²⁸ Sô nga manda sê masi seru pa ola sê ka tô bê sê ka legela sô nga sa livi ri pokupason. ²⁹ Tua Epaforitu ny Sun ku ngosó sô gogô ku nkênu mora elê. ³⁰ Ê fô punda suvisu kistu ma é kia muê, é liska vira rê pa é sivi un sô tua konta kua ma sê ná ka poy zi ra un wha.

Chapter 3

¹ Pa é lokê ane ná amon un, tá ku ngosó ku Sun. Ra un, nga sisika ra sê dingi ku na sa siriga wha. Ané ku é sa seguru ra sê.

² Kuiraru ku ane katsô, kuiraru ku nkênu ku ka zi suvisu mali, kuiraru ku nkênu ku ka porá. ³ Punda non sa poraru za. Yé sa, nón ku ka sivi ku sivi ku Supitu Dêsu ka gaba ku Kistu Jizu, sô na kunfia ny kani wha. ⁴ Mora é mé, amplopi ka poy kunfia ny kani. Sy nkênu ka pensa ma é ka kunfia kani nga pô tê masi anda: ⁵ Nfô poraru náke ría, unsa povô Israeli ri lasa Benjami êbleu ri êbleu, ku ka fa ri alê whã fariseu. ⁶ Punda vonté un ta ka kolê ku ngeza. Ku ka fa ri zusita alê sê lepensó. ⁷ Mazi ra kua ma ntá ka kunfia né ra luku un pié mora kua sê luku punda kistu. ⁸ Sô ayé é un pié turê mora kua ma un pendê, punda porê ri ta kua Kistu Jizu, Sumun. Punda Êlê un pendê turu kua. Nga pié mora kua suzu pa nganha Kistu. ⁹ sô ka bê Né, na ta ku zusista un plopi ku ka bi ri alê wha. Envez ri kua é ntê zusista ku sa punda afé ku Kistu, zusista ku ka bi ri Dêsu kosi afé. ¹⁰ Ra kua é un mesê té, ta porê ma Ê ka tô kora sô zuntaru ku afison Rê. Un mesê mura mora motxi Rê. ¹¹ Pa ri mora é nga poy nganha ola motxi ka tô kora. ¹² Né punda un tua ane kua é za ô ma un bila buaru za wha. Mazi nga kolê pa ntué, punda ra kua é ma Kistu Jizu tua un. ¹³ Ane ná amon, na kunda ma an mé tué za mazi whã kua nga zi: nga kêsê kua ku fika mema sô nga zi fosa ra kua ku sa whê. ¹⁴ nga kolê ba lelê kua pa nganha pémmê ma a ka sama buaru ri Dêsu ku Kistu Jizu. ¹⁵ Turu nón ku sa bobôru ka pensa mora é mé. Sô si sê pensa otô mora ra kuakuali kua, Dêsu turu ka musa sê kua é. ¹⁶ ku turu, nón ka sa fimi ny kua ma non tá tua. ¹⁷ Ná amon ka mindji un, ka pia petu ane ku ka nda mora zempu ma bô bê ku non. ¹⁸ Punda é tê yô ma nfá sê za sô ayé nga tô fé ku awha whê, ma ane sa numigu kusú Kistu. ¹⁹ distinu ane sa muê sô. Punda dêsu ané sa bega sô goia ma ane tê sa pa vegonha ané, bê ma ane ka pensa kua tia sô. ²⁰ Mazi tia non sa onsé ku nga ma non ka whara Savarô, Sun Jizu Kistu. ²¹ Ê ka mura ongê non sosegaru mora ongê Rê di goia ku porê Rê pê ngênta turu kua.

Chapter 4

¹ Sô, ná amon un ma nga ngogô kuê nga stima ô foga wha ngosô un ku klôa, dy mora é bo ka ta fimi ku Sun, migu un ma nga ngogô kuê. ² Nga pindji Evodia ku Sintiki pa ané ka sintxi mora é mé ku Sun. ³ kua veré nga loga ô turu mêlu un buaru ri kega: zura ané mengay é punda ané taba ku an ka whanga vangélhu zuntaru ku klementxi ku ane mêlu un suvisu, ma nomi ané sa lívu vira. ⁴ Ka legela sémpli ku Sun, otô vê nga tô fa: legêla sê. ⁵ zi turu nkênu ta sê buaru. Punda Sun sa petu. ⁶ na kanha ra kuakuali kua wha. Antizi ku turu kua ma sê ka pindji Dêsu ka tê, ku lason ma sê ka pindji ku suvisu ngasa. ⁷ Sô paji Dêsu ku ka zi sê ta turu kua, ka lokê koson sê ku kua ma sê ka pensa ku Kistu Jizu. ⁸ Pa un loké ná amon, turu kua ku sa veré, turu kua ma bô ka lispeta turu kua ku sa zustu, turu kua ku sa puru, turu kua ma bô ka ngogô kuê turu kua ku sa buaru, sy é valê whã kua sy é tê kua ma bô ngogô kuê, ku ane kua é legulé. ⁹ Ane kua ma bô sina, tua, ndê sô bê ku an, zié sô Dêsu pazi ka sa ku sê. ¹⁰ Nga legêla ku sun foga wha, punda ayé bô loké bila turu kua novo kuyraru sê ku an ma atizi sê tá ka pensa ku an, sê na ta ku meyu pa sê ká zura un wha. ¹¹ Na ka fa kua é ma umpisiza wha. Punda un sina sa ku ngosô turu ola. ¹² Nta kua ku sa pobli, sô nta kua ku sa te turu kua. Ri turu mora sô ku turu kua, un sina segêru mora ta syaru ô ku kizi, ku turu kua ô ka pisiza. ¹³ Nga poy ku turu kua ny Nkênu sy ka ran fosa. ¹⁴ Ku turu bô zi buaru zunta ku an ku kua ku ka kusta un. ¹⁵ Sê Filipensi sê tá ma ola vangélhu komesa, ola un syê fô Masedonha, né whã ngeza na zura un supota kua ri rá ku tua sê sô. ¹⁶ Atê ola ntá Tesalónia, sê manda zura ra kua ma un mesê masi roke whã vê. ¹⁷ Na mesê ngolo pezentxi wha mazi mé ku ka motxi ra konta sê. ¹⁸ Ntua turu kua sô ntê motxi. Nsa ku ngosô. Ntua mon Epaforitu turu kua ma sê manda. Ane sa whã vumba rosi sô buaru, wha sakifisu ma un kundji sô tô ngosá ra Dêsu. ¹⁹ Dêsu un ka kundji turu kua ma sê mesê ri mora ku likeza Rê ku ngoya ny Kistu Jizu. ²⁰ Ayé ra Dêsu non ku Táta ka sa ngoya ra sekulu ri sékulu Amé. ²¹ Fa turu klentxi ku Kistu Jizu mantxa. Ane ná amon ku sa ku an ka fa sê mantxá. ²² turu klentxi ka fa sê mantxá, mási sa ane ri kay sezalu. ²³ Ngasa Sun Jizu Kistu ka sa ku supitu sê.

Colossians

Chapter 1

¹ Paulu mêlu Jizu Kistu ku ka kundji vonté Dêssu ku Timoti, ná amon non. ² ra ane santu ná amon ma a ka kunfia né ny Kistu ku sa Kolossu nga ra sê gasa ku paji dy kiba Dêssu Táta non (ku Sun non Jizu Kistu) ³ non ka ra gasa ra Dêssu, Tata Sun non Jizu Kistu ma non ka zi lason turu ría ra sê. ⁴ Non ndê afé ma sê tê ku Kistu Jizu ku amolê ma sê tê ku turu santu Dêssu. ⁵ Punda ku ma sê sêka whara lokêru ra sê osé. Pumbêlu sê ndê ri kua sy ma sê sêka whara ny lumba ri veré vangélu. ⁶ Ku vitxa atê sê. Ku sêka tô ra mé tô kula ny turu tia, mora sê turu zina ría ma sê ndê tô ta gasa Dêssu ny veré. ⁷ Yé sa vangéliu ma sê sina ku Epafra migu non na kia ku ramon non ma é sa whã nkênu ku kunfia ministu Kistu, ny favolô non (Nota: Otô vesu ka bi ku favalô sê.) ⁸ Ane fa non amolê ma sê tê ny Supitu. ⁹ Ra lason é non turu na ría ma non ndê non na ndja fa lason ku loga pa sê sa riaru ri kua ma sê tá ri vonté rê, ku turu sebê ku ta kua supitu. ¹⁰ Non fa lason pa sê nda buaru ny Sun, pa turu kua ma é ka mesê ka ra sê fosa ku turu kua buaru ma sê ka zi ka kula ku kua ma Dêssu tá. ¹¹ Non fa lason pa sê tê fosa ku turu porê, mora fosa goya rê ku turu langa ku paxensa. ¹² Non ka fa lason pa sê kara gasa ra Tata ku gostô, ku zi sê sa kapaze ri tua whã patxi ledêlu ri santu ny kandja. (Nota: ngey zi non sa kapaze sa ku whã kiba.) ¹³ Ê txia non fô porê kulu sô bé ku non Lênu Ná Rê ma Ê ka gogô kuê. ¹⁴ Nkênu kutxi ma non ka lera, yé sa peron pekaru. Nota: Otô vesu ka bi ku: Ny Ná Rê non tê ku lera, punda sangi Rê peron pekaru. ¹⁵ Ê sa fêgula Dêssu ma a na ka bê wha, pumbêlu turu kua ma a kia. ¹⁶ punda Né, a kia turu kua, tantu osé ku diba tia, kua ma a ka bê ku kua ma a na ka bê wha, tantu fosa supitu ô kua ma a domina ô govenu ô porê ome, turu kua Êlê sô kié Ré. ¹⁷ Ê sa antiji turu kua, sô turu kua Né say. ¹⁸ Ê sa ntê ongê, ku sa ngeza. Ê sa komesu, pumbê katxi motxi, asyé Ê tê pumbêlu nga ny turu kua. ¹⁹ Sô punda, é buara

Chapter 2

Dêssu ma turu porê Rê ka ta Né,²⁰ Sô ma ê zi paji ny sangi kusu Rê punda Elê a tê paji kuê mé é pô sa turu kua, tantu ny tia kuma osé.²¹ Sô sê turu, na riá tá sê ta Dêssu sô numigu Rê ny kosó sê sô ku mali ma sê ka zi.²² Mazi, ayé, sê tê paji ny ongê ku kany sê punda motxi Rê pa sê musa Santu, sê kupa ku reprenson whê Rê.²³ Sy sê bé ku afé, plumaru sô fimi, na mura kua ma sê seka whara ny Vangelu ma sê ndê ma a plega ny turu kiason kosy osé. Vangelu ma an Paulu bila ministu.²⁴ Ayé ny afison un ra sê sô kopeta ny kany un, kua ma a seka fa dy afison Kistu ra favolô ongê Rê ku sa ngeza.²⁵ Yé sa ngeza ma un sa ministu rê ku responsabilidade ma un tua dy Dêssu ma un kunfia né ny favolô sê pa é kumpi Lumbá Dêssu.²⁶ Yé sa ministeri konderu na sekulu ku jelason mazi ayé a zié ra ane santu.²⁷ Ra nkênu ma Dêssu mesê zié tá likeza goya Rê ri ministeriu katxi zintxi, yé sa kistu ny sê, goya ma sê seka wara.²⁸ Yé sa Kistu ma non sêka plega. Non ka viza turu nkenu, ka sina ane ku turu kua ma non ta. pa non ka pô pezentá ane kopetu ny Kistu.²⁹ Ra kua é nga sfosa tô pegá, ku fosa Rê ma nga zi ku porê.

Chapter 2

¹ Un mesê pa sê tá ndjira peza ma un peza ra sê ra Laudiseia sô ra turu nkênu ku na ta un mé wha. ² pa sê ka tê kosó ra zuntaru ma non sá ku amolê, sô ra likeza dy porê ri sa supetu dy ta kua sô biri whê ra suvisu Dêssu, ku sa Kistu. ³ turu likêza sa kondêru Né dy sa supetu sô ta kua. ⁴ Nga fa sê kua é pa a na ngana né whâ sê ku lumba fasu wha. ⁵ Sô ongê un pô na sa kotá sê wha, supitu un pô sa kotá sê, nga sa ku ngôsô ri bê mora ku vonté ma afé sê sa ku Kistu. ⁶ Mora ma sê tua Sun Kistu asyé, nda Né. ⁷ Sô sa né kunaru sô ziru plontu, sa né buaru ny afé, mora ma a sina sê sô ku suvisu ngasa motxi. ⁸ Tua kuyraru pa né whâ nkênu na pê sê pezu ku siriga ku fa motxi ku mora ma ome ka vevíá, ku mora ma tia sa, ku na sa mora Kistu wha. ⁹ punda ongê Rê ka ta ny turu vonté mora Dêssu. ¹⁰ Sô Né ku sa Ntê turu porê ku fosa ma a bé ku sê ku vonté. ¹¹ punda Elê a pora sê turu né pora ma mon ome zi ri mura ongê kany wha mazi mora pora Kistu. ¹² A tiá sê kuê ny butiza sô tô kora sê Né ny afé ku porê Dêssu, ku koré katxi motxi. ¹³ Ola sê tá motxi ny pekaru sê sô sê poraru kany sê, a ra sê vira zuntaru kuê sô pora turu mali non. ¹⁴ Ê pê turu kua a sisika turu mali kontê non ku kua ma Ê manda. Ê paga turu kua é pezu kusú. ¹⁵ Ê бага govenu ku turu porê sô pê ane biriru vensê ane ny kusú. ¹⁶ Sô né whâ nkênu ka zi sê zugamentu ra kua ma sê ka mé ô bebê ô punda ria fesa ô mbezi novu ô sábadu. ¹⁷ Turu kua é sa kile mbeká kua ku sê ka bi mazi verê sa Kistu. ¹⁸ Ma né whâ nkênu na ka pê sê kosy mon ka findji malokô sô ka sivi anzu. Ane nkênu é la kosi kua ma ome ka bê, ka sya ku luxu ri kua ma ntê ane ku mora ane. ¹⁹ Sô na ka lata Ntê wha. Ku ntê sô turu ongê ka zunta sô liga sô ka tá zuntaru ka sustenta sô kula mora ma Dêssu ka rá. ²⁰ Bê ma sê muê zuntaru ku Kistu ra kua mundu, ra kuay ma sê ka tô vevíá kosi mon kua mundu é, ku mora: ²¹ Na zi pekaru wha, na pova wha, na tué wha! ²² Turu kua é ku ta kua, ku vungu fasu, ku mansu fasu, ku suvisu ra ongê: ²³ Mazi é na valê kuakuali kua ny peza ku vonté kany wha.

Chapter 3

¹ Antô sy Dêssu tô kora sê ku Kistu, ngolo kua ku sa riba, nga ma Kistu sa tasoru mon leton Dêssu. ² pê ntê kua ku sa ria, né ku tia wha. ³ Punda Sê muê za sô vira sê sa konderu ku Kistu ny Dêssu. ⁴ Ola Kistu ku sa vira sê, ma a ka bi ta, antô a ka bi ta sê turu kuê ny goya. ⁵ Sô mata vonté pekaru sê ku vonté tia é: vira ome ku mengay lêtú tia, suzu, amolê, mesê kua mali sô ku vonté pensa ma mali ku sa ma kensa. ⁶ Ê sa punda ane kua é ma leva Dêssu ka bi ra ná má kiaru. ⁷ Sô ra ane kua é ma whâ vê sê nanda ku kua na kulú ola sê ka vevia né. ⁸ Mazi ayé é sê toka yuê turu ane kua é: satiaru, leva má tensó, keta ku limba atôa ku ka siê fô boka sê. ⁹ Na siriga ra otô wha, punda sê yuê ome na kulú ku kua ma Ê ka zi. ¹⁰ sô sê ka tô bisy ri ome novu, ku tô mura ra kua buaru ma sê tá, ku maji Nkênu sy ku kié. ¹¹ pa é sa asyé, é na tê gêgu né zurê, poraru ô sê pora, babaru ô sita, na kiá ô livi, mazi Kistu sa turê ku sa non. ¹² Sô sê ka tô bisi mora nkênu ma Dêssu koyê, santu sô migu ku yô sintxiru ku ka tê pena, buaru, mansu ku paxensa. ¹³ nguéta ka ma otô ka zi otô pora otô. Sy whâ nkênu tê kua ku otô porê mora ma Sun pora sê. ¹⁴ Ku turu kuê amolê ku sa pumu turu kua buaru sa né. ¹⁵ Ma paji Kistu ka tua konta kosó sê, fô paji é ma a sama sê ku whâ ongê sô: sô ra gasa. ¹⁶ Ma lumbá Kistu ka tá ku sê ku turu likeza, ku turu kua ma sê tá, sina tô lekê otô ku Salumu, hinu ku vungu lêtú supitu sê. Kata ku voté ra Dêssu lêtú kosó sê. ¹⁷ Kuakuali kua ma sê ka zi ku lumbá ô kua ma sê ka zi, zié turê ku nomy Sun Jizu, ka ra gasa ra Dêssu Tata punda Elê. ¹⁸ Mengay kazaru lispeta ome sê mora ma Sun mesê. ¹⁹ Ome kazaru, ama mengay sê kazaru sô na taté ku leva kosó wha. ²⁰ Ane mosu ndê turu kua ma tata sê ka fa sê punda yé ka buara ra Sun. ²¹ Táta na stia mosu sê, pa ane na pendê kosó wha. ²² Ná kia ndê turu kua ma mesê sê ka manda, né ola ma é sêka pia sê ri bua ra ome sô wha mazi ku whâ kosó plontu ku ka lipeta Sun. ²³ Kua ma é ka mesê pa sê zi, zié ku turu kosó mora ma sê ka zié ra Sun ma é na sa ome wha. ²⁴ Sê ta ma Sun ka bi paga sê kua ma sê lera. Nkênu ma sê sêka sivi sa Sun. ²⁵ Punda kuakuali whâ ku ka zi kua mali ka tua pena ri mali ma é zi, é na tê ku tê wha.

Chapter 4

¹ Mésa ra ná kia kua buaru sô zustu, sê tá ma sê tê whâ Sun osé turu. ² Kunfia ny lason, ka vija ku suvisu ngasa. ³ Ka fa lason tempu é mé, ra non turu pa Dêssu biri poto Lumbá ra non, pa non fa ri suvisu Kistu, ma un sa pezu ré, ⁴ Sô fa lason pa nga poy fa biriru, mora ma nga pô zié. ⁵ Nda ku kua ma bô ta whê nkênu sy ku sa lua, poveta tempu ku kua ma bô ta, ⁶ lumba kua ka buá turu ola, templaru ku salu, pa sê ta mora ma sê ka kundji kara nkênu. ⁷ Tikiku ka zi sê ta turu kua un. Ê sa whâ ná amon migu, whâ ministu lispetaru sô whâ nkênu ku ka zura ku suvisu Sun. ⁸ Un mandé masi pa sê ká poy ta mora ma non sa, sô pa é ka poy sosega kosó sê turu. ⁹ zuntaru ku Onesimu, ná amon migu sô sosegaru. Ane ka zi sê ta turu

kua ma a seka zi yngê.¹⁰ Aristaku ramon un pezu ku Maku pimu Banabe ka manda ka manda sê mantxa. (Ri nkênu ma sê sina kuê, si ê bi lêlê sê tué.)¹¹ Ku Jizu ma a ka sama Zustu. Ma ysy ma a pora sa ramon un ri suvisu ra Lenu Dêssu. Ane tá sa whã konsê ra un.¹² Epafa, ná kiá Kistu Jizu ku ramon sê ka manda sê mantxa ka peza ra sê turu ola ku lason pa sê sa plontu siaru ku turu vonté Dêssu.¹³ Punda un sa seseminha ma ê ka taba dizu ra sê, ra ane nkênu Laudiseia sô ra ane ri Hierápoli.¹⁴ Luka dotôlô migu, ku Dema ka fa sê mantxa.¹⁵ Fa ane ná amon Laudiseia ku Nínfa ku ngeza ku sa kay ô mantxa.¹⁶ Ola ma a ka lê kata é whê sê, ma a ka lê ngeza ane laudisensi turu sô zi ane lê kata é ra Laudiseia turu.¹⁷ Fa Arkipu. Ka pia suvisu ma bô tua ku Sun, pa bô zi é loké.¹⁸ Ane mantxa é sa ri pusu mon un Paulu plopí. Lembuá lengê un. Gasa ka sa ku sê.

1 Thessalonians

Chapter 1

¹ Paulo, Silvano y Timóteo ra ngeza Tessalônika ny Dessu Tata, y ny Sun Jizu Klistu. Glasa y pazi ra sê.² Nón turu ria ka gladese Dessu ra turu sê, lembua sê ny orasó non.³ Lembua semple, ny wê ri Dessu Tata non, ra obla ra afê sê, dy taba ri amole sê ku wara ku paxensa ny Sun Jizu Klistu nón.⁴ Na mon amaru ra Dessu, nón ta ma Ê konse sê,⁵ Punda vangelho nón na xiga até sê sô wa ny lumba, mazi ny porê ku Supitu Santu ku turu konvisso. Axé, ta kualí tipo dy omé ku ka zi mali ma ta ny katxi sê, agindo pa sê sa buaru.⁶ Sê bila imitadoru nón y dy Sun, tua lumba ku gosto dy Supitu Santu, sô dy mémé tribulason.⁷ Punda kué sê bila xemplo ra turu klente dy Masidônia ku Akaia.⁸ Ny katxi sê, lumba dy Sun whanga, na sa ny Masidônia y Akaia so wa. Mazi, kada nga, ma afê sê ny Dessu ka sa divulgada. Punda kué na pixisa dy fa newha kua wha.⁹ Ane popli relata kualí tipo dy kolhimento nonté ku sê mora ma sê konvete da Dessu desa idolo pa xivi Dessu Vivu dy veré.¹⁰ Ka whara ná Rê, ka bi fô onsé, ku lata dy motxi yxié sa Jizu, ku livia nón dy leva ku sê ka bi.

Chapter 2

¹ Sê me ta, ná mon, punda vizita nón da sê na fô évon.² Ta ma nón sofle y non fô tlataru dy mora vegonha ny Filipino. Mora é mé axé non ta ku konfinsa ny Dessu nón pa fa dy vangelho ku sê, me ny kantxi mémé mali.³ Punda kua ma nón ka fa na sa dy mili wha né suzu wha né siriga wha.⁴ Mazi, axé mora ma nón be buaru ra Dessu ku vangelho ka zi nón kufia né, axé fa, na pa ê yê omé wha, mazi pa yê Dessu. Ê sa nkenu ku ka pia konso nón.⁵ Sô nuka nón ka tua lumba Dessu ku pôvega wha, mora ma ô ta né ku intenson ku gana. Dessu sa testemunha kué.⁶ Na tua gaba dy omé wha, né dy sê né dy ôto. Mora melú Klistu, nón kapô golo moru dy sa ixibiru wha.⁷ Dy kua xi é, non fô buaru kantxi sê, mora whã mama ka sintxi ku na rê.⁸ Dy mora é mé, punda kua ngairu buaru ra sê nón sa ku ngoso ri zunta ku sê ny ku Vangelho Dessu sô whã mazi ku plopí vira nón turu. Punda sê bila migu nón fogawha.⁹ Ná mon, sê duvida sê lembla dy suvisu non ku kansa. Nón taba pomonha ku nsuku pa na sa mora whã kega ra né whã sê wha. Djina tempo si za, sê ka plega Vangelho dy Dessu.¹⁰ Sê sa testemunha axé é mora Dessu, dy mora nón kaluma dy mora santa, zunta sê leperson ra sê, ku kélê.¹¹ Dy mora é mé, ta ma nón ka vivê ku sê mora whã Tata ka zi ná rê,¹² Nga tô fa sê tô ra sê kosó sô ka vugu pa sê vévia mora buaru ku Dessu, ku ka sama sê pa lenu ku goia rê.¹³ Ra kua é nón turu pindji Dessu semple. Punda ola sê tua Lumba mon nón ma sê ndê sê na kundjê mora lumba omé wha, mazi mora Lumba Dessu veré. Yé sa Lumba ku ka zi sê ku ka kélê turu.¹⁴ Punda sê ane ná mon, ma sê bila ka mindji ngeza Dessu ku sa ku sa tia zurê, ku Klistu Jizu. Punda sê turu ka parisê kua é mé ri nkênu tia sê, mora ma ane parisê ku zurê.¹⁵ Ê sa ane zurê sô mata Sun Jizu ku pofeta. Ane sô kolê mema nón. Ané na ka zi kua buaru da Dessu wha sô tô sa numigu turu omé.¹⁶ Sô tô puvi nón fa ane zintxi ra savason ané. Ri mora é sô omenta pekaru ané. Leva bi ra ané até até.¹⁷ Nón, ané ná nón, londji sê, whã dosu ria whê sê mazi na ri konso wha, nón sê ka ngolo ku vonté foga wha ri tô bê sê ningi.¹⁸ Punda nón mé sê ba Lêlê sê. Aun Paulu ngólo ba lêlê sê masi rokê whã vê, mazi demono na mé sê wha.¹⁹ Punda ola Sun nón Jizu ka tô bi ngey ka sa sperasa nón ku legêla ku kloa dy goia whê Rê! Sô yé na sa sê mora ôto whã!²⁰ Punda sê sa goia ku legela nón.

Chapter 3

¹ Sô, ma nón na kapôí guenta dingui wha, nón ku kasa buaru dy ta sô ny Atena,² Nón manda Timoteo, ná món non y ministlu dy Dessu ny Vangelho dy Klistu, ra sê fosa y mora relason afê sê.³ Nón ndji kua xié mora pa néwhã nkênu ka sa xatiaru wha ra tibulason ixié. Punda sê ta ma nón fô destinaru da kué.⁴ Veré mé, olá nón ta ku sê, nón fô visaru ma nón ka padisé ku aflison y kué kontesê, mora sê ta.⁵ Punda ane kué-é, ma aun mandé pa un ta mora afê sê, sô ê pô sa tentaru, dy whã mora ma ka bê tentaru sê taba sê na ka sa vaun wha.⁶ Mazi Timoteo bi lêlê nón bi ku notisia buaru dy afê nón ku amole. Mora ma Ê fa, sê semple ka tê lemblasa buaru dy nón y dezeja pia, nón axi mora ma nón dezeja pia sê.⁷ Punda kua xié, ná mon, nón fô konfotaru punda afê sê, ny turu xatia ma nón sa ku aflison.⁸ Sô nón aié nón ka vivê, si sê ta flimi ny Sun.⁹ Sô kuantu glasa ma nón da Dessu ra sê, ra turu ngoso ku nón tê whê dy Dessu punda sê!¹⁰ Suku ku pomonha nón fa lason turu pa bê polo sê ka ta kua ku ka fata afê sê¹¹ Dessu plopí, Tata nón, Sun Jizu, ka zi mondja ra nón até sê.¹² Kua ma Sun ka zi aumenta abunda ny amolê whã ku ôtônda turu nkênu, axe mora nón turu ka zi ra sê.¹³ Punda Êle ka sa ku fosa ny koso sê, pa sê sa puru ka sa limpu whê. Dessu Tata non, ny dia dy Sun Jizu ku turu Santo Rê.

Chapter 4

¹ Ola whó, ná mon, nón ka pindji tô sama sê tensó ny Sun Jizu ku, mora ma sê lesêbê stuson mora é mé ma sê tê dereito dy zi kua buaru ra Dessu, ny mondja y anda, pa nón zi é dingi. ² Punda sê ta kualí struson nón dasê ny Sun Jizu. ³ Yisi sa vonté Dessu: santifikason sê ma sê ka poi désa dy imoralidady sexual, ⁴ kara whã sê ka tê kontrolu dy ôngê rê plopi mora Santu ku honra. ⁵ Na konduzi ra paxón lasiva wha mora zintxi ku na konsê Dessu wha. ⁶ Né whã nkênu na ka fata sê lexipeitu ô lesa nón moré ny kué wha. Punda vingaru dy turu kua sa Sun, mora nó ka visa sê tô testifika. ⁷ Sô Dessu na sama nón pa nón sa suzu wha, mazi da sntirari. ⁸ Punda, nkênu ku ka zéta kué na ka zéta nkênu, mazi Dessu, ku ra sê supitu Santu Rê. ⁹ Lispetu ku amolê flatenali, na mese pa né nkênu ka skêve, sô sê mé sa xinaru ra Dessu amolê whã ôto. ¹⁰ Dy mora zi kué ku turu ná nón ku ku ta turu Masedonia. Sô, nón ka ginta tua ná nón, Zi kué dingi. ¹¹ Sô ginta tua vivê leve leve, nga tê kuiraru ra ka sê, taba ku món sê, mora ma sê manda: ¹² Axe é, ma nga nda letu whê nkênu si ku sa fora, na nese né whã kua wha. ¹³ Ná mon, na mese pa sê xatia wha serka nkênu ku ka dumi, pa na ta ku leva mora demais ku na ka kaluma wha. ¹⁴ Punda, nón kélê ma Jizu muê lessusita, Dessu puze trara ku Jizu nkênu ku ka domi Né. ¹⁵ Sô kué nga fa ra Palava Sun, ku seteza na plesebe nkênu ku ka dumi. ¹⁶ Sô plopi Sun desê ny ônsé ku mémé blado ku vozi alkanjo, ku tlombeta Dessu, ku motxi Klistu ressusita plimelu. ¹⁷ Sô, nón, ku ta vivo, nón ku fika, ka sa digiru zuntu ku êlé ny nuvé, pa nón zunta ku Sun nón ka bi. Dessu ma, nón ta semple ku Sun. ¹⁸ Punda, kaluma whã ôto ku ta ku palava.

Chapter 5

¹ Ra tempu ku ola, sê na pisisa ra kua pa sisika kua pa an sisiké ra sê wha. ² Sê ta veré ma ria Sun ka bi mora ladron nsuku. ³ Ola a ka fa: pazi ku segurasa, Sa a ka bi bilokê ku turu kua séru. Ê ka sa mora ma mengai ku bega ka sa ku dolo pari, sô ane na ka tê mora skapa wha. ⁴ Mazi sê, ná mon, na ka ta kulu, mora ma ri-é ka tua sê mora ladron wha. ⁵ Sê sa ná kandjia ku ná ria. Nón na sa ná nsuku ô kulu wha. ⁶ Nón na ka rumi mora ôto ka zi wha, mazi nón ka seka zongo sô ka biri whê. ⁷ Punda ane ku ka rumi, rumi nsuku, sô ane ku ka bebera, bebera nsuku. ⁸ Mazi, ma nón sa ná ria nón ka ta ka biri whê. Nón ka pê klôa afé ku amole, ka whara savaso ku ka bi mora kapasetê. ⁹ Punda Dessu na distina nón ra leva wha, mazi pa nón tê salvason punda Sun nón Jizu Klistu. ¹⁰ Elê sô muê ra nón pa nón sa koraru ô ka rumi livi, pa nón vevia kota rê. ¹¹ Sô, nón ka komora sô zi ôto mora ma sê ta ka zi. ¹² Nón ka pindji sê, ná amon pa sê ka ta nkênu ku ka taba katxi sê ku ka tua sê ny Sun, sô ka viza sê. ¹³ Tô pindji pa sê pia ane ku konson biriru ku amolê, punda suvisu ane. Vevia sosegaru. ¹⁴ Nón ka viza sê pa sê ka biri whê ku ane makiaru, ra ane nkênu ku ka mendu koson ka zura flaku, sô tê paxensa ku turu nkênu. ¹⁵ Ka biri whê pa né whã nkênu ka paga sê mali ku mali wha mazi ngolo zi buaru whã ku ôto sô turu nkênu. ¹⁶ Ka ta ku ngoso semple. ¹⁷ Ka fa laso turu ria. ¹⁸ Ra glasa ku turu kua. Punda yé sa vonté Dessu, ku Klistu Jizu, ra nón. ¹⁹ Ná paga supitu wha. ²⁰ Na nega kua ma ka fa wha. ²¹ Ka pia turu kua, ngolo ku sa buaru, ²² Fô ra turu kua mali. ²³ Ma plopi Dessu dy pazi ka laba sê lokê. Ma turu supitu Rê, alima ku ongê sê ka sa lokeru sê lepersonson ra ola Sun nón Jizu Klistu ka bi. ²⁴ Nkênu ku ka sama sê sa fieli sô Ê ka zi turu kua. ²⁵ Ná món fa laso ra nón turu. ²⁶ Fa turu ná món matxa ku whã bezu buaru. ²⁷ Nga pindji ane punda Sun, ma ka lê kata é ku turu ná món. ²⁸ Ma glasa Sun nón Jizu Klistu ka sa ku turu sê.

2 Thessalonians

Chapter 1

¹ Paulu, ku Silvanu, ku Timoteu, Ngêza tesalonika, ni Dêsu Papa non, ku Sun Jizu Klistu. ² Katxi sê ka tê paji ku glasa de Tata non, ku Sumu Jizu Klistu. ³ Non tê ku da semplé glasa Dêsu da sê, punda é sa buaru, punda afé sê sô ka banda motxi sô amolê ri koda wã sê sa bili wã ku ôto. ⁴ Mora é, non mé ka tô xintxi gosto ku sê, katxi ane ngêza di Dêsu, da paxensa sê ku afé sê turu persegison ku aflison ma sê suporta. ⁵ Ixié sa wã xinali ri zustu zugamentu de Dêsu. Sô rezultaru sa ku sê ka sa konsiderdu buaru ni lênu Dêsu, de kua ixié ma sê padisê. ⁶ Ê sa justu ku Dêsu ka rekompensa ku afliso ma ji sê, ⁷ Ê ka ra sê aliviu, sê nã ane afliso ku non. Ê ji axi ni revelason de sumu Jizu, bêru ni Onsé ku ane anzu de pôrê rê; ⁸ Ku labareda de fôgô, Ê ka kastiga ane nkênu ku na konsê Dêsu wa, ku ane nkênu ku na kundji Evangelho ri Sumu Jizu. ⁹ Ane ka sofre kastigu ku perdison da semple, londji wê Sumu ku gloia ku pôrê Rê. ¹⁰ Ria xiza, ola Ê ka bi pê sa glorifikaru ni pôvô Rê sô maravilhozu ku turu nkênu ku kélê, Punda testemunhu non sê kélê. ¹¹ Punda kua é non tê na ndja de ji laso ra sê pa Dêsu non konsidera sê retu ni xamada sê kumpli turu plopozitubuaru ku obla de afé ku pôrê. ¹² Pa ku nomi de Sumu Jizu ka sa subiru ni sê, ku sê ni, glasa rê Dêsu non ku Sumu Jizu Klistu.

Chapter 2

¹ Ane manu, de kua xi ma Sumu Jizu klistu sê ka bi ku so ku reunion non ku Ê ² non ka pindli sê na dana koso sê wa ô xatea wa, ni supitu ni lumba, ô punda katô ma sê kabi ma ka manda sê ri non mora xi dia de Sumu so ka xiga. ³ Nêwã nkênu na ka ngana sê wa. Punda ixié na ka ra atê ku ka kabi apostazia ku ome de pekaru ka sa bêru, na di destruison. ⁴ Ê sa nkênu ku ka gaba vira rê ku ka bi diba de turu kua ku sa de Dêsu na ka adora. Mora rezultaru é ka taso ni ngêza de Dêsu so é ka musa mora Dêsu. ⁵ Sê na ka lembla ma, mora ma ta té ku sê, aun fa sê turu kua é? ⁶ Aié sê ta kua de ji, punda a ka ba bê ni ola sêtu. ⁷ Mora sêgêru de injustisa a sô ka musa za, é sa pa txié ni mondja de nkênu ku ka ji. ⁸ Anton nkênu

ku na ka kélê mafé ka sa bêru ku ma Sumu Jizu ka ba destrui ku fôgô de boka Rê sô Sumu ka ba loke kué ola suma ka bi ni vinda Rê.⁹ Impiu ka bi punda fosa salamon ku turu pôrê, xinali ku kua mali,¹⁰ Sô ku turu ngani de mali ra nkênu kua sa muê, punda ane na túa amol[^]d vere pa ane sa salvu.¹¹ Punda lazon é Dêsu sô ka manda ane kua de mali pa ane kene ni xidiga,¹² Sô turu ane ka sa julgaru, ane nkênu ku na kélê ni vere maji ta ni kua mali.¹³ Maji non tê ku sa semple da glasa ra Dêsu da sê, ane manu amaru, punda sumu, punda Dêsu koiê sê mora pimêlu frutu ra salvaso na santifikason de santu ku afé na vere,¹⁴ Punda Ê sama sê ni Evangelhu non pa tê glolia de sumu Jizu Klistu.¹⁵ Aié, ane manu ta flimi sô tê ane tradiso ma xina sê, ni lumba ni kata non.¹⁶ Aié, sô plopi Sumu Jizu Klistu, ku Dêsu, Táta, ku ama non ku da non konsolu pa sumpli ku sosêgu vira non ni glasa,¹⁷ Konforta ku ka pê koso non turu lumba buaru.

Chapter 3

¹ Aié, ane manu non un ji laso ra non pa lumba Rê pô wanga seru pê sa glorifikaru, de mora xi mê sa ku non.² Pa non sa livli de nkênu perversu ku mau, punda na turu nkênu ku tê afé wa.³ Maji Sumu sa fieli é ka da sê fosa so lôkê sê de nkênu mau.⁴ Non tê ku kunfia ni sumu da sê, ri kua ma sê ka ji ma sê ka sa ji ma non fa sê.⁵ Ku sumu pô zura koso sê ni amôlê de Dêsu s pa sê ta ni Klistu.⁶ Anto ane manu un, nga ordena sê ni nomi de Sumu Jizu Klistu non, ku sê ka vita ane manu ku ka vévia mora mé mêsê sô na mora ku tradiso kuê resê bê de non wa.⁷ Punda sê mé ta ma sê tê ku ji mora non sô ka ji. Non na ka ji mora indisiplinaru ni katxi sê wa.⁸ Non na ka mé mé nkênu sa ku paga wa. Ôtô mora, non ka ji esforsu ku difikuldade pa non taba suku ku solo, pa non na bila pezu da nêwã sê wa.⁹ Na punda non na té autoridade wa, na ji punda non mêsê xivi de exemplu ra sê, axi, sê ka po imita non.¹⁰ Ala non tia ku sê, non ra sê ordi de kua é. Xi nkênu na mêsê taba wa, é na ka po mé wa.¹¹ Punda non ndê ma ôtô ane ka nda mali ni katxi sê; Ane na ka taba wa, maji ôtô mora, ane sa intometido,¹² Sô non ka ordena ane sa exorta ane ni sumu Jizu Klistu ku sosegu, ma ane po taba sô mé mé ane plopi.¹³ Sô sê manu, na dezanima de ji buaru.¹⁴ Xi nkênu na obedesê lumba non kata pe mé ka né. So na zunta kué wa, axi mora é, é ka pô sa ku vegonha.¹⁵ Na pié mora numigu wa, maji, exorté mora manu sê.¹⁶ Ku plopi sumu de paji ka ra sê paji turu tempu é turu mora. Ku sumu ka sa ku turu sê.¹⁷ Axi é sa montaru un, Paulu sô eskrevê ku plopi non ré, sa kua é sa xinali de turu tata un. Ê axi ku eskrevê.¹⁸ Ku glasa de Sumu Jizu Klistu ka sa ku turu sê.

1 Timothy

Chapter 1

¹ Paulu, apostulu de Kristu Jizu de akordu ku ordi di Dêsu, salvarô ku Kristu Jizu, ma non sê ka wara,² A Temoteo, wã vere nã ni afé, mizerdikodia ku paji Dêsu Táta, ku Kristu Jizu, savarô non.³ Mora ma un loga, ala ka xiê ba Masedonia ta efezu pa pô da konsê ane nkênu pa ane na xina un ôtô dotrina wa,⁴ Na presta atenson ni istoria ku jeneolojia ni fin ku ka da diskuti inveji de zuda planu di Dêsu, ku sa de afé.⁵ Maji kuaxi di konsê é sa amolê ku ka da di koso limpuru, di wã kuxensa buaru di wã afé setu.⁶ Ê tê nkênu ku na ku gana vira rê sô xiê punda lumba fasu⁷ ane mése sa mése de alê, maji sê ta kua mata fa, ni kua ma sô ka forsa paji.⁸ Maji non ta ma alê sa buaru xi é sa uzaru de mora mé ka ra.⁹ Sô non ta ma kué, alê na sa jiru ra justu, maji ra ane rebelde ku sa sê alê, ra ane inkredulu ku pekarô, ra ane nkênu ku ka mata ane plopi ma a ku Táta, ra ane asasinu,¹⁰ sô ra ane nkênu ku ka ji kua sexu imoral, ra ane nkênu ku ka vévia ni vira homoséxual, ra ane nkênu ku ka bendê eskravu, ra ane xidigarô, ra fasu testemunhu, ra turu ku sa kontra dotrina.¹¹ Dotrina é sa rê akoro ku evangelho gloriozu ri Dêsu benditu, ku an kunfia né.¹² A nga pindji obrigado, Klistu jizu, Sumu non, ku ka ra un fosa, punda Ê bi un fieli, Ê pê un ni obla é.¹³ A un era wã ome ku ta ka fa mali ka pisigi, ku fasu, maji aun resebê mizerdikodia, punda aun ta ka ji kua é, ku leva ni inkredulidade un.¹⁴ Maji glasa de sumu non txia un ku afé ku amolê ku sa ni klistu jizu.¹⁵ Lumba é sa sêtu sa retu de turu nkênu ku ka seta: Klistu Jizu bi tia é pê sava ane pekarô, sô aun sa piolo de ane.¹⁶ Maji, punda lazó é, aun resebê mizerdikodia, de mora ku aun piolo de pekaru, Klistu Jizu ka pô musa turu paxensa. Ê ji kua é mora un exemplu ra nkênu ku ka bi kélê Né, ra vira ra sémplé.¹⁷ Axié, Alê pa semple, ku na ka muê wa sa ma a na ka bêwa, sa un ka Dêsu, a ra respeitu sô ré gloria ra semple ku semple Amem.¹⁸ Aun ka ra ô konsê é, Timoteu, na un ni mo profesia jiru a respeitu ô, pô subi ni sô pô luta buaru.¹⁹ Ji kua é pô pô tê afé, sô ma buaru kuxensa. Ôtô nkênu ta zeta sô naufraga afé ane.²⁰ Ane nkênu é sa Himeneu ku Alexandre. Aun tlega ane ra satanas, pa ane ta ma ana ka sa fa mali ngê wa.

Chapter 2

¹ Maji antiji ri turu, exorta sê pa ji laso intersedê, ku ason de glasa a favolo de turu nkênu.² Ra alê sô ra turu nkênu taba suvisu de autoridade pa non pô tê wã vira sosegaru, mansu ku turu pierari ku respetu, retu.³ Axié sa bua sa setu ni wê Dêsu savarô non.⁴ Ê ka mêsê pa turu nkênu sa savu sa xiga plenu konhecimentu de vére.⁵ Punda é tê wã Dêsu sô, é tê wã mediarô sa ligaru Dêsu ku ome, Jizu kristu ome.⁶ Punda Ê trega pê salva turu non, pa xivi ri testimonhu ni tempu ku sê ka bi.⁷ Nga fa sê vérê, na ka xigaru ra ane kua é wa, a pê wã nkênu de lekaru ra apostolu, mészé de jintxi ni afé ni vérê.⁸ Mészé, tê ku ane ome ala turu lugé, lata mo santa sê leva ô demanda.⁹ Mora é tê mészé, ku ane mengai bixi ku kabixi buaru ku modestia, kabixi ma a na ka bê ongê ane wa. Ane na ka pa isa kabêlu ku fita longo, ni ku ôlô ku perola, ku kabixi iô lêlu wa.¹⁰ Maji ôtô mora, ku ane ka bixi de obla buaru ku kuaxi ku sa plopi da mengai ku sa ni piedade.¹¹ Mengai tê ku

Chapter 3

xina ta silesu sô ku turu submisu,¹² Punda a na kundji ku mengai ka xina, na ka tê porê diba ome, maji ê ka sa ni lugêrê.¹³ Punda Adon bê jiru pimêlu sa Eva bê jiru.¹⁴ Adon na bê nagaru wa, maji mengai sô ku bê turu ganarô sô kuê ni pekaru.¹⁵ Sô ê ka sa salvu ala ê ka ji na jina ku ê ka ta ê ni afê, ni amolê ku santifikaso ku sabedoria ni pensa rê.

Chapter 3

¹ Kuaxi ma luma sa setu pa kêlê: xi Nkênu sa mêsê sa wã bispu sa mêsê wã suvisu buaru.² Sô bispu tê ku sa sê represon, ome de wã mengai, moderaru, sensivel, respetaru ka pe ngê ni kai, setu pa xina.³ Ê na ka sa dado vi wa, ni buaru; di kuê, livi ku paji. Na pô sa pegaro ni vi wa.⁴ Ê tê ku governa buaru kai rê plopî na ré té ku obedêse ku turu respêtu.⁵ Punda xi wã ome na ta mora govenu buaru plopî kai rê, ma ê ka ra konta ngêza Dêsu.⁶ Ê na ka pasu novu kovertido, pé na bila wê xa sô kiê ni kondenaso mora demono kiê wa.⁷ Tê ku tê wã testemunhu buaru, ku ane de lua, pa ane na kiê ni mali wa sô ni tela de demono wa.⁸ Ane diakunu té, tê ku sa respetaru, ku wã lumba sô. Na ka pô bêbê iô vi wa, né sa avrentu.⁹ Ê tê ku sa ku seginero de afê ré ku wã kuxensa limpuru.¹⁰ Ane té tê ku sa esprimmentaru pimelu sô, anton ê tê ku xivi punda ê sa lepleson.¹¹ Ane mengai, de mora é mé, tê ku sa respetadu. Na ka pô sa fa vira ngê wa, maji, moderadu fieli ni turu kua.¹² Ane diakunu tê ku sa ome de wã mengai sô. Govená buaru nã ré ku kai rê.¹³ Punda nkênu ku ka xivi buaru, tua ré wã buaru pozison ra tê wã ngairu konfiansa ni afê ku sa ni Klistu Jizu.¹⁴ Nga eskrevê sê ane kuê ka wara pa mba lêlê sê maxi seru.¹⁵ Maji, xi un traza, bo té ku ta mora di ji ni kai de Dêsu, ku sa ngêza de Dêsu vivo, kuluna ku suportu de vêrê.¹⁶ Na ka pô nega ku é sa ngairu segêru de pedade. Ê tê biru ni kani ku lênu ni supitu bêru ri anzu ba ji da turu nason, keleru ni mundu gabaru ni onsê.

Chapter 4

¹ Supitu ka lumba klaru ku ni utimu ria ê tê nkênu ka zeta afê so pia ra supitu ganarô ku sa xina demono.² Punda kua de xidiga ku de findji de nkênu ku tê kuxensa ri mali.³ Ane plubi kazamentu, sô ka fa pa na mé kua ma Dêsu kia pa da ôtô nkênu ku ason de glasa ku nkênu fieli sô ku ane nkênu ku konsê vérê.⁴ Punda turu kua kiaru de Dêsu savarô é sa bua a na ka pô zete wa xi non lesêbê ku glatidon,⁵ Punda é sa konsagradu de palavla Dêsu ku laso.⁶ Xi a fa ane kuê ra ane manu, é ka sa wã kua buaru servu de Jizu klistu, Punda é sa meru de palavla de afê sô ku bua xina ku ane ta lêlê.⁷ Maji zeta kua mali sô lumba atôa, kua pasaru.⁸ A inveji de kua é, ji kua ni pena, Kua sa kua ague non tê pôkô vive, maji pena sa buaru ra turu kua ku sa da promessa ra vira aiê ku sê kabi.⁹ Lumba xié sa fieli é sa pa kêlê.¹⁰ Ê sa punda kuê ku non taba ku luta, punda non té afê ni Dêsu vivo, ku sa savarô de turu nkênu, maji é sa maxi da ngê ku ka kêlê.¹¹ Bê ku lumba, sô xina ane kua é.¹² Na lega nkênu fa mali de maxivi ô wa, inveji de kua é, sa wã izemplu ra nkênu ku kêlê, ni lumba, ni amôlê ni afê sô limpuru.¹³ Atê wã kabi, vuga pô lê, pô exorta sô pô xina.¹⁴ Na dispreza don ku sa ni ô wa, ma ra ô ri profesia, ala ma ane presbiteru pê mon intê ô.¹⁵ Túa ane kuê pê ntê ô turu ria, kupa kuê, pa ô ta ane kuê lokê.¹⁶ Kuira ri ô mé, ku turu kua ma ô ta; persevera ni ane kuê; Punda xi bô ji kuê axié, bô ka sava vira ô, ku ane nkênu ku ka ndê ô.

Chapter 5

¹ Na reprehêdê wã ome tamé wa, maji exortê mora xi é sa wã tata. exortê ane ome maxi novo mora xi sa manu.² exorta ane mengai tamé mora sa mama. Sô ane maxivi mora sa mana, ku turu limpuru.³ Lespeta ane mengai tame, ma ome ane muê.⁴ Maji xi ane tê nã ku netu, ane ka aprendê pimelu pierari ku familia ane, pa ane rekompensa ane táta ane, punda kuê sa buaru wê Dêsu.⁵ Ku sa vere vere mé mengai ku na tê ome wa, ane ka wara Dêsu, turu suku ku pomonha ka loga ka ji laso.⁶ Maji xi ane túa kua mundu pê wê ka vevia né, ane sa motxi.⁷ Fa ane kuê pa ane po sa sê reprehensô.⁸ Maji, xi nkênu na lôkê ri ane plopî nkênu kai rê wa, sô sô ane de plopî kai rê, zeta afê so sa piolo ku wã nkênu ku na ka kêlê Dêsu wa.⁹ Ku wã mengai sê ome ka sa zuntaru mora mengai sê ome ola é ka tê sesenta anu, sô ê tê ku sa mengai cazaru de wã ome sô.¹⁰ Ê tê ku sa konsêru ku obla buaru punda é ka pô tê kuidaru de ane nã rê, tô tê ku sa nkênu ku ka koiê ngê pê ka sa mora ôtô nkênu, tô tê ku laba opê ôtô namo rê, tê ku zura nkênu tubularu tô tê ku ji turu obla buaru.¹¹ Maji ane viuva maxi novu, na mêsê zunta ni lista, punda ala ane ka letxa vonte ane ni sexu ane ra aparta de kristu, mêsê kaza.¹² Mora é, ane ka sa kuparu punda ane lokê ku kumplimisu ma ane tia kuê.¹³ Ane tê sa kustumaru ka tê sê kua ji, ka nda de kai ku kai. Ê na ka ta sê kua ji sô wa, maji tê é ka sa ka fa viraa ngê sô ka mêtê ku vira ngê, lumba kua ku na sa pa fa wá.¹⁴ Sô, mêsê ku ane maxi novu ka kaza pa ane kia nã sô sa govena kai; Axi na da numigu lugê pê bê kua de fa de ji mali.¹⁵ Sô ôtô ta xiê lêlê demono.¹⁶ Xi ôtô mengai krenti tê viuva ni katxi familia rê tê ku zuré, pa ku ngêza a na sa ku pezu motxi, de zura ane vere vere viuva.¹⁷ Ane presbiteru ku lidera buaru tê ku sa kosideradu retu respetadu, maxi maxi ane ku ka taba ku lumba sô ku xina.¹⁸ Sô ku eskritura ka fa: "Bô na tê ku oprimi buê, ola é ka sa mora grô wa", sô "tabarô é sa retu ku lelu rê".¹⁹ Na ka seta kuzaso kontla wã plesbiteru, xi menu ku sa bi dosu ô tesi nkênu pa fa.²⁰ Kujié ane pekarô ni wê de turu pê pô sa témê.²¹ Nga loga ô wê Dêsu, ku Klistu Jizu, sô ku ane anzu rê koiêru, ku bô ka lokê ane kua é fê sê separaso, so ku na ji nêwã kua ku favolo.²² Na pê mon so so diba nkênu wa, ni zuntu ku pekaru de ôtô nkênu, ta ô limpuru.²³ Na bêbê áua sô wa, maji tua txo vi, plovía estomagu ô, ku duetxi ma ô ka sa kuê.²⁴ Ane pekaru de ôtô nkênu sa biliru so konseru ku ka bê ku ane atê zugamentu, maji ôtô pekaru a ka bé wa.²⁵ De mora é mé, ane obla buaru sa biliru konsêru, sô ku ane ôtô a na ka pô kondê wa.

Chapter 6

¹ Turu ane ku sa basu pezu de eskravidon tē ku ta ku ane plopi sumu sa retu de turu respetu, pa ku nomi Dêsu kua ane xina na bi sa faru mali wa. ² Ane eskravu ku tē ane sumu Klistu na tē ku fa ane mali wa, punda ane sa manu. Ôtô manu tē ku xivi ane dingi, bêru ku ane sumu ku tua suvisu sa krenti ku amadu. Xina sé fa ane kué. ³ Xi nkênu bi xina ôtô kua ku na sa setu afé xina non wa, ô kua, ane lumba de sumu Jizu Klistu non so na seta xina ku ka bê atē piedade. ⁴ Nkênu é sa wê xia, é na ta néwā kua wa. Enveji de kué, é sa duêtxi ku diskuti, demanda ra palava. Ane lumba é, rezutaru rê sa ku inveja, demanda, suta, kua mali, ⁵ Sô ku iô veji demanda ku nkênu ku tē mali, ku xié ni vêrê so kunda ku piedade sa wā mora de bila liku. ⁶ Maji ngairu luku sa pierari ku kontentamentu. ⁷ Punda non na bi ku néwā kua pa txia é wa, ni non na sa di bé ku néwā kua. ⁸ Ôtô veji na té ku sa ku ngosto foga wa ku ane mé sô ku bixi. ⁹ Aié, ane ku mēsê bila liku ka kiê ni mondja mali, ku wā silada. Kiê ni iô amôlê sê lazon ku ka ji mali, sô ku kuali keru ku ji ane nkênu punda ni mali ku destruison. ¹⁰ Punda amôlê de lêlu sa leji de turu mora mali. Ôtô nkênu ku mēsê axi é tē xi xia de afé ra ku sê tomentaru ku iô lëndê. ¹¹ Maji bô, ome Dêsu, fuji ane kua é, lêlê justisa, tē pena, so afé, ku amôlê, paxensa so ku mansu. ¹² Luta buaru de afé túa poxi vira da semple da kua é ma sama ô sô de kué mô musa ni wê sô testemunha, mora kua é sa buaru. ¹³ Nga manda ô wê Dêsu, ku ra vira turu kua, sô wê klistu Jizu ku lumba a vere ra Ponsiu Pilatu zô ta ô. ¹⁴ Ku lôkê ane mandamentu ri mora setu ri lepleson, atē bi de sumu non Jizu Klistu. ¹⁵ Ê sa ni tempu setu, ka ba musa buaru ku Ê mé sô Poderozu, alê ku govena ku Sumu ku govena. ¹⁶ Ê sô sa na ka muê wa ku vivê ni kandja ku na ka ra pa ndê wa. Néwā ome ka bê ô sa kapaji de bê. Ê sô ma ka ra respetu ku pôrê ra semplé. Amé. ¹⁷ Fa ane liku ri mundu pa na sa ku wê sono tē ku wara ni likêza, punda é na ka da setu wa. Inveji de ixié é tē ku wara Dêsu ku da non turu vére likêza pa non gôgô kué. ¹⁸ Fa ra ane pa ane ji buaru, sa liku ni obla buaru, jenerozu dispostu da ôtô nkênu. ¹⁹ De mora é, ane ka lôkê ra ane mé likêza sa ra buaru zuara ane ra kua ku sa pa bi, mora ku túa posi ra vere vere vira. ²⁰ Timoteu, protejé kua ma ta ra ô. Vita ane lumba fasu ku ane diskutiso kontraru ku sa samaru fasu ri konsê. ²¹ Ôtô nkênu ka fa ane kua é a manda é ka xié afé ku gasa ta ku sê.

2 Timothy

Chapter 1

¹ Paulu, apostulu dy Kistu Jizu ny vonté Dêsu ku akoru pomesa dy vira ki sa ny Kistu Jizu. ² Ra Timotu ná amaru, gasa mixikogi ku pagi dy Dêsu Tata ku Kistu Jizu, Sun nón. ³ Ān ra Dêsu gasa ra nkênu ma ān ka xivi gina nana ku whā kuxensa limpuru punda nga lehua semple dy Ô ny lason un, suku ku pomonha. ⁴ An lembua dy ané aua whê mēsé, zó mbê ô pa un sia ku alegia. ⁵ Ān lembua dy afé veré ku vevia pumêlu ny gina Loidy sô ku mama ô Eunisy sun sa konvensêru ma afé ka ta ku ô. ⁶ Punda kué é nga sama ô atenso pa ô rekonhesê don Dêsu ku sa ô pêru ku mó. ⁷ Punda Dêsu na da non supitu mendu wha, mazi pôrê ku amolê sô ku disiplina. ⁸ Anto na ka tē vegonha dy sêsemunha ny Sun non, né dy ān Paulu pézu rê, Da kua é zunta ku ān ni padisê vangelu ku porê dy Dêsu. ⁹ Ê sava non sô sama non mora santu, né mora obra non wha, mazi mora popi planu ku gasa rê mé da non ny Kistu Jizu, antigí tempu tē komesa. ¹⁰ sô aié savaso Dêsu bi musa punda Savarô non Kistu Jizu ku bi da non, ku бага motxi sô bi ku kandja vira atē atē punda vangelu. ¹¹ Punda kua é ān sa koiêru pegarô, apostulu ku mēsé. ¹² Punda kua é ān turu padisê ané kué é. Mazi ān na sa ku vegonha wha punda ān konsê nkênu un ma kêlê né, sô ān sa setu mē tē porê pa é lôkê kua ma un kunfia né naria é. ¹³ Mantê mora dy lumbua buaru dy ndê un, ma sê ndê ku afé ku amolê ku sa ny Kistu Jizu. ¹⁴ Depozitu buaru ku Dêsu kunfia ny ô, lokê ny supitu Santu ku ka vevia ny non. ¹⁵ Bô ta ma turu nkênu ku ka vevia ny Azia lega un sô ny gupu é sa Figelu ku Hermogeny. ¹⁶ Ku Sun ka ra sê mixikodji pa familia Onezifuru, sô yô vê anima un, é na tia vegonha ny pezu wha. ¹⁷ Mora kua é ola ma un tava Roma é ngo un dy mora ku kuiraru sô é bê un. ¹⁸ Sun ka pimity pa é bê mixikodji dy patxi dy Dêsu naria é. Sô bô ta bua foga wha yô mora ma é zura un ny Efezu.

Chapter 2

¹ Bô sô ná un tē fôsa ny gasa ku na ny Kistu Jizu. ² Sô kua ma Bô ndê dy un, whê yô sêsemunha kunfia né ny nkênu xi soségaru, ku paji pa ô sina otô nkênu. ³ Lëndê ku ān mora whā soré buaru dy Kistu Jizu. ⁴ Né whā soré ola ma é ka sivi é ka tua konfiansa dy zi kua vira, punda é ka mēsê zi kua buaru ra sefi rê. ⁵ Dy mora é mé, si whā nkênu ka kolê mora otô ku ka kolê é na ka nganha si é kolê mora ma pê regra korida wha. ⁶ Ê toka pa tabarô ku ka taba mevia rê ku fosa ka sa pimêlu ku ka tua patxi ny kua mē koiê ny mevia rê. ⁷ Ta kua ma un sê ka fa, punda Sun ka ra ô turu kua pa ô ta. ⁸ Lembua dy Jizu Kistu gelaso Davi ku tô kora katxi motxi mora lumbua vangeliu. ⁹ Punda kua é ān lëndê dy mora whā kiminozu zamaru. Mazi lumbua Dêsu na sa pezu wha. ¹⁰ Sô ān ngêta turu ané kua é punda ané nkênu ma koiê pa ané turu tē savaso ku sa ny Kistu Jizu, ku goia atē atē. ¹¹ Lumbua é sa setu, si non muê kué non ka vevia kué turu. ¹² xi non ta né non ka govena kué turu. xi non négé Ê ka nega non turu. ¹³ xi non sa má fé Ê ka sa buaru, punda Ê na ka pô néga Êlê mé wha. ¹⁴ Lembua ané turu ané kué, sama ané tenson whê Dêsu pa ané pufia punda lumba Dêsu wha, punda ny kué é né whā kua na ka sa buaru wha sô бага ra nkênu ku ka ndê. ¹⁵ Ngolo pezenta da Dêsu buaru mora tabarô ku na tē vegonha wha, ku ka zi buaru ny lumba dy veré. ¹⁶ Désa fa mali, kua si ku ka bé ku nkênu pekaru. ¹⁷ Lumba nkênu xi ku ka zi whanga mora kansu. Katxi ané sa Hemineu ku Filetu, ¹⁸ omé ku desa veré. Ané ka fa ma resurísó da za, ka komora afé otô nkênu. ¹⁹

Chapter 3

Punda, kua ma Dêsu zi buaru ka ta tô tê sêlu: Sun ta nkênu xi ku sa dy rê sô turu nkênu ku ka fa ny nomy dy Sun ka siê fô mali. ²⁰ Ny kay nkênu liku ê na tê kua ôlô ku plata sô wha, mazi pó ku mavu turu, otô ku bua otô ku na bua wha. ²¹ Axié sô si nkênu ka purifika dy ané malié ê ka sa kua buaru, konsagaru, buaru da mesé y ziru pa turu suvisu buaru. ²² Siê fô vonté masivi. Letxa justisa, afé, amolê ku pazi ku ané nkênu ku ka pindji zura Sun ku kosó limpuru. ²³ Mazi zéta lumba mali dôdô ku blutu. Ta ma ané kuê é ka da demanda. ²⁴ Nkênu ku ka sivi Sun na ka zi bemanda wha, dy kuê é ê tê dêtu sa nkênu buaru ku turu otô nkênu, plontu pa sina ku paxiensa, ²⁵ ê tê dêtu koséta nkênu ku amolê nkên si ku na mêsê ndê wha. Katxê Dêsu ka dé lependimentu pê ta véré. ²⁶ Ané ka pô bila supétu dingi siê fô mó demono, ku tia mó demono ka zi vonté rê.

Chapter 3

¹ Mazi ta kue: ni utmu tempu, kaba tê, tempu ku ka kusta. ² Ome ka te whue sia ka fa mali ka lele likeza makiaru, na ka lispeta tata wha. ³ Ka zi ome ka fa vira otô na ka lispeta ôto wha, lifiro sô numigu kua buaru. ⁴ Ka baga otô, temosu, lifiron, maxi migo mali doke Desu. ⁵ Ka ko kenu ku te pena, mazi ka nega pure re. Xie fo kota yê. ⁶ Punda oto ane sa ome ka letxa kai, ka tua mengai pê pesu so sa siaru pekaru, so ka se kazi yo mali; ⁷ Ane mengai e se ka sina turu ria; mazi nunka ane sa kapazi ta kua verewha. ⁸ Mora e me ma Jane ku Jambri rifila ku Mose, mora e me turu ma ane fasu mese lifira ku vere; sa ome nte suzu ku nega afê. ⁹ Mazi ane naka ba lonje wha punda, nte dizu ane ka bi sa ra tu ane, mora nte ane dousu omeé. ¹⁰ Mazi bo lele kua ma un sina ô, ku koso ni afe, kata ku amole, ku paxiesa, ¹¹ pesiguison, aflison, so ku ane mora ku ra ku aun ni Antiokia, ni Ikoni, so ni Listra. Nsupota pisiguison, ma Sum saia un, txia um, ne ture. ¹² So turu ane ku mesé vive mora nken buaru ni Kistu ka sa pisiguiru. ¹³ Mazi sirigarô poreru so ka maxi piolo, ka ngna, tô sa nganaru. ¹⁴ So bo ka ta ni kua si ma bo kudji ku afê; bo ta nken ku sina ô. ¹⁵ Na txororo ma bo ta sagrada skitura ku sa kapazi zi o ta kua ra savason ni afe ku sa ni Kistu Jizu. ¹⁶ Turu skitura sa Desu so fe sa povetaru ri sina ra konse, ra menda, so ka sina ni zustisa; ¹⁷ pa mora ome Desu ka sa plontu kapazi ra turu kua buaru.

Chapter 4

¹ Ni we Desu ku Jizu Kistu, ku ka zuga vivu ku motxi, so punda kua ma Ê ka zi ni lenu rê, nga ra ô odji gaviru: ² prega lumba, zi fosa, ola kue toka, ou ola e na toka wha boka sumbe tô sama atenson, ka fa ku turu ka sina ³ Punda ê ka bi ra tempu ma ene nken na ka to guenta dotrina buaru ê wha; Da kueê, ane ka bi zunta mese ra ane mora we sia ane popi. kua ê ka bi sa buaru oria ene. ⁴ Ma ane ka bi ta lonje vere, so vutuka ra siriga. ⁵ So bo ka sa supetu ra tu kua, ka prise afison, zi suvisu wha evagilista kumpi suvisu ô. ⁶ Aun se ka kasa ofereseido za. Tempo pa mbe um vitxa za. ⁷ Aun zi suvisu buaru um kole ku xiga lokê afê. ⁸ A musa um kloa zustisa ixi ma Sun zustu Zuxi ka bi raun ria; ê na sa raun so wha; mazi turu nken ku ka ama ola Ê ka bi. ⁹ Zi kua ô buaru pa bo lele un seru; ¹⁰ Punda Dema bandona un. Ma e ama kua tia e; e ba Tesalonika. Kressenti ba Galasia, sô Titu ba Damasia. ¹¹ Lukas so ta ku aun, ngolo Maku bikue ku bô, punda e sa buaru ra um ni suvisu. ¹² Manda Tikiko ba Efesu. ¹³ Ola bo ka bi, bi ku kapa man ndesa ni Truade ku Kapu, ku livu ma sama pegaminho turu. ¹⁴ Alixandre, tabarô kubi; zi mali kontê un. Sum ka ba paga mora kua e zi. ¹⁵ Bô turu ka tua kuraru kue punda ê zi fosa ku lumba non fogawha. ¹⁶ NI pumbe newha ngkunu na ta kua un wha mazi tu ane bila mema ra un. Pa kue na sa pundano se ka konte ane wha. ¹⁷ Mazi Sun ta ku aun sô raun fosa pa pegason ka kumpi ku aun, sô pa turu ka po ndê a saia un fô boka lion. ¹⁸ Sun ka livia un ri turu suvisu mali sô savva un ra govenu osê. Rê goia ra turu sêmpé Amem. ¹⁹ Da Prisila ku Akila ku kay Onezifuru mantxa. ²⁰ Erastu sa konritu ê dêsá Trofinu dotxi ny Milêtu. ²¹ Ngolo bi lêlê un atigi dy invern. Êubulu, Pudente ku Linu ku Klaudia ku turu ná amon ka fa ô mantxa. ²² Sun ka sa ku supitu ô. Gasa ka sa ku sê.

Titus

Chapter 1

¹ Paulo sêvu di Dêsu apostulu di Jizu Klixtu, segundu afé di ané koiêru di Dêsu, di conhecimentu véré segundu piedadi. ² Né afé di vira etena ku Dêsu. ku na ka xidiga wa pomête antigu pê bi mundu. ³ Ê tempu setu, Ê mussa palavla rê, ne katxi lunbare, me ta fa sê mora ma Dêsu fa savaro non. ⁴ Tito sá verá wa na non fé naria, glasa ê fé ni Dêsu Tata klixtu Jizu savaró non. ⁵ Punda kua sé hun legaô ni Creta, pô pé luma kua ku tava fata, pa pô pê presbiteru ni pôson ni pôson axi mora manta fa ô. ⁶ Presbiteru tê ku sê Irrepreensivê, ómé di hunwã ma mengai tá, ku na rê krenti, a na ka poka mali rea ne, indisciplinaru na. ⁷ Ê sa pa bispu mora administradoru di Dêsu, a na ká pô ka fa mali rê. Ê na ka pô sa fidalgo wa, ê na ka pô televa wa, ê na ka pô sa guê ka kaga wa, ê na sa agressivu wa, ê na ka pô sa gue ka lêlê likeza wa. ⁸ Aiê, ê tê ku sa ku vonté de côiê nguê, sá buaru, sá sutétu, Zuxtu, santu, tê ku ta domina viraré; ⁹ Ê tê ku sá pegaru ni palavla ma ka xina, pê sa pleparadu pê flá buaru; ni dotrina véré, só pê chumba nkênu ku ka kontrariô. ¹⁰ Punda ê tê iô Insubimisu, maxi, maxi sa ané discrenti, ka ngana só bê ku nkênu mondja mali, ku palavla ané 'sa mali; ¹¹ Ané nkênu sa di kabo ka nkênu. Ané ka xina kua ku sa pa na xina wa. pa ané tê ben ma kua na ka kêlê wa, dana familia tela. ¹² Hun wa profeta fa ané katxi ané: Cretensi sa ka xidigo simplé, animal demónon, Pliguiçosu. ¹³ Testamentu sé ê sá véré, ê manda atê kurigi ané ku rigor, pa ané sa buaru ni afé. ¹⁴ Ná dá tenson ni iô lenda judaicu, nê mandamentu di ané homé ku ka aparta di véré. ¹⁵ Veré mé

Chapter 2

туру kua sá limpu da ané limpu, mazi pá ané ku sá suzu, ku sá discrenti niwa kua sá limpu wa; punda antê menti ku kunchensa ané sa danáru. ¹⁶ Ané ka fá má ané konsê Dêsu mazi ka nega Dêsu ku obra ané. Ané ka ji nkênu ôdia outô, sá desobidinti ku outô, sô mussa má ané sô xcluidu pa kalikeru obra buaru.

Chapter 2

¹ Bô, tê, fá kua ku sá sêtu ku dotrina. ² Ané ómé mazi yé tê ku sa supetu, respetaru, prudenti, buaru, vére na afé, ni amolê ni perseverança. ³ Ané mengai maxi vé, morá ané tê ku vivê di morá respetosa, na sá kaluniadoras, ané ná pô sá esclava di yô vim. Ku ané ku xina kua sá buaru. ⁴ Pa kuraja ané mangai maxi joven pa ané sa equilibradu na pensa ané, tê amolê ku ómé ané na ané. ⁵ Pá ané supotá, pa ané sê pûlu, pa ané sê buaru dona ni kai ané, pa ané sujeta ómé ané, pa na bi fa mali di palavla Dêsu wa. ⁶ Zorta maxi ané joven pa ané sa supetu. ⁷ Ni turu kua mussa xemplo ku virá bô ni obla buaru, ni xina mussa vére. ⁸ Xina palavla buaru, ku represon, pa veglonha turu nkênu ku tenta bi diba ô na tê kua mali di fá di non wa. ⁹ Ane sclavu sujetá ané patlon, fê turu kua da ané ku kloson buaru, ná flá mali di ané wa. ¹⁰ Ná futawa, mazi mussa onestidaji ku fidalidaji; pá turu kua dotrina Dêsu tê acetasson ni wê di ané. ¹¹ Punda glasa di Dêsu mussa salvason dá turu ómé. ¹² Xina non pá non zeta mali ku sá ni mundu, pa non vivê di mora zustu ku piedaji ni tempu ê. ¹³ Pá non guará bendita esperança ku aparecimentu di Desú non Jizu Klixtu Savaró non ku glória. ¹⁴ Ê tua virá ré da non, Pê pô livla non di turu mali, Pê pô fê hunwã pôvô Rê limpu di turu mali, ku ká tê zêlu ni kua buaru. ¹⁵ Flá ané kua sé, xota, leprendê ku turu atoridade. Niwã nkênu ka dispresa ô.

Chapter 3

¹ Lembla, ané pa ané sujetá ané govenu ku atoridade, pa ané obêdêcê, pa ané sá plontô da turu obra buaru. ² Ná fá mali da niwã nkênu wa, vita discuson, mussa paxença ku humidaji ku turu nkênu. ³ Punda non tembéte anto tia sê zuisu desobidienti, enganaru, pesu ni iô paxon, ku iô praseri, no ta ka vivê ni kua mali e na inveja, tia odiô nkênu, ku leva ni kloson un ku ôtlô. ⁴ Maji olá bondaji Dêsu, Salvadó non, ku môle Rê dá ané pekaró ku sá non plasê. ⁵ Ná sá punda kua ku non gi ê, masi sá misericordia Rê. Ê salva non baba non ku huwã novu vivê, só manda non ku Supitu Santu. ⁶ Ku Ê bloka liba non plomê di Jisu Klistu salvaró non. ⁷ Antó zuxtisa Rê sá liba non punda glasa Rê, antó non sá herderu, punda non tê huwã esperensa di vira ternu. ⁸ Fieli sá palavla Ê, Ê messê pa ané lumba setu di ané kua ê, dimora ku nkênu ku ka kêlê Dêsu pa ané pê pô mon di ané ni kuxensa gi kua buaru ané kuaé sa bua pé provetá ra turu nkênu. ⁹ Maji, vita lumba kua mali, genealogia, demanda ku debate kua kuali kua, ané kua ê sa sê valoru sê plovetu, ¹⁰ Zeta ané nkênu ku sá rebeldi, olá katxi sê, sô di hunwã, dossu vê. ¹¹ Punda ané nkênu sá condenaru, punda ané ká peka turu ria ku klosson pervetiru. ¹² Olá ka manda Artemas ô Tíquico, ané ka góló bi até hun ni Nicópolis, Punda hun sá disidiru passa Invernu rê. ¹³ Zuda ku amôlê Zema, Ê sá supetu ku Alê, ku Apolo, ni viagem ané, pa niwã kua ka fatá ané. ¹⁴ Pôvô non tê ku plendê a se komplemetiru ku obla buaru, mora ané na bila sê flutu wa. ¹⁵ Turu nkênu ku sá ku hun ka manda mantxa. Manda mantxa da turu nkênu ku ka ama non ni afé Glasa sá ku turu ané. Amém!

Philemon

Chapter 1

¹ Paulu, pezu Kistu Jizu, ku ná amon Timoti, ra Filemon, migu non kóro koson ku ka zura non ny suvisu. ² Ku mana non Ápia, ra Akipu, soré non ku mêlú non, ku ngêza ku ka zunta kay ô. ³ Gasa ku paji Dêsu, tata non, ku Sun Jizu Kistu ra turu sê. ⁴ Turu ria nga pindji Dêsu un, nga lembua ô ny lason un. ⁵ Ndê amolê ku afé ma bô tê ku Sun Jizu ku turu santu. ⁶ Nga fa lason ra mora ma bô ka zura non ku afé ô ma ê ka sa turu ria ra kua ma bô ta turu buaru ma non sa ku Kistu. ⁷ Punda amolê ô, manu, un tá ku gostô foga wha ma bô ra un fosa, punda kosón ane Santu, ku bô nha bô ra ane kosón. ⁸ Punda kua é un pô tá turu porê ny Kistu dy manda sê kua ma sê ka poy zi. ⁹ Ny nome amolê mpô ka ngolô ta. An Paulu whã ome vé sô pezu punda Kistu Jizu ayé. ¹⁰ Nga pindji ô ny favolô Ná un Onésimo ma un gera ola un ta pezu. ¹¹ punda é na tá valê ra ô wha. mazi ayé ê ka valê, ra ô ku an. ¹² Nga tô mandê ra ô êlê ku sa popi kosón un. ¹³ Un pô ka pê kota un pa ê ka pô zura un ny nga ô ma un sa pezu punda Vangelu. ¹⁴ An na ka mesê zi né whã kua sê pa bô mesê wha pa kua ma bô ka zi na ka sa obigaru wha mazi vonté ô. ¹⁵ Katxê punda kua é ma ê syê fô kota ô txo pa bô ka tô tué ku vonté. ¹⁶ Né mora whã ná kiá wha, mazi masi buaru rô kê ná kia, whã migu ná amon masi ra un mazi ra ô turu ny kany mora Sun turu. ¹⁷ Sô sy bô ka bê un mora mêlu tué mora an mé. ¹⁸ Sy é ziô mali ô devê ô kuakuali kua, pê kua é konta un. ¹⁹ An Paulu ka sisika kua é ku mon popi: Nga paga ô sê pa un fa ma bô ka devê un, antê bô mé. ²⁰ Ê Ê ná amon ma nga tua favolô é, punda Sun. Kontenta ku kosón un ny Kistu. ²¹ Nga kunfia ny mora ma bô ka zi un sêka sisika ra ô, punda un ta ma bô ka zié masi dokê isy ma un sêka pindji ô. ²² Ayé mé, luma whã kuantu pa un ta né punda nga whara ma punda lason sê nga paga sê. ²³ Epafra fa mantxa mêlu un ny pezu ri Kistu Jizu. ²⁴ Ku Maku turu, Aristaku Dema ku Luka ku ka zura un suvisu. ²⁵ Gasa Sun Jizu Kistu ka sa ku supitu sê. Amé.

Hebrews

Chapter 1

Chapter 2

¹ Ná Ná Desu fa ané ná nó povia plofeta, yô vê y yô mora. ² Magi, ane diá é, Ê fa nó povia ná rê, nkênu xy ma ê gi mora lêdelo dy turu kua povia nkênu ixi ku gi mundu. ³ Ê sa kerari dy goia Desu, ê sa Desu sê. Ê ka sustenta turu kua ny lumba ky porê rê. Ola ma Ê gi purifikason dy pekaru ê tason ónsé detu dy majestade. ⁴ Ê bila maxi mangaru dô kê anjo ku ledá whã nomy maxi buaru do kê ané. ⁵ Antó, pa kuali anzu Desu fa: Bô sa Un, Hozé An gi ô! Sô anda: An nga bi sa tata ô, E bô ka bi sa ná un! ⁶ Sô, ma Desu manda plimelu narê ra mundu, Ê fa: Turu anjo dy Desu tê detu dy adoré. ⁷ Anda mora ané anzu, Desu fa: Elê sô ka fa mê kagi anzu ma ené ministru rê fogo yha yha. ⁸ Magi mora Ná Rê, ê fa: Tronu Ô, Desu, Ê ka ta atê atê, y setu dy lenu Ô sa setu dy justisa. ⁹ Bô ngogo ku justisa leva ky injustisa, sô, Desu, Desu ô, bua ô ku oleó dy gostô, maxi dô kê ané ná mó ô. ¹⁰ Ná txi txi, Sun, bô gi tia, ónsé sa obla dy mó ô. ¹¹ Ené ka loké, magi bô ka ta atê atê. Ené ka dana mora kabisi. ¹² Bô ka buié mora panu mora kabixi bo ka muré. Magi bô sa mora é mé, y ano ô ná ka loké wha. ¹³ Magi pa kuali anzu Desu, antó, ny whã ola Ê fa: tasó detu Un, antê ma nga gi numigo ô mora ndjigui kua koxi opé ô! ¹⁴ Na sa turu anzu supitu xinaru ma manda pa tua konta dy nkênu ku ka ledá savasón!

Chapter 2

¹ Sô, non toka pesta masi atenson ni kua ku non ka pô ndê, pa mora non ka desa kué. ² Sô, lumba xi ma ba ra anzu ê bila fimi, turu mali tema é kundji zuntu punison, ³ ma non ka xikapá ni non ji pôkô kazu di méme savason? Savason xi ê ma Sun fá, sô ê ba sa kunfirmaru da non da ngê ku ndê. ⁴ Sesemunha Dêsu zuntu ku ane, ni katxi sinali, maravilh ku iô milagi dingi ku do di supitu santu, nguaru mora vonté rê. ⁵ ⁶ Punda sa anzu ma Dêsu nguenta ni mundu aiê wo, ma non sa fa wa. Maji, newã lugê, ngê sesemunha fá: Kua sa ome, pa ô lemblo rê? Ô non ome pô vizita? ⁷ Bô zê txô ro ro dôkê anzu de Góia di onra bô koroê. Ôtô verson nakulu zunta: ⁸ Zê obla di mon ô, Turu bô nguênta ni kosi opé ô. Punda bô nguenta turu kué rê, ni wã kua ma bô desa mê na nguenta. Sô, ô, andá na bê turu kua mê nguenta rê. ⁹ Sô, non sa bê ngê bi ku ji txô ro ro dokê anzu, jizu, punda sóflimentu di motxi di góia ku onra koroê, pa, ra glasa di Dêsu, plova motxi ra turu ome. ¹⁰ Punda Dêsu, pa ngê ra katxi di ngê uru kua sêm, bê ku iô ná góia, autor savason di ane ra katxi suflimentu. ¹¹ Punda, nkênu ku santifika, sa santifikaru, turu ka bi di wã ngê mé Dêsu. Ra lazon, ngê xi ku santifika na ka tê vengonha di sama ane manu wa. ¹² Ê fa: "Fa nomi rê pa manu un; Katá ni katxi ngêza". ¹³ Ê tô fa dingi: Konfia né: Dingi. Bê un sa ngê, Aun ku ná Dêsu mé da un. ¹⁴ Sô, bêru ku ná Dêsu ka patxi kani ku sangi Jizu també patxi kué é mé, ô ra katxi di motxi é lokê ku ngê ku tê porê di motxi, sô, demônô. Sô axié, ¹⁵ Ê tiá turu ngê xi, ra mendu di motxi, non tava ka nguenta mali ra turu vira. ¹⁶ Sô, vere mé, ná sa vugu ni sô zura anzu, mazi é zura ane ná Abron. ¹⁷ Sô, sá buaru ma é sa mora manu rê ni turu xintxiru, pa é bila sumu sasrdoti ku tê pedaji fiêli ni kua Dêsu, axié, ji propiason ra pekaru pôvô. ¹⁸ Mora jizu padisé, tentaru Ê sa kaapaji zuda ngê xi també ku sa tentaru.

Chapter 3

¹ Sô má, manu santu, maêlu vokason selestiali, konsidera apostolu sumu saserdoti di konfison non, jizu. ² Ê sa fieli ná Dêsu ku ji é, axié mora també Mozeji sa fieli ni turu kua Dêsu. ³ Punda Jizu sa konsideraru digno di iô góia dô kê Mozeji, punda nkênu ku ji kai tê iô onra dô kê plopi kai ni rê. ⁴ Punda turu kai ku sa jiru ra nkênu, maji é se jiru turu kua sa Dêsu. ⁵ Di wã kiba, Mozeji sa fieli mora mêlu ni turu Kai Dêsu, pa da sesemunho da kua ku ka sa faru mungu. ⁶ Maji kistu mora ná sa londê kai Dêsu, ku sa non, sela non sa flimi ku konfiansa di esperansa non. ⁷ Sô, sa mora supitu santu fa: Ozé, xi bô ndê voji rê, ⁸ Ná ji koso dizu mora ni fitxi, ni tempo de plovason ni lugê kutaru wa. ⁹ Kué ra ala ma tata sê komesa ka vugu, ka plova un, turu kua mán ji kuana kuin anu. ¹⁰ Ê mandá un ta ku leva ku ane jerson é. Un fa: Ane sa giaru ra koson ane plopi, na konsê mondjaun wá. ¹¹ Anton un zula ni leva un: Ane ná ka tô letxa nideskansu un wá. ¹² Kuiraru, ane manu, pa ni katxi sê na tê ngê ku koson suzu, wã koson ku na ka gôgô ku Dêsu vivo wa. ¹³ Maji biri koso sê turu ria, wã ra ôtô, ria ma ka sama "ozé"; Pa newã ngê ni katxi sê ka sa dizu ni inganu pekaru wa. ¹⁴ Punda non bila ngê de kistu xi lokê flimi atê fim, ku kunfiansa ku non tê jina komesu. ¹⁵ Mora ma ka fa: Ozé, xi bô ndê voji rê, na ji koso dizu mô ngê fitxi wa. ¹⁶ Sô ngê ka ndê Dêsu, ku vugu? Na sa turu ane ku xiê Ejito katxi Mozeji? ¹⁷ Ma Dêsu léva ku ané kuana kuin anu? Na sa ku ngê ku pekará, ma motxi kiê ni lugê kútaru? ¹⁸ Nkênu xi mê zula ku na letxa ni deskansu rê wa, sê na ane xi ku na ndê wa? ¹⁹ Sô ma pia, ma ane na ka poi letxa ni deskansu rê wa, punda sê na kêlê wa.

Chapter 4

¹ Sô, sa ku kuiraru pa newã sê na dana wa fa di alkans pomesa, desaru da sê, de letxa deskanso Dêsu wa. ² Punda, non tua kua novo mora ane, maji lumba Dêsu na ka ba da ane nkênu ku ndê na ka lokê afé né wa. ³ Punda non, ku kêlê, non sa nkênu ku letxa ni diskanso é wa, axi mora ma fa: Mora ma zula ni leva un, ane na ka tô letxa ni deskanso un wa. Ma obla rê sa jiru nakulu tia. ⁴ Sô é fa ni wã lugê, ni kuaxi de ria sambari: "Dêsu desknasa ni ria sambari de turu obla mê ji". ⁵ Sô Ê tô fa dingi: "Ane na ka letxa ni deskansu un wa" ⁶ Sô mora deskanso Dêsu anda sa rezervaru pa nkênu letxa, un bê iô israelista ku ndê lumbarê ku fa de deskansu rê na letxa wa punda oria dizu, ⁷ Dingi Dêsu lokê wã ria setu, samaru "Oze". "Ê laga ria é fa ra katxi Davi, mora ma leva koso sê wa". ⁸ Punda xi Jozué ka ra ane deskansu, Dêsu na ka fa sê di ôtô ria. ⁹ Punda kué, anda tê un deskansu sabatika pa pôvô Dêsu. ¹⁰ Punda nkênu ku letxa deskansu Dêsu, deskansu de obla rê, aiê mora Dêsu deskansa di rê. ¹¹ Sô vugu pa sê letxa ni deskansu é, sô newã ngê na kiê ni mora dezobediensia é mé ku ane ka

Chapter 5

bi kiê. ¹² Punda lumba Dêsu sa vivo ku pôrê maxi fiaru mora wã katana de dosu gume, ku ka letxa atê letu divizon alima ku supitu, zuntu ku medula, pa txiá turu pensamentu koso. ¹³ Newã nkênu ka sa ku kua konderu ni wê wa. Sô turu kua sa revelaru ni wê xi ma non tê plesta konta. ¹⁴ Ma non tê wã méme sumu Saserdote ku la ni onsê, ná Dêsu, ba ntê flimi kofison non. ¹⁵ Sô non na tê wã sumu saserdote ku na ka xintxi pena flakeza non wa, maji, Ngê xi ku sa tentaru axié mora non, sô punda ê na tê pekaru wa. ¹⁶ Bamu xiga ku kunfiansa ni tlonu glasa, pa non tua mizerdikodia non ka kontla glasa pa zudá non ni tempu de mali.

Chapter 5

¹ Sô turu sumu Saserdote, konderu ni katxi pôvô sa samaru pa ji kua ni favolô pôvô ni kua Dêsu, pa da mora plezentxi mora saklifisio ra pekaru. ² Ê sa Kapaji di tlata ku wê dizu na wê xi ku ka leva ku ka ji kua mali, Sô ê tê sa serkaru di flakêza. ³ Punda kué, Ê també plixiza de saklifiso ra pekaru rê plopí, axié mora ê ka ji ra pekaru di pôvô ⁴ Newa ome ka tuá onra é ré mé wa, maji sa samaru ra Dêsu, mora Aron bê. ⁵ Axi, klistu també na onra é mé wa, ji sumu saserdoti, maji nkênu ku fê: Bô sa ná Un; ozé Un gera ô. ⁶ Sô môra també sa eskeveru;" "Bô sa saserdoti pa semplé ni alê Melkizedek" ⁷ Sô ane ria é di muxinjin ô, Ê da lason ku suplika, pinji ku awá wê nkênu xi ku sa kapaji salvé di motxi. Punda pedadji rê, Ê bê, ndê. ⁸ Sô sa ná, xina kundji ra kua ku sufli. ⁹ Ma é bila buaru, ê tô bila fontxi de salvason atê atê da turu ngê ku ka ndê, ¹⁰ Ma Dêsu bilê mora sumu Saserdoti mora Merkizedek. ¹¹ Di kué, non tê iô kua fa, maji difisili di fa punda sê sa lentu pa ndê. ¹² Punda ni ola é, sê toka sa mêsê, maji é toka pa ngê tô xina sê kua lumba Dêsu. Sê to ka tuá lêtê na di mé mé buaru wa. ¹³ Punda turu ngê ka tua lêtê na ka ta lumba Dêsu ku justisa wa punda é na sa ngê ngai wa. ¹⁴ Ôtô kiba mé buaru sa da ngê ngai, ngê ku ta, pê sa prepararu de ta kua buaru ku kua mali.

Chapter 6

¹ Antô pumbê non desa de turu lumba klistu, so toka lêlê kua ma to ta na to letxa kua mali ni afé Dêsu wa. ² Non tô lembua mora ma xina non de butizumu, ku mora ka pê mon, ku mora motxi ka kora ku zugamentu atê atê wa. ³ Non ka ji turu kua xi Dêsu kuxintxi. ⁴ Sô ra kué, é ka kusta ra ane ta bê kerari wa ve za ku pova pôrê onsé ku bila memblo supitu santu, ⁵ Ane pova lumba Dêsu buaru, ku pôvê nakulu. ⁶ Sô ma ane kiê, Sô ane tô kiê, é ka kusta pa a ta kula ane dingi pa ane lependê. Iê punda ane taa pê na Dêsu kusu, sô jié wã kua kualí kua ra vegonha biriru. ⁷ Punda tia ku ka bê suba ku ka kiê ka ra mé buaru ra ane tabarô ku ka taba, ka tua bensa Dêsu. ⁸ Maji xi é bua bua, é na bua wa sô sa petu ri sa marisuaru. Ê toka kemé. ⁹ maji non sa konvenseru ku kua buaru ra sê, na amaru, kua ku toka savason, non pô ka mora é. ¹⁰ Punda Dêsu na sa tapaiaru ri kêsê suvisu sê ku amólê ma sê musa ra Nomi Rê, ma sê zura ane santu sô tô jié. ¹¹ Sô non mêsê ma kara wã sê ka musa ku vonté é atê atê, ku kêlê ni kua ku sê ka bi. ¹² Na bila pigisozu wa maji ji mora ome, ku punda paxensa, lera pomesa. ¹³ Punda ala ma Dêsu ji pomesa ku Ablon, ma Ê ta ku nkênu maxi tamé ro kué wa ma é ka po zula kué wa; é zula rê mé. ¹⁴ Ê fa: Nga pô ra ô bensa to zi ô motxi foga wa. ¹⁵ Mora é, Ablon ta ka wara kua ma plometé sô ta ka wara ku pomesa. ¹⁶ Punda ane nkênu ka zula ku ngê maxi tamé ro kê ku turu kua mê ka fa, sô kua mê zula sa kua setu. ¹⁷ Ala ma Dêsu no ôlô musa, maxi klalu, ra ane lêdêru pomesa kua mê naxi buaru, Ê kunfia ku kua mê zula. ¹⁸ Ê zié ku dósu kua ku na ka na mura wa, punda Dêsu na xiriga wa; ra non ku ka xiê ba ngolo nga kondê, no toka tê koso fotxi ni tua kua ma non sê ka wara ma ra non buaru setu. ¹⁹ Ra kua ma non tê mora biru kola buaru sô seta ra álima non ku letxa lêtú véu. ²⁰ Nga ma jizu ji non létxa ni lugé non bila sumu saserdoti atê atê, mora aji Merkizedeki.

Chapter 7

¹ Mekizedeki xiê, Alê de Salem, é sa saserdoti di Dêsu altísimo veré. Ê xiê ku Ablon ala mê bi di motxi alê, benso é. ² So êlê ku Ablon da dizimo de turu kua. Nome rê Melkizedeki ku ka sidnifika Alê di justisa, també alê di Salém, ô alê di paji. ³ Ê na tê tata, ne mama wa, né nêwã kua familia rê a na tá wa, é na tê komesu ria, né fin vira. Ji mora ná Dêsu, é ka sa saserdoti pa semplé. ⁴ Sô ngairu sa omé, é beru kua patriarka Ablon a dê dizimo buaru de despojo. ⁵ De wã kiba, ane nã Levi ku tua saserdosu, tê wã mandamento segundo alê pa ane tua dizimu pôvô, sô di manu ane ku també bi di Ablon. ⁶ Maji da ôtô Melkizedeki, ku na sa nã Levi wa, tuá dizimu Ablon, ku bensa é, ku tava kum pomesa. ⁷ Na tíá mora mega maxi piolo sa maxi bensoado ra maxi buaru, ⁸ Mora é sa ome ku ka muê ka túa dizimu Ablon; Sô Mekizedeki, ku túa dizimu Ablon, fa mé ka vevia. ⁹ Mora é, atê Levi, ku tua dizimu també paga dizimu punda Ablon, ¹⁰ Sô êlê na ta tê na sêru anda wá, ala Ablon ba lêlê Mekizedeki. ¹¹ Sô kua buaru sa tuaru ra saserdosio Levitiku, (sô é lesebê alê daru ra pôvô), Ku mixidaji té ra ôtô sasedoti punda kua ma Mekizedeki fa, na sa kua ma Aron tê fa wa? ¹² Sô, ala saserdosu sa musaru, alê també plesiza sa musaru. ¹³ Punda nkênu xi ma ngê sa fa nê ni livu sa di ôtô nason, ma newã ome na xivi é ni atali wa. ¹⁴ A tá ma Sun non sa ngê jura, lasa ma Mozeji na fa né ala ma ka fa saserdosu wa. ¹⁵ Sê biruru, mora Mekizedeki ni opé wa ôtô saserdoti. ¹⁶ Ê na fa punda alê ni jelason kani ma Ê bila wa sasedoti wa, maji punda kuéé mora porê di wã vira ku na ka lokê wa. ¹⁷ Ala livu ka fa né: "Bô saserdoti atê atê, de odji Mekizedeki" ¹⁸ Punda mura kua ma fa nakulu punda é ta flaku sô sê poveta; ¹⁹ Sô alê na valê wa, punda wã kua ma ka wara buaru letxa, sô ji non paji Dêsu. ²⁰ Sô kua é na ra sê pa zula wa. Ri ôtô mora ane ku túa saserdosio na zula wa; ²¹ Sô, jizu é bila saserdoti ku kua ma nkênu zula fa: "Sun zula sô é na ka tô bila ba mema wa. Bô sa sasedoti atê atê". ²² Mora é, Jizu bila wã kunfiansa de wã konsertu maxi buaru. ²³ Sô nkênu xi

Chapter 8

bila saserdoti maxi motxi, sô sa tazaru ra motxi ri siji. ²⁴ Sô punda Jizu vevia atê atê, saserdoti rê sa atê atê. ²⁵ Sô kua é ê turu ka pô sava turu nkênu, punda Ê, a ka vitxa Dêsu; Ka vevia atê atê pê loga ra ane. ²⁶ Punda sumu saserdoti a toka non: santu, sé mon sa, saserdoti, limpu, lonji pekarô, ma a gaba diba onsé. ²⁷ Ôtô mora, ôtô sumu saserdoti, Ê na toka saklifika turu ria wa, pumbêlu ra pekrô ane plopi pekarô, sô ra pekaru pôvô wa. Ê zi kué wã vê za, ala ma é mé rié za. ²⁸ Alê zi mora sumu saserdoti ome sujetu ra flakêza; maji, lumba ma é zula ku bi antiji alê, pena Ná, buaru atê atê.

Chapter 8

¹ Sô non ta ka fa ku non té wã sumu saserdoti, ku tason kiba tronu de alê ni onsé; ² Ê sa wã sevu de Santu lugé de tabernakulu veré, ku sun ji, na ome wa. ³ Sô turu Sumu saserdoti sa jiru pa da é po sa dadiva mora saklifisio. ⁴ Punda lazon é, sa bua ma é té kua pa da. Xi klistu ta tia, ⁵ Ê na ka bi sa saserdoti, wã vê ku tê nkênu ku ka da dadiva di akordu ku alê. Suvisu ku ka plesta sa mora sombla di kua selestial, di mora é mé ku Mozeji sa avisaru ra Dêsu, ala é tava pa ji tabernakulu: Pia ku ka ji turu mora modêlu ku sa musaru ni monti. ⁶ Maji aiê, Klistu tê wã ministeriu maxi diba, punda Ê sa ngê ku ka mindji wã aliansa maxi buaru, sô sa kunfimarû ra plomesa buaru. ⁷ Sô, xi plimelu aliansa na tê dêfêtu wa, na sa pisizu lanja ôtô wa. ⁸ Sô ala ma Dêsu lemplendê pôvô rê, fa: "Sô ria ka bi", Sun fa: ni kua fé wã aliansa novu ku kai di Israel ku kai de juda. ⁹ Ê na sa mora aliansa ku ji ku ane nakulu, ni ria ma tuá ane ni mon, pa bé ku ane pa luá tia Ejitu. Punda ane na ta ni aliansa wa, wã na da maxi atenson ra ane", Sun fa. ¹⁰ Sô iê sa aliansa ku nga ji ku kai Israel, sô ria é ô, Sun fa. Un pê alê wã mentxi sê també eskêvê ni koso sê. Nga sa Dêsu sê ku ane ka sa pôvô un. ¹¹ Na xina maxi kara wã vidja ku kara wã manu rê, fa : Konsê Sun; Punda turu kua ka bi konsê Un, di txo ro ro ba maxi ngairu. ¹² Sô, musa mizerikodia pa ku kua r'r di justisa na ka lembla maxi di pekaru rê. ¹³ Ala mê fa: "Novu pacto"; Ê bila pimelu aliansa tapasaru: kua ku ka sa tapasaru sa di loké.

Chapter 9

¹ Ola pumbê akordu ta mandamentu da kutu ny santuariu ni tia. ² Sô whã tabenakulu fô ziru, ni kiba lua, nga mê tinha whã kandelaru, ni meza fô konsagaru ni santu nga. ³ Sô mema segundu kotina, y ôtô tê ôtô lala, ki ka sama santu di santu. ⁴ Ku tê whã ata di ôtô da sensu da arka di aliansa, siaru di ôlô katxi rê tinha jaru di ôlô dy mana boro dy Aro ki da whê taba dy liansa. ⁵ Diba ry arka kerubis dy goia kubiru propisiatoriu. ni kué, non na poi aié fa ni kué wha. ⁶ Sô turu kué sê ka sa pepararu, ane saseroti ka regula letxa ni sala ma ane tia né antigi ny lêtû ngêza pa ane zi suvisu. ⁷ Maji, ne segundu sala, sumu saserdoti so ka pô letxanê, whã vê ry kara anu, na sê nguê wha, ma êlê lukua ra êlê me sô ra pekaru ry nkênu ku na kêlê né wha. ⁸ Sô Supitu Santu mesê musa ma ane mondja ry Santisimu nga na ka pô sa musaru, maji pumbêlu ngêza ka ta. ⁹ Ixié sa whã zemplu ra non aié. ¹⁰ Ane, ené aperta ku ene sakrifisio ku aié ma so ka ra, na sa kapaji dy bila buaru kuxensa ane ry nkênu ku ka dora. Ane nkenu é sa ry kua ry kani, né kua dy mé né bêtê, sô ku yô kua ku sa mali atê ku ôtô lumba kabi. ¹¹ Maji Kristu bi mora Sumu Saserdoti ra kua buaru ku sê ka bi, ra ane ngairu sô maxi buaru ngêza ki na sa ziru né di món ri ane nkênu wha, sô kua ka fa na ry tia é giru wha. ¹² na sa ri sangi ri ná kabla, ná buê, maji ne sangi dy Kristu, ku lethra pê Santu dy Santu, whã vê ri turê, livu non, poja turu pekaru non sô ra non savason. ¹³ Punda si so sangi rê na kabla so ku buê ku wanga sindja dy whã ná buê diba ene nkênu ku sa suzu ka txia ane ra Desu, bila ongê ane limpuru. ¹⁴ Si non pia sangi dy Kristu, ku rê Supitu atê atê, mê ra vira Rê ra non sê pekaru ra Dêsu ka laba kuxensa non ne kua muêru pa non xivi Dêsu Vivu! ¹⁵ Sô punda lazo é, Ê sa Medidor ri whã novu akoru ne katxi ri motxi Rê, Pê paga pekaru ri nkênu lasu ri pumbêlu alinsa, pa ku ane samaru Rê pô tua pomesa sô savaso atê. ¹⁶ Punda andji ka tê whã akoru, é sa pa musa motxi ri kua ku dji akoru é. ¹⁷ punda whã akoru sô ka valê ligaru a motxi, sô é ka tê valoru sô ma nkênu ku zi akoru é vivê. ¹⁸ Punda, atê né pumbêlu akoru be giru sê sangi. ¹⁹ Punda, ola Muzeji tia daru turu mandamentu dy alê ra turu nkênu, é tê sangi ri ná buê ku ná kabla, ku aua, ku peli boru ku whã planta ka sama hisopu, sô toé diba popi livu ku diba turu povô, ²⁰ Sô fa: Ixié sa sangi ri akoru, ma Dêsu ta fa non. ²¹ Ri mora é mé, é to ku sangi ny baraka ma ane tia ka dora Dêsu né sô ku turu kua ma ane ta ka taba kué ny ngêza. ²² Sô ri akoru ku Alê, kuazi turu kua sa purifikaru ku sangi, sô, sê lukaru ry sangi, na tê pero wha. ²³ Ésa axié mé, punda, ku ane figula ry kua ku sa ni onsá ka sa purifikaru ku sakifisu ry ane bisu: mazi, ane kua ry onsé, ry mora é mé, é tê ku sa purifikaru ku whã sakifisu maxi buaru. ²⁴ Punda Kristu na lethra ni lugé dy adora ma mó zi wha, né kuali é sa kua veré, mazi, axié, né popi onsé, andji aié ka ba ta né whê Dêsu ra non. ²⁵ Ê na lethra nha pe Pô ra vira yô vê wha, mora kazi whã sumu saserdotxi, ku lethra ny santu ry santu, kara anu, ku sangi ôtô. ²⁶ pia xi é sa axié mê sa, anto é tê ku sa ku Ê parisê yô vê djina komesaru ry mundu. Mazi aié sô whã vê, mê sa kumpîru ane tempu, so ku Ê ta musa pê thia ane pekaru ny katxi ry Rê popi né sakifisu. ²⁷ Axíé mora turu nkênu sa pa muê ô vivê sô, so ri kua ka bi juizu, ²⁸ Axíé té Kristu, ku ta bé tega vira rê whã sô vê pê thia ane pekaru ri yô nkênu, ka tô bi ôtô vê, sê pekaru pa savason ra nkênu ku sê ka wharé.

Chapter 10

¹ Punda alê sa whã somba dy ben dy kua ka bi, na sa mora ane kué. Ê na ka pô bila buaru ngê xi ku ka bi boro Dêsu, povia mora sakifisu é me ma saserdoti ka gi kué anu diba anu. ² Dy ôtô mora sakifisu ié na tê desa dy ane wha! Dy mora é, xi ane ka sa limpuru whã vê sô, nkênu xi ku ka gi kutu na ka tê kuxénsa pekaru wha. ³ Magi, ku sakifisu é, tê whã lemblasa

dy pekaru anu diba anu. ⁴ Punda sa setu ma sangi dy toru dy kabla ka tia pekaru wha. ⁵ Sô ola kistu letxa ny mundu, fa: "Ná mêtê sakifisu y pezentxi, magi whã ongê ku plepara ra Un. ⁶ Na têtê gosto ny holokastu né ny saxifisu ra pekaru. ⁷ Antó An fa: An sa ingê, Dêsu, pa gi vontê Rê, mora sa sisikaru ny pergaminhu ra rispêtuUn". ⁸ Pumbêlu Ê fa: Bô na gogo né sakifisu, né ofeta, né olokastu, né sakifisu ra pekaru. Bô na têtê prazer né whã. Ane kuê é sa sakifisu daru dy mora ku alê. ⁹ Antó Elê fa: "An sa ingê pa ngi vontê ô". Ê ka loke ku pumbêlu platika pê zi otô. ¹⁰ Vontê, non sa santifikaru povia dy oferta dy ongê Jisu Kistu sô. ¹¹ Dy whã kiba, turu sarsedote ka ta atê atê, ria diba ria, ka xivi, ka da sakifisu é me atê atê, magi ane na ka tia pekaru wha. ¹² Dy otô kiba, Kistu da whã sakifisu ra pekaru atê atê, y é tason detu dy Dêsu. ¹³ Antó whara atê ma numigu ka peru koxi opê ô. ¹⁴ Sô, ra whã ofeta é me, Ê gi kua buaru, pa atê atê, nkênu xi ky sa bisa santifikaru. ¹⁵ Supitu Santu tambêté da non seseminha, man ta faru: ¹⁶ sô alinsa ma nga zi ky ane sô ria sy za, "fa Sun". Nga pê alê Un ny koson y sisika ny menti ô. ¹⁷ Na lembla dingui dy pekaru y inikirari sê wha. ¹⁸ Ê têtê pero ra kuê, na têtê nesetidadi kuali keru sakifisu ra pekaru. ¹⁹ Sô, manu, têtê kufiansa pa letxa ny santisimu lugé ra sanguy dy Jizu. ²⁰ Ixié sa novu y vivu mondja ky Êlê biri pa non povia veu, sô, ra kani Rê. ²¹ Punda têtê whã ngaru sasedotxi ny kai Dêsu, ²² xiga ku whã koson vere vere, ny turu kua setu dy afê, têtê koson non limpuru dy whã má kunxensa y ongê labaru ku aua limpuru. ²³ Tambê té non têtê kofesa esperansa non, sê mendu punda Dêsu, ky plomêtê, sa fieli: ²⁴ Bôka kobla whã otlô pa da ane fosa ny amolê ku obla buaru. ²⁵ Ban na desa dy uni wha, mora otô sa ka gi. En vê, banda wha a otô fosa ola ma bô sa bê ku ria sa bi. ²⁶ Punda sy non peka ra vontê ny ola ma non tua sêbê dy vere, na têtê sakifisu ra pekaru wha. ²⁷ Ni vê é, é têtê whã desizon zumamentu sô ku whã fogô ku ka iêrê ku ka loke ky numigu Dêsu. ²⁸ Kuali keru whã ku na kungi alê Muzezi, ny whê vere dy dosu ô trêxi sestemunha, ka muê sê pero. ²⁹ Kuali punison maxi severu ku nkênu xi dumu ná Dêsu, nkênu tlata sangi pomesa suzu, sangi ra kua xi ku é sa santifikaru, fa kua mali ra supitu dy glasa. ³⁰ Non konsê nkênu ky fa: Vingansa toka Un, Ân tô ndê. Dingi: Sun ka zuga povô Rê. ³¹ Sa whã kua mali kiê ny mon Dêsu vivu! ³² Magi sê ka lembla dy ria pasaru, ny ola ma sê fô luminaru, ma sê ngita whã peza ngairu ny suflimentu. ³³ Bô sa pêru pa turu ngê bê ô, mangason ra kua mali y pixiguiru, bô turu ka gi patxi nkênu ky ka by sa tlataru ky suflimentu. ³⁴ Sô, têtê piedagi ngê xi ky tava pezu y asête ku ngostô ola mêtê tua posy rê, taru mêtê têtê whã kua mêtê leda buaru atê atê. ³⁵ Anto, na zuga ta kunfiasa sê wha, ny kua têtê whã rekompesa ngairu. ³⁶ Sô bô têtê ki têtê paxensa pa, ola mô ka gi vontê ô, bô ka pô tua ku ma Dêsu plomêtê sê. ³⁷ Sô, ny yô poko tempu, nkênu ky ka bi ka bi na ka langa wha. ³⁸ Zuxxi Rê ka vivê ra afe. Sô é ka bila bô mema. ³⁹ Magi non sa nkênu ku na ka bila ba mema wha, pa na lokê, magi nkênu ky têtê afe pa lokê alima non.

Chapter 11

¹ Aié, a fé é sa setêza diba di ene kua ma ka wara. Ê sa plova di kua ma na ka bê wa. ² Sô punda afê ane nkênu na kulu ta têtê sestemunhu buaru. ³ Punda afê, non ta ma mundu é sa jiru ni lumba Dêsu, di mora ma kua ma ka bê na sa jiru di kua ma a ka bê wa. ⁴ Punda afê ma Bêlu ra Dêsu wã sakrifisio maxi buaru dô kê Kain, punda kuê ane bê mora justu, sô Dêsu sestemunhê diba rê punda kua mêtê ra. Sô punda afê Bêlu ka fa anda, axemê é sa motxi. ⁵ Punda afê ma txia Enok de wã nga ba otô di mora mêtê na bê motxi wa. Ê na bê wa, punda Dêsu sô tuê. Sô, Antiji dê sa txiaru, é têtê sestemunhu de gôgô ku Dêsu. ⁶ Sê afê a na ka poi gôgô ku Dêsu wa. Punda kuê, sa buaru ma nkênu ku kabi lêlê Dêsu ka kêlê ma é sem é ka têtê pesentxi ane ixi ka bi ngolo é. ⁷ Ê sa punda afê ma Nuê, sa xinaru pô Dêsu di kua ma naxi ben wa, ku lespetu da Dêsu, ji arka pa sava kai rê. Di ji kuê, kondena mundu sô bila ledêru de justsa kua kali punda afê. ⁸ Ê sa punda afê ma Abron, ola ma a samê, kunxintxi sô xiê ba wã nga mêtê ta pa tuá mora ledêru. Ê xiê sê pê ta andji mêtê ta pa bê. ⁹ Punda afê ma ane ta ka nda ni tía di pomesa mora wã nkênu otô tía. Ê vévia ni kilala ku Izak ku Jako, lêdêru di pomesa é mé. ¹⁰ Kuê punda é ta ka pia da wã poso ku têtê fundamentu, ma akitetu ku konstrutor sa Dêsu. ¹¹ Ê sa punda afê ma Sara, é po na ka pari wa, é tua porê di pari, kuê é da ala ma é ta ngê tamê za, punda é ta kuxintxi fieli da Ngê ku ji é pomesa. ¹² Punda ome xié, ku tava iogoru ongê, nansê iô ngê fogawa, mora tetmbu di onsê sô ma a na ka pô tangê wa mora ane unkuê di nsekê paiá. ¹³ Turu ane muê ni afê sê tua pomesa ane, ene bê ji é mantia nã lonji sô kofesa ma ane sa nkênu otô tía sô ngê ta kanda ni Tía. ¹⁴ Pa ngê ku ta ka fa ane kuê, é ta klalu ma ane ta ka ngolo wã Tía. ¹⁵ Xi ane ka tô lembua di tía ma ane ta desa, ka têtê tempu pa tô bila. ¹⁶ Maji ane ta ngolo wã tía maxi buaru ixi é sa, ni onsê. Sô, Dêsu na sa ku vegonha di sa samaru Dêsu di ane wa, punda a ji ra ane wã poson. ¹⁷ Ê sa punda afê ma Abron, ala é sa paparu ji oferenda Izak, pimbêlu nã rê, ngê ixi ta kua wã pomesa. ¹⁸ Fô pa êlê ma kuê fo faru: Ni Izak ka sa samaru ane jerson ô: ¹⁹ Abron da valoru ma Dêsu sa ku pôrê pa tô lata ane motxi sô, figula é, sô tô tuê dingi. ²⁰ Ê sa punda afê ma Izak dá benson ni Jako sô ni Zau sê ka di kua ta pa bi. ²¹ Ê sa punda afê ma Jako, ola é ta pa muê, da benson kara wã di ane nã Jozê sô zengeta diba ponta di borô rê, adore. ²² Ê sa punda afê ma Jozê ola é ta ka xiga fim di vira rê, fa di saira di ane nã Israeli di Jitu é manda serka di oso rê. ²³ Ê sa punda afê ma Muzeji, ala é nansê, sa konderu, ni tesi meji, punda ane papa rê, punda ane bê ma mosu é sa glavi. Ane na xintxi mendu mandamentu di alê wa. ²⁴ Ê sa punda afê ma Muzeji, sô bila ome tame, zeta di sa samaru, nã mosu di na di Farao. ²⁵ Maji é koiê aflison ku ane ngê di Dêsu, en veji di gôgô ku ane vontê pekaru ni txo fufu tempu. ²⁶ Ê da valoru ma padêsê di Klistu sa wã likêza maxi ngairu di ane, Ala di Jitu, punda é ta fingaru wêrê ni pezentxi. ²⁷ Ê sa punda afê ma Muzeji desa Jitu, Ê na xintxi mendu di leva di alê wa, punda é guenta mora ngê kabê ngilisi ku sa ma na ka bê wa. ²⁸ Ê sa punda afê ma é ji Patxi kua, sô uanga sangi pa ane mataru di ane pimbêlu na na mata ane wa. ²⁹ Punda afê ma ane ba otô kiba ni mionga buaru mora wã Tía kútaru, Ala ane ngê ngita tenta ji kuê, ane sa nguliru. ³⁰ Ê sa punda afê ma ane mulu Jeriko kiê, sô ma ane ngê da vota rê sambano ria. ³¹ Ê sa punda afê ma Raabi, ixi mengai iô ome na muê ku ane makiaru, punda é tuá ane ngê ku ba zongo ku paji. ³² Sô kua ma nga pôfa dingi? Ê sê ka fata un fa di tempu di Jidion, Baraki, Sanson, Jéfité,

Davi, Samueli sô ane pofeta.³³ Ane ixi, punda afé vensé lënu ku tia, ane vevia ni justisa sô tuá pomesa. Ane fisa boka lion,³⁴ Ane paga puré de fôgô ane eskapa fi supara, a da ane fosa ni fakeza, ane bila kanu di pure ni gela, ane ji kolê soré ôto tia.³⁵ Ane mengai tô tuá motxi ane ku muê tô koro dingi. Ôto ixi bé pankararu, na kunxintxi ku livlamentu pa ane tô tê wã vira maxi buaru ri ongê ku ka muê tô kora.³⁶ Ôto ta ka papa ji pôkô ku xikotxi, sô tê jema ku pezu.³⁷ Sô ra ane ku kua buaru taiaru ongê katxi sô motxi ni fi supara, Tô nda kubiru ku peli ri ômbô ku kabla, sê nêwã kua pekuparu tô ra ane ku kua.³⁸ (Sô mundu tô zeta ane). Ane ta ka nda sô ni dezertu, mundu, vuvu buru ku vuvu mavu.³⁹ Ni mora é turu ngê é ta tê sestemunhu buaru punda afé ane, ta sê pomesa.⁴⁰ Punda Dêsu ji planu di kua maxi buaru ra non, pa zuntu ku ane ka sa limparu.

Chapter 12

¹ Wã vê ma non sa ni ome niwã meme ombxi di sestemunha, sela non lega turu pêzu so ku pekaru ku ka mësê pa non ji. Non ka kolê leve leve, wã kolê ku sa wê non.² Sô non ka pia Jizu, anton so konsumaru di afé non. Punda gôgô ku ma Ê plometê non, é nguenta kusu, bama vegonha so é taso ra direita di tonu Dêsu.³ Seta so, nkênu xi ku nguenta turu mali pekarô kontê Êlê, pa sê na kansa so dezanima wa.⁴ Sê nda na nguenta atê sangi ni peza kontê pekaru wa,⁵ Sô sê kêsê di ezortaso mora a fa da ane nason: Nã un, na bana konsê Sun fô, na ji koso moli ola ma Êlê sa lumba na sê fô.⁶ Punda Sum ka lumba ku ngê ku ka gôgô kuê sô a ka ra xikotxi turu nã ku Ê ka kôîê.⁷ Nguenta sufimentu mora moru di korêso Dêsu ka ji sê mora nã, punda ku nã ma ta na ka kuri ji wa?⁸ Maji, xi sa sê koreso, so ku turu ngê ka buli kuê zô sê na ka sa nã buaru wa sô na ka nã rê wa.⁹ Ôto kua, non ka ka tê wa papa segundu kani ku ta kuri ji non sô non tava ka lispêté é. Non tê wã deveri iô di ndê Táta non supitu sô vévia axé wa?¹⁰ Punda ôto kiba, Dêsu ka kundji non pa non sa buaru, pa non buli ku santirari rê.¹¹ Turu kôrêson, wele é na kô gôgô^wa, maji di tisteza, zô, maxi taji, é ka lata mé paji ku justisa, ra nkênu ku ka ji Êlê.¹² Sô, lata mon sê kansaru sô ku ane mpuna flaku,¹³ Ji mondja dëtu ra opé ô, pa turu nkênu ku sa lezaru na ka bërê wa, maji, pê sa kularu.¹⁴ Ji paji ku turu ngê sô ku santifikason, sê kuê newã nkênu na ka pia sun wa.¹⁵ Kudaru pa nêwã ngê ka tê fata di glasa Dêsu wa, sô ku nêwã leji pekaru, ku ka boia, sê ka petuba so ji iô ngê mali.¹⁶ Seta pa ku na tê nêwã ngê mali ô pofanu mora Ezau, so punda wã mé, é bëndê diletu di sa pimêlu nã.¹⁷ Punda sê ta ma xi taji, é na bê lugê di arependimentu wa, Sô ku awa wê kuê tué kuê.¹⁸ Punda bô na xiga wã mundu ma bô ka poi tê ku mon wa, mundu de wã fôgô iêrêru, nga kulu, nga treva sa ku má tempu;¹⁹ Ê vitxa kua ndê de tombeta, nêwã voji ku lumba, punda ane nkênu loga pa nêwã ôto lumba pa na fa ane wa.²⁰ (Punda ane na ngueta kua pa ane ji Atê wã bisu, xi tê ni mundu a ka dé ku buru atê é ka muê.²¹ Viso é sa terinvel fogawa, ma Muzeji fa: "An sa ku mendu ka témé)".²² Maji é na vitxa ni mundu Sion, poso Dêsu vuvu, Jeruzalem selestiali so ku kuine dosu milion ri anzu ka ji fesa.²³ Bô bi ngêza de ane pumbê na kuluru ni onsê, Dêsu, juxi de turu ngê; ane supitu di justu ku sa aperfesoado.²⁴ Bô bi da Jizu, mediarô de aliansa novu, sô ku sangi de aspeson, ku ka fa maxi buaru ku sangi Abelú.²⁵ Pia, na lega nkênu ixi ku sa fa ku sê wa, punda, xi ngê zeta nkênu ni tia ku tava ka da konsê é na ka eskapa wa, non ta ma non na ka eskapa wa, xi non bandona di nkênu ku sa da non konsê ni onsê, nkênu, ku voji rê bila tia.²⁶ Maji aié Ê pomete sê fa: Sô, wã vê maxi, nga ba bila tia, maji té onsê.²⁷ Lumba xié: Sô wã vê maxi, ponta kua bagaru di turu kua bilaru, ô seja turu kua kiaru, pa ku é ka fika ane kua ku na ka poi fika bilaru wa.²⁸ Punda kuê, é tua wã govenu ku na ka poi sa bilaru wa, sêla non tê glasa xié sô mora é non ka xivi Dêsu buaru, ku reverensa ku lispetu.²⁹ Punda Dêsu non é sa wã fôgô ku ka kema.

Chapter 13

¹ Ku amolê na amó non ka bê sa.² Na kêsê di pé nkênu ôto tia kai wa, sa ji kuê, ôto pê anzu lëtu kai sê ta.³ Lembua mé di nkênu ku sa pezu, mora non sa pezu ku ane. Lembua ane nkênu ma sê ka ra ku mora ma sê a sa da sé ku kula mé.⁴ ku kazamentu ka sa lespetaru ra turu ku koma kazaru ka sa limpu, punda Dêsu ku ka ba zuga turu ngê ku ka dumi ku ôto aton ane xi ku ka landja ventja.⁵ Mora sê di vévia ka sa sê amolê lëlu. kontenta sê ku kua ma sê tê, punda Dêsu mé fa; Na ka ta desa ô wa, sê na ka zeta ôto wa.⁶ Ri mora ma, má boka na ka fa: Sum sô ka zura un, na ka tê mendu wa. Kua ma ome ka pô ji un.⁷ Lembla ane xefi sê, ku fa lumba Dêsu. Piá, tô lêlê mema ane, mora ma ane nda wê Dêsu. Lêlê afé ane.⁸ Jizu klistu é mé sa mazo oze ku atê atê.⁹ Na desa pa sê lêlê iô dotrina ku sê na konsê wa. Punda sa buaru ku koso ka sa animaru ra glasa, na punda legulamentu mé wa ni kua na ka zura nkênu ku vévia ra mé wa.¹⁰ Na tê wã atali di nkênu ku xivi ni ngêza na tê dëtu wa.¹¹ Sô sangi xitu sakifikaru ra pekaru sa biru ra sumu saserdoti ni ligê santu, sô ongê rê sa kemaru luá kilala.¹² Sô kuê, ala santifika pôvô punda sangi Rê mé, Jizu tê suflí luá purton poso.¹³ Sô, no ka xié ba tê kuê lua kilala, nguêta vegonha Rê.¹⁴ Punda non na tê wã poso atê atê ingê wa. ba ôto mora, na ka ba tuá poso ku ka bi.¹⁵ Anton punda Êlê, non ka da saklifisio di vungu ra Dêsu sa, sa nomi di boka ku ka kofesa nomi Rê.¹⁶ Na ka kêsê ji kua buaru di zura wã ku ôto, sô ixié sa saklifisio ku ka da Dêsu gôgô fogawa.¹⁷ Obdêsê xefi sê baza ntê da ane, punda ane ka tua konta alima sê, mora nkênu ma ka ba pindji konta, obdêsê xefi sê pa ji kuê ku ngosto na ka gô wa, sô sê ka sa mala boia.¹⁸ Ji lason ra non, sô non sa setu ma non tê wã kuxensa limpu, un tê vonté de vévia buaru ni turu kua.¹⁹ Aun ka ra sê koson maxi anda di ji axi, di mora ma un nga poi tô bi lêlê sê maxi seru.²⁰ Ku Dêsu di paji, kua, punda sangi aliansa atê atê, tô bi katxi motxi wa pastor ngairu di ombo, sun non Jizu, sê ka ji turu kua buaru pa kumpli vonté Rê.²¹ Ê ka taba ni non kua ku sa buaru ni wê Rê, punda Jizu Klistu, nkênu ixi mërêse goia atê atê. Amém.²² Un ga loga sê, ane manu, pa sê ngueta lumba dizu ma sê ndê; má sisika ra sê wele wele mé.²³ Pa sê ta ma manu sê Timoteo xié pezu za. Xi é seru, nga po bê sê ku é.²⁴ Fa mantxa ra turu xefi sê ku turu ane santu. Nkênu Italia ka fa sê mantxa.²⁵ Glasa ka sa ku turu sê.

James

Chapter 1

¹ Tiago, sêvo dy Dêsu ku dy Sumu Jizu Kistu, ene kuin dôsu tibu dy xieru ny katxi nguê kumprimentu. ² Ná mó un, konsidera kua é dy ngai gôsô ola ola mo ka pasa iô povason. ³ Té ka ta ku pova dy afé sê ka gi ô fika. ⁴ Lega sô ta loké obra ô, pa ku sê bila plenamente dezvoltolvidu ku sêtu, dy mora ku na ka fata sê kua wha. ⁵ Magi xi whã sê prisiza dy ta kua maxi, ku pindji Dêsu, sô Êlê ka ra nguê ka pindji sê kritika nkênu ka pindji, sa Êlê sô kadé. ⁶ Magi ky pindji ku afé, sê duvira, punda nkênu ku duvira é sa mora whã basa ny mionga, ma ventu ka bé kuê sô zugué dy whã kiba ba ôtô. ⁷ Nguê é, sô, na pô kunda ku tua kua do Sumu, ⁸ whã nguê axié ka kiê, só y ka sa sê sêgura ny turu mondja rê. ⁹ Ene ná mo plobe té ku ngaba ne suli rê, ¹⁰ Magi ene omé liku té ku ngaba né rebaxa rê, punda é ka muê mora floli ny mevia. ¹¹ Punda sóló nansê ku kalôlô ku iô brasa ka kuta grama. Foli ka kiê, sô glavi rê ka muê. Dy mora é mé, sô liku, a na ka tô bê né turu nda rê wha. ¹² Ngoso sa ene homé ku supota ene povasó punda, so ola me ka pasa povasó é, é ka ba tua koroa dy vira, ku ma ta pomête ene nkênu ku ka gogô ku Dêsu. ¹³ Né whã nguê, ola é sa tentaru tê ku fa: " ãn sa tentaru pa Dêsu", punda Dêsu na sa tentaru ny mali wha, so Êle mé na ka tenta nguê wha. ¹⁴ Magi kara nguê sa tentaru ny vonté rê, kua poxíma so ku bekuê. ¹⁵ Antó, sô ku vonté da, ra kandja dy pekaru. sa ola ku pekaru ka xiga até diba, ka da kandja dy motxi, ¹⁶ Ene amaru ná mó un, na sa nganarô wha. ¹⁷ Turu buaru ofeta y turu don sêtu y ka bi ny diba. Dêseru dy tata dy kandja. Ny Êle na tê muda wha ô kilembéka dy mura wha. ¹⁸ Dêsu koiê da non vira punda palava dy vére, pa non sa mora ene pimêlu futu kathi turu kua ma Êle kia. ¹⁹ Éne amaru manu un, sê ta kué: turu home tê ku sa pontu pa ndê, ngosy pa fa, sô ngosy pa sa ku leva. ²⁰ Punda leva ry homé na ka subi zustisa dy Dêsu wha. ²¹ Sô, liva sê dy turu mali pekaru sô iô mali. Resêbê ku umilha palava ku sa plantaru, ku sa kapaji dy sava alima sê. ²² Sa so dy palava, na sa sô dy ka ndê wha, ngana sê mé. ²³ Punda, si whã nkênu sa nguê ka ndê palava so y na sa whã pratikante wha, é sa mora nkênu ku pia ônguê rê natural ny whã supê. ²⁴ É ka pia popi onguê rê, so bêrê, sô ngosi é ka kêsê dy mora mê tia. ²⁵ Magi nkênu ku kuidadu, kuidadu pia buaru da alê setu dy liberdade, sô lêlê ka zi kuê, na sa sô whã nkênu ki ka ndê kêsê wha, homé isi é ka sa abensuaru ny kua mê ka zi. ²⁶ Si whã nkênu xi analiza mê sa dy whã religion, maji na sa kontrola lingua rê wha, é ka ngana koso rê, so religion rê sa sê valor. ²⁷ Sô religion sêtu sê manxa whê Dêsu Tata non, é sa i é: zura orfã, y viuva ne aflison rê, sô ta sê kontamina ry mundu é.

Chapter 2

¹ Ene ná mó un, na tê afé dy Sumu Jesu Kistu non, Sumu dy goia, ku favorêse ene ligason dy un a ôtô nkênu. ² Mgina ku nkênu kathi renion sê ka uza nény dy ôlô y kabichi fina, so ku té kathi whã homé pobli ku kabichi suzu. ³ Si é tenta ra ene nkênu ku sa ky kabichi fina so fa achi: " Gi favolô, tasó ingê ny luguê buaru", so fa ene homé pobli: " ta ny ingué ô tasó ô ny opé un", ⁴ na sa zuga ô ny kathi sê mé wha! Na bila sê zuxi ku pensamentu mali ngo! ⁵ Ndê, ene amado ná mon un, na koiê Dêsu ene pobli dy mundu pa sa liku ny afé so leda reinu ku Êlê pomête ene ku ama Ô! ⁶ Maji ene té dezora ene pobli. É na sa liku ku oprimi sê wha! É na sa êlê ku ka rasta sê ba tibunali! ⁷ Na sa liku ku lumba mali ny buaru Nomy ma non sa pertêsê! ⁸ Dy turu, ka kumpi alê vére, sêgundu a Eskitura: " Ngogô ku nkênu ku sa zuntu ô mora bô mé", dji buaru. ⁹ Maji, si bô zura sêtu nkênu, bô sa komête pekaru bô sa kondenaru dy Alê mora pekaru. ¹⁰ Sô kualikeru whã ku ka ndê turu Alê, maji ra topi ny whã uniku pontu é ka sa kuparu dy kebia turu Alê. ¹¹ Punda elê mé ku fé: Na komête adulterio, tô fa: " Na mata wha". Si na komête adulterio, maji mata nguê, antó ba bila pekaru dy Alê. ¹² Antó lumba ra ene so gi nora nkênu ku ka ba sa zugaru dy alê dy libedade. ¹³ Sô zugamentu ka bi sê mizerikodia ku na musa mizerikodia wha. Mizerikodia ka sêndê até zugamentu. ¹⁴ Quali povetu mê tê, námo un, si nkênu fa mê tê afé, maji na tê obra wha! Afé nkênu é ka savé! ¹⁵ Majina ku whã mano ô whã mana, pesiza kabixi, y na tê mé da dia wha. ¹⁶ Si whã sê fa: dé: Bé dy paji, kenta ô so mé ô buaru, sê dé ene kua ku ra pa onguê, kuê poveta e sa! ¹⁷ De mora é mé, a pê pa êlê so, si na tê obra wha é sa motxi. ¹⁸ Maji whã nguê po fa asi: " Bo tê afé, whã tê obra". Musa un afé ô sê obra, sô ãn ka musa ô afé un ku obra ma nga ji. ¹⁹ Bô kêlê mê tê whã uniku Dêsu, ji buaru! Maji até ene demono kêlê ny kuê, ene ka témmé. ²⁰ Bô mêsê me ta, home si legula, ku afé sê obra éna sa buaru wha. ²¹ Ena sa Abron, tata non, zustifikaru ny obra, ola é ra ná rê Izaki diba altar! ²² Bê mora afé gi zuntu ku ene obra, so ku, afé rê bê kopletu subiru. ²³ Kumpri Eskitura, ku ka fa: " Abron kêlê ny Dêsu, so isi é responsabilidade mora justisa, sô é bé samaru migu dy Dêsu". ²⁴ Pia punda obra whã home sa justifikaru, y é na sa punda afé wha. ²⁵ Sô tê, dy mora é mé, na sa asi prostituta Raab justifikada ny obra, ola é ra ná rê Izaki diba altar! ²⁶ Sô, asi mora onguê fastaru ny supitu sa muêru, sa mora é afé fastaru ny obra sa muêru.

Chapter 3

¹ Ane manu un, txo nkênu ka sa mészé. Nota ku non resêbê zugamentu masi gosu. ² Punda turu non ka da topi dy iô mora. Si whã nguê na da topi ny palava, é sa whã kopletu subiru, kapazi dy kotrola até né onguêrê têlu. ³ Si non pê freiu ny boka dy kabalú pê ndê non, non pô té kolê turu onguê rê. ⁴ Pia té ku vapô y mora mê sa ngairu so koleru ku ventu forti, y sa koleru dy whã na ventoinha pê ba andji ma pilôto mészé. ⁵ Dy mora é mé, sô lingua sa whã tho kiba dy onguê, maji y ka ji kua ngairu. Pia té mora whã ngairu floresta é ka iêrê dy whã tho faiska. ⁶ Lingua sa té whã fôgô, whã mundu dy pekaru

ny katxi dy onguê non, ku suza turu onguê so iêrê kursu dy vira. Popi lingua é sa dêiêru dy fenu.⁷ Sô turu tipu dy animal dy matu, bisu, repitil ku kiatura dy mionga sa domestikaru, y té sa mansaru dy nguê,⁸ maji, ny lingua, né whã nguê ny katxi homé sa kapaji dy mansé wha. Ê sa whã mali ma a na ka pô mura wha, siaru dy venenu motxi.⁹ Ki lingua, non ka lova nu Sumu ku Tata non, so kuê non ka da mali ene home, ku sa ziru mora Dêsu.¹⁰ Dy boka é mé ka siê bensa ku maldison. Ene ná amon un, ene kua é na ka pô sa wha.¹¹ Ê ka pô sa whã boka aua lukua un ola é mé aua doxi ku aua mangaru!¹² Ene ná mo, ê ka pô sa whã figu da zatona! Ô whã videira da figu! Dy mora é mé, boka aua sagaru na pôsiê aua doxi wha.¹³ Nguei ny kathi sê sa tarô kua! Pa nguê é musa whã buaru dy mora dy gi dy obra ré, ny umildadi ku bi ny kua mêtã.¹⁴ Maji, si ô tê whê xia leva ny kosó sa ambiso ny koso sê, na da fama ny siriga da véré wha.¹⁵ Isiê na sa kua ma ta ku dêsê ny diba wha, inveji dy isiê, ê sa dy tia é, giru dy demono, na dy supitu wha.¹⁶ Punda andji ka tê whê xia ku ambison, y tê demanda ku turu tipu dy kua giru mali.¹⁷ Maji ma ta ku ka bi ny diba, ê sa pimêlu puru, so dy paji buaru, ka komprendê, siaru dy mizerikoria so dy frutu buaru, imparcial so sêtu.¹⁸ I frutu dy justisa sa ximiuru dy paji, né katxi ene nkênu ku gi nda paji.

Chapter 4

¹ Dy andji ka bi demanda kathi sê! Na bi ene dy vonté sê ku luta lêtu membro sê! ² Mêsê y né whã na tê wha, mata so tê whê ra otô né whã kua bo kapaji dy tê, luta so dji demanda. Bo na tê wha, punda bo na pindji wha. ³ Pindji y bo na tué wha punda pindji mali, ku fin dy djié da conte ô. ⁴ Adulterio! Na ta sê ku amizary ku mundu é sa ni mizary kontê Dêsu! Punda nkênu ku mêtê sa migu dy mundu ka bila numigu dy Dêsu. ⁵ Ô kunda ma Eskitura ka fa vón-vón: " Ku sumi, Dêsu ka dêzeja da supitu ma Êle gi ta ni non." ⁶ Maji Dêsu ra gasa ngairu, punda kuê ka fa Eskitura: Dêsu guênta ene whê xia, maji da gasa ene humildy. ⁷ Anto sê ka sujêta Dêsu, guênta ene diabu, y ene ka fuzi dy sê. ⁸ Xiga Dêsu, sô Ê ka atê sê. Dipa mó sê, pekaru, thia mali ny koso sê, sê ku sa vasilanty. ⁹ Sa tristy, ngô, sô sua! Ku dy sê ka bila nguita, so ku ngoso sê, ka bila tristy. ¹⁰ Baza ntê sê ny whê dy Sumu, son Ê ka lata sê. ¹¹ Na lumba mali sê ku sê wha. Nkênu ku ka lumba mali dy whã lumó, ô ku zuga lumó rê lumba kontê Alê so zuga Alê. Siê zuga Alê, na sa ku Alê wha, maji zuxi. ¹² Punda whã so sa legislador y zuxi. Ê sa Nkênu ku sa kapaji dy sava y dana. Nguê sa bô, ku ka zuga nkênu ku sa zuntu ô. ¹³ Ndê aié, sê ku ka fa: " Ozé ô mungu no ka ba poso é, non ka ta nha whã anu, non ka zi negoxo so ka tê ganhu". ¹⁴ Nguê ta kua ku ka ra mungu! Y kua sa vira sê! Punda sê sa mora digo ma ka bêtã ola a ka bila a na ka tô bêtã wha. ¹⁵ Ny luguê kuê é, sê tê ku fa: " Si Sumu mêtê, non ka vivê so zi ixiê ô ixi za". ¹⁶ Maji aié sê xia dy planu sê aroganty turu whê xia mora ixiê sa mali. ¹⁷ Punda nkênu ku ta jié buaru so na jié wha y sa ji pekaru.

Chapter 5

¹ Bi aié, sê ku sa liku y sua so nguinta punda kua dy mizeria ku so ka bi diba sê. ² Likêza sê porê bêtê so kabisi sê bé meru dy trasa. ³ Ôlô sê ku prata sê bila faluza, ku faluza é sa sesêmunha da sê. Ene ka mé kany sê mora fôgô. Lôkê likêza sê ra ola Sum kabi. ⁴ Pia, lêlu dy ene nkênu ku ka taba é sa nguita, so lêlu ku ene tia dy nkênu ku koiê ny mevia ene. Ene nguita dy ene nkênu ku ka taba siga ne oria dy Sumu Exersitu. ⁵ Sê vivê ku luxu ny tia, zi vonté sê. Ngoro koso sê ra ria dy matansa. ⁶ Sê pê mali so sê mata justu, ene na ji sê mali wha. ⁷ Anto sê pasiente, lumô, atê Sumu ka bi. Pia, ene agrikultor ka whara valiza kolheta ny tia. Ê ka whara ku pasiensa ku paisensa a manda, atê ku tia ka tê pimêlu ku ene utimu suba. ⁸ Sa tê pasiensa. Kêlê ny Dêsu ny koso sê, punda bi dy Sumu sa petu. ⁹ Na kêxa sê whã kontê ôtô wha, lumô, pa bo na ba sa zugaru wha. Pia, zuxi sa pota. ¹⁰ Tua mora zemplu, ene lumô, ene padisê so ku paxiênsa ry ene pofeta, ene ku lumba ny nomy ry Sumu. ¹¹ Pia, non tê inguê gosô ene nkênu ku ta. Bô ndê ta dy Jó, so konsê ene kua ma Sum, mora kompasivu ku mizerikodizu Ê sa. ¹² Dy turu kua é, ene lumô un, na zula, né ra onsê ne ra tia né ri kuali keru ôtô zula. Maji, ku lumba sê ka sa sim, " ka sa" sim, so ku ô lumba sê sa Não. " Ku sa: Não" asi sê na ka kiê ny juizu wha. ¹³ Ê tê nkênu kathi sê ka padisê! Sê ka zi lason. Ê tê nkênu ku ngosô! Sê ka kata lôvoru. ¹⁴ Ê tê nkênu kathi sê duêthi! Sê ka sama ene presbiteru dy nguêza, ene ka zi lason dé, ungiê ku olió ny nomi dy Sumu. ¹⁵ Ene lason ku afê é ka ba kula ene duêthi, sô Sumu ka lata. Si ê zi pekaru, Dêsu ka porê. ¹⁶ Sô kofesa ene pekaru un da ôtô pa sê sa kularu. Laosn dy justu so ku pore ku setu. ¹⁷ Elia bêtã omé asi mora non. Ê zi lason ku fosa fosa, pa na sôbê wha, so na sôbê ny tia dy trêxi anu ku sêxi mêzi. ¹⁸ Sô Elia to zi lason, so onse ra suba, sô tia ra ene frutu. ¹⁹ Ene lumon un, si whã sê siê ny vere, so whã onguê tô bi kuê dingui. ²⁰ Bô tê ku ta ku nguê ku ba tua whã pekarô dy mondja re mali ê salvé dy mothi, y kubié re iô re pekaru.

1 Peter

Chapter 1

¹ Peru apostulu Jizu Klistu, nga manda ane melu ma Dessu koyê, ku ka vivê londji tia rê whangaru fô tia Pontu, Galasia, kapadósia, Azia ku Bitínia. ² Koiêru ny vonté Dêssu Tata labaru ku Supitu Santu pa sê zi vonté Jizu Klistu, ku sangi Rê ma Ê lukua. Pa gasa ka sa ku sê sô ma paji sê ka sa motxi. ³ Ra ben Dêssu ku Tata non Jizu Klistu. Ma misikoji Rê ngai ra non wha novu nansê ma speransa ka vevia punda resurison Jizu Klistu katxi motxi. ⁴ Ra whã lederu ku na ka muê wha na ka ra ná-wha ku na ka pendê wha, Ê sa lokêru ny osê ra sê. ⁵ Ny porê Dessu sê sa lokeru ku afê ra savason ku sa plontu pa a bêtã ny litimo tempu ⁶ Sa ku ngosô ra kua é sa plisizu pa sê ka sintxi afligiro ku yô póva. ⁷ pa afê sê masi buaru dokê olô ku

Chapter 2

ka sa povovaru ny fôgo. Kua é ka kolê pa afé sê ka ra vungu, ku gloia ku porê ny revelason Jizu Klistu.⁸ Embora sê na Bê wha, sê ka amé. Sê na Bê ayé wha, mazi sê kêlê Né sô sa ku ngostô fogá wha ku legela ku gloia.⁹ Sê seka ganha luklu dy afé sê, ku savason alima sê.¹⁰ Ane pofeta ngolo ku vonté pa ane bê savason é, ma ane ta fa né ku gasa ku ká sa ri sê.¹¹ Ane ta ka ngoló tá tempu ku ola masi séru ma Supitu Klistu ka musa ku tá né ma ane ta fá naria dy aflison Klistu ku turu gloia ku ka bi sô Êlê.¹² Ma a tá fa ma ane na tá ka sivi ane mé wha mazi ra sê ola é ta ka fa di kua ma a sê ka fa ayé ra ane nkênu ku ta ka plega vanjelhu, ny Supitu Santu ma a manda fô osé kua ma até anzu mé ta ka mesê tá.¹³ Sô koseta ntê sê pa é zi. Ka sa supetu ny kua ma sê ka ta. Sa ku kunfiansa setu ny glasa ma sy sê ka bi kuê ny kua ma Jizu Klistu ka zi ta.¹⁴ Mora ná ku ka zi kua ma ka mandé na zi ku vonté ma sê ta ka lêlê ola sê na tá kua wha.¹⁵ Mazi mora Ngê si ku sama sê ku sa Santu, ma sê turu ka sa Santu ny turu mora vivê sê.¹⁶ Punda é sa sisikaru, sa santu punda un sa santu.¹⁷ Sô sy sê ka sama di, Tata, nkênu sy ku ka zi zugamentu sê vonté di mora ma kara nkênu nda ku lispetu turu tempu ma sê sa ynge.¹⁸ Sê ta ma é na sa ku plata ne olô, kua ku ka potó ma kopua sê kuê ny mora mali ma sê ka vevia né ma sê sina di tata sê.¹⁹ Mazi, ku sangi buaru dy Klistu, mora whâ ombô sê defetu sê méka.²⁰ A koyê Klistu na a zi mundu, mazi ayé ny útimu tempu é a fa sê Êlê.²¹ Punda Êlê ma sê ka kêlê ny Dessu, Nkênu si ma Dessu kora ny motxi ku nkênu si ma Ê ra gloia rê dy mora ma afé sê ku kunfiansa sê ká sa ny Dessu.²² Sê bila alima sê puru ny kua ma sê ka zi véré ku vonté buaru ku amolê tata sê finjimentu sô sê ka ama otô ku kosó limpo, bo dji alima ô puru ny obdencia veré ny Supitu.²³ Sê tô nansê, na sa di simentxi potoru wha, mazi di simentxi buaru ny katxi arra dy lumba Dessu ku ka vevia até até.²⁴ Punda turu kany sa mora iku, sô turu gloia rê sa mora flóli iku. Iku ka kuta, flóli rê ka kiê.²⁵ Mazi lumba Sun ka vevia até até. Yé sa lumba vangélhu ma a tá fa sê.

Chapter 2

¹ Sô zeta turu mali, turu siriga, fasu, whê sia ku fa mali otô.² Mora ná pikina ku nansê novu ngolo leté puru dy supitu dy mora ma sê ka poy kula ny savason punda Êlê.³ Sy sê dji pova ma Sun sa buaru.⁴ Vitxa kota Rê ku sa buru vivu, ma punda whâ kiba nkênu zeté, sô a koyê mora buaru ra Dessu.⁵ Sê turu sa mora buru vivu, ma a zi kay supitu kuê, asyé pa sê sa wha saseroti santu. Ku ka sakifika supitu ma Dessu ka kundji punda Jizu Klistu.⁶ Ê sa sisikaru: ya nga pé ny Sion whâ buru ny kay buaru koyêru sô glavi. Ngê mesê kêlê Né na ka sá ku vengonha wha.⁷ A ka gaba sê ku ka kêlê. Mazi: buru ma ane nkênu ku ka zi kay zetá, yê bila buru ngola.⁸ Sô: Buru ma ka ra topi ku loxa ku firi. Ane ka ra topi lumba na ka liga lumba wha, punda ra kua é ane turu fô mandar.⁹ Mazi sê sa lasa ma a koyê, nkênu ku ka zi suvisu lênu povô Dessu, pa sê fa kua buaru Nkênu sy ku sama sê fô sisima poré ba kerari Rê ku ka luzi.¹⁰ Sê ma nariá na fô povô wha mazi ayé sê sa povô Dessu. Sê ku na tá tua misikokoji wha, mazi ayé sê tua misikoji.¹¹ Migu nga fa sê mora nkênu strangeiro ku sa yngé pa sê fuji vonté kany ku ka peza ku alima.¹² Vivê buaru katxi zintxi, asyé si ane fa mali sê mora malivaru, ola ane ka bê kua buaru ma Ê ka zi visita.¹³ Sujeitá turu autoridade punda amolê Sun, mora alê kuma sefi ngay.¹⁴ Ô mora govenarô ma a manda ri samá nkênu ku ka zi mali atenson ra nkênu ki ka zi buaru lova.¹⁵ Punda yé sa vonté Dessu punda ola bô ka zi buaru sa bô seka tapa boka lifiron ku malokô.¹⁶ Mora povô livi na tua liberari sê mora whâ diskupa ra mali wha, mazi ta mora nkênu ku seka sivi Dessu,¹⁷ lispetu turu nkênu. Ama ná amon, mendu Dessu, lispetu alê.¹⁸ Ane na kiá ta kosi pató sê, ku turu lispetu, na sa ra pató buaru sô wha mazi ku nkênu má fé turu.¹⁹ Punda é sa buaru sy nkênu ngueta dolô whâ parisê sê lazon punda kuxensa ô ku Dessu.²⁰ Sô kuay ma bô ka nganha si bô sujeta yô padisê é punda whâ pekaru ma bô zi! Mazi si bô zi buaru, parisê, sa buaru whê Dêssu.²¹ Ra kua é ma a sama sê, punda Klistu turu parisê ra sê, sô desa zemplu pa sê lêlê passu Rê.²² Ê na zi pekaru wha, né siriga ku boka Rê. Ola a tlaté mali Ê na kudji ku mali wha.²³ Ola Ê parisê Ê na miasa wha, mazi Ê ntlega Ré mé ra Nkênu sy ku ka zi zugamento zustu.²⁴ Ê kega pekaru non ny kusú ku ongê Rê ra ola non ka muê ra pekaru sô asyé non ka vevia ra zustisa. Punda kitó Rê sô kula non.²⁵ Punda turu sê tá mora ombô pendêru, mazi sê tô vutuka ra Pastoru ku nguara alima sê.

Chapter 3

¹ Mora ma sê mengay kazaru, sê na toká ka lispetu ome sê, pa sy whâ whâ sa desobidiente wa y na kêlê ny lumba Dêssu wha sê ka nganha ane se lumbá mazi punda mora vivê sê.² Pa ane bê mora vivê sê limpu ku lispetu.³ Ma glavi sê na ka sa ny lua wha, mora ntê tesêru koró olô ku ka bisi luxu.⁴ Mazi invêz kua é, é ka sa lêtu kosón sê bisiru ku whâ kabisi ku ná ka fonó wha ku sa supitu glavi man-Sun, ku sa buaru whê Dêssu.⁵ Punda nakulu mengay lispetu tá ka bisi mora é. Ane ta ka kunfia Dessu sô tá ka lispetu ome ane.⁶ Mora é mé ma Sara lispetu Abron sô samé dy sun, punda é bila ná ane ka zi kua buaru sô na mendu ne whâ kua ku ka bila sê ba memá wha.⁷ Dy mora é mé sê ome kazaru, sê toká vivê ku mengay ma sê kaza kuê, pa sê tá ma mengay sa whâ kua masi léve, sivi ane ku amolê mora nkênu ku tê patxi ku sê ny vira longô, pa lason sê na tlaza wha.⁸ Sô turu sê ka tê whâ mora pensa ka musa pena ku amolê sê findji, tê pena sa mansu,⁹ Na paga mali ku mali wha na keta ku nkênu ku ka keta ku bô wha: mazi otô mora fa ben rê punda ra kua xié ma a sama sê, pa sê ka tua bensa mora kua ma bô lera.¹⁰ Nkênu si ku mesê ama vira sô bê ria buaru toká fia lingua rê dy mali ku boka rê dy siriga.¹¹ Fugi mali sô zi kua buaru. Ngolo paji sô ngolo bê.¹² Whê Sun ka bê zustu sô oria Rê ka ndê kua ma é ka pindji, mazi pólo Sun sa kontlê ane ku ka zi mali.¹³ Nkênu kutxi ku ka zi sê mali, si sê ka ngoló zi ben!¹⁴ Sô si sê parisê punda zustisa, a be sê buaru. Na mendu miasa ané ne pazumaru.¹⁵ Antiji, fika santu ku Klistu, mora Sun ny kosó sê simplé plontu ri kundji turu nkênu ku ka puta sê lazon ma sê ku kunfiá ny Dêssu.¹⁶ Zi kua é sosegaru ku lispetu so ku kuxensa buaru dy dy mora ma nkênu ku ka fa mali sê sô ka keta ra vivê sê ku Klistu, ka fika ku vengonha.¹⁷ Punda é sa masi buaru

Chapter 4

padisê ka zi buaru, sy ê sa vonté Dêssu, dokê zi mali. ¹⁸ Punda Klistu turu padisê, ra pekaru whã uniku vê. Nkênu sy ku sa zustu parisê ra pekarô pa Ê bé ku sê ra Dêssu. Ê muê kany mazi Ê tô korá ny Supitu. ¹⁹ Ku Supitu, Ê ba plega ra supitu ku tá pezú. ²⁰ Ku fô mavaru ola Dêssu ta ku paxensa ka whara ria Nué, ma Ê ta ka zi arka ola pokô ku sa naké nkênu ku savá katxi aua. ²¹ Yé sa fêgula butismu ku ka sava sê ayé, Ê na sa labá súzu kany wha, mazi punda plomesa whã kuxensa buaru ra Dêssu ola ma Jizu tô kora. ²² Ku banda bá osé sô sa mon leton Dêssu Nkênu sy ma anzu ka lispetu ku turu porê osé.

Chapter 4

¹ Sô whã vê ma Klistu parisê ny kany, luma ku kuxensa é mé: Nkênu ku parisê ny kany desa pekaru. ² Semple nkênu é ny otô ria rê ny kany na ka tô vevia ra vonté ome wha mazi vonté Dessu. ³ Punda tempu passá ma sê ta ka zi kua ma pekarô ta ka zi: kua mali, beberá, mé motxi, fesa dessu fássu. ⁴ Ane ka pensa mali ola sê na ka zunta ku ane wha ra kua ma ane ka fa mali sê. ⁵ Mazi ra kua é ane ka ba zi konta ku Nkênu ku sa plontu dy zugamentu vivu ku motxi. ⁶ Ra kua é, vangélhu fô plegaru ra matxi ra ma Ê pô sa zugaru ku ome ny kany, vevia ny Supitu Dêssu. ⁷ Whélé mé turu kua sêka bi loke ka biri whê ta supetu ka fa lason. ⁸ Ku turu kua é ngôgô ku otô motxi foga wha punda ngogô ku otô ka paga yô pekaru. ⁹ zura otô, sê fa mali rê. ¹⁰ zi turu kua buaru ma kara whã sê tua, ka zié ka sivi otô mora nkênu ku ka zi kua buaru mora ma Dêssu ka manda. ¹¹ Si nkênu ka fa, fé mora nkênu ku seka lumba, lumba Dessu: sy nkênu seka zi kua zié ku fosa ma Dêssu ka ré. Asyé, ku turu kua, Dêssu ka glorifikaru punda Jizu Klistu, ra nkênu sy ku toka gloia ku porê na tempu na kulu. Amé. ¹² Migu na pazuma ku mora ma a ka papa sê mora fôgô ku ka bi papa sê mora kua novu ku sêka ra ku sê. ¹³ Mora é wha, punda masi ma sê ka papa parisê Klistu ta ku ngosô mora ma sê ka ta ku ngostô ka ra otô konsê ra ola Ê ka bi ku gloia Rê. ¹⁴ Sy a ka keta ku sê punda nome Klistu, sê sa ku bensa punda Supitu gloia ku Supitu Dêssu sa diba sê. ¹⁵ Ku turu kua é me whã nkênu na ka parisê mora nkênu ku mata ngê, ô ladron ô má fé, ô nkênu ku ka letxa ka zi nogoxó aleiu wha. ¹⁶ Mazi sy nkênu parisê mora Kliston, na tê vegonha wha, mazi gaba Dêssu punda sê saku nomi é. ¹⁷ Punda Ê sa ola pa komesa zugamentu fô kay Dêssu. Sô sy Ê komesa ku non ma nkênu ku na ka liga vangélhu Dêssu wha ka bi sa! ¹⁸ Sô sy krenti ka kustá savá, ma diskrenti ku pekarô ka bi fika! ¹⁹ Sô nkênu ku ka parisê punda Dêssu mesê ka kunfiá ny kiari, ka sêka zi buaru.

Chapter 5

¹ Nga fa ra presbiteru katxi sê, an turu whã presbiteru sô sesteminha parisê Klistu ku ka tua patxi goia ku ka bi sa biriru: ² Tua konta ane ombô Dêssu ku sa katxi sê. Nda ku ane Ê na sa obligaru wha, mazi nga-sá mora ma Dêssu mesê, na punda vonté ra wha kua wha, mazi ri ngosô. ³ Na zi mora sefi ku sa diba nkênu ma sê sa konta ane wha, mazi musa zemplu ra ane. ⁴ Ola sefi Pastoru ka bi musa sê ka tua whã klôa glavi ku na ka rana wha. ⁵ Mora é mé, ma sê jóve ka lispetu masi tamé. Turu sê baza ntê sô sivi otô, punda Dêssu na ka liga lifiron wha, mazi Ê ka ra bensa ra soségaru. ⁶ Sô baza ntê kosy mon Dêssu, asy-é Ê ka gaba sê whã ria. ⁷ lukua turu kua vira sê pê diba Rê, punda Ê ka zura sê. ⁸ Ta supetu ka zongó, punda numigu sê, demônio ka lonka mora lion ka londa ka ngoló nkênu pa Ê mé. ⁹ txô kotá rê ndjaru ku afé punda sê ta ma ane ná amon sê ku sa mundu, sê ka passa mora parisê é mé. ¹⁰ Sô olá sê ka parisê txô whã dosú ria, Dêssu ku turu vonté ma Ê sama sê ra gloia Rê até até ny Klistu, ka sina sê ka pê sê sa buaru sô ra sê fôsa. ¹¹ Ê ka domina até até. Amé. ¹² Punda Silivany, ma ngá kunfia né mora ná amon un buaru, ma un sisika ra sê séru fogá wha ka viza sê ka fa ma yé sa vonté Dêssu, véré ma sê sa plontu. ¹³ Ane gupu ngê Dessu ku sa Babilonha ka manda sê mantxá, asyé ku ná un Maku. ¹⁴ Fa otô mantxá ku beju santu ku amolê. Pagi ka sa ku turu sê ku sá ny Klistu.

2 Peter

Chapter 1

¹ Simon Peru, nkênu apostulu dy Jizu Klistu, nguê xi ku tua afé é mé kuma nó tué, afé ny zustisa ra Dêssu nó ku savarô Jizu Klistu. ² Ku gasa y padji pa sê ka tê motxi ny konsê dy Dêssu i dy Jizu Sun nó. ³ Sô turu kua buaru dy vira ku pedaji a dá nó punda porê onsé, Povia ta dy Dêssu, ki sama nó punda goia rê. ⁴ Punda katxi kuê é, Ê da nó mémé plomesa buaru, pa sê bila ane ngê dy lasa divino, mora ma sê siê fô kurupison ki sa lêtú tia punda vonté mali. ⁵ Punda lazon é sê ka vugu pa sê omenta fé sê buaru, ⁶ pa sê ta kua, domini popi, ta ka kata, tê pena, pena, tê pedji, ⁷ y pedaji, ka zura, zura, ku amolê. ⁸ Sy ené kuê éxisti Ê ka omenta sê, zi pa sê na sa na da mé wha, na sa buaru wha dy kua dy Sun nó Jizu Klistu. ⁹ Mazi, nkênu ma ane kuê na sa né wha, sa ségu, ka bê ixi ku sa petu sô. Ê kêsê dy purifikason dy pekaru rê ná-kulu. ¹⁰ Antó manu, sê ka vugu pa sê zi sétu, da samaru i eleson sê. Si sê zi ane kua é, sê na ka dá topi wha. ¹¹ Dy mora é pa ba Lenu até, até, dy Sun nó i savarô Jizu Klistu ka da sê. ¹² Punda kuê nga sa pontu pa lembua sê dy ane kuê, ô sê pô ta mazi sa fimi i sa setu ny veré. ¹³ Kuê sa setu da un kora sê i lembua sê dy ane kua é, ma An sa ny tabenakulu. ¹⁴ Punda An tá ma wêlê mé nga desa tabenakulu un, mora Sun nó Jizu Klistu musa-un. ¹⁵ Nga vugu pa até até lembua sê ené kua é até dá nga bé. ¹⁶ Punda nó na sigi fabula engenhozamente ventaru ola nó ka fa ri porê i ola ma Sun nó Jizu Klistu ka bi, mazi nó sa sêsêmunha setu dy ngê Bué. ¹⁷ Sô, Ê tua dy Dêssu Tata, honra i goia, ola ma un-wa vozi by dy supremu goia Ê fa: Isié sa ná un amaru, ma nga gôgô kuê. ¹⁸ Nó ndê vozi xi ku bi dy onsé, ola ma nó tava kuê ny monte santu. ¹⁹ Nó tê sêto ané lumba profetika é, sô sê ka zi buaru pa ndê. Sô, Ê sa mora whã kandja ku ka bilha pêru ny kulu até pomonha i têtêmbu dy pomonha ka lata ny kosó

Chapter 2

sê, ²⁰ Pimbêlu a ka ta kuê, ma né whã pofesia ny Sisikaru by dy interpretason rê popi. ²¹ Punda né whã profesia na ka by dy vonté dy ome wha, mazi ra ome siaru ri Supitu Santu ku fá dy patxi Dêsu.

Chapter 2

¹ Axi má fasú pofeta siê katxi povô, fasu mészé turu ka siê katxi sê. Ané ka by ku kua konderu kua fasu dy dana y néga Sun ku txia ané, ka by djan-djan бага ra ané mé. ² Yô ané ka nda vira ane dy mali, ny katxi ané, a ka ba da mali mondja dy vere. ³ ku gaba ané ka by ngana sê ku fa sidiga. Kondenason konte ane ná ka langa motxi y distruison rê ná ka laga wha. ⁴ Sô Dêsu na popa anzu ku peka, mazi, manda ane ba dy tartary pa ba sa mantiru ny korenty kulu até zugamentu. ⁵ També na popa mundu nakulu, mazi lokê Nué, na tia mensageiru dy zustisa, ku otô sê té, ola ma by ku wn-wa dilúvio ra mundu dy impio. ⁶ Dêsu també dessé ku posón dy Sodoma y Gomora a xindja y kondena ra distruison, mora un-wa zemplu ky ka ba dá ku impio. ⁷ Mazi, é tia zustu Ló, ku semplé tribularu ra mora komportamentu dy ome devasso é sê alê. ⁸ Sô ome sa zustu, ky tia ka vugu katxi ané, ria a ria, é tia tomentaru ny alima rê setu punda mora mē tia ka bé y ndê. ⁹ Sô, Sun ta mora txia ome buaru dy plovason, buaru mora a tē ome ku zi kua mali pa punison ny ria zuizu. ¹⁰ Ka siê sa buaru veré da nguê ku ka kontinua kurrupito dizeju dy kane ka disipeta atoridade. Ane sa boka suzu ku wê xá, na tē vegonha dy da mali konta nkênu selestiali. ¹¹ Anzu, bo po te maxi forte to tē porê maxi dokê Aun, ná prifili zuizu infamatorio kontla impio wê Sun. ¹² Mazi ixié, mora bissú ku ná tē ntê wa, sa ku sala món punda natureza ra kadjá y distruison. Ane na konsê kua ma ane ka keta y ny kurupsó ane ka sa bagaru, ¹³ ka lesebê rekompensa punda tragreson ane. Ane konsidera ma imoralidade ny pomonha biriru sa un-wan plazê, sa mora ku manxa, y ka deleita sê ny xidiga sê ola ma a ka memé ku sê. ¹⁴ Ane tē wê xá dy adulterio, ma ane na ka satisfazê ku pekaru wa, ka gi pa ane nguê ku tē alima maxi levé gi kua mali y tē koson exersitaru ny avareza, sa ná dy malison. ¹⁵ Ane ka dessa mondja buaru, ane xiê ny mondja buaru y xigú dy Balaão, na dy Beor, ku ama kua daru injusta. ¹⁶ Mazi, é tua rekopesa dy plopi trnsgreson rê, Un-wa mundu bissu dy kega, fa ku vozi humanu, fia malokô dy plofeta. ¹⁷ Ixié sa mora poso sê awa, mora pané beru ra un-wa temporal. Densa stleva ô kulusa lokeru pa ane. ¹⁸ Ane ka sô ku pufia, ane ka ngana nguêza katxi dy kua mali dy kane induzi ane nguê xi ku xiê ku ka vivê ny kua mali. ¹⁹ Ka plometê liberta ane, mazi ane mé sa skravo dy kurupson, sô kora un-wa sa skravo nguê xi ma ka gi kua ma-mêssê ²⁰ Sô, nkênu xi fugi dy kurupson dy mundu ra katxi sebê dy Sun y Salvarô Zizu Kristu, antó, ka tō gi ane kua mali dingui, intimu estaru ane sa pioló ku plimelu. ²¹ Sa maxi buaru pa ane na tē konsê mondja dy zustisa, dokê, konsê y da ane mem a ra santu mandamento ma ra ane. ²² Plovebio xié sa véré pa ane: Un-whã kosó ka tō ba plopi saka rê, y un-whã pokô labaru ka tō ba buia ny lama.

Chapter 3

¹ Amaru, ié sa segundu kata ku nga eskeve ra sê, doussu nga ngoló korá ku lemblansa ny menti sê sinséru, ² pa sê lembla dy lumbá Santu plofeta, i ry mandamentu dy Sun i salvarô sinado ra apostulu sê. ³ Tá ma pimelu ka by zombador ny utimu ria, zomba dy sê, ka ndá dy akordo ku dezeju rê plopi, ⁴ I ka fa: Andji sa plomessa dy ola mē ka by! Djina ané nguê nakulu muê, turu kuê kasa mora prinsipio dy kiason. ⁵ Ane gi dy popozitu kesê ky djina kulu, ndê onsé ku tia, ky surgi dy awa sô dy awa ra palavra dy Dêsu, ⁶ i ki mediante lumbá Rê, mundu dy tempo é a lokê é, sendo inundado. ⁷ Ra mora palavra, onsé ku tia ka sa lokêru ra fogô, kasa lokêru ra ria dy zuxi i da na ra nkênu. ⁸ Amaru, ná leva wa ku un ria pa. ⁹ Sun sa mora mily ano mora un-wa ria. Sun ná langa ny kumpli kua mē plometê, mora zuga Un doussu nkênu, dotô mora, Ê tē paxensa ku sê, ná dezeja ku ni-wa nguê ka plasê, magi ky turu ka xiga ka lependê. ¹⁰ Sô, ria dy Sun ka by mora un-wa ladron. Onsê ka dezaparesê ku mémé estrondu. Ná nimô ka by sá dissoviri ra fogô, tia ku suvissu ra é ka by biriru. (Ná nimô ka by sá dissoviri ra fogô, tia ku suvissu ra é ka by sá kemaru). ¹¹ Un-wa ria ma, mora é, turu kuê ka by sa danaru kuali mora nkênu sê ka sa! Sê devê vivê ry mora Santa i pidadji, ¹² ka wará i tē plessa ra ria má Dêsu ka by, ola onsé ka by sá danaru ra fogô i ná nimô ka by deletê. ¹³ Ku turu, mora mē é plometê, Nó ka wara novu onsé i novu tia, nga ri té justisa. ¹⁴ Sô, amaru, wara kuê, vugu pa é bē sê, imakularu, sê kupa i ku padji. ¹⁵ I konsidera paxensa dy Sun nó pa salvason, axé mora amaru manu nó Paulu eskevê da sê, ry akordu ku sêbê ky da elê. ¹⁶ Paulu ka fa dy kua é ny turu kata rê, ny kuali é tē setu kua ma na ka ndê wa, kua ome sê sina i sê flimeza na ka fa setu wa, mora també ka gi ku yô Eskritura, pa plopi daná ane. ¹⁷ Sô, amaru, un-wa vê ma sê tá ane kua é, lokê pa kua mali plopi nkênu na bé ku sê nkênu da alê i peka plopi fimeza sê, ¹⁸ mazi, klessê ny glasa ku sebê dy Sun nó i savorô Zizu Klistu. Êlê sa goia, wô i pa sempli. Amé.

1 John

Chapter 1

¹ Kua ku ta na komesu, kua ma non ndê, kua ma non bē ku whê non, kua ma non, pia ku kua ma mon non tē, ka tlatá lumbá vira. ² Punda vira musá sô non bē sô non ra sestemunha rê. Non fa sê ny vira até até ku tá ku Tata sô é musa non. ³ Kua ma nón bē sô ndê tō fa sê pa sê sa zuntaru ku non, punda zuntaru non sa ku Desú ku ná rê, Jizu Klixto. ⁴ Sô kua isy ma nga sisika ra sê sa pa ngosô non ka sa né turê. ⁵ Yê sá lekaru ma non ndê rê sô fa sê: Desú sa kandja, é ná tē nê txó kulu nê wa. ⁶ Si non fá ma non sa zuntaru kuê sô ka ndá kulu, non siriga sô na zi kua véré wa. ⁷ Mazi si non ndá ni kandja mora ma Ê sa ni kandja non tē sa zunturu whã ku ôtô sô sangi Jizu, na ré ka dipa turu pekarô. ⁸ Si non fá má non na tē pekaru

Chapter 2

wa, non seka ngana non mé só véré na sá non wa. ⁹ Mazi si non kofesa pekaru non, Ê sa fiel ku zustu di porá pekaru non sô laba non di turu kua mali. ¹⁰ Si non fá má non ná zi pekaru wa, non ka ziê sirigarô sô lumba rê na sa ny non wa.

Chapter 2

¹ Ná mbê, nga sisika ané kua é ra sê pa sê na zi pekaru wa. Mazi si nkênu zi peka, non tê wã advogaru zuntu Tata, Jizu Klixtu, zustu. ² Ê ka dipá pekaru non, sô é na sá di non sô wa mazi ra turu mundu têlu. ³ Non ta ma non té, si non lôkê kua ma Ê ka manda non. ⁴ Nkênu si ku ka fa: "Hun ta Desú", mazi ku na ka lôkê kua ma Ê ka fa wa é sa whã sirigarô, sô véré na sa né wa. ⁵ Mazi ku ka lôkê lumba rê, véré mé ma amôlê Desú seka luzi nkênu é. Punda kua é, non ta ma non sa Né. ⁶ Nkênu si ku ka fa ma é sa ni Desú tê kanda mora ma Jizu Klixtu ndá turu. ⁷ Migu, ná sêka sisika whã kua ma nsêka manda novu wa, mazi whã kua ma Hun manda na kulú ma sê ta kuê na komésu. Kua ma Hun manda na kulú sa lumba ma sê ndê. ⁸ Sô ma, hun sisika ra sê whã kua kua ma Hun manda nóvu, ku sa veré ni Klixtu sô ku sê, punda kulú sa pasaru, sô kandja veré seka luzi za. ⁹ Nkênu si ku ka fa ma é sa ni kandja sô ka kontlê na amon rê, sá kulú andá. ¹⁰ Nkênu ku ka gogô ku ná amón rê sa ny kandja, sô né na tê tempu pa é ra topi wa. ¹¹ Mazi nkênu si ku ka kontlê ná amón rê sa ni kulú sô é ka nda né é na ta nga ma é seka bé wa punda kulú segé whê. ¹² Nambê, hun sisika ra sê punda pekaru sê Ê porê punda ná rê. ¹³ Tata ngá sisika ra sê punda sê ta nkênu si ku sa na kulú. Masivi, hun sisika ra sê punda sê vensê numigu. Nambê hun sisika ra sê punda sê ta Tata. ¹⁴ Ané Tata hun sisika ra sê bi ta nkênu ku sa na komesu ané jóvé hun sisika ra sê punda sê sa fotxi sô lumbá Desú sa ku sê sô sê vensê numigu ¹⁵ Na gôgô ku mundú, nê kua ku sá nê wa. Si nkênu ka gôgô ku mundu amôlê Tata na sá nê wa. ¹⁶ Punda turu kua ku sa mundú, sá vonté kany, vonté wê, ku kua tlaza vira, é na sa dy Tata wa mazi di mundu. ¹⁷ Mundu ku vonté rê ka passa. Mazi nkênu ku ka zi vonté Desú ka ta atê atê ¹⁸ Nambê yé sa utimú olá. Mora ma sê ndê ma antiklixtu ka bi, ayé me yô antiklixtu sa lataru, punda nón ta ma yé sa utimú olá. ¹⁹ Ané sié katxi non mazi ané na tá ri non wa. Punda si ané ka sá ri non ané ka tu ku non, mazi ané sié ka musa ma ané na sa ri non wa. ²⁰ Mazi sê tê porê ku ka bi ri Santu, sô turu sê ta véré. ²¹ Hun sisika ra sê na punda sê satia ra véré wa mazi punda sê tê sô punda né wa siriga na ka bi ri véré wa. ²² Nkênu kutxi ku ka siriga si é na sa Ysi ku ka nega ma Jizu sa Klixtu wa? Yha antiklixtu, ku ka nega Tata ku Ná. ²³ Turu nkênu si ku ka ta Ná, na tê Tata wa; nkênu si ku ka ta Ná tê Tata turu. ²⁴ Ra sê ka tua kuiraru pa sê ta ku kua ma sê ndê na ndô. Si sê ta ku kua ma sê ndê na ndô, sê turu ka tá ku Ná ku Tata. ²⁵ Yé sa plomesa ma Ê zi non: Vira atê atê. ²⁶ Hun sisika ané kua é ra ané nkênu si ku ka mèsê la ôtô nga ku sê ra véré. ²⁷ Sô ra sê porê rê ku sa ni sê, sô sê na ka whará pa nkênu sina sê wa. Mazi ma porê rê ka sina sê ku turu kua, sô é sa véré é na sa siriga wa mora ma é ka sina sê, tá Né. ²⁸ Ayé ané na hun, ta Né ra ola Ê ka sê ka zi kua non ka tê yô kunfiansa sô non na ka tô sa ku tuzan katá rê ola ma Ê ka bi wa. ²⁹ Si sê ta ma Ê sa zustu, sê ta ma tutu nkênu ku ka zi zustaka sa nansêru Dê.

Chapter 3

¹ Sê ka pia kuali mora amôlê ma Tata ra non, pa a ka sama non na Desú. Punda lazon é mundu na tá non wa, punda ané na tê wa. ² Migu ayé no sá na Desú, mazi non na si ta kua ma non ka bi sa wa. Sô non ta ma, ola Klixtu ka vitxa, non ka bi sá mora rê, punda non ka bi bê mora Ê sa. ³ Sô turu nkênu ku ka wharé mora é ka sa limpu mora Ê sa limpu. ⁴ Turu nkênu si ku ka zi pekaru na ka kumpli alê wa punda pekaru sa na kumpli alê wa. ⁵ Sê turu ta ma Klixtu bi ku vonté txia pekaru. Sô né na tê pekaru wa. ⁶ Né wa nkênu ku ka tá nê ka seka si pekaru. kuakuali nkênu ku ka seka zi pekaru na bê ne tê wa. ⁷ Ané na hun, na desa pa nkênu ngana sê wa. nkênu si ku ka zi zustisa sa zustu, mora ma klixtu sa zustu. ⁸ Nkênu si ku ka zi pekaru sa ri demônó, punda demônó ka zi pekaru na kulú. Punda lázó é a manda na Desú pa Ê. loké ku suvisu demônó. ⁹ Nkênu si ku mansê ry Desú na ka zi pekaru wa, punda simentxi Desú ka ta nê. Sô é na ka pô ka seka sa ny pekaru wa, punda é sa nansêru di Desú. ¹⁰ Ni kua é ané na Desú ku na demônó a ta ané, nkênu ku na ka zi zustisa wa na sa ri Desú wa né ysi ku na ka gôgô ku na amon rê wa. ¹¹ Pumba ye sa lumba ma sê ta ndê na kulu; ma non tê ki gôgô ku ôtô. ¹² Na mora kain ku ta ku numigu sô mata na amon rê. Sô punda kuay ma é maté? Punda kua ma é ta ka zi tá mali, sô ri na amon rê ta zustu. ¹³ Na amon hun na babaka si mundu ka tê ódjó ku sê wa. ¹⁴ Non ta ma non la fô motxi ba vira, punda non ka gôgô ku ané na amon. Nkênu ku na ka ama wa ka sa motxi. ¹⁵ Nkênu ku ka tê ódjó ku na amon sa kliminozu sê ta ma né wa kliminozu ka tê vira atê atê wa sô é ka sa kuê mé. ¹⁶ Punda kua é ma non ta amôlê, punda Klixtu ra vira rê ra non. Non tambê tê ki ra vira non ra na amon non. ¹⁷ Mazi kuakuali nkênu ku tê ben tia é sô bê na amon rê ka mèsé, sô fisa kosó rê ré, ma amôlê Desú ka sa né? ¹⁸ Ná amon hun, non na ka ama ny lumba sô ne ny lingua wa mazi ny kua ma non ka zi dy véré. ¹⁹ Punda kua é ma non ta ma non sa ri véré sô non ka tê kason non whê Desú. ²⁰ Punda si koson non ka kuza non, Desú sa masi ngay rokê koson non ku ta turu kua. ²¹ Migu, si kosson non na ka kuza non wa non tê kunfiansa whê Desú. ²² Sô turu kua ma non ka pindji Ê ka ra non, punda non lokê kua ma Ê ka manda sô zi kua ma Ê ka mèsé. ²³ Yé sô sa kua ma Ê manda: pa non kêlê ny nomi na rê, Jizu Klixtu, sô pa non gôgô ku ôtô mora ma Ê manda. ²⁴ Nkênu ku ka lôkê kua ma Ê ka manda ka ta ku Desú sô Desú ka ta né. Sô ra kua é non ta ma Ê ka ta ny non ku Supitu ma Ê ra non.

Chapter 4

¹ Migu ná kêlê ni kuakuali supitu, mazi pova supitu pa bô pia si é ka bi di Dêsu, punda yô fasú plofeta siê turu tia. ² Ra kua é sê tê ta Supitu Desú: turu supitu ku ka kofesa ma Jizu klistu bi ni kani sa ri Dêsu. ³ Sô turu supiro ku na ka kofesa Jizu wa na sa ri Desú wa, mazi é sá supitu antiklixtu ma sê ndê ku ka bi sô é sa tia za. ⁴ Ané ná mbê sê sa ri Dêsu, Punda sê vensê

za, punda nkênu ku sá ny sé sá masi ngay rôkê ku sá ni tia. ⁵ Ané supitu ê sá ri tia, punda kua má ané ka fa sá ri tia, só kua ma ané ka fa sá ri tia só ma tia ka ndê ané. ⁶ Non sa ri kiba Dêsu. Nkênu ku ta Dêsu ka ndê non, nkênu ku na sá ri Dêsu wa na ka ndê non wa. Asiê sô non ka ta supitu ri vére ku supitu mali. ⁷ Migu non ka gôgô ku ôtô; punda amolê sa ri Dêsu, sô turu nkênu ku ka gôgô ôtô mansê ri Dêsu sô tô ta Dêsu. ⁸ Nkênu si ki na ká gôgô ku ôtô wa na ta Dêsu punda Dêsu sa amolê. ⁹ Ra kua ê amolê Dêsu taba katxi ané: ma Dêsu manda Ná rê Unikú ba tia pa non vivia punda Elê. ¹⁰ Sô yê sô sa amolê: Ê na sá non sô ku gôgô ku Dêsu wa mazi Elê só ama non sô manda Ná rê dy paga pekarú non. ¹¹ Migu, sí dêsú gôgô ku non asyê non tembé tê ku gôgô ku ôtô. ¹² Nê whã nkênu na bê Dêsu wa. Sí non gôgô ku ôtô, Dêsu ka tá ku non, sô amolê rê ka dipa non. ¹³ Sô non ka tá ma non ta Nê sô Elê ny non punda Ê ra non supitu Rê. ¹⁴ Sô non bê tô fa né ma Tata manda na Rê mora savarô mundu. ¹⁵ Kuakuali nkênu ku kofesa ma Jizu sa Ná Dêsu, Dêsu ka tá nê sô ê ka ni Dêsu. ¹⁶ Sô non ta tô kêlê ni amolê ma Dêsu ta rá non. Dêsu sá amolê, sô nkênu ku ta ku amolê ka ta ku Dêsu sô Dêsu nê. ¹⁷ Sô amolê ê laba non, pá non tê kunfiansa ria zugamentu pinda mora ma Ê sá non turu sa ni mundu ê. ¹⁸ Ni amolê ná tê mendu wa, di ôtlô morá amolê buaru ka zuga mendu ta, punda mendu ka pê non pezú, sô nkênu ku ka tê mendu na sa labaru ku amolê wa. ¹⁹ Non ka ama punda Dêsu ka ama non pumbêlu. ²⁰ Si nkênu ka fa: "Nga gôgô ku Dêsu ", mazi ka tê odjô ku ná amon rê ê ka siriga, punda nkênu ku na ka gôgô ku ná amon rê, ma ê ka bê, na ka poy gôgô ku Dêsu ma ê na ka bê wa. ²¹ Sô non tê mandamentu ê ny patxi Rê, ku nkênu ku ka gôgô ku Dêsu tê ku gôgô ku na amon rê turu.

Chapter 5

¹ Nkênu sí ku ka kêlê ma Jizu sá Klixtu nasê ri Dêsu. Sô turu ku ka gôgô nkênu ku Ziê ka gôgô ku nkênu si má ê nasê Nê. ² Non tá ma non ka gôgô ku ané Ná Dêsu punda kua ê: Olá non ka gôgô ku Dêsu sô zi kua ma Ê ka manda non. ³ Punda yê sá amolê ra Dêsu: Ma non ka lokê kua ma Ê ka manda non. Sô ka ma Ê ka manda non na sa demarú wa. ⁴ Punda turu nkênu ku ka nasê ri Dêsu ka vensê mundu. yê sá vitória ku ka vensê mundu: Afé non. ⁵ Ngei ku ka vensê mundu, si ê na sá ysi ku ka kêlê ma Jizu sa Ná Dêsu wa? ⁶ Yê sá ysi ku bi ni awa ku sangi, Jizu klixtu. Ê ná bi ni awa sô wa, mazi ni awa ku sangi. Sô ngei ku ka fê sa Supitu. Punda Supitu sa vére. ⁷ Punda ê sa têsî ané ku ka fa: Tata lumba ku Supitu Santu. Sô ané têsî ê sa whã. ⁸ Supitu awa ku sangi: Têsî ê ka kundji katxi rê. ⁹ Si non tua sêsêmunhu ané homé sêsêmunhu Dêsu sa masi ngay. Punda yê sá sêsêmunhu Dêsu ma Ê ra punda Ná rê. ¹⁰ Nkênu si ku ka kêlê ni Ná Dêsu sa ku sêsêmunhu ê kuê. Nkênu si ku na kêlê ni Dêsu wa ka fa ma Ê sêka sirigá, punda ané na kêlê ni sêsêmunhu ma Dêssú ra zuntaru ku Ná rê wa. ¹¹ Sô sêsêmunha sá yê: ma Dêsu rá víra atê atê sô víra ê sá ny Ná Rê. ¹² Ngê tê Ná tê víra. Ngê na tê Ná Dêsu na tê víra wa. ¹³ Ané kua ê hun sisikê pa, sê ta má sê tê víra atê atê, sê ku kêlê ny Ná Dêsu. ¹⁴ Yê sá kunfianza ma non tê kotá Rê: Si non pindji kuakuali kua ny vontê Rê, Ê ká ndê non. ¹⁵ Sô si non ta ma Ê kandê non, olá non ka pindji Ê non tá ma non tê kua pindji Ê. ¹⁶ Si Nkênu bê ná amon rê ka zi pekaru ku na sá rá motxi wa, sela ê fá lason, sô Dêsu ka rê víra. Nga fá ra ané nkênu si má pekarú rê sa á motxi wa, tê pakarú ra motxi; ê ma sa ra nkênu ê ma nga fa pa a fa lason rê wa. ¹⁷ Turu zugamentu mali zirur sa pekaru, mazi ê tê pekarú ku sa ra motxi. ¹⁸ Non ta ma turu nkênu ku ka nansé ny Dêsu na ka seká zi pekaru sô wa. mazi nkênu si ma Dêsu jerá Ê ka lokê ngê ê sô demônô na ka ndjingê wa. ¹⁹ Non ta ma non sa ri Dêsu, sô ma mundu têlu sa ri demônô. ²⁰ Sô non ta ma Ná Dêsu bi sô ra non ntê, pa non ta Dêsu di vére sô ma non sa Né, ku sá vére, ny, Ná rê Jizu Klixtu. Yê sá Dêsu Klixtu. ²¹ Ye sa Dêsu di vére ku víra atê atê. Ná mbê lokê ra ané figura ê.

2 John

Chapter 1

¹ Sô Presbitero ku wha mengai eleita ku ná rê, ku tê amole veré, ê na sa aun sô wa, mazi kuturu nkênu ku konsê veré: ² Punda veré ku sa ku nó ê fika rê ku nó atê atê. ³ Glasa, mixikojî pazi ku patxi Dessu Tata ku Jizu Klisto, ná Dessu, ka sa ku nó ku veré ku amole. ⁴ Aun sa ku ngostô ma be ane na ô ka nda ni vere, mora-é mé ma no resebe mandamento-é di Tata un. ⁵ Aiê wô, nga pindji ô migai, mora ma sê ka xikeve novu mandamento, mazi mora-é mé ku tinha ndjina komesa: ku no masa wha a wha. ⁶ Yê sa amolê: ku no vive di akordu ku mandamento ô. Yê sa mandamento, ma sê ndê ndjia na komesa, i sê toka ndá né. ⁷ Sô yô nganarô xiê ba mundo na kofesa ma Jizu Klisto bi ni kani. Yê sa nganarô i antikristo. ⁸ Tê kuidado pa na pende kua ku turu no taba, mazi pa no po recebe rekompensa kompleto. ⁹ Quali keru un ku ka vansa ê na fika ensinu di klisto, ê ná tê Dessu wha nkenu ku fika ensino, ê tê dessu. Tata ku ná. ¹⁰ Xi nkenu ka bi lelê né ê na bi ku ensino, ná kundji-é kuai ô né matxa. ¹¹ Punda nkenu ku ka ndê fa rê ka zi kua mali. ¹² Tê yô kua pa sê skeve, sô na mese ndje ku papelo ku txinta mazi nga wara-sê pa fa ku sê, pa sê sa ku gosto setu. ¹³ Ná mana ô manda atxa.

3 John

Chapter 1

¹ Sô Presbitero migo Gaio, nkenu ma aun ka gógó kuê di veré. ² Migo fa lasô pa turu kua ô ka sa buaru, ku sauri ka sa buaru fogaua mora alima-ô. ³ Punda sa ku yô gosto ola ma bô bi ki ane na mó ane sesemunha veré-ô, mora mora mô seka nda ni veré. ⁴ Aun na te memê gosto do ke yê wa: aun ndê ma ane na un ka ndá ni veré. ⁵ Ná ni mó un, bô ka zi kua buaru simple ka taba favalô ku ná ni-mó, ê pô sa ola na nkenu ka fô ôtô tia, ⁶ Kua-likero ku nda sesemunha di amole ô da turu nguêza. Bô zi buaru, manda ane ba viaje de vontê de Desu. ⁷ Punda ê sa punda Nome ma ané siê, se tua kua jintxi. ⁸ Nó ta

Chapter 1

ka zunta ná ni-mó pa nó sa kooperadoru di veré.⁹ Aun nga sikeve kua dá nguêza, mazi Diotrefe, ku ka gógó kuê pimelu katxi ané, na tu-é wha.¹⁰ Sô xi nga bi, lembla di obla ku ê ka dji, sô ê ngolo lumba mali kontra nó. Ê, ná sa ku gostô whã, popi Diótrefe na ka tua whã ná-ni-mó, Ê ka plubli nkênu ku mese ndji kua-é, txia ané fó letu nguêza ba lua.¹¹ Migo, ná lêlê zi mali wha, zi buaru: nkênu ku ka zi buaru ê sa Dessu, nkênu ku ka zi mali na ka bê Dessu wha.¹² Olá Demétrio, tê tuê testemunha buaru di turu, atê di veré. Nó turu da testemunha, y bô ta ma testemunha nó sa veré.¹³ Aun tê yô kua pa sisika, sô ná mese je ku pena y tinta wa.¹⁴ Mazi nga uara pa bê ô, nó ka fa póló ku póló. Mazi ka sa ku bô. Ané migu nga fa sê matxa. Matxa da turo migu un, nome ku nome.

Jude

Chapter 1

¹ Zura na kia Jizu Klistu ná mô Txiago, isi ma a ta sama, amaru ni Dêsu Tata, sô lokêru ni Jizu Kistu.² Ma misikodji, ku paji ku amolê ka sa motxi kosó-ô.³ Amaru, ma nsêka ngolo sisika di savason ku sa zuntaru, ntê ngolo sê pan fa sê pa sê vugu ta ny afê ma whã vê a ra turu santu.⁴ Punda whã dôsu ome letxa konderu ku koson dizu. Yê sa omé ma kondenasón rê sa sisikaru nariá. Omé má koson ka ngolo mura gasa Dêsu ku bandiru ané sô zeta uniku Mese Sun, Jizu Kistu.⁵ Ayê ntê lembua sê, ma sê tá ta turu kua-é ma Sun sava whã povô txia fô tia Ejitu, mazi sô Ê loke ku ysi ku na kêlê wha.⁶ Sô, ra ané anzu ku na ta ni puzison ané plopî ki porê, mazi ané bandona ngá ma ane kata, Dêsu manha ane ku zema atê atê kosi kulu ra zugamentu dia ngai-é.⁷ Mora, Soroma ki Gomora ku ane posón bóro ané, ma ane zi pekaru de dumi ku ôtô, a pê ra zeplu ni pezu fogo atê atê.⁸ Mora-é mé ma ané omé-é raná ongê ané ku sonho ané, zeta porê sô fa mali nkênu ku sa onsé.⁹ Mazi arkaju Migeli, ola ê ndja wê demono ka pufia ra ongê Muzé, ê na ngolo fá lumba mali di kondena ô keta, pa ê zi kua-é ê fa: Ma Sun ka lemplêdê.¹⁰ Sô ané omé-é keta ra kua ysi ma ané na ta wha. Sô ysi ma ane ta ni ntê ane mora situ ku na ka pesa ni ane kua-é a ka ba zeta.¹¹ Ai dy ane: punda ane ta ka ndá ni modja kain, sô ane to ba kiê mali balon punda vontê sô muê ni mali ma korê zi.¹² Ané omé-é sa mora loxa konderu kosi fesa amole ane. Ane ka zi fesa walawala, ka bila ane mé, ane sa mora ómbisi sê aua, ma vento ka kega, pó gavana sê mé dôsu vê moeru lankaru ku leji.¹³ Basa ku ka buri mionga, ku ka lukua fusa vegonha rê, tetembu ku na ka yerê ma kosi kilembega nsuku lokê atê atê.¹⁴ Sô ane ome-é, Énoke, sambari di familia Adon, toveta, fa: pia, Sun sê ka bi ku desi mili anzu Rê.¹⁵ Di zi zugamentu ra turu nkênu dy kuvese turu maluvadu ku suvisu mali, ma ane zi dy mora mali, ku turu kua, dizu ma pekaró ka fa kontlê.¹⁶ Ane omé-é ka fa mali otô, ka kexa otô ka mesê zi mali ka povega demanda wê sia ka zi yô nkênu babaka punda vontê di tê kua.¹⁷ Sô, ane ná mon, lembua, lumba ma ane mêlu Sun Jizu Kistu ta fa naria.¹⁸ Ané fa sê: ni utimu tempu ka bi tê yô nkênu ku ka zi mali ku ka nda ni vontê ané.¹⁹ Ané omé-é sa ysi ku ka ngolo patxi, ané sa ngê mundu sô ané na tê Supitu santo wha.²⁰ Mazi sê migu un ka kula ni afê sê ka fa lason zutaru ku Supitu Santo.²¹ Ka vévia ni amolê Dêsu, ka whara ku misikoji Sun Jizu Kisto pê ra sê vira atê atê.²² Tê pena ane nkênu ku nasi kêlê wha.²³ Livia ane ku sa ni pigo fogô, tê pena otô ku mendu punda atê ka besi ane sa suzaru ny ogê ané.²⁴ Sô nkênu ku kapoi livia sê memé goia Rê sê suza, ku yô gosto,²⁵ Ra uniku Dêsu Savarô nó, punda Jizu Kisto Sun nó, ka sa goia, ku turu porê odji, antiji dy turu tempu ayê atê atê Amém.

Revelation

Chapter 1

¹ Yê sa kua ma Jizu Kistu zi pa ta, ma Dêsu Ré pa Ê musa ane na kia Rê kua ku sa ri bi ra whelemé. Ê zi pa ata ola Ê manda ane anzu ra na kia Rê Zon.² Zon fa turu kua ma ê bê ri lumba Desu sô fa ri Jizu Kistu.³ Buaru sa nkênu ku ka lê ku nkênu ku ka ndê lumba ri kua si ma a fa sô kundji kua ku sa sisikaru né, punda ola sêka bi.⁴ Zon, ra sambari ngeza Ázia: Ma ngasa ka sa ku sê ku pazi Nkênu si ku sa, sô ku ta sô ku sa ri bi ku sambari Supitu ku sa kota tonu Rê.⁵ Sô ku Jizu Kistu, ku sa seseminha Fielî, Pumbêlu ku muê sô sa Riba turu alê tia. Nkênu si ku ama non ku pê non livi pekaru non punda sangi Rê.⁶ Sô zi ri non whã lênu, saseroti ra Desu ku Tata Rê, goya ku porê sa pa Elê pa sempe ku sempe Amé.⁷ Ya Ê sê ka, bi ku ombosi sô turu whê ka bi Bê zuntaru ku ane si ku maté. Sô turu gelason tia ka bi sua punda Elê. Ka bi sa Amé.⁸ Nsa Afa ku Óméga. Sun Dêsu sô fa, "Nkênu ku sa, ku tá sô ku tá ri bi, Turu Porerozu".⁹ An Zon na amon sê, ysi ku ka zunta ku sê ni parisê ku ni lenu, paxensa ri ta ku Jizu, tá ilha ma a ka sama Patmu punda lumba Dêsu ku seseminha Jizu.¹⁰ Ntá ni supitu, ni ria Sun. Mema un, ndê whã vozu ngairu mora whã kiôyô.¹¹ Ku fa, "Sisiké pê whã livu kua ma bô bê, sô mandê ra sambari ngeza: Éfezu, Esmina, Pégamu, Tiatira, Sadi, Filadéfia ku Saudisea".¹² Mbila pa un pia nkênu ku tê vozu é ku ta ka fa ku an sô, ola umbila, mbê sambari kandja olô.¹³ Katxi ane kandja é, ta ku whã mora Ná omé ku bisi whã manta longô, ku vitxa opé Rê ku whã xintu olô turu kiba petu Rê.¹⁴ Ntê Rê ku pena ntê tá ziaru mora alã sô zia fé mora nevi. Sô whê Rê mora fogô ngéé.¹⁵ Opé Rê, mora bronzi pulidu, bronzi si ma a fina ni fónó. Sô vozu Rê, mora kuminá yô aua.¹⁶ Mon leton Rê, Ê tá ku sambari tetembu ku tá siê boka Rê, tá ku whã supara limaru dôdôsu kiba. Póló Rê ta ka luzi mora solo ku ta ka luzi masi.¹⁷ Ola mbê, nkiê opé Rê mora whã omé motxi. Ê pê mon leton Rê riba un sô fa: "Na mendu wha. Nsa pumbêlu ku Utimu."¹⁸ Ysi ka vevia ku tá motxi, mazi ya Nga vevia pla sempe! Sô ntê sabi motxi ku mundu ri motxi.¹⁹ Sô sisika kua ma bô bê kua ku sa ayé, sô ku ka bi ra.²⁰ Ra misteli ri smbari tetembu ma bô bê mó leton Un ku sambari kandja olô, ane sambari tetembu é sa ane anzu sambari ngeza, sô sambari kandja sa sambari kandja.

Chapter 2

¹ Sisika ra anzu ngeza Éfezu: yé sa lumba Nkênu si ku ka sustenta sambari tetemba mon leton Rê sô ku ka nda katxi sambari kandaja ôlô: ² Nta kua ma bô zi, suvisu ô ku vonté ku turu paxensa ma bô tê. Nta ma bô na ka pô kuxintxi omé mafé sô ma bô pova ane ku ka fa ma ane sa ngê Dêsu, mazi ane na sa wha, sô bê, ma ane sa fasu. ³ Nta ma bô ta ku paxensa, bô pasa yô pova punda nomi Un ma bô na fakêsê wha. ⁴ Punda nga kotrê ô punda bô desa pumbelu amolê. ⁵ Sô lembua nga ma bô kiê né lependê sô zi pumbelu suvisu. Si bô na lependê wha, nga bi lêlê ô sô mura kandja ô fô nga rê. ⁶ Ku turu bô tê ki kontrê suvisu Nikolata, ma an turu ka kontrê. Ngê tê oria ndê kua ma Supitu ka fa ngeza. ⁷ Ngê vense, nga ré dêtû ri mé mé Pô ri vira, ku sa Paraizu Dêsu. ⁸ Ra anzu ngeza Esmine sisika. Yé sa lumba Nkênu si ku sa pumbêlu ku utimu, ku muê sô tô vevia: ⁹ Nta fison ô ku pobli ô mazi (bô sa liku) sô ku mali ane ku ka fa ma ane sa zurê, mazi ku na sa wha. Ane sa ngêza demôno. ¹⁰ Na mendu punda ane sa kuaji padisê. Punda demôno sa ri zuga whâ whâ sê pê pezu, pa a pova sê, sô sê ka bi parisê kuine ria. Ta setu atê motxi, sô nga ra ô klôa vira. ¹¹ Ngê tê oria ka ndê kua ma Supitu ka fa ngêza. Ysi ku vensê na ka parisê mali segundu motxi wha. ¹² Ra anzu ngêza Pegamu sisika: yé sa lumba Nkênu si ku tê supara limaru dosú kiba: ¹³ Nta nga bô ka ta né, ma é sa nga ma porê demono sa né. Asié mé, bô ka ta buaru ni nomi Un. Nta ma bô na nega afé ô ku An wha, na ria Antipa, seseminha un buaru ku muê katxi sê ni nga ma demono ka ta. ¹⁴ Asié mé ntê txó kua kontê ô: Txó nkênu ku ka lêlê dotina Balon ku vonté, ku sina Balak ka luma whâ siriga ku ane ná Israeli, pa ane mé kua ma a zi ra maji tô dumi ku ôtô a tóa. ¹⁵ Mora é mé, sê tê txó nkênu ku ka lêlê kua ma Nikolata ka sina ku vonté. ¹⁶ Sô, sela bô lependê! Ri ôtô mora nga bi lêlê ô sê langa sô nga bi zi gela kontrê ane ku supara boka un. ¹⁷ ngê tê oria ka ndê kua ma Supitu ka fa ngeza. Nkênu si ku vensê nga ré mana konderêru sô tô ra ane whâ buru ziaru ku whâ nomi novu sisikaru né, whâ nomi ma né whâ nkênu na té wha sela ysi ku tué! ¹⁸ Anzu ngeza Fiatira sisika: yé sa lumba Na Dêsu, ku tê whê kakô fogô sô opê mora bonzi puliru: ¹⁹ Nta kua ma bô zi, amolê ô, afé ô suvisu ô ku mora ma bô ka tá sempe. Sô nta útumu kua ma bô zi ku sa masi motxi rô kê pumbelu. ²⁰ Sô ntê kua é kontrê ô: Bô ka tolera mengay Jezabeli, ku ka fa pofetiza. Ma kua ma é ka sina ka ngana ane na kia un dumi ku atôa sô tô mé ma a zi ra fegula. ²¹ Sô un ra ane tempu pa ane lependê, mazi é na mesê lependê ri mali ane wha. ²² Sô nga zuga ane pê whâ kama ka duêtxi, sô ku yô parisê ra ane ku ka dumi kuê, pêlu ménu ma ane ka lêpendê ri suvisu ane. ²³ Nga mata ná ane, ku turu ngêza ka bi ta ma Un sa Nkênu si ku ka ta sintxiru ku kosó. Nga ra kara whâ suvisu ma ane zi. ²⁴ Ku ane ri Tiatira, ku turu ane ku na ka lêlê kua ma ane ka sina sô na ta kua ma demono ka funda wha. Nga fa sê: Na ka tô digi né whâ kega pê diba sê wha. ²⁵ Sô sê toka ta plontu atê ma nga bi. ²⁶ Ysi ku vensê sô lokê suvisu un atê infin Nga ré oji diba nkênu tia. ²⁷ Ê ka govena ane ku vala félu sô, mora jara mavu, ku ka kebea ndjigi. ²⁸ Mora ma un tua porê Tata Un, An turu ka ra ane tetemba pomonha. ²⁹ Ysi ku tê oria ka ndê kua ma Supitu ka fa ngêza.

Chapter 3

¹ Sisika ra ane anzu ngeza Sadi: Yé sa lumbá Nkênu ku tê sambari Supitu Dêsu ku sambari têttemba: Nta suvisu ô: Bô ka kunda bô ka kunda bô ka vévia mazi motxi. ² Ka zongo sô ta setu ku ôtô ku ta ri muê, punda na bê suvisu ô buaru whê Dêsu un wha. ³ Sô lembua kua ma bô tua tô ndê, kundji sô lependê. Sô si bô na zongó wha, nga bi mora whâ ladlon, sô bô na ka ta ola ma nga bi kotrê bô wha. ⁴ Mazi é tê whâ dôsu nomi sadi ku na suza kua kua bisi ane wha. Ane ka nda ku an bisiru ziaru punda ane sa buaru. ⁵ Ysi ku vensê ka bi bisi kua bisi ziaru ma na ka tô paga nomi ane ni livu vira wha. Nga kofesa nomi ane whê Tata Un ku whê anzu rê. ⁶ Ngê tê oria ka ndê kua ma Supitu ka fa ngêza. ⁷ Sisika ra anzu ku sa ngeza Filadéfia: yé sa lumba Nkênu ku sa Santu sô ri Véré. Ê tê sabi David, ku ka biri ma né whâ nkênu na ka fisé, sô né whâ nkênu na ka poi biri é wha. ⁸ Nta kua ma bô zi. Pia ma mpê whê ô whâ poto biriru ma né whâ ngê na ka poy fisé wha. Nta ma bô tê pokô fosa. Asyé mé, bô kundji lumba Un sô na néga nomi Un wha. ⁹ Sô nga zi ane ku sa ri ngeza demôno, ane ku ka zurê ka na sa wha, mazi ka siriga, nga zi ma ane ka bi sô pê mpuna son sô ane ka bi ta ma Un ama ô. ¹⁰ Whâ vê ma bô kundji odji un ri sujeta ku paxensa, sô nga lokê ô ola ri pova ku ka bi diba turu tia é. ¹¹ Whélémé nsê ka bi, lokê kua ma bô tê pa né whâ nkênu na tua klôa ô wha. ¹² Nkênu si ki vensê, nga zié whâ nga ngeza Dêsu ma é na ka pô siê dingi wha. Ma nga ba sisika nomi Dêsu un né, nomi pósón Dêsu un, novu Jeruzalé ku ka ba tuka fô osé, kota Dêsu un. nga ba sisika nomi novu ma ntê. ¹³ Ngê tê oria ndê, ka tua kautela ku kua ma Supitu ka fa ngêza. ¹⁴ Anzu ngêza Laudisea sisika: Fa amé asié, seseminha verê plonto, komesa kiason Dêsu. ¹⁵ Komesu kua ma bô zi: bô na sa né fiô né ketxi wha: ngê ka fa si bô ka sa fiô ô ketxi! ¹⁶ Asié punda bô sa mónó, né ketxi né fiô wha, Nga ngumita ô fô boka un. ¹⁷ Punda bô ka fa: "nsa liku, ntê yô ben sô na pisiza kuakuali kua wha". Sô bô na ta ma bô sa sê ngosô ku yô sirari, pobli, segu sô unú. ¹⁸ Nga ra ô konsê pa ô kopua olô fina pasaru fogô pa bô bila liku, ku kua bisi ziaru pa bô na pasa vegonha ra unu ô wha, ku pumaru pa bô pasa diba whê ô pa bô bê. ¹⁹ Nga koseta tô lependê nkênu ma nga ama. Sô vugu sô lependê. ²⁰ Punda nsa pótoó ka batê. Si nkênu ndê vozu un biri pótó, Nga letxa kay rê, mé kuê sô elê Amu. ²¹ Nkenu si ku vensê nga ré dêtû tason ku Amu ni tlonu un, mora ma Amu turu vensê sô tason ku Tata un, Tlonu Rê. ²² Nkênu ku tê oria ka ndê kua ma Supitu ka fa ngeza.

Chapter 4

¹ Ku turu kua é, mpia sô mbê ma whâ póto ta biriru osé. Pumbêlu vozu ma ndê, mora vozu whâ koneta ku fa ku amu, fa: "banda yngé sô nga musa ô kua ku ka ba ra ku turu kua é". ² Ta sô, nta ni Supitu sô mbê ma whâ tlonu ta pêru osé ku ngê tasoru né. ³ kua ku ta tasoru tá mora buru jaspi ku ku saroni. Bóro tlonu é, ta ku whâ kongô mora jimerara. ⁴ Bóro tlonu é ta ku makéri kuana tlonu, sô tasoru ane, é ta ku makéri kuana sôba. Ane ta bisiru kua bisi ziaru sô ta ku klôa ôlô ntê ane. ⁵

Chapter 5

Diba tlonu é ta ka siê memea ka lonka ku fosa ku tovara. Sô diba rê, sambari lampara ka kema, ku sa sambari Supitu Dêsu. ⁶ Sô kota tlonu é ta ku whã mionga mora ri vidu mora tasa ka luzi. Katxi ku boro tlonu é ta ku kuana situ vivu, siaru ku whê whê ku mema. ⁷ Pumbêlu situ vivu tá mora lion, sêgundu situ vivu , mora ná buê, ri têsî situ vivu é ta ku pólo mora whã omé, sô kuana situ vivu é mora whã fanko ka pupuga. ⁸ Kara whã tá ku samano aza sô tá siaru ku whê diba ku kosi. Pomonha ku nsuku, ane na ka ndja ri fa: "Santu, Santu, Santu sa Sun Dêsu Turu Porê, ysi ku ta, ku sa, sô ku sa ri bi". ⁹ Sô sémpi ma ane situ vivu é ka ra goia, porê ku vonté ra ysi ku tá tasoru tlonu. ¹⁰ Ane ta ka sivi ysi ku ka vévia até até sô ka zuga klôa ane pê kota tlonu, ka fa: ¹¹ Sun non ku Dêsu non sa buaru ri tua goia lispetu ku porê. Bô sô kia turu kua, sô turu kua ku sai fô punda vonté Ô.

Chapter 5

¹ Mbê mó leton Nkênu si ku ta tasoru ni tlonu, whã papelu buyaru sisikaru lētu ku lua. Ê ta manharu ku sambari sêlu. ² Mbê whã anzu ka fa ku fosa: Ngey toka biri papelu si manharu sô txia ane sêlu é! ³ Né whã nkênu ku sa osé, né ku sa tia, né kosi tia, sa plontu ri biri ô lê papelu si manharu. ⁴ Nsúa foga wha punda a na bê né whã nkênu buaru ri biri né lê papêlu si manharu wha. ⁵ Mazi whã soba fa un: "Na sua wha. Punda Lion Lasa Zurá, Familia David, vensê ri biri papelu si manharu ku sambari sêlu rê". ⁶ Mbê whã kodêru ndjaru, katxi Tlonu ku kuana situ vivu katxi ane sôba. Kodêru ka ko motxi. Ê ta ku sambari koneta ku sambari whê. Yé sa ane supitu Dêsu ma manda ra turu tia. ⁷ Ê bi sô tua papelu manharu é fô mon leton Nkênu si ku ta tasoru ni tlonu. ⁸ Ola kôdêru tua papelu si manharu, ane kuana situ vivu é ku ane makeri kuana sôba é pê mpuna son whê Rê. Kara whã ane ta ku whã koneta ku whã kopu ôlô siaru ku sénsu, ku sa lason santu. ⁹ Ane ta ka kanta wha vungu novu: Bô toka tua papelu manharu é sô biri sêlu rê, punda bô ta muê sô ku sangi Ô, Bô kopa ra Dêsu turu lasa, lingua, povô ku tia. ¹⁰ Bô zunta lênu seseroti ri sivi Dêsu non, sô ane ka bi govena turu tia. ¹¹ Antó mbê sô ndê kioiô ri yô anzu, vota tlonu, ane situ vivu ku ane sôba, ma turu ane ta ri mili mili, milhon milhon. ¹² Ane ta ka fa ku fosa: Kodêru ku muê mērêsê tua porê, likêza, sêbê, fosa, lispetu gioa ku vungu. ¹³ Ndê turu kiatula ku ta osé, ku tia, ku kosi tia ku mionga ku turu kua ku sa né ka fa: "Nkênu si ku sa tasoru ni tlonu ku kodêlu sa vungu, lispetu, goia ku porê ri lena pla sempî". ¹⁴ Ane kuana situ vivu é fa: "Amé"! Sô ane sôba pê mpuna son sivi É.

Chapter 6

¹ Mbê ola kodêlu biri whã ane sambari sêlu é, sô ndê whã ane kuana situ vivu ka fa ku vozu ku súa mora tovara: ² " Sô mbê ma whã kabalú ziaru, kavaleru rê tua whã arku, sô a ré whã klôa. Sô é siê mora whã vensêrô, pa é vensê. ³ Ola kodêlu biri sêgundu sêlu, ndê whã sêgundu situ vivu ka fa: " Bi"! ⁴ Sô otô kabalú boboru siê, sô kabaleru rê a pimitê txia paji fô tia, pa ane omé ka mata otô, sô a ré whã supara ngairu. ⁵ Ola kodêlu biri tisêru sêlu, ndê tisêru situ vivu ka fa: "Bi"! Sô mbê, sô whã kabalú petu ku kavaleru rê ku whã balansa mó rê. ⁶ ndê kua ka kô whã vozu katxi kua na situ vivu, ka fa: "whã ndjira tigu ra whã lêlu sô têsî ndjira sêvara ra whã lêlu, sô na rana mazi ku vin wha". ⁷ Ola kodêlu biri kuana sêlu, ndê vozu kuana situ vivu ka fa: "Bi"! ⁸ Sô mbê sô whã kabalú amarela, sô kavaleru rê a samé motxi, sô sisima porê tá ka lêlê. A ré ôdji ri whã kiba tia pa é maté ku supara, ku fomi, ku yô motxi, sô ku ane situ matu tia. ⁹ Ola kôdêlu biri kintu sêlu, mbê kosi atali ané alima si ku muê punda, Lumba Dêsu ku seseminha ma ane ta kuê. ¹⁰ Ane ngita ku fosa: " Até keria, Soberanu Santu ri veré, bô ka desa zi zugamentu ane ysi ku ka vévia lētu tia, sô ri vingá sangi non!" ¹¹ Sô kara whã a ra ane kabisi ziaru, sô a fa ane ma ane toka kansa txô anda, até a ka kompleta numeru povô rê ku na amon ane ku ka bi muê mora ane. ¹² Sô mbê kodêlu biri sêxtu sêlu, sô tia Ulukua foga wha. Sôlo bila kulu mora kabisi lutu, mbêzi bila mora sangi. ¹³ têtêmbu osé ulukua bi tia, mora ma pó figu ka desa figu vêrê kiê ola ma ventu fotxi ka sagurié. ¹⁴ Osé kiri mora ma a ka kiri whã mapa, sô turu mundu ku tia ka siê fô nga rê. ¹⁵ Antó ane alê tia, ane sôba, ane séfi, ane liku, ane ku tê porê tia, turu skavu ku livu kondê lētu vuvu buru, méma buru londé. ¹⁶ Sô ka fa mundu buru: "Kiê diba non! Kondê non fô whê Nkênu si ku sa tasoru ni tlonu, ku léva kôdêlu. ¹⁷ Punda ria ngai ri leva Nkênu é seka bi za, sô ngêi ka poi ta ndjaru!

Chapter 7

¹ Ma kua é pasa mbê kuana anzu ndjaru kuana kiba tia, ane tê kuana ventu tia pa ventu na sopua diba tia, né diba mionga né kontê né whã pó wha. ² Sô mbê otô anzu ku subi kiba ma sólo ka nasê né, ta ku sêlu Dêsu vivu. Sô ngita ku fosa ra ane kuana anzu ku ta tua odji ri rana tia ku mionga, ka fa: ³ Na rana tia, né mionga né pó até nó ka sêla tesa ane nkênu ku ka sivi Dêsu non. ⁴ Ndê numeru ane si ma a sêla, ku sa sentu kuarenta quatro mili ri turu zelason ane ná Israeli: ⁵ zelason Zurá kuiny dosú mili ma a sêla. Zêlason Rubén, kuine dosú mili, Zêlason Gady kuine dosú mili, ⁶ Zêlason Azé kuine dosú mili, Zêlason Naftali, kuiny dosú mili, Zêlason Manasé kuini dosú mili. ⁷ Zêlason Simon, kuini dosú mili, Zêlason Lévi, kuini dosú mili. Zêlason Izaka, kuini dosú mili, ⁸ Zêlason Zêbulon, kuini dosú mili, Zêlason Zozé, kuini dosú mili, Zêlason Bêzami kuini dosú mili ma a sêla. ⁹ Ma kua pasa, sô mbê yô nkênu ma né whã nkênu na poi tanga turu nason zelason povô ku lingua, ndjaru whê tlonu ku whê kodêlu bisiru kabisi ziaru, ku fia pema mon rê, ¹⁰ Sô ngita ku fosa, ka fa: Savason sa ri Dêsu, non, ku sa tasoru tlonu, sô ku kodêlu. ¹¹ Turu anzu tá ndjaru, kondoka tlonu, ane soba ku kuana sitú vivu, sô baza ntê ku mpuna son whê tlonu sô lispetu Dêsu. ¹² Sô fa: "Amé, vungu ku goia, sêberô ka ra gasa onra ku porê ku fosa toka Dêsu non ra turu sekulu Amé!" ¹³ Sô whã sôba komesa ka lumba ka fa un: " Ane ta ka bisi kua bisi ziaru, Ngê sa ane sô andji ane fô!" ¹⁴ Sô un faré: Sumu bô ta. Sô é fara un: " Yé sa ane ku bi fô parisê foga wha sô laba kua

Chapter 8

bisi ane sô bilé ziaru ku sangi kodêlu." ¹⁵ Ra kua é ane sa kota tlonu Dêsu sô ka sivi É pomonha ku nsuku ni ngêza Rê. Ysi ku sa tasoru tlonu ka sendê tenda Rê diba ane. ¹⁶ Ane na ka tô tê fomi né sêri dingi wha, né sólo na ka tô kiê diba ane, né ka lólô wha. ¹⁷ Punda kodêlu katxi tlônu ka sa pastoru ane, sô Ê ka bé ku ane atê fontxi aua vivu, sô Dêsu ka kuta turu aua whê ane.

Chapter 8

¹ Sô ola kodêlu biri sambari sêlu, ta ku whã kamaia ni osé, kuaji mêa ola. ² Antó mbê sambari anzu ku ta ndjaru kota Dêsu, sô a ra ane sambari koneta. ³ Sô otô anzu tua whã kua sensu olô sô fika ndjaru zuntu atali. A ré yô sensu pa é flesê ku lason ri turu santu, diba atali ngaviru kota tlonu. ⁴ Sô ri mon anzu banda ba kota Dêsu, irigô sénsu zuntaru ku lason ane santu. ⁵ Sô anzu tua kua sénsu sô sialé ku fogô atali sô zugé pê tia. Sô é ta ku yô tovara, ku suá ku memeá sô tia wluqua. ⁶ Sô ane sambari anzu ku ta ku sambari koneta pepalá ri toka ane. ⁷ Pumbêlu anzu anzu toka koneta ane, sô tia ta ku stlênu, ku fogô usiru ku sangi! Whã ndjigi tia kema, whã kiba pó kema, ku turu kapina veré kema. ⁸ Segundu anzu toka koneta, sô whã kua mora whã ndjigi mundu komesa ka yêrê ku fogô ma a zuga pê mionga. Sô whã kiba mionga bila sangi. ⁹ sô whã kiba situ vivu mionga muê, sô whã kiba vapô rana. ¹⁰ Sô tisêru anzu toka koneta, sô whã tetembu kiê fô osé komesa ka kema mora whã toxa, diba whã kiba oiô sô ri fontxi aua. ¹¹ Nomi têtêmbu é sa absintu. Whã kiba aua bila absintu, sô yô nkênu muê punda aua ku bila ka manga. ¹² Kuatedu anzu toka koneta, sô whã kiba sólo firi, mora whã kiba mbêzi ku whã kiba têtêmbu. Asié whã kiba ane bila kúlu. Whã kiba, tantu sólo kuma nsuku, na luzi wha. ¹³ Sô mbê ndê whã fankó ka pupuga katxi osé ka ngita ku fosa: Ai ai ai ri ysi ku ka vévia tia, punda toki otô koneta ku tô sa ri súa ku tési anzu.

Chapter 9

¹ Sô kintu azu toka koneta, sô mbê whã tetembu osé ku ta kiê ni tia. ² Sô a ré sabi fundu fénu. Sô é biri fundu fenu, sô digô banda fô fundu whã fóno ngairu sô ku digô fundu é, kulu nkumbi ku lóndé. ³ Sô satasata siê fô digô é bi tia, sô a ré porê mora ma samangungu tê ni tia. ⁴ A manda ane pa ane na rana kapina, né kuakuali kua vêrê ô pó wha, masi nkênu ku na tê sinali Déu tesa wha. ⁵ Sô na plometê mata ane nkênu é wha mazi, ka tometa ane duranti tanó mêzi. ka tometa ane mora ma samangungu ka morê nkênu. ⁶ Dié, ane nkênu ka ngolo motxi sô ane na ka bê wha sô ane ka pindji motxi mazi motxi ka fuzi ane. ⁷ Pólo ane satasata é sa mora kabalu pepalaru ra ngela. Diba ntê ane tê kua mora klôa olô, sô pólo ane kakô pólo ngê. ⁸ Sô ane tê pena ntê mora pena ntê méngay, dentxi ane ta mora dentxi lion. ⁹ Ta ku klôa mora famenta felu, sô son aza ane ta mora son ri yô karu ku ka kolê ba ngela. ¹⁰ Ta ku kosi opé mora felon samangungu, sô kosi opé rê ta ku porê raná nkênu tanó mêzi. ¹¹ Sô é ta mora alê diba ané anzu fenu nomi rê atô lúngua sa Abdon sô ni gegu sa Apolion. ¹² Pumbêlu Ai pasa, Sô ku turu kua é dosú Ai ka tô bi. ¹³ Sestu anzu toka koneta, sô ndê whã vozu ku bi fô kuana ponta atali olô ma a ka bê kota Dêsu. ¹⁴ Vozu fa sestu anzu ku tê koneta: " libeta ane kuana anzu ku sa nhegaru kota oyô ngairu Eufadi. ¹⁵ Ane kuana anzu ku sa pepalaru ra ola, ria mezi ku anu, a sota ane ri mata whã kiba ngê. ¹⁶ Ndjira kavaleru soré é sa duzentu milhon. Ndê ndjira rê. ¹⁷ Asié kua ma mbê, sa kabalu ku kavaleru é ta ku klôa bobôru mora fogô, zulu mora zasintu sô amarela mora ketxi fogô. Ntê ane kabalu tá mora ntê lion sô boka rê ta ka siê fogô ku digô fogô ketxi. ¹⁸ Whã kiba ngênu muê ku tési paga é: fogô ku digô ku ketxi fogô ku ta siê fô boka ane. ¹⁹ Punda porê ane kabalu é ta boka ane ku kosi opé ane, punda kosi opé rê ta mora kiongô, Sô é ta ku ntê rê ku ta ka povega motxi ra povô. ²⁰ Sô ane nkênu ku na muê punda pagá é, na lependê ri kua ma ane ta ka zi, né ane na desa baza ntê ra demono ku fêgula olô, plata blonzi, buru ku pó, ku na ka poi bê, né ndê né nda wha.

²¹ Sô ane na lependê ri mata otô, né ri baia, né ri dumi ku otô sô né ri futa wha.

Chapter 10

¹ Sô mbê otô anzu ku porê ka tuka fô osé. Ê ta ku vutu ni whã ombosi, sô ta ku wha kogô diba ntê rê. Pólo rê tá mora sólo sô opé rê mora pilari fogô.

² Ê biku whã lolu txoorora ku ta biriru, sô pê opé rê leton diba mionga sô opé rê sikeru diba tia. ³ Sô ngita ku fosa mora ma lion ka ngita. Sô ola é ngita, ane sambari tovara fa. ⁴ Ola ane sambari tovara fa, ntá plontu sisiké, mazi ndê whã vozu osé, ku fa: Lokê segêru ane kua si ma sambari tovara é ta ka fa, sô na sisiké wha. ⁵ Ola kua é pasa anzu ma mbê diba mionga ku diba tia lata mon letô rê ra osé. ⁶ Sô zula ra Nkênu si ku ka vevia atê atê, isi ku kia osé ku turu kua ku sa né, mionga ku turu kua ku sa né: Ê na ka tô langa wha. ⁷ Mazi, ria ma ane sambari anzu ka sa kuaji toka koneta rê, antó mistériu Dêsu ka bi kumpli, mora ma é fa ane povô rê ane pofeta. ⁸ Sô vozu ma ndê fô osé tô fa ku an, fa: "bé, tua livu ma bô bê biriru mon anzu ku sa ndjaru diba mionga ku diba tia". ⁹ Antó bé atê kota anzu, faré pê ran livu txoororo é. Ê fa un: " tué mé, sô é ka manga stomago ô, mazi boka ô é ka sa rosi mora mélé. ¹⁰ Ntua livu txoororo é mon anzu sô mé. Ê ta rosi mora mélé boka un, mazi ola un mé, stomagu un ta mangaru. ¹¹ Antó é fa un: Ê sa bua pa bô tô fa ra yô povô nason lúngua ku alê.

Chapter 11

¹ Ê dan whã ndjigé pó mora whã bori dy mindji. Ê fa ân: " Lanta zo mindji ngêza Dêsu, atali y ku ngê ka baza ntê rê. ² Sô

na mindji poto lua ngêza wha, punda a ra gintxi êlê. Ane ka dumu posó santu whã kuin kuana sô dosú lua. ³ Ân ka ra dosú seseminha un ku fosa pa profétiza, bixiru saku, pelu whã mili y dosú séntu y kuin sambari ria: ⁴ seseminha é sa dosú olivera ku dosú kandja ku sa ni whê Sun tia. ⁵ Xi whã nkênu mêsê zi ane mali, fogô ka siê ni boka rê, loké ku numigu rê. Ngê xi ku mêsê zi ane mali ka toka muê ni mora ê. ⁶ Ane seseminha tê porê pa fisa onsé pan é na sobê ni ola me ka sa profetiza. Ane tê porê para mura aua da sangi, zó pa firi tia ku turu paga, kuantu é mêsê. ⁷ Ola ane loké ku seseminha rê, bêsta ku nda fénu ni lugé fundu bi luta kontê ane. Ane ka ganha sô maté. ⁸ Ongê ane ka fika sendêru ni lua posó ngairu(mora a ka sama é di Sodoma y Jitu), andji Sun ane fô kusifikaru. ⁹ Punda têxi ria y mê, nkênu di kara povô gerason, lungua y ngê tia ka bé pa ongê rê, ane na ka kunxitxi pa tié wha. ¹⁰ Ngê ta ka vévia ni tia ka gôgô punda ane, zi fesa sô ku da ofeta whã ra otô, punda ane dosú pofeta tomentá ngê ki ka vévia ni tia. ¹¹ Zo têxi ria y mê, whã fogô dy vira fô diba di patxi Dêsu lentxa ane, y ane lanta ndja. Mémé sustu kiê liba ane ngê ki ta ka pia kuê. ¹² Sô ane ndê whã vogi fotxi, tuka ni onsé, sô fa ane: " Bin gé!" Sô, ane subi ra onsé ni whã omboxi, sô numigu ta ka zongô. ¹³ Ola é, é zi whã mémé tomentu, sô désimu patxi di posó бага ré. Sambano milé nkênu muê ni tomentu, sô nkênu xi ku vévia fika ku mendu sô mba inté ra Dêsu di onsé. ¹⁴ Segundu " Aflison" laza. Pia! Tisêlu " Aflison" kabi djén ndja. ¹⁵ Sétimu anzu sopa koneta ré sô nguita ku mémé vozi ane lumba ni onsé, ka fa: " Govenu ri mundu xiê é bila Govenu ri Sun non sô di kistu Rê. Ê ka govenana atê atê. ¹⁶ Zó ane kuiné kuana ansion ka sa tasoru ni tonu rê, ni whê Dêsu, ane baza ntê da son, ku polo ane bazaru, sô adora Dêsu, ¹⁷ Ka fa: " No ka Gasa, ra Sun Dêsu, di Turu Porê, Nkênu xi ku tava sô ku sa, punda bô tua mémé porê Ô sô komesa ka govena di turu kua. ¹⁸ Ane povô tia fika ku koso txofi txofi, magi bô bi ku leva Ô. Ola vitxa pan juga ane ngê ku muê sô pa Ô rekompensa ane sêvu Ô, ane pofeta, ane santu sô ku turu nkênu ku lispeta nomi Ô, turu ngê txororo mora ane ku tê porê. Ola vitxa pa Ô бага ku turu ngê ku dana tia". ¹⁹ Zo ngêza Dêsu, ku sa onsé, biri sô arka di aliansa Ô a pié letu ngêza. Ê zi mémia, tomentu, tovara, whã tia bila ku whã mémé suba di fogô.

Chapter 12

¹ Whã sinali ngairu ma bê ni osé: Whã mengai bisiru ku soló ku mbêzi kosi opé rê, whã koroua ri kuin dosú têtêmbu ny ntê rê. ² Ê ta ku bega ta ka ngita ku dôlô pari, ka padisê pê pari. ³ Ôtô sinali ma bê ny osé: Ê tinha whã dragon ngairu boboru ku ta ku sêti ntê ku kuin koneta, ny ntê sêti koroua ntê rê. ⁴ Pupu rê ta ka rasta whã tara têtêmbu ny osé, ma ndê pê diba tia. dragon ta whê mengai ku ta ka pari, pa ola, ma é ka, pari, pa é mé na rê. ⁵ Ê pari whã na, omé whã mosu ku ka govena turu tia ku whã boro felu. Mosu ô fô tuaru pa zuntu Dêsu ku trono rê, ⁶ Mengai fugi ba dizertu, andji Dêsu bê peparu whã nga dé pa é ka poi sa sustentaru ra mili duzentu sesenta ria. ⁷ Ê ta ku whã demanda ny osé. Migueli ku anzu rê peza kontra dragon: dragon ku anzu rê tuzé luta. ⁸ Magi dragon na ta ku fosa motxi pê vênsê wha. Antó na tô tê nga osé. ⁹ Dragon ngairu, kiongo, si na kulu ma ka sama demono ô satanas, yxi ku ngana turu mundu, a zugé pê tia zuntu ku ane anzu rê. ¹⁰ Antó ndê whã vozi ngairu ny onsé: "Aiê bi salvason, porê lênu dy Dêsu nó ky odji dy Kistu Rê. Sô kuzarô dy ná mon non a kolê kuê, nkênu ky kuza whê Sun nó Dêsu ria nsuku. ¹¹ Ane vensê punda sangi ri Kordeiro ra lumba ri seseminha ane, sô ane na ama vira ô atê motxi. ¹² Sô gostô, ny osé, turu ku ka vévia n'w. Mazi ai tia ku mionga, sô demono tuka atê sê. Ê ta kubiru ri mémé furo, sô ê ta ma é tê pouko tempu. ¹³ Ma dragon ta ma a ka zugé ba tia, é pisigi mengai ku pari whã ná. ¹⁴ Mazi mengai ma da whã aza ngairu águia, pa é ka poi vua nga pepararu ra ô ny dizertu, nga ka sa sustentaru ra whã tempu, tempu, métadi whã témpu, fô whê kiongo. ¹⁵ Kiongo whanga aua ku ta boka rê ta mora whã ôyô, pa ka pô ngolo whã lôgu rasta mengai é, fô nha. ¹⁶ Mazi tia zura mégai é, biri boka nguri oyô ma dragon whanga. ¹⁷ Antó dragon fika ku léva ku méngai bé ba zi géra kontrê restu ná mon rê, nkênu si ku ka kundji mandamentu Dêsu mantê seseminha Jizu. ¹⁸ Antó dragon lata ndja ny nsêkê ry mionga.

Chapter 13

¹ Antó mbê, ka xiê mionga, whã besta ku ta ku dexi koneta y seté ntê. Ny koneta rê, dexi koroo, y, ny kara ntê, whã nomi má fama. ² Besta mon bé sa mora leoparu mê, magi ta ku opé mora ursu, boka rê sa mora lion. Dragon da ane porê, tlonu rê merê goveno rê pa govena. ³ Whã ntê ri besta gi mora kua ku parisê whã sofimentu dy motxi, magi kitó sa kularu. Turu tia sa ku ngostô sa xigui besta. ⁴ Ane adora dragon, sô té daru atoridadi ra besta. Y adora besta, fa: " Ngê sa mora besta!" Y " Ngê ka pô peza kontê é" ⁵ Ra da besta whã boka ku ka pô fa lumba ku whê xia ku ka madizê. A kundjié manda kuarenta dosu mezi. ⁶ Biri boka rê pa madizê kontla Dêsu. Kontla nomi Rê, kontla lugê ma Ê ka vevia, kontla nkênu ku ka vevia ny onsé. ⁷ Ê aeta besta peza kontla santu y tua. A ndê detu manda turu lasa y povô, lungua nason. ⁸ Ane adora turu ky tinha ka vevia ny tia. Sô nomi na sa sisikaru ny livu dy vira ku sa dy kodêru, xi ky muê na zi mundu. ⁹ Ngê tê odia, ndê. ¹⁰ Xi abé ku nkênu pezu, ny pezu ka bê. Xi nkênu ka muê supara, ku supara ka sa mueru. Y whã nkênu ma a sama ky ngita afé pa santu. ¹¹ Antó mbê otô besta tia, ixi ky tê dosu xifi mora whã kodêru, ka mora whã dragon. ¹² Ê ta ka zi turu fosa pumbelu besta ny plezensa rê ka zi ma tia y nkênu ka vevia né ka adora pumbêlu besta, punda muê kitó sa kularu. ¹³ Ê ta ka gi milagri ku porê, é da mé zi fogo tuka onsé y tia, whê nkênu. ¹⁴ Punda sinali ky a seta gi, é néga nkênu ku tava ka vevia ny tia, fa ane pa gi whã figula honra ra besta ma fidi ra supada, mazi ku bi ra vira. ¹⁵ A pemetê é pa da fogo ra figula besta, pa figula pô ba povéga motxi da turu ngê ku na ka xivi besta. ¹⁶ Ê obriga turu nkênu, txododo ku ngairu, liku ku pobli, livi ku skavu, ka tua whã meka ny mon dêtú ku tesa, ¹⁷ pa nkênu ka pô kopua ô bêndê, ka tia nkênu ku tê meka é, ku sa nomi numeru nomi rê. ¹⁸ Ingê tê sêbê. Nkênu ta kua gi numeru ra besta, sô numeru dy sêr humanu, numeru rê sa seisentu sesenta sêxi.

Chapter 14

¹ Sô mbê kodêlu ndjaru diba Montxi Lion Sion, sentu kuarenta kuartu mili ku ta sisikaru tesa ane nomi Rê ku Tata Rê ta kuê. ² Ndê whã vozu fô osé, ku whã son mora kioiô aua ku whã tovara ngairu. Sô vozu ma ndê ta mora tokarô koneta ku ta ka toka koneta rê. ³ Ane ta ka kanta whã vungu novu kota tlonu, kota kuana situ vivu, ku ane sôba. Né whã nkênu na pô sina vungu é wha séla sentu kuarenta kuartu mili ma a kopa tia. ⁴ Yé sa ane ku na konta mina ku mengai wha, punda ane ta ku ongê ane pulu. Sa yé ku ka lêlê kodêlu ba nga ma Ê ka bé. Yé sa koparu katxi povô mora pumbêlu ra Dêsu ku ra kodêlu, ⁵ Nétxó siriga a na bê boka ane wha, ane sa txiaru. ⁶ Mbê otô anzu ka pupuka katxi osé, ku ta ku lekaru atê ku bon lekaru ri fa ane ku ka vévia tia, ku turu nason, tribu, lingua ku povô. ⁷ Ê ta ka viza ku fosa. Lispêta Dêsu ré gloia, punda ola zugamentu Rê vitxa. Baza ntê ra isi ku zi osé ku tia mionga ku fontxi aua. ⁸ Whã segundu anzu lêlê, faré: "Ê kiê é kiê ndjigi Babilonia konvêse turu nkênu tia pa ane bêtê vin ri pekaru ri dumi ku otô". ⁹ Tisêru anzu tô lêlê, ka fa ku fosa: "Si nkênu baza ntê sivi démono ku fêgula rê, tô pê meka tesa ku mon. ¹⁰ Ê ka bêtê vin leva Dêsu turu, ma é lukua sê zoló ni kasi leva Rê. Sô é ka sa tomentaru ku fogô ketxi whê ane santu Rê ku whê kodêlu. ¹¹ Digo tométu rê ka subi atê atê, Sô é na ka kansa, né sólo né nsuku, ane ku ka baza ntê ra démono ku fegula rê, ku turu nkênu ku ka tua meka nomi rê. ¹² Yngé sô ane santu ka nguêta, ri ane ku ka lokê kua ma Dêsu manda ku afé ni Jizu. ¹³ Ndê vozu osé ka fa: "Sisiké: Nkênu ku ka muê ni Sun sa bensusado". Ê é, Supitu sô fa. Ma ane ka kansa suvisu ane, punda suvisu ane ka lêlê ane. ¹⁴ Mpia sô nha ta ku whã ombôsi ziaru, sô tasoru diba ombosi é whã mora na omé. Ê ta ku whã klôa olô ntê rê ku whã supara limaru ni mon. ¹⁵ Antó otô anzu siê fô ngêza ka ngita ku fosa ra nkênu ku tá tasoru diba ombosi é: "Tê supara ô sô komesa ka koiê, punda tempu rê vitxa punda mé tia sa boboru pa a koiê. ¹⁶ Antó ysi ku sa tasoru diba ombosi la supara rê pê tia sô a koiê mé tia. ¹⁷ Otô anzu siê fô ngêza, bi ku whã supara limaru turu. ¹⁸ Sô otô anzu ku tê dêtu diba fogô siê fô atali, sô ngita ku fosa ra isi ku ta ku supara limaru: "tua supara ô limaru sô kiê ane nganha mé tia, punda uva rê sa boboru". ¹⁹ Sô anzu la supara pê tia sô koiê uva boboru zugé pê ndjigi nga léva Dêsu. ²⁰ A potô nga é lua poson sô é siê sangi atê diba flê kabalu ni whã pasu ri mili sexi sentu metu.

Chapter 15

¹ Antó mbê otô sinali osé ngairu sô glavi foga wha. Ê ta ku sambari anzu ku sambari paga, ku sa utimu, punda kuê leva Dêsu ka loke. ² Mbê mora whã mionga vidru zoloru ku fogô. Ndjaru zuntu mionga, ta nkênu si ku vensê besta ku maji rê, ku numeru nomi rê. Ê ta ka tê koneta ma Dêsu rê. ³ Ane ta ka kanta vungu Muzé, nkênu Dêsu, ku vungu kodêlu: Ngairu buaru sa suvisu Ô Sun Dêsu, turu Porê. Zustu ku veré sa Mondja Ô, Alê nason. ⁴ Ngê na ka lispeta Sun wha, sô ngê na ka gaba nomi Ô wha! Punda Bô sô sa santu. Turu nason ka bi sô sivi Ô, punda suvisi zustisa Ô sa leveraru. ⁵ Ku turu kua é mbê, sô a biri ngêza tenda seseminha. ⁶ Sô sambari anzu siê fô nga santu ku sambari paga, bisiru ku linho glavi ka luzi sô ku faxa doradu turu kiba pêtu. ⁷ Whã ane kuana situ vivu ra ane sambari anzu sambari tasa glavi siaru ku leva Dêsu, ku ka vevia atê atê. ⁸ Sô ngêza sia ku yô digô goia Dêsu ku porê rê. Né whã nkênu na pô letxa né whã atê ma sambari paga ane sambari anzu ka lokê.

Chapter 16

¹ Sô ndê vozu ku bi fô ngêza fa ane sambari anzu: ba lukua sambari tasa ri leva Dêsu pê tia. ² Pumbêlu anzu ba lukua tasa rê pê diba tia sô kôsera mali ranaru bi ongê nkênu ku tá ku meka démonó, ane ku ta ka baza ntê ra fegula. ³ Segundu anzu lukua tasa rê pê mionga, ku bila sangi mora ri whã motxi sô turu situ ku ka vevia mionga muê. ⁴ Tiseru anzu lukua tasa rê pê oiô ku létu fundu aua sô bila sangi. ⁵ Ndê anzu aua ka fa: "Bô sa zustu, ysi ku sa ku tá, Santu, punda bô zuga ane kua é. ⁶ Punda ane бага sangi ane santu ku pofeta, sô Bô ra ane sangi é pa ane bêtê, mora ma ane mêtêsê, ⁷ nkunta atali kundji: Ê é Sun Dêsu Turu Poderozu, zugamentu Ô sa veré sô Zustu. ⁸ Kuartu anzu lukua tasa rê pê diba solo sô a pimitié pa é kema ane omé ku fogô. ⁹ Ane kema ku fotxi kalolô sô ra mali Dêsu, ku tê porê diba ane paga é sô ane na lependê pa ane ra gloa Ré wha. ¹⁰ Kintu anzu lukua tasa rê pê diba tlonu besta, sô kulu kiba lenu rê sô ane ome ta ka morê plopî lingua ane punda dolô. ¹¹ Ane ta ka fa mali Dêsu osé punda kôsera ane sô ane na lependê ri kua ma ane ta ka zi wha. ¹² Sextu anzu lukua tasa rê pê oiô ngai Eufadi sô aua rê kuta ri koseta mondja ra ane alê ku ka bi fô kiba ma sólo ka nansê né. ¹³ Mbê têsî supitu mali ku ka kô akêlê ku ta ka siê boka dragon, fô boka démono fô boka fasu pofeta. ¹⁴ Punda ane sa supitu démono ku ka zi sinali foga wha. Ane ka ba lêlê alê turu tia, ri zura ane peza ria ngai ri Dêsu Turu Porê. ¹⁵ ("Ya nseka bi mora whã ladlon! Bensa sa ra ane ku ka seka zongó, ku ka ta ku kabisi rê kuê, pa é na siê unú sô pa a bê vegonha rê wha".) ¹⁶ Ane zunta pê whã nga ma hebreu ka samé Amagedon. ¹⁷ Setimu anzu lukua tasa rê pê lua. Sô antó whã vozu siê fô ngêza fô tlonu ka fa: "Ê sa ziru"! ¹⁸ Ê ta ku miamia ku ki oio, tovara, sô whã kiba tia motxi ulukua, tia motxi masi ngai rokê kuakuali whã ka ta ra za ku ta ra na ane omé sa tia, ma tia motxi é ta ngai foga wha. ¹⁹ Poson ngai kebiê têsî ndjigi, sô ane poson nason kiê. Sô Dêsu lembua Babilonia ngai tô ré kasi siaru ku vin ziaru ku furia leva rê. ²⁰ Turu ilha pendê sô a na tô bê ane mundu wha. ²¹ Buru ngairu demaru kuaji whã kilu, kiê fô osé pê diba ane omé, sô ane ra mali Dêsu punda paga é sa ngairu foga wha.

Chapter 17

¹ Whã ane sambari anzu ku tê sambari tasa bi sô lumba ku an: " Bi, nga musa ô zuizi ngai mengai alêiu ku sa tasoru diba yô aua. ² Ma ane alê tia dumi ku ane sô, ku vin puta, ma ane nkênu tia bebera kuê. ³ Anzu béku an whã obô, sô mbê whã méngai tasoru diba whã bésta boboru lalala siaru ku nomi mali. Bésta ta ku sambari ntê ku kuin koneta. ⁴ Mengai é ta bisiru kua bisi luxu ka luzi siaru ku pékaru sô suzu ku puta rê. ⁵ Diba tésa rê ta sisikaru ku whã nomi ku whã mistériu: " Ndjigi Babilonia, Máma ane bandira ku pékaru tia. ⁶ Sô mbê ma mengai é tá bébéraru ku sangi ane santu sô ku sangi ané pumbêlu omé punda Jizu. ola mbê, un fika babakaru foga wha. ⁷ Mazi anzu fara un: " Ra kuai ma bô sa babakaru asié! Nga ba fara ô suvisu mengai é ku bésta ku kégé. (besta ku tê sambari ntê ku kuini koneta). ⁸ Bésta ma bô bê, na tô sai wha, mazi é sa ri bi fô fundu fénu sô é ka ba loké ku turu kua. Sô ysi ku ka vévia lētu tia, ma nomi rê na sa sisikaru ni livu vira na a funda mundu wha, ka fika tometaru ola ane ka bê bésta ku tá sai, ku na tô sai aié wha mazi é sêka bi. ⁹ Yngé é séla nkênu ku tê sêbê. Ane sambari ntê sa sambari montxi ma mengai sa tasoru diba rê. ¹⁰ Ane sa sambari alê turu. Tanô alê kiêru, whã sai, sô otô na si ndu wha. Ola é ka bi, é ka ngolo ta txó témpu. ¹¹ Bésta ku tá sai ku na tô sai ayé wha, é sa náké alê, sô whã ane sambari alê turu, sô ka ba loké ku turu kua. ¹² Ané kuini koneta ma bô bê sa kuin alê ku na si tua whã lētu wha, mazi ané ka bi tua aji mora alê, zuntaru ku bésta, lētu whã ola. ¹³ Ané tê whã pénsamentu sô sô ka bi ra porê rê ku oji rê ra bésta. ¹⁴ Ané ka bi zi ngéla konté kodêlu, mazi kodêlu ka bi vênse punda Ê sa Sun ri sun ku Alê ri alê, sô ane ma a sama, ma a koiê, ku ane fieli sa kuê". ¹⁵ Sô anzu fara un: " Ane aua ma bô bê, nga ma ane puta sa né tasoru, sa povô, motxi, nason ku lungua. ¹⁶ Ane kuini konéta ma bô bê, sô bésta ka bi tê ódjó ku ané puta sô ka bi desa ané zolaru sô unu. Ané ka bi mé kani ane sô tô kémé loké ku fogô. ¹⁷ Punda Dêsu pê kosó ané ka zi kua ane, zi ané kundji ri ra bésta porê rê ri govena até ma lumba Dêsu ka kumpi. ¹⁸ Mengai ma bô bê sa poson ngairu ku ka govena diba turu alê tia.

Chapter 18

¹ Zó turu kué, an bê otô anju, ka tuka fô onsé, ku ta ku purê ngai, so tia ka ta luzi ku goría Rê. ² Ê klama ku unwha ngai vozi, ka fa: Ê kiê! Ê kiê ngairu Babilonia! y é bila kai demonó, lugué kondiru da turu supitu suzu y avê poreru. ³ Punda turu povô bebê vin dy prostutuison. Ané negosiente dy tia bila liku punda puré dy mali rê. ⁴ An ndê otô vogi fô onsé, ku fa: Foi kota rê, povô un, pa sê na buli ku mali rê, y punda sê na kota ku pagá rê, punda ⁵ pekaru rê bila mothi até onsé, y Desu lembra di turu ku mali mē zi. ⁶ Ê da Êlê mora naé y tô da otô nguê, y é ka paguê mora kua mē zi, kopo ku néé junta, junté ny dobro y mothe da néé. ⁷ Kuma néé gorifika elê mé y é vivê ni luxu, da elê ni mora medhida ku kastigo y ku sufimento. Punda néé ka fa ny kosó rê: Ân sa tasoru mora unwân rainha, na sa sê omé wha y nuka é na bi déza wha. ⁸ Sô, ni whân uniko dia, paga rê ka bi: motxi, déza y fomi. Néé é sa kémaru ku fogô, punda ô Sumu Desu sa puré y Elê sa jugamento rê. ⁹ Ané alê di tia ku néé prostutui kué ka sua y deza da néé ola ina ka by digô dy fogô rê. ¹⁰ Ané ka fika londji ku mendu di tomento rê, y ka fa: Ai. Ai! Memé posó Babilonia ku turu puré! Punda ni uniko ola kastigo rê kabi. ¹¹ Ané nkênu negoxo di tia sua y guita punda elê, ané nkênu na ta tô kopa kega wha: ¹² Kega mora ôlô, pata, buro yúkaru, pérula, linho fino, púpura, sera, eskarlata y turu kua di po ku sela, turu kua dy marfin, dy pó yúkaru foga wha, dy bronzi, dy felu y dy marmore, ¹³ Kanela, pimenta, mira y senso, vin, olió, fanha fina, trigo, bôê, ômbô, kabalo y xarete, kavu y até alima omé. ¹⁴ Ané fruto ki wê ô ta ka xia ku turu fora é tuka bêrê. Turu luxu rê y ku esplendor é lokê, no na kabe elê dingui wha. ¹⁵ Ané nkênu negoxo ku tê ané likeza, ku bila liku punda êlê, ane fika londji ku mendu di tomento rê, ka sua y ka deza liba. ¹⁶ Ané fa: Ai! Ai! Memé posó ki ané luxuê dy linho fino, likeza rê loké! ¹⁷ Un whã uniko ora turu likeza loké. Turu piloto, turu manhelo, y turu nguê ki ka viaja, y nguê ku ka taba ny mionga, ka fika londji rê. ¹⁸ Ané guita axem ki bê digô dy fogô. Ané fa: Kualí posó sa mora ku ngairu posó! ¹⁹ Ané zuga mavu ny ntê ané é guita, súa y deza: Ai, ai di mémé posó, andji turu ané nkênu ku tava ku vapô ni mionga, bila liku punda êlê, sô, ni wã ola sô, é бага. ²⁰ Sê ka legêla dé, ô onsé, ané snato, apostulo y profeta, punda Desu bi ku kastigo da alê. ²¹ Wã anzo puré tê wã buru mora wã mémé buru di moinho é zuguê pê mionga, é fa: Mora mé, Babilonia, posó ngairu, ka sa bagaru ku demanda sô a na ka tô bê ningi wha. ²² Són di harpa katarô vungu, tokarô flauta, ku ane tokarô koneta bô na ka tô ndê wha. Né whã atista rê kua kualí tipo bô na ka tô bê wha. Né wha són makina bô na ka tô ndê wha. ²³ Kerare kandja na ka tô luzi ra ô wha. Bô na ka tô ndê fogo omé kazaru ku mengai kazaru wha, punda negoxo ô fo ra ane prinsipe tia ku turu nkênu ma bô ngana ku baia ô. ²⁴ Abê sangue pofeta ku ane santo ku turu ane ku muê lêto tia.

Chapter 19

¹ Zo turu kué, andê ni onsé mora whã vogi fosa dy whã mémé povô, ka fa: " Alêluia! Salvason, goia y purê ka pêtêsê Dêsu non. ² Zugamentu rê sa véré y justu, punda é juga mémé mérétriz (méngai vira) ki tava ka dana tia ku prostutuison ré. Ê tua vigansa ra sangi dine sêvu rê, ki ne me luga". ³ Otô vê dingi, ané fa: " Alêluia! Digó rê ka nda até até". ⁴ Ane kuini kuana ansion y Ane kuana sêri vivu baza ntê da Dêsu, ki tava tasoru ni tronu, fa: "Amé! Alêluia". ⁵ Zo é siê whã vozi ni tronu, ka fa: Lova Dêsu non turu sêvu rê, sê ki ka lispêté, turu ngê txororo ô ngairu". ⁶ Zo un ndê whã vozi mora whã kua ngairu sô yô nguê, mora tomentu dy yô aua sô mora vogi dy tovara ngairu, ka fa: " Alêluia! Punda Sun, Dêsu ndê. Turu-Purê, ka rena. ⁷ Non ka gogo, non ka legêla, sô na ka da êlê goia, punda Ê vitxa fesa dy kodêru (Ombô), sô noiva rê peparé za. ⁸ A légé pê bixi whã kabixi buaru ki ka luzi. (Sô kabixi buaru é sa turu justisa dy santu.) ⁹ Sô anzu fa un: " Sisika kué: Ben aventuradu ane nkênu ku sa kuvidaru da fesa kodêru". Sô é tô fa: " Ixi sa lumba Dêsu dy véré". ¹⁰ Un pê puna ni opé rê pân adoré, zo é fa un: Na zi kua é wha: Ân sa mora ô y ná lumó ô ki tê sesêminha Jizu. Adora Dêsu, punda sêsêminha di

Jizu ê sa supitu dy pofesia. ¹¹ Zo ãn bê onsé biriru sô un pié, ê tia whã kabalu ziaru ma kavaleiru ma ka sama Fiel di véré. Ê zuga y ê ka luta ku justisa. ¹² Whê rê sa mora kandja fogô sô, ntê rê, tê yô diadema zo whã nomi sisikaru ki newhã nkênu na konsê wha xiê na sa Êlê wha. ¹³ Sô Ê tia bisiru dy whã kabisi siaru ki sangi, y nomi rê ka sama Lumba Dêsu. ¹⁴ Ane soré dy onsé sigié ku kabalu ziaru, bixiru ku whã kabixi buaru, ziaru y limpu. ¹⁵ Boka rê tava ka siê katana fi ku ê ka firi povô tia. Ê ka govena ane ku boro dy felu sô piza ane ni lagar leva di Dêsu dy Turu-Purê. ¹⁶ Ê tê whã nomu sisikaru ni kabisi rê y kosô rê: Alê dy ane alê y Sun dy ane sun. ¹⁷ An mbê whã anzu ndjaru, ni Solo, ê tava ka gita da turu bisu dy onsé ku yô fosa ka fa: " Bingé, zunta sê tusê da ngairu sêia ri Dêsu. ¹⁸ Bingé y mé kani dy alê, kani dy komandatxi, kani dy omé purê, kani kabalu sô ku kabalêru rê sô kani di turu omé, turu ngê livi y turu ngê skravu, ê pôsa txororo mora ngairu". ¹⁹ An mbê bêsta ku ane alê tia ku ané soré rê. Ane tava ka luma pa ane luta konta Nkênu xi ki tava tasoru ni kabalu y konta soré rê. ²⁰ Ane tê besta é, ku ê, fasu pofeta ki tava ka zi xinali ni whê ane. Ku ane xinali é ê ngana ane nkênu ki tua meka dy besta y turu ngê ki baza ntê da imagem rê. Ane dosu a zuga ane vivu ni fogô fenu. ²¹ Turu ane muê ku katana ki tava ka siê ni boka dy Ngê ki tava tasoru ni kabalu. Turu bisu onsé bila xiaru ki kani dy motxi ane.

Chapter 20

¹ Antó mbê whã anzu ka tuka ny osé. Ê ta ku whã sabi fénu ku whã kolentxi ngairu mon. ² Ê tê dragon, nanana kiongo, ku sa démono ô satanás, Ê manhé ra mili anu. ³ Ê zugé ba fénu, pê whã sêlu katxi rê, pa ê na ngana nason atê ku mili anu ka kompleta. Sô turu kué, ê ka sa légaru ra whã txo témpu. ⁴ Antó bê tronu ny kuali ta tasoru nkênu si ku ta tua pôrê dy zuga. An turu bê alima ané ku muê ma a mata pôviata sêsêminha ri Jizu y ra lumba ry Dêsu. Ane na ta ka adora bêsta ô imagém rê si ané na tua kundji méka ny tésa ô ny mon. Ane tô vévia y léna ku Kistu ra mili anu. ⁵ Ôtô motxi na tô vivê atê ku kompleta mili anu. Kué é sa plimêlu resurison. ⁶ Buaru sa santu ku nkênu si ku zi patxi ri plimêlu résurison! Diba ané na tê sêgundu motxi wha. Ane ka sa sasédote ri Dêsu ri Kistu ka lena ku Ê ra mili anu. ⁷ Ma mili anu ka siga fin, satanás ka sa légaru ny pezu. ⁸ Ê xiê pê ngana pôvô ku ta kuana katxi tia Gogui y Magogui- y fin dy zunta ra bata, ma numeru sa mora nsêkê ri mionga. ⁹ Ane ka subi diba son tia sô nda vota kai ane ngê santu, amaru poson. Mazi fôgo tuka dy osé loké kuê. ¹⁰ Démono, ku ngana, fô manda ba lêtu fogô enxofri, nga ma bêsta ku fsu plofeta ba lansan. Ane sa tomentaru pomonha ku nsuku, atê atê. ¹¹ Sô an, bê whã mémé tronu ziaru y nkênu ku ta tasoru diba rê, tia ku osé fugi ri whê rê na bê nga pa ê bê. ¹² An bê motxi, meme y txoororo, ny opé whê dy tronu ane livu fô biriru. Antó otô livu fô biriru, Livu dy Vira. Ane motxi fô zugaru sêgundu ku ta registaru ane livu, sêgundu obla rê. ¹³ Mionga da ane motxi ku ta né ma bê. Motxi sa Hadis da turu ane, motxi ku sa né ma bê y ane motxi fô zugaru sêgundu turu obla rê. ¹⁴ Motxi Hadis ba zugaru ny katxi fôgô. Ié sa sêgundu motxi. Katxi fôgô. ¹⁵ Si nomi nkênu ki na foi bêru sisikaru ny livu dy Vira wha, ixié foi zugaru ny katxi fôgô.

Chapter 21

¹ Zo an bê onsé novu y tia novu, punda pumbê onsé ki pumbê tia loké, sô mionga loké bêrê. ² An bi posó santu, Jérusalé novu, ki ka tuka ni onsé ry Dêsu, lumaru mora whã nova yunkeru pan noivu ré. ³ Andê whã mémé vozu fô tronu, ka fa: "Ya kué Dêsu ku ane omé, sô Ê ka vevia ku ane. Ane ka sama povô Rê, sô popi Dêsu ka sa ku ane. ⁴ Ê ka suga aua whê ny whê ane, sô ê na tê motxi wha, né lutu né sua, né dolô punda turu turu kua vé loké bêrê. ⁵ Nkenu xi ki tava tasoru ni tronu fa: " An zi turu kua novu za". Ê fa: " Sisika, punda lumba xié é sa fiely y véré". ⁶ Ê fa an un: Ane kué sa ziru! An sa Afa sô tô sa Oméga, Pumbê sô tô sa Utimu. Ngê tê sêdxi ngadé, sê kusta, kobo aua vivu. ⁷ Ngê ka konkistan é ka leda turu kuê, An ngasa Dêsu rê, sô ê ka sa Ná Un. ⁸ Mazi nkênu ane kubaru, ane kosô dizu, ane ngê porêru, ane kiminôsu, ane pêvêtiru, ane fizelu, ane idolatra, ane xirigarô, lugé turu ane sa fôgô fénu. Ixié sa sêgundu motxi. ⁹ Whã dy sambano anzu bi atê an un, ixi ki tava ku sambano tasa xiaru di sambano utimu pagá, sô fa: "Mbi ngé. ãn nga musa sê nôiva, mengai kodêru". ¹⁰ Zó é bé ku ãn, ni supitu, pa whã ngairu sô mémé lundu, sô é musa ãn whã posó santu, Jerusalé, ki tuka fô onsé ri Dêsu. ¹¹ Jerusalé tava ku goia Dêsu, sô tava ka luzi mora whã joia ngoloru montxi, mora whã buru di jaspi kistalinu. ¹² Nha tava whã mémé y longó mulu ku kuin dosú potó, ku kuin dosú anzu ni potó, sô é tava sisikaru ane nomi dy kuin dosú tibu dy Israeli. ¹³ Ni lésti, tinha tési poto, ni notxi, tési, ni sulu, tési, sô ni oésti, tési poto. ¹⁴ Ni mulu posó tava kuin dosú fundamentu, sô é tava nomi di kuin dosú apostulu di kudêru. ¹⁵ Ngê xi ki tava lumba ki ãn é tava whã boró axia mindji, di ôlô, pa midji posó, poto rê sô ku mulu rê. ¹⁶ Poso é tava kuadrangulu, kumplimentu rê é sa mora largura. Ê midji posó ku haste di mindji: kuin dosú mili estádiu di kumplimentu, di largura y di altura. (Zó ki kumplimentu, largura y altura sa kué mé) ¹⁷ Ê turu sa mindji mulu: whã sêntu y kuiné tanó y tanó kovaru, mora mindji omé, axé mém sa mora ane anzu ka mindji. ¹⁸ Mulu rê sa jaspi, sô posó di ôlô limpu, mora vidru limpuru. ¹⁹ Ane fundamentu buru é sa gavi ku turu mora di buru yúkaru. Pumbê sa jaspi, sêgundu rê, sa safira, tisêlu, rê kalsédonia, kuantu, rê sa wsmiralda, ²⁰ Kintu, rê sa sardonika, sêxtu, rê sa sardiu, sétimu, rê sa krisolitu, oitavu, rê sa berilu, nonu, rê sa topaziu, désimu, rê sa krisoprasu, désimu pumbê, rê sa jasintu, désimu segundu, rê sa amétista. ²¹ Ane kuin dosú poto ngairu é sa kuin dosú pérula, sô kara poto ngairu é sa ziru ku whã so pérula. Lua posó sa di ôlô limpuru, klalu mora vidru. ²² ãn na bê ngêza lêtu posó wha, punda Sun Dêsu di turu purê y ku kodêru sa ngêza rê. ²³ Poso rê na pesiza soló wha né mbêzi pa luminé wha, punda goia Dêsu ka luminé, kandja rê sa kodêru. ²⁴ Ane povô savu ka nda ni kandja rê. Ane alê tia kabi ku goia ré. ²⁵ Ane poto ngairu na ka fisa soló wha, sô nsuku na ka tê dingi wha. ²⁶ Ane kabi ku goia sô ku lispêtu ri ane povô. ²⁷ Sô né whã kua suzu na ka letxa né whã, sô né whã ngê ku ka zi pekaru whã ô siriga, mazi nkênu xi ku nomi rê sa sisikaru ni Livu ri vevia kodêru.

Chapter 22

¹ ô anzu musa un oiô dy aua ry vira, klaro mora kandja ku ka xiê ny trono dy Desu ku kordeiro, ² ny kathi dy lua posó. Ny kara boro dy oiô é, tia pó dy vira, ku ka da kui dôsu mora mé turu mêzi. Fia pó é sa pa kula pôvô. ³ Ingué na ka tô tê mali wha. Sô trono de Desu ku kordeiro ka ba sa ny posó ane kiaru ka xivi Ê. ⁴ Ané ka ba by wê rê sô Nomi Desu ka ba sa ny pólo ané. ⁵ Ê na ka tô tê suku wha, ané na ka ba pisiza dy kandja wha, né sóló, punda Desu ka luzi ané, sô ané ka lena até até. ⁶ Sô anzu fa un: Ané lumba é setu sa veré. Sun Desu dy supitu dy ané pofeta manda anzu Rê pê musa ané kiarô Rê kua ko sê ka bi ra wêlé-mé. ⁷ Pia Aun, sê ka bi sê langa. Gasa ra nkêno ku ka ndê lumba dy livo é. ⁸ Aun Zón, sa nkênu ku ndê ku bê ané kua é. Ola ma un ndê sô bê kua é aun pê puna só opé anzu ku musa un ané kua é pân pô doré. ⁹ Ê fa un. Na zi kua é wha! Aun sa mora sê ku ané ná món ô, ané pofeta, ku ané nkênu ku ka ndê ané lumba ry livu é. Adora Desu! ¹⁰ Ê fa un: Na fisa lumba ry pofesia dy livu é wha, punda tempo sa peto. ¹¹ Nkênu ku sa injustu ka zi injustis andá, nkênu ku sa suzu ku ka sarê ku mali rê sô. Nkênu ku sa justu ka sa zi buaru sô. Nkênu ku sa santu ka sa rê santu sô. ¹² Pia sô nga bi sê langa, likeza un sa ku aun pa ra kara wã sê ny kua ma sê zi. ¹³ Aun sa Alfa tô sa Omega, pimelo sô ku Utimo, Komesu ku Fim. ¹⁴ Goso sa da ané nkênu ku laba ane kabixi rê pê tê detu dy mé npó dy vira sô letxa ny posó ny potó. (Notá: Y vêji ry: Goso sa nkênu ku laba kabixi rê, otô kopia nakulu dy livu: Goso ané ku ka ndê ané mandamento Rê) ¹⁵ Ka-ta lua ané kasô, ané fitisêlo, ané nkênu ku ka postitui, kiminôzu, ané nkênu ki xivi idolatria, ku turu nkênu ku ka ama sô ka siriga. ¹⁶ Aun Jizu, Un manda anzu Un pê ba fa kua é ny favolô dy nguêza. Âun sa léje tô sa rasa dy Davi, têtêmbu ka luzi Pomonha. ¹⁷ Supito ku Noiva fa: Bi: Nkênu ku ndê ka Bi! Turu nkênu ku tê sêri bi sô turu nkênu ku mêsê, tua ngasa áuwa ry vira. ¹⁸ Âun ka sesemunha turu ané nkênu ku ndê lumba dy pofesia dy livu é: ¹⁹ Xi un nkênu é tô pê kua Desu ka tô pê paga rê ku sa faro ny livu é. Si nkênu txia ané lumba dy fa dy livu é, Desu ka txia kiba rê ny pó ry vira ku sa ny pósó limpuro ané kua ku sa sisikaru ny livu y (Nota: ôtô faru motxi naria kabi: Desu ka thia kiba ô ny Livu ry Vira sô né posó limpuro, ixi ku sa faru ny livu é. ²⁰ Ané nkênu ku fa ané kua é fa: Véré! Âun nga bi sê langa. Amé! Bi, Sun Jizu! ²¹ Ku gasa dy Sun Jizu ka sa ku turu nó. Amé.